





元 脱 脱 等撰

華 書

中

局

卷 第 一

一三至卷三二(紀) 一 册

册

采史卷十三

本紀第十三

英宗

仙遊縣君任氏。 英宗體乾應曆隆功盛德憲文肅武睿聖宣孝皇帝,諱曙,濮安懿王允讓第十三子,母日 明道元年正月三日, 生於宣平坊第。 杒, 王夢兩龍與日並墮,以衣承之。

及帝生,赤光滿室,或見黃龍游光中。 帝天性篤孝,好讀書,不爲燕嬉褻慢,服御儉素如儒者。 四歲,仁宗養於內。 寶元二年,豫王生,乃歸濮 每以朝服見教授,曰「師也, 邸。

敢弗爲禮。」時吳王宮教授吳充進宗室六箴,仁宗付宗正,帝書之屛風以自戒

景祐三年,賜名宗實,授左監門衞率府副率, 累遷右羽林軍大將軍 宜州刺史。

一年,爲右衞大將軍、岳州團練使。

本紀第十三

英宗

嘉祐中,宰相韓琦等請建儲,仁宗曰:「宗子已有賢知可付者,卿等其勿憂。」時帝方服

二五四

濮王 清居殿。 帝聞韶稱疾,益堅辭。 復授前命,又辭。七年八月,許罷宗正,復爲岳州團練使。戊寅,立爲皇子。癸未,改今名。 喪。 自是, 六年十月辛卯,起爲秦州防禦使、知宗正寺,帝以終喪辭。 日再朝,或入侍禁中。九月,遷齊州防禦使、鉅鹿郡公。 韶同判大宗正事安國公從古等往喻旨,卽臥內起帝以入。甲辰,見 奏四上,乃聽

哀于契丹。 遺 宰臣覆奏事。 位于契丹。 制。 八年,仁宗崩。夏四月壬申朔,皇后傳遺詔,命帝嗣皇帝位。 帝御 東楹見百官。 丙子,尊皇后日皇太后。己卯,詔請皇太后同聽政。 帝欲亮陰三年,命韓琦攝冢宰,宰臣不可,乃止。乙亥,帝不豫。 乙酉,作受命寶。丁亥,以皇子右千牛衞將軍仲鍼爲安州觀察使、光國公。 癸酉,大赦,賜百官爵一等,優賞諸軍,如乾興故事。 遣王 壬午,皇太后御小殿 百官入,哭盡哀。 遣韓贄等告卽 一道恭告 韓琦宣 垂簾

熒惑自七年八月庚辰不見,命宰臣祈禳,至是月己丑見于東方。

疾未平、命宰臣祈福于天地、宗廟、社稷及寺觀,又禱于岳凟名山。 延等來祭弔 庚子,立京兆郡君高氏爲皇后。五月戊午,以富弼爲樞密使。 戊辰, 六月辛卯,契丹遣蕭福 初御延和殿。

乙丑。星大小數百西流。 秋 七月壬 子, 初御紫宸殿。帝自六月癸酉不御殿,至是始見百官。 戊辰,百官請大行皇帝諡于南郊。 八月癸巳,以生日爲壽聖節。 癸亥,歲星晝見。

九月辛亥,以光國公仲鍼爲忠武軍節度使、同中書門下平章事、准陽郡王,改名頃。 戊

午,上仁宗諡册于福寧殿。

罪囚一等,冤山陵役戶及靈駕所過民租。 多十月甲午,葬仁宗于永昭陵。十一月丙午,祔于太廟。大風霾。己酉,減東西二京 辛亥,契丹遣蕭素等來賀卽位。

十二月己巳,初御邇英閣,召侍臣講讀經史。乙亥,淮陽郡王頃出閣。

是歲,于闐、西南蕃來貢

于紫宸殿。甲寅,賞知唐州趙尙寬修溝堰、增戶口,進一官,賜錢二十萬。 治平元年春正月丁酉朔,改元。戊戌,太白晝見。己亥,壽聖節,百官及契丹使初上壽

三月壬寅,命修秦悼王冢,置守護官。戊午,錄囚。辛酉,雨土。

夏四月癸未,放宮女百三十五人。甲午,祈雨于相國天淸寺、醴泉觀。 五月己亥,濬二股河。戊申,皇太后還政。 庚戌,初日御前後殿。 壬子,詔:「皇太后稱 賜諸軍錢有差。

聖旨,出入儀衞如章獻太后故事。其有所須,內侍錄聖旨付有司,覆奏卽行。」丙辰,上皇太 后宮殿名曰慈壽。 己未,熒惑犯太微上將。 壬戌,以病愈,命宰臣謝天地、宗廟、社稷及宮

觀。

二五六

閏月戊辰,輔臣進爵一等。

郡王,鄂國公頵爲左衞上將軍。 六月己亥,以淮陽郡王頊爲潁王,祁國公願爲保寧軍節度使、同中書門下平章事、東陽 增宗室教授。 丁未,增同知大宗正事一員。辛亥,作睦親、

廣親宅。辛酉,太白晝見。壬戌,歲星晝見。

守忠坐不法,貶保信軍節度副使,蘄州安置。丁巳,以上供米三萬石振宿、亳二州水災戶。 契丹太后生辰、正旦使,刑部郎中章岷等四人充賀契丹主生辰、正旦使。 八月甲辰,錄周世宗後。甲寅,太白入太徼垣。乙卯,遣兵部員外郎呂誨等四人充賀 丙辰, 內侍都知任

九月丁卯,復武舉。 庚午,韶夏國精擇使人,戒勵毋紊彝章。

多十月丙申,詔中外近臣、監司舉治行素著可備升擢者二人。

十一月乙亥,科陝西戶三丁之一,刺以爲義勇軍,凡十三萬八千四百六十五人,各賜錢

諫官司馬光累上疏諫之,不允。戊寅,復內侍養子令。

十二月乙巳,雨土。丙辰,契丹遣耶律烈等來賀壽聖節,蕭禧等來賀明年正旦。

是歲,畿內、宋亳陳許汝蔡唐潁曹濮濟單濠泗廬壽楚杭宣洪鄂施渝州、光化高郵軍大

水, 遣使行視, 疏治振恤, 蠲其賦租。 西蕃瞎氊子瞎敷米征內附。

二年春正月甲戌,振蔡州。

二月甲辰,大風,晝冥。 丁未,錄囚。 是月,賜禮部奏名進士、明經諸科及第出身三百

六十一人。

三月己巳,班明天曆。

夏四月戊戌,詔議崇奉濮安懿王典禮。 辛丑,詔監司、知州歲薦吏毋徒充數。 丙午,奉

安仁宗御容于景靈宮。丁未,白氣起西方。

五月癸亥,詔以綜核名實勵臣下。 丙子,詔:自今皇子及宗室屬卑者,勿授以檢校師傅

官。乙酉,韶:宗室封王者子孫襲爵。

六月壬辰,錄囚。已酉,韶尙書集三省、御史臺議奉濮安懿王典禮。 甲寅,罷尙書省集

議,令有司博求典故,務在合經。詔遣官與契丹定疆界。

見。 己卯,羣臣五上尊號,不允。庚辰,張昪罷,以文彥博爲樞密使。 秋七月癸亥,富弼罷。丙寅,詔減乘輿服御。丙子,放宮女百八十人。丁丑,太白晝

天變。」帝書其後曰:「雨災專以戒朕不德,可更曰『協德交修』。」己亥,以水災罷開樂宴。 其家緡錢,葬祭其無主者。 八月庚寅,京師大雨,水。癸巳,賜被水諸軍米,遣官視軍民水死者千五百八十人,賜 乙未,以雨災詔責躬乞言。初,學士草詔曰:「執政大臣,其惕思

本紀第十三

英宗

子,以工部郎中蔡抗等充賀契丹生辰使,侍御史趙鼎等充賀契丹正旦使。乙卯,減衮冕制

度。丙辰,陝西置壯城兵。

九月壬戌,雨,罷大宴。己巳,以災異風俗策制舉人。壬午,太白犯南斗。乙酉,以久

雨,造使祈于岳瀆名山大川。

多十月乙巳,雨木冰

后。 以齊州爲興德軍節度。 十一月庚午,朝饗景靈宮。 辛巳,加恩百官。 辛未,饗太廟。 壬申,有事南郊,大赦。上皇太后册。 册皇

十二月辛亥,太白晝見。

是歲,蔣、波、繡、雲、龍賜等州來貢。

聖節。 氏、任氏,皇帝可稱親。尊濮安懿王爲皇,夫人爲后。」詔瓊慈訓,以塋爲園,置守衞吏,即 間,死者五千人。丁丑,皇太后下書中書門下:「封濮安懿王宜如前代故事,王夫人王氏、韓 園立廟, 俾王子孫主祠事, 如皇太后旨。 三年春正月丙辰朔,契丹遣使耶律仲逹等來賀正旦。戊午,契丹遣使蕭惟輔等來賀壽 丙寅、幸<u>降聖院</u>,謁神御殿。癸酉,契丹改國號爲遼。已卯,温州火,燒民屋萬四千 辛巳,韶臣民避濮安懿王諱,以王子宗懿爲濮國

公。壬午、黜御史呂誨、范純仁、呂大防。

二月乙酉朔,白虹貫日。

庚午,以彗避正殿,減膳。辛未,以黜呂誨等詔內外。 三月庚申,彗星晨見于室。 辛酉, 黜諫官傅堯俞、 癸酉,以災異責躬,詔轉運使察獄 御史趙鼎趙瞻。 戊辰, 上親錄囚。

夏四 月丙午, 詔有司祭所部左道、淫祀及賊殺善良不奉令者,罪毋赦。

辛巳、彗晨見于昴,如太白、長丈有五尺。 壬午,孛于畢

如

月。

調

一役利病大者以聞。

五. 月甲子 ,罷知 、雜御史、觀察使以上歲舉人。 乙丑,彗至張而沒。 戊辰,謂宰相曰: 肸

欲 與公等日論治道,中書常務有定制者,付有司行之。」

六月己酉、錄囚。

秋七月乙丑,進濮王子孫及魯王孫爵一等。

八月庚子,遣傅卞等賀遼主生辰,張師顏等賀正日。

九 月壬子朔, 日有食之。 癸亥、定待制、 諫官、朝官少卿郎中遷選歲月補員格。

禁妃嬪、公主以下薦服親之夫。

歲 冬十月壬 貢 人舉。 甲午, 午朔,以仙遊縣君任氏墳域 韶宰臣、參知政事舉才行士可試館職者各五人。 爲園。 乙酉, 詔兩 日一 御邇 英閣。 丁亥、 詔禮部

十一月戊午,帝不豫,禱于大慶殿。

己未,宰相始奏事。

文武官子爲父後者勳一轉。遼遣蕭靖等來賀正旦、壽聖節。 十二月乙未,宰相祈于天地、宗廟、社稷。 壬寅,立潁王頃爲皇太子。 癸卯,大赦。 賜

是歲,遣使以違約數寇責夏國,諒祚獻方物謝罪。

釋之。 四年春正月庚戌朔,羣臣上尊號日體乾膺曆文武聖孝皇帝。降天下囚罪一等,徒以下 大風霾。辛亥,蠲京師逋麴錢。丁巳,帝崩于福寧殿,壽三十六。諡曰憲文肅武宣

孝皇帝, 廟號英宗。

旣葬而辭去者。宗室有假金帶而以銅帶歸,主吏以告,帝曰:「眞吾帶也。」受之。 命殿侍鬻 帝自居睦親宅,孝德著聞。 濮安懿王薨,以所服玩物分諸子,帝所得悉以與王府舊人

犀帶,直錢三十萬,亡之,帝亦不問。

其有聖德。卽位,每命近臣,必以官而不以名,大臣從容以爲言,帝曰:「朕雖宮中命小臣, 戒舍人曰:「謹守吾舍、上有適嗣、吾歸矣。」旣爲皇子、愼靜恭默、無所飮爲,而天下陰知 初辭皇子,請潭王宮教授周孟陽作奏,孟陽有所勸戒,即謝而拜之。奏十餘不允,始就

辛酉,降天下囚死罪一等,流

宗述其事焉。

股嘗思此,寤寐不平,豈可以富貴之故,屈人倫長幼之序也。可詔有司革之。」會疾不果,神 一日、語神宗曰:「國家舊制,士大夫之子有尙帝女,皆升行以避舅姑之尊,義甚無謂。

讓,若將終身,而卒踐帝位,豈非天命乎?及其臨政,臣下有奏,必問朝廷故事與古治所宜, 每有裁決,皆出羣臣意表。 何其盛也!彼隋晉王廣、唐魏王泰窺覦神器,矯揉奪嫡,遂啓禍原,誠何心哉!誠何心哉! 贊曰:昔人有言,天之所命,人不能違,信哉!英宗以明哲之資,膺繼統之命,執心固 雖以疾疢不克大有所爲,然使百世之下,欽仰高風,詠歎至德,

本



宋史卷十四

本紀第十四

神宗一

高氏。 英宗卽位,授安州觀察使,封光國公〔〕。是年五月壬戌,受經于東宮。 授率府副率,三遷至右千牛衞將軍。 神宗紹天法古運德建功英文烈武欽仁聖孝皇帝,諱頊,英宗長子,母曰宣仁聖烈皇后 慶曆八年四月戊寅,生于濮王宮,祥光照室,羣鼠吐五色氣成雲。八月,賜名仲鍼。 嘉祐八年, 侍英宗入居慶寧宮,嘗夢神人捧之登天。

中孫女爲夫人。 中書門下 正 衣冠拱手,雖大暑未嘗用扇。 帝隆準龍顏,動止皆有常度。 平 章 事 ,封淮陽郡王,改今諱。 十月,英宗不豫,帝引仁宗故事,請兩日一御邇英閣講讀,以安人心。 侍講王陶 而天性好學,請問至日晏忘食,英宗常遣內侍止之。 治平元年六月,進封潁王。 入侍,帝率弟顥拜之。 九月,加忠武軍節度使、同 三年三月,納故相 向 敏

本

紀

第十

24

神宗

月壬寅,立爲皇太子。

四 年正月丁巳,英廟崩,帝卽皇帝位。 戊午, 赦天下常赦所不原者。 遣馮行己告哀于

聽政。 告卽位于遼。以大行皇帝詔賜夏國主及西蕃唃廝囉。丙寅,羣臣表三上,始御迎陽門幄殿 遼 己未, 尊皇太后曰太皇太后, 皇后曰皇太后。 內醫侍先帝疾者,皆坐不謹貶之。詔東平郡王允弼、襄陽郡王允良朝朔望。以吳奎 命宰相韓琦爲山陵使。 辛酉, 遣孫坦等

英國公;文彥博行尙書左僕射、檢校司徒兼中書令; 終喪,復授樞密副使。戊辰,以韓琦守司空兼侍中; 曾公亮行門下侍郎兼吏部尚書, 富弼改武寧軍節度使,進封鄭國 進封

侍郎; 曹佾改昭慶軍節度使、檢校太傅,張昪改河陽三城節度使,宗諤同中書門下平章事,改集 慶軍節度使、檢校尙書左僕射; 呂公弼爲刑部侍郎; 允弱、允良並加守太保; 歐陽脩、 趙槩並加尚書左丞, 弟東陽郡王顯進封昌王,鄠國公頵進 仍參知政事; 陳升之爲戶部

封 梁安郡王。 羣臣 進秩 有 差。

條 應委三司、轉運司計置,毋輒擾民。 で覆奏。 月乙酉, 戊子,進封交阯郡王李日尊爲南平王。 初御紫宸殿。 立向氏爲皇后。 詔提舉醫官院試堪診御脈者六人。 庚寅,以四月十日 丁亥、詔入內內侍省、皇城司合覆奏事 加邈川首領董氊檢校太保。 韶山陵所須 ·並執

|_H 天節 辛卯,白虹貫日。 壬辰,詔公主下嫁者行見舅姑禮。 甲辰,西蕃首領搜羅鉢、鳩

令結二人誘蕃部三百餘帳投夏國 「捕獲,斬之以 徇

西宣 安郡 -,歐陽脩罷 撫使郭逵 王 頵 月壬子, 乞解官行服,不許。癸亥,詔入內內侍省官已經壽聖節任子者, 討蕃部党令征等,平之。 知 曹佾 亳州 加檢校太尉 癸酉, 吳奎參知政事(三)。 兼侍中。 賜昌王顥公使錢歲萬緡,半給之。 賜禮部進士及第、出身四百六十一人。 乙亥,允良薨。 丙辰, 同天節權罷奏薦。 昌王 甲寅 一願、樂 陝

申

食者 書,毋以恩例奏授。 乙未,張昪以太子太師致仕。 庚子,詔求直言。 知縣資序人爲御史裏行,從之。癸卯,王安石出知江寧府。甲辰,詔:諸路帥臣及副總管,或 有移易,依慶曆故事。 潤、婆、海、宿、饒、燉、吉、建、汀、潮等十八州知州,慶、渭、秦、延四州通判,其選 振之。 閏月癸未,太白晝見。 乙巳, 詔以孟夏農勞之時, 令監司戒飭州縣省事, 勸民力田, 民有艱 甲申 -, 夏 國主諒祚遣使謝罪。辛卯,詔:齊、密、登、華、邠、 御史中丞王陶乞許舉 耀、鄜、 並從中

罰銅二十斤。 聞 内 夏 寅 归 月 。 錄 庚戌,請大行皇帝諡 囚。 吳奎 御 龍 史中 知 公青州。 陶 遺使循行陝西、河北、京東、京西路, 于南郊。 侍御史 吳申 辛酉、韶內外所上封事、令張方平、司馬 呂景以過野 大臣 ||陶 出 體量 知 陳州 安撫。 들, 壬 光詳定以 中, 申、 **奎** 景各

本

紀

第

+

PU

肺

宗

罷州郡歲貢飲食果藥。 癸酉, 韶陝西、 河東經略轉運司, 察主兵臣僚怯懦老病者以

二六六

聞

位。

五 |月辛巳,以久旱,命宰臣禱雨。 乙巳,寶文閣成,置學士、直學士(四)、待制官

遼遣蕭餘慶等來弔祭。

己未, 振河北流

民。

辛未,

韶天下官吏有能知徭役

六月己酉

利 病可議寬減者以聞。 乙亥、詔中書、樞密細務歸之有司。

七月庚辰, 詔察富民與妃嬪家昏因夤緣得官者。

宗廟、社稷。 壬辰,上寶册于福寧殿。 丙午,文州曲水縣令宇文之邵上書指陳得失。

辛卯,

告英宗憲文肅武宣孝皇帝諡于天地、

甲申,石蕃來貢。

己丑,

命尚書戶

部郎中趙抃、刑部郎中陳鷹同詳定中外封事。

秋

八月丁未朔,太白晝見。 戊午,復西夏和市。 己巳,京師地震。 癸酉, 葬英宗于永厚

陵。

九月丁丑,詔滅諸路逃田稅額。 , 壬午,祕僖祖及文懿皇后。 乙酉,附英宗神主于太廟,

辰, 爲岐王, 樂日大英之舞。 錄 周世宗從曾孫貽廓 **頵爲高密郡王。** 辛丑,韓琦罷爲司徒、鎭安武勝軍節度使、判相州。 戊子 滅兩京、畿內、鄭孟州囚罪一等, 爲三班奉職。 富弼爲尚書左僕射。 甲午, 遼遣耶律好謀等來賀卽 遣孫思恭等報 民役山 謝 陵者蠲 子) 遼, 位。 其賦。 且賀生 戊戌,以王安石 一辰、正 辛 卯, 徙封 日。 壬

爲翰林學上。

吳奎、陳升之罷。

僕射 使呂 公朔爲樞密使,張方平、趙抃並參知政事,邵亢爲樞密副使。 文彦博 爲 司 空。 潮州 地震。 癸卯,以權 御 史中丞 司 馬光爲 **胸**翰林學 壬寅,以曾公亮爲尙書左 士。

己酉, 御 鑑序賜司馬光。 張方平以父憂去位。 .史中丞、侍御史知雜事舉材堪御史者各二人。 冬十月丙午, 初御邇英閣, 。癸酉, 潭、泉諸州地震。 召侍臣講讀經史。 庚戌,給陝西轉運司度僧牒,令糴穀振霜旱州縣。 知青澗城种諤復綏州 丁未, 以右諫議大夫、權御史中丞滕甫 富 丽 罷判 詔將作監主簿常秩赴闕。 河陽。 戊 申, 建州 癸丑 邵武 考諸路監司 甲寅,製資治通 , 詔翰林學士、 興化軍 課 地震。

材德 行能者 丁亥, 庚寅、詔:「近臣以舉官不當,經三劾者,中書別奏取旨。」 乙未,詔令內外文武官各舉有 十一月丁丑,韶近臣各舉才行可任使者一人。戊寅,詔求直言。 令考課院詳定諸州所上縣令治狀。戊子, 分命宰臣祈雪。 丙戌,詔二府各舉所 置馬監于河東 交城

制其罪。 戌,詔起居日 十二月丙辰, 著爲令。 增轉對官二人。 西南龍蕃來貢。 己巳,遼遣蕭傑等來賀正旦。 丙寅, 詔 辛酉, 州 縣 以來歲日食正 吏並緣爲姦,致獄多瘐死,歲終會死者多寡,以 乙丑避殿減膳,罷朝賀。

日,

自

二六八

觀祈 ায় 壬午,令州縣掩暴骸。丁亥,命宰臣曾公亮等極言闕失。庚寅,御殿復膳。壬辰, 熙寧元年春正月甲戌朔,日有食之。詔改元。丁丑,以旱,減天下囚罪一等,杖以下釋 丙申,趙檗罷知徐州,三司使唐介參知政事。 丁酉,詔修英宗實錄。 壬寅,增太學 幸寺

二月辛亥,令諸路每季上雨雪。乙卯, 孔若蒙襲封衍聖公。 壬戌,貸河東饑民菜。

生百人。

三月庚辰,夏主諒祚卒,遣使來告哀。 丙戌,詔恤刑。戊子,作太皇太后慶壽宮、皇太

后寶慈宮。丁酉,簡州木連理,潭州雨毛。

尚書右丞, 判西京留守司御史臺。辛亥, 同天節, 羣臣及遼使初上壽于紫宸殿。 <u>Ti</u>. 夏四月乙巳,詔翰林學士王安石越次入對。戊申,命宰臣禱雨。以樞密直學士李參爲 月甲戌,募饑民補廂軍。庚辰,詔兩制及國子監舉諸王宮學官。戊戌,廢慶成軍。

六月癸卯、錄唐魏徵、狄仁傑後。 丁未,占城來貢。辛亥,詔諸路興水利。乙亥,河決

寨疆縣。 丙寅,命司馬光、滕甫裁定國用。

谷 口砦日甘谷城。 秋七月癸酉,詔:謀殺已傷,案問欲舉自首者,從謀殺減二等。乙亥,名秦州新樂大甘 賜布衣王安國進士及第。 丁丑,詔諸路帥臣、監司及兩制、知雜御史已上,各舉武勇謀略三班使臣 己卯,羣臣三表請上奉元憲道文武仁孝之號,不許。 陳升

甲申 人動 之 知樞密院事。 息以聞。 京師 地震。 賜壓死者緡錢。 給濮州雷澤縣堯陵守戶。 乙酉,又震,大雨。 京師地再震。 辛卯, 以河朔 壬午,以恩、冀州河決,賜水死家緡錢及下戶粟。 壬辰, 地大震, 遣御史中丞滕 命沿 邊安撫司及雄 南、 知制語 吳充安無 州 刺 史候遼 问

八月壬寅,詔京東、西路存恤河北流民。 己亥,回鶻來貢 京師地震。 甲辰,又震。 乙卯,賜河東及鄜延

北。

癸巳,疏深州盗

水。

甲午,減河北路囚罪

等。

丁酉,賜河北安撫司空名誥敕,募民入

路轉運司空名誥敕,募民入聚實邊。甲子,詔中書門下,考屬近行尊者一人,王之。 丙寅,

罷宗諤平章事 丁卯,遣張宗益等賀遼主生辰、正旦

莫州 地震,有聲如雷。 九月辛未, 太祖曾孫舒國公從式進封安定郡王。 丁酉,詔三司裁定宗室月料,嫁娶、生日、郊禮給 丁亥, 減后妃臣僚薦奏推恩。 賜

冬十月辛丑,給天下繫囚衣食薪炭。 乙卯、出奉宸庫珠,付 河北買馬。 戊辰,禁銷 金服

简。

迡] + 亥, 祀天地于 月癸酉,太白晝見。 圜 丘,大赦,羣臣進秩有差。 癸未,命宰臣禱雪。 乙未,京師及莫州 丙戌,朝饗太廟, 途齋于 地震。 郊宮。 廢青城後

十二月已亥朔, 命宰臣禱雪。 癸卯, 瀛州地大震。 庚戌,賜夏國主秉常詔, 許納塞門、

本

紀

箏

[7]

肺

宗

| 弼爲集禧觀使,詔乘驛赴闕。 壬戌,雪。 安遠二砦 ,歸其綏州 辛亥,錄唐段秀實後。 甲子,遼遣耶律公質等來賀正旦 癸丑, 禱雪于郊廟、社稷。 庚申 ·,以判汝州富

二年春正月甲午,奉安英宗神御于景靈宮英德殿

二月已亥,以富弼同中書門下平章事。 庚子,以王安石參知政事。 命翰林學士呂公著

修英宗實錄。 乙巳,帝以災變避正殿,滅膳徹樂。 甲子,陳升之、王安石創置三司條例

行新法。

表,納塞門、安遠二砦,乞綏州,詔許之。 三月乙酉,詔漕運鹽鐵等官各具財用利害以聞。 乙未,以旱慮 丙戌, 囚 命宰臣禱雨。 戊子,

天節。 四月丁酉朔,羣臣再上尊號,不許。 丁未,唐介薨,臨其喪。戊申,宰臣富弼、曾公亮以旱上表待罪,詔不允。癸丑,命曾 戊戌,省內外土木工。 壬寅、遼遣耶律昌等來賀同

使臣年七十以上,令監司體量,直除致仕者,更不與子孫推恩。 甲子,御殿復膳。 公亮爲西京奉安仁宗、英宗御容禮儀使。丁巳,遣使諸路,察農田水利賦役。戊午,外任大 **発河北歸**

業流民夏稅。

五 月辛未,宴紫宸殿,初用樂。 己卯,賜河北役兵特支錢。 癸未,翰林學士鄭獬罷知杭

于會聖宮 州 宣 徽 北院使王拱辰罷判應天府, 及應天院 甲 午 -, 减 西京 囚罪 知制 浩錢 等。 公輔罷 台州 民延贊等九人, 知江寧府。 T 亥, 年各百歲以 ,奉安仁宗、 上, 英宗 並 御容 一授本

州

助

教

御 史 个中丞。 六 (月丁 Ė, 命龍 右諫議・ 圖 閣 直 學士 大夫、御 張掞 史 **兼編排錄用勳臣子** 中丞 呂海 以論王安石 孫 壬戌 靇 知 鄧州 一、太白 1 晝見 以翰 林 學士呂公著爲

戌 稅及酒課。 有 五. 東平 色雲。 秋 七月乙丑朔 郡王 己丑, 癸未,詔:「自今文臣換右職者, 允弼薨。 韓琦上仁宗實錄,曾公亮上英宗實錄 日當食, 辛巳,立准、浙、江、湖六路均輸法。 雲陰 示見。 庚午, 須實有謀勇, 韶御史中丞舉推直官及可 曾著績効,即得取旨。」甲申, 王 午, 振恤被水州 兼權御 軍 史 仍蠲 者。 竹木 甲

石,罷 戌, 刑院詳議官 寅, 侍 朝 一,殿 八月癸卯,侍 御 神 同 中 史 御 知 侍 殿 諫 知 主師 御 雜 院 史孫 辛 事 元坐言許遵所議刑名不當,貶監安州稅。 御 劉 凹 戊 述 ", 以 史 申 昌 I齡以 劉 , 同 祕 河 琦貶監處州 判 書省著作 徙 論 東 刑 新 部 行。 法 丁 佐郎 諷 夏 貶通 鹽酒務,御史裏行錢顗 國 坐受刑名敕不卽下 程顥 請 判 從 蘇州 **汽王子** 舊蕃儀, 丙 韶 午 並 詔 許之。 爲 - , 述 貶 同 太子 修 貶監衢州 起居注范純 知江州 己酉 中 允 一,范純 權監 鹽稅 腻 貶通 仁以言 5,亦以 察 御 知 判復州 史 河 論安石 中 事 裏 多件安 府 審 壬 甲

本

紀

第

+

껃

神

宗

二七二

立常平給斂法。 九月甲子朔,交州來貢。乙丑,以古勿峒效順首領儂智會爲右千牛衞大將軍。「卯, 戊辰,出內庫緡錢百萬糴河北常平粟。丁丑,遣孫固等賀遼主生辰、正旦。

辛卯,廢奉慈廟。 壬辰,以祕書省著作佐郎呂惠卿爲太子中允、崇政殿說書。

城綏州,命郭逵選將置守具。逵遣趙禼交夏人所納安遠、塞門二砦,就定地界。夏人渝初 多十月丙申,富弼罷爲武寧軍節度使、判亳州。 曾公亮、陳升之並同中書門下平章事

監門衞將軍嵬名山爲供備庫使,仍賜姓名趙懷順。丙辰,詔御史請對並許直由閤門上殿。 盟,离請城綏州,不以易二砦,因改名綏德城。戊戌,以蕃官禮賓使折繼世爲忠州刺史,左 戊午,宗諤復平章事。己未,夏人來謝封册。辛酉,錄楊承信曾孫立、田重進曾孫章爲三班

名授官。 十一月乙丑,命韓絳制置三司條例。 甲戌, 丙子, 罷諸路提刑武臣。 預農田水利約束。 詔: 祖宗之後世襲補外官,非袒免親罷賜 壬午,御邇英閣聽講。 賜汁口役兵

琞 月庚子, 濬御河。 壬子,置交子務。 是月,差官提舉諸路常平、廣惠倉,兼管勾農田

錢。

己丑,減天下囚罪一等,徒以下釋之。

水

利差役事

十二月癸亥朔,復減后妃公主及臣僚推恩。 癸酉,增失入死罪法。 丙戌,增三京留司

是歲,交州來貢。

校勘記

(二) 光國公 原作「安國公」,據本書卷一三英宗紀、長編卷一九八及一九九、十朝綱要卷八改。

3 歐陽脩罷知亳州癸酉吳奎參知政事 「罷」字原誤置在「參知政事」下,從錢大昕二十二史考異

卷六七說改正。

陶出知陳州 「知」字原脫,據本書卷三二九本傳、長編紀事本末卷五七、編年綱目卷一七補。

(四) 直學士 「士」字原脫,據本書卷一六二職官志、編年綱目卷一七補。

本紀第十

S

ees

史卷十五

本紀第十五

神宗二

三年春正月癸丑,錄唐李氏、周柴氏後。 乙卯、詔諸路散青苗錢禁抑配。 戊午, 判尚書

省張方平 罷 知 陳州

欺丁木征爲金紫光祿大夫、檢校刑部尙書。 月壬申,以翰林學士司馬光爲樞密副使,凡九辭,詔收還敕誥。 乙酉,韓琦罷河北安撫使,爲大名府路安撫使。 甲戌,以河州刺史瞎

土,罷

卯,詔諸路毋有留獄。 還詔書,以爲不當,坐罷職, 詩、賦、論三題。 月丙申, 孫覺、呂公著、張戩、程顥、李常上疏極言新法,不聽。 戊申,李常言青苗斂散不實,有旨具析,翰林學士 丙辰,立試刑法及詳刑官。 守本官。 壬子, 賜禮部奏名進士、明經及第八百二十九人。 右正言孫覺以奉詔反覆貶知廣德軍 兼 知 通進、 己亥,始策進 銀臺司范鎭 \mathbb{Z} 封

本

紀 第

+

Ŧī.

神

糸 _

修起居注, |州 韓絳參知政事 兩 浙 ` 監察御史裏行張戩貶知公安縣, 王子韶貶知上元縣。 癸未,侍御史知雜事陳襄罷 轉運 夏四 司 月癸亥 程顥簽書鎭寧軍節度判官公事,前秀州軍事判官李定爲太子中允、監察御 度僧牒,募民入粟。 監察御史裏行程顥罷爲京西路同提點刑獄。壬午, ,幸金明池觀水嬉,宴射瓊林苑。 戊辰,御史中丞呂公著貶知潁州 丙寅,遼遣耶律寬來賀同天節。 己卯,趙抃罷知杭州 右正言李常貶通判滑 丁卯, 為同

以審官院爲東院,別置 辰, 詔 五 龍 一月癸巳,詔並邊州郡毋給青苗錢。 制置三司 條例歸中書。 西院 辛亥,賜進上蘇丕號安退處士。 太白晝見。 壬寅,詔令司馬光詳定轉對封事。 壬子,罷入閣儀。 丁巳、韶 甲

修此 成王廟。 六月癸酉, 丙戌, 日 有 知諫院胡宗愈貶通判眞州 五. 色雲。 丁丑,封宗室秦、魯、蔡、魏、燕、陳、越七王後爲公。

詔

罷 潞州 秋 七 月辛卯,歐陽脩徙知蔡州 癸丑,詳定宗室襲封制度。 壬辰,呂公弼罷樞密使,以知太原府馮京爲樞密副 甲寅、置三班院主簿

以 衛州旱, 八月戊午, **今轉運司振恤**, 罷看詳銀臺司文字所。 仍蠲租賦。 戊寅, 丙寅, 詔:川峽、福建、廣南七路官令轉運司立格就 以旱慮囚,死罪以下遞減一等,杖笞者釋之。

斬信 環慶 注 具爲令。 路 及 劉甫 鈴轄少信 造帳景憲等賀遼主生辰、正 种詠 慶州 妃 於 東路 獄 都巡檢 是 月 劉 慶州巡檢姚兕敗夏人於荔原堡。 甫 監 日。 押 种詠 己卯 出 夏人犯大順城 戰 兵 少 取 敗 知慶州 **鈴轄郭慶**、 復 主 誣 李復圭以方略 信等違其節 都監高敏

之。

使 知永興軍 公亮罷爲 乙巳、親策賢良方正 九 月 戊子朔 中書置檢 可空棄侍中、 詔:環慶陣亡義勇餘丁當刺者, 河陽三城節 及武 Ē 舉。 官。 壬子, 度使。 乙未 韓絳罷爲陝西宣撫使。 太白晝見。 辛 悉免之。 H: ,以馮京參 癸丑, 知政 作東西府以居執政 事 己亥,始試法官。 翰林學士吳充爲樞密副 司馬光罷 庚子

以 主 母 擅 憂去位 興兵敗績, 冬十月辛酉, 乙酉, 詔 延州 詔 李信、 認諸 **炒納夏使**。 場務內侍監 劉甫、 种詠 甲子,雨木冰。 以死 御 史劾之,貶保靜軍節度副使。 壬申 朝謁神御殿。 丙子 戊寅, 知慶州 陳升 李

監 兼 貸 燕達 糧 泂 東宣 - -等擊走之。 癸 撫使。 卯 月戊子,振 ,授布 梓州 衣王存 庚戌,詔:升朝官除 河 路轉運使韓璹等以能興利除害,賜帛有差。 北畿 下 民徙 班殿侍、三班 京 西 者。 南 差使、 郊 己丑 赦 封 宣撫 曾 官節行之士二十一 父 司 母 指 外, 揮 使(三)。 不 得以 加恩轉官。 甲辰,夏人寇大順城, 人。 壬辰, 乙卯,以韓絳 蠲 陝西蕃部 都

本

紀

第

+

五

神

宗

十二月己未,詔立諸路更戍法,舊以他路兵雜戍者遣還。乙丑,立保甲法。 丁卯,以韓

寅,初行免役法。 絳、王安石並同中書門下平章事,王珪參知政事。 士出身。 庚午,夏人寇鎭戎軍三川砦,巡檢趙普伏兵邀擊,敗之。丁丑,增廣南攝官奉。戊 賜西蕃董氊詔幷衣帶、鞍馬。庚辰,命王安石提舉編修三司令式。壬午, 賜布衣陳知彥進士出身,知縣王輔 同

|遼遣蕭遵道等來賀正旦。癸未,命宋敏求詳定命官、使臣過犯。 是歲,振河北、陝西旱饑,除民租。。交阯入貢,廣源、下溪州蠻來附。

平之。 地 相 東常平倉本,從之。 人 國寺,御宣德門觀燈。 日聚兵爲報復計,言者以|諤爲稔邊患不便。 丁未,立京東、 四年春正月丁亥朔,不視朝。 詔詳定大辟覆讞法。 乙未,渝州夷賊李光吉叛,巡檢李宗閔等戰死,命夔州路轉運使孫構 河北賊盜重法。庚戌,罷永興軍買鹽鈔場。甲寅,定文德殿朔望視朝 韓絳等言种諤領兵入西界,斬獲甚衆,詔遣使撫問。 丁酉,朝謁太祖、太宗神御殿。庚子,幸集禧觀宴從臣,又幸大 己丑,种諤襲夏兵于囉兀北,大敗之,遂城囉兀。 壬辰,王安石請鬻天下廣惠倉田爲三路及京 乙巳,停括牧 自是夏

二月丁巳朔,罷詩賦及明經諸科,以經義、論、策試進士。 置京東西、陝西、河東、河北 儀。

軍人。 路 學官,使之敎導。 庚午, 于 闐 國 來貢 辛酉, 韶治東沮青苗法者。 壬申 -,進 封高密郡王 題 爲 嘉 王 戊辰, 詔振 癸酉 河北民乏食者。 ,詔審官院所定人赴中書 賻恤西界戰死

察堪 任 者引 見。 甲戌, 賜討渝州 東賊兵特支錢。 丁丑,禱雨 詔 增潭河 等役兵

教官 未,韓絳坐興師 緣 軍 事科役者、蠲其租賦。 員 三月丁亥,夏 辛卯 **,**遺使察奉行新法不職者。 敗衄罷,以本官知鄧州。 人陷: 撫寧堡。 丙午,种諤坐陷撫寧堡,責授汝州團練副使(三),潭州安置。 戊子,慶州 辛亥、錄唐李氏後。 癸卯,減 廣銳卒叛,尋討平之。 庚寅, 河東、陝西路囚罪一等,徒以下釋之。 詔給 諸路 學 田 民 增

賀州 兵屯邠涇、河中,以備西夏。癸亥,罷陝西交子法。 別駕。 夏四月丙辰朔,恤刑。 甲戌,詔 司農寺月進諸路所上雨雪狀。 辛酉,遼遣蕭廣等來賀同天節。 癸酉,司馬光權判西京留臺。 丙子,遣使按視宿、毫等州災傷,仍令修 壬戌, 遺環慶都鈴轄开贇(目)以 种諤再 貶

使振 詔 ::宗室率 恤 五. 月甲午,右 蠲 其稅 ·府副· [率以上,遭父母喪及嫡孫承 諫 議 大夫呂晦卒。 壬寅、詔許富弼養疾西京。 重,並解官行服。 壬子, 丙午,高 詔 一思、冀等州災傷,遣 麗國 來貢。 辛亥,

飭武

備

壬午

-,定進·

土

考轉官。

月丁 本 紀 第 已,河北饑民爲盜者,減死刺配。 + 五 神 宗 庚申, 羣臣三上尊號日紹天法古文武仁孝皇 二七九

£

帝,不許。 甲子,歐陽脩以太子少師致仕。 丙寅,慮囚。 甲戌、富弼坐格青苗法、徙判汝州。

秋七月戊子,層檀國來貢。 甲午, 振恤兩浙水災。 乙未, 錄死事將校崔達子遇爲三班

奉 職。 丁酉, 監察御史裏行劉摯罷監衡州鹽倉, 御史中丞楊繪貶知鄭州。 庚子, 詔宗室不

八月癸丑朔,高麗來貢。遣官體量陝西差役新法及民間利害。甲寅,詔郡縣保甲與賊

得祀祖宗神御。

丁未,詔唐、鄧給流民田

鬭 死傷者,給錢有差。 庚申,復春秋三傳明經取士。癸酉,遣楚建中等賀遼主生辰、正旦。

||洮河安撫司,命王韶主之。

九月丙戌,河決剛州。辛卯,大饗明堂,以英宗配。赦天下,內外官進秩有差。庚子,

夏人入貢。癸卯,增選人奉。

多十月壬子朔,罷差役法,使民出**錢募役**。

立選人及任子出官試法。

丙辰, 置樞密院

檢詳官。 戊辰,立太學生內、外、上舍法。 丙子,詔:罪人配流,遇冬者至中春乃造。

+ 一月壬午朔,詔:凡賞功罰罪,事可懲勸者,月頒之天下。 甲申,詔蠲逋租。 丁亥,作

十二月辛亥朔,詔增賜國子監錢四千緡。 戊午,歸夏俘。 己未,安定郡王從式薨。

中太一宮。

壬寅,開洪澤河達于淮

子,封越國公世淸爲會稽郡王。丙寅,省諸路廂軍。 乙亥,崇義公柴詠致仕,子若訥襲封。

五年春正月己丑, 詔聽降羌歸國。 太廟時饗, 以宗室使相已上攝

城邏 卒,察謗議時政者收罪之。

運 銅 錫。 月壬子, 癸亥,太白 龜茲 I畫見。 來貢 丙寅, 以 兩浙 以知鄭州呂公朔爲宣徽南院使, 水、賜穀十萬石振之、仍募民興水利。 判秦州 壬戌,詔罷 j 龍 圖 閣 陝西 直 遞

蔡挺爲樞密副使。

三月甲午, 李日 尊卒,子乾德嗣,遣使弔 贈。 戊戌, 富弼以司空致仕, 進封韓國公。 立

文武換官法。丙午,以內藏庫錢置市易務。

未, 括開田。 夏四月庚戌朔,立殿前馬步軍春秋校試殿最法。 置弓箭手。辛未,塞北京決河。 乙卯,遼遣耶律適等來賀同天節。

應舉。 五. 庚寅 月辛巳, 詔以 以 青唐 大首領俞龍 古渭砦爲通遠軍至, 珂 爲 西 頭供奉官, 命王韶兼知軍。 賜姓名包順 行教閱法。 壬 辰, 以趙 宗室非袒 尚寬等前守 **死親者許** 唐

州 辟 田 疏 水 有 功 7,增 秩以勸 天下。 丙 午,太白晝見。 行保 馬法。

六 月 壬 子 曾公亮以太傅致仕。 癸亥, 韶以四場試進士。 丙寅, 作京城門銅魚符。

本

紀

亥,置武學。

秋七月壬寅,初以文臣兼樞密都承旨。

閏月庚戌, 遣中書檢正官章惇察訪荆湖北路。 詔:入內供奉官以下,已有養子,更養次

子爲內侍者斬。

脩 所撰五代史。壬辰,以武勝軍爲鎭洮軍。 八月甲申,太子少師致仕歐陽脩薨。 秦鳳路沿邊安撫王韶復武勝軍。 癸巳,遣崔台符等賀遼主生辰、正旦。乙未,詔 丁亥、詔求歐陽

侍從及諸路監司各舉有才行者一人。甲辰,王韶破木征于鞏令城。 頒方田 均稅法。

九月癸丑,許宗室試換文資。癸亥,始御便殿,旬校諸軍武技。丙寅, 少華山崩,詔壓

死者賜錢,貧者官爲葬祭。 淮南分東西路。

多十月戊戌,升鎭洮軍爲熙州鎭洮軍節度,置熙河路。 **減秦鳳囚罪一等。**

裏行張商英云 監荆南稅。 十一月癸丑,河州首領瞎藥等來降,以爲內殿崇班,賜姓名包約。丁卯,貶權監察御史 壬申, 分陝西爲永興、秦鳳路,仍置六路經略司。 章惇開梅山,

置安化縣。

宗陵寢神御者免役錢。 十二月丙子,赦亡命荆湖溪洞者。 改温成廟爲祠。 丁丑,詔太原置弓箭手。 壬午, 陳升之爲樞密使。癸未,雨土。 戊寅、詔寺觀奉聖祖及祖

六年春正月辛亥,復僖祖爲太廟始祖,以配感生帝。 桃順祖于夾室。

二月辛卯,夏人寇秦州, 都巡檢使劉惟吉敗之。丙申,永昌陵上宮東門火。 王韶復河

州,獲木征妻子。壬寅,以韓絳知大名府。

人。甲子,交州來貢。丁卯,宰相上表請復膳,不許。 囚罪一等,流以下釋之。己未,置諸路學官。壬戌,賜奏名進士、諸科及第出身五百九十六 局,命王安石提舉。 三月己酉,詔贈熙河死事將田瓊禮賓使,錄其子三人、孫一人。 庚戌,親策進士。 辛亥,試明經諸科。丙辰,以四月朔日當食,自丁巳避殿減膳,降天下 韶進士、諸科並試明法注官。 置經

置刑獄檢法官。庚午,封李日尊子乾德爲交阯郡王。

遣耶律寧等來賀同天節。甲午,定齊 夏四月甲戌朔,日食,不見。乙亥,御殿復膳。 |徐等州保甲。 西南龍蕃諸夷來貢。置律學。丁丑,遼 戊戌,裁定在京吏祿

遂州 東路 祭士 夷囤戰歿,錄其子昌符等七人,軍士死者,賜其家錢帛有差。 五. 月癸卯朔,播州楊貴遷遣子光震來貢,以光震爲三班奉職。 人有行義者以聞。 遣中書檢正官熊本措置瀘夷。 西京左藏庫副使景思忠等攻燒 辛未,西南龍蕃來貢 戊申,禱雨。 乙丑,韶京

本紀

第十五

神

宗 二

二八四

六月己亥,置軍器監。

真。 己酉,禱雨。 秋七月乙巳,詔京西、淮南、兩浙、江西、荆湖等六路各置鑄錢監。 甲寅,錄在京囚,死罪以下降一等,杖罪釋之。丁巳,詔:沿邊吏殺熟戶以 丙午,大食陀婆離來

邀賞者戮之。乙丑,分河北爲東西路。丙寅夜,西北有聲如磑。

八月壬申朔,遣賈昌衡等賀遼主生辰、正旦。甲申,罷簡州歲貢綿紬。甲午,賜熙河、

涇原軍士特支錢。戊戌,復比閭族黨之法。

領本令征以其城降,王韶人岷州。 九月壬寅、置兩渐和糴倉、立斂散法。戊申、詔興水利。辛亥、策武舉。 丙寅,太白犯斗。戊辰,詔禱雨,決獄。 戊午, 岷州首

臣賀,解所服玉帶賜安石。 多十月辛未,章惇平懿、冷州蠻。 甲申,朝獻景靈宮。丙戌,振兩浙、江、准饑。壬辰,行折二錢。 辛巳,以復熈、河、洮、岷、疊、宕等州, 御紫宸殿受羣

丁酉,遣使瘞熙河戰骨。

十一月癸丑,中太一宫成,減天下囚罪一等,流以下釋之。乙卯,親祀太一宮。丙寅

大雪,詔京畿收養老弱凍餒者。

十二月戊子,韶決開封府囚。丙申,遼遣耶律洞等來賀正旦。

年春正月辛亥、賞復岷、洮等州功、西京左藏庫使桑湜等遷官有差。 壬子,幸中太一

宮宴從臣,又幸大相國寺,御宣德門觀燈 二月辛未,于闏來貢。發常平米振河陽饑民。癸未,詔三司歲會天下財用出入之數以 乙卯,封皇子俊爲永國公。甲子,熊本平瀘

宜結 聞 鬼章戰于踏白城,敗死。廢遼州 己丑,禱雨。 辛卯,置客省、引進、四方館、閤門使副等員。乙未,知河州景思立等與青

法。 詔 之。 復膳 照河 癸卯 甲子, 三月壬寅,木征、鬼章寇岷州,高 死事者家給錢有差。 不許。 ,以旱避殿減膳。 遣使報 丙辰,<u>遼遣林牙蕭禧來言河東疆界,命太常少卿劉忱議之</u>。 聘于遼。 乙丑,韶以災異求直言。 乙巳,白虹貫日。 罷兩浙增額預買紬 遵裕遣包順等擊走之。慮囚,減死罪一等,杖以下釋 丙午, 遣使分行 絹(七)。 令諸路監司祭留 諸路,募武 獄 士赴熙河。 癸丑 ·,羣臣· 行方田 庚戌,

征 廩其親屬 、監修國史, 率酋長 河川 夏四 八十餘人詣軍門降。 終身。 一月癸酉,以旱罷方田。 丙子, 御殿復膳。 翰林學士呂惠卿參知政事。 乙酉,王韶進築河諾城,與蕃兵連戰破之,斬首七千餘級,焚三萬餘帳,木 己卯,以高瓊裕爲岷州團練使。甲申,詔:邊兵死事無子孫者, 雨雹。 是日,雨。遼遣耶律永寧等來賀同天節。 丙戌, 置沅州。 王安石罷知江寧府。以韓絳同中書門下平章 丁酉,詔王韶發木征及其家赴闕。 、乙亥,王韶破西蕃

本

紀

郭

-|-

Ŧī.

神宗

二八六

遣樞密副使蕭素議疆界于代州境上。

五 月戊戌朔,減熙河路囚罪一等,流以下釋之。辛丑,詔河州瘞蕃部暴骸。 壬寅,雨

雹。 癸卯,大雨雹。 一辛亥,罷賢良方正等科。乙丑,大雨水,壞陝、平陸二縣。

六月戊寅,賜討洮州將士特支錢。丁亥,作渾儀、浮漏。 廣州鳳凰見。以木征爲榮州

團練使,賜姓名趙思忠。

秋七月癸卯,羣臣五上尊號日紹天憲古文武仁孝皇帝,不許。癸亥,詔河北兩路捕蝗。

又韶開封淮南提點、提舉司檢覆蝗旱。以米十五萬石振河北西路災傷。

辛卯、韶免淮南、開封府來年春夫、除放邢、洛等州秋稅。癸巳,置場於南薰、安上門,給流 八月丁丑,賜環慶安撫司度僧牒,以募粟振漢蕃饑民。 。遣張芻等賀遼主生辰、正旦。

民米。集賢院學士宋敏求上編修潤門儀制。

子,三司火。癸丑,置京畿、河北、京東西路三十七將。甲寅,詔樞密院議邊防。 九月戊戌,以時雨降,詔河北、京西、陝西、淮南等路勸民趨耕,有因事拘繫者釋之。

司出米振常、潤州饑。庚辰,置三司會計司,以韓絳提舉。辛巳,以河北災傷,滅州軍文武 冬十月壬申, 韶韓琦、富弼、文彥博、曾公亮條代北事宜以聞。 戊寅, 詔浙西路提舉

官員。癸巳,以常平米於淮南西路易饑民所掘蝗種,又振河北東路流民。

十一月己未, 祀天地于圜丘, 赦天下。

一月丙 寅 省 熈 河、 岷三州官 百 则 + 員。 丁 卯, 文武官加思。 己丑 遼遣耶律 率

等來賀正日。

是歲,高麗入貢,淯井、長寧夷十郡及武都夷內附。

請爲粥以食羌戶饑者。 能 輟 否以 江 南 八 聞 東路 年春正月庚子,蔡挺 雨 上供米,均給災傷州軍。 木冰。 戊午,韶,所在流民願歸業者,州縣齎遣之。 靇 判南京留司 丁未,御宣德門觀燈。 御史臺,馮京罷知亳州。 乙卯 了,詔出 己未,洮西安撫司以歲旱 丙午,分京東爲 使廷臣,所 至 東西 采 吏治

副 都 承旨張誠 月 甲子,增陝西錢監改鑄大錢。 一等,以李靖營陣法教殿前馬步軍。 癸酉, 以王安石同中書門下平章事。 乙酉 初行 河北 戸 馬法。 内戌, 戊寅, 停京畿 詔 樞

土功七年。

報聘。 錢 千 緡 復 增 月丁 振 解 常 酉,振潤州饑。 進 潤饑民。 土 二人,從之。 戊午, 戊戌,知 太白晝見 庚子,遼蕭 河州鮮于 禧 再來, 師中乞置蕃學,教蕃 遣韓鎮往河東會議 **| 個子** 弟, 癸 **开** 賜 H 知制誥沈括 + 頃, 歲給

本

紀

第

+

五

神

宗

二八八八

夏四月乙丑 , 詔 滅 將 作 監 冗 官 。 丁卯, 遼遣耶律景熙等來賀同天節。乙亥,正僖祖稱

船 東嚮位。 戊寅,以吳充爲樞密使。 壬午,湖南江水溢

里 月乙未,陳升之罷爲鎭江軍節度使,判揚州。 廣源州劉紀寇邕州 歸化州農智會敗

子, |革, 命御史中丞鄧綰、知諫院范百祿、御史徐禧雜治之。 沂州民朱唐告前餘姚縣主簿李逢謀 反, 壬寅,沈括上奉元曆。 癸卯,以宣徽北院使張方平判永 辭連右羽林大將軍世居及河中府觀察推官徐 獄具,世居賜死,逢、革等伏誅。 次興軍。 分秦鳳路兵爲四 將 甲 壬

寅,錄趙普後。乙卯,詔西南蕃五姓蠻五年一入貢。

敱 毛。 Ŧ. 甲申,熙河路蕃官殿直頓埋謀叛伏誅。 月辛酉朔,慮囚,降死罪一等,杖以下釋之。甲子,分環慶兵爲四將。 己丑,遣使振鄜延、環慶饑 丁丑, 雨土及

義于學官。辛亥,以安石爲尚書左僕射兼門下侍郎。 六月乙未,日上有五色雲。 丙午,釃汴水入察河以通漕。己酉,頒王安石詩、書、周禮 戊午,太師魏國公韓琦薨。 己未,

琦凰饗英宗廟庭。

秋 七月甲子,虔州江水溢云。戊寅,太白晝見。 戊子,分涇原兵爲五將。 命韓縝如河

東割地。

月庚寅朔,日當食,雲陰不見。癸巳,募民捕蝗易粟,苗損者償之,仍復其賦。 內申,

州縣 遣 謝景温等賀遼主生辰、正旦。減官戶役錢之半。 所存上供米毋過百萬石,減直予民,斗錢勿過八十。」庚戌,韓絳罷。 詔:「發運司體實准南、江東、兩浙米價, 發河北 、京東兵及

監牧卒修都城。丁巳,大閱。

九月庚申朔,王安石兼修國史。立武舉絕倫法。

膳,求直言。 多十月庚寅,呂惠卿罷知陳州。 壬寅,赦天下。 罷手實法。 乙未, 彗出軫。 丁未,彗不見。丙辰,御殿復膳。 己亥, 詔以災異數見,不御前殿, 減常

十一月戊寅,交阯陷敛州。 壬午,立陝西蕃丁法。 甲申,交阯陷廉州。 丙戌,渝州改南

洋軍

遣耶律世通等來賀正旦。 首來獻,補下班殿侍。 院事。辛亥,天章閣待制趙禼爲安南道招討使,嘉州防禦使李憲副之,以討交阯。癸丑,遼 十二月丙申,濬河。壬寅,以翰林學士元絳參知政事,龍圖閣直學士曾孝寬簽書樞密 甲寅,熙河路木宗城(亞)首領結彪謀叛,熟羌日脚族青廝扒斬其

晏及天賜州 九 、年春正月乙丑,雨木冰。 降。 庚辰,遣使祭南嶽、南海,告以南伐。 戊辰,交阯陷邕州,知州蘇緘死之。 辛巳,贈蘇緘奉國軍節度使,諡忠勇, 己卯,下溪州刺史彭師

本紀

第

十五

神宗

五

以 其子子元爲 西頭供奉官、閤門祗侯

|交|||交||||。 月戊子,宣徽南院使郭逵爲安南道招討使,罷李憲,以趙禼副之。 己丑,宗哥首領鬼章寇五牟谷,蕃官藺氊訥支等邀擊,大破之。 己亥,以出師罷春 詔占城、占臘合擊

乙卯,雨雹

廣西進士徐伯祥爲右侍禁、 家,瘞戰亡士,賊所蹂踐除其田征。 三月丙辰朔,進仁宗婉容周氏爲賢妃。辛酉,御集英殿策進士。恤歔、廉、邕三州死事 欽廉白州巡檢。 甲戌,賜進士、諸科及第出身五百九十六人。丁丑 宗哥首領鬼章寇五牟谷, 熙河鈴轄韓存寶敗 一, 以

庚辰,以种諤知岷州。

耶 甲辰, 丙午, 遣王克臣等弔慰于遼。辛亥, 茂州夷寇邊, 遣內侍押班王中正 (10) 經制。 復廣濟河漕。癸卯,詔:廣南亡沒士卒及百姓爲賊殘破者,轉運、安撫司具實幷議振恤以聞。 律孝淳以國母喪來告,帝發哀成服,輟視朝七日 夏四月辛卯,遼遣耶律庶幾等來賀同天節。 給空名告身付安南,以招降賞功。 詔諸路募武勇赴廣西。贈廣西死事將士官有差。 乙未,以遼主母喪,罷同天節上壽。 甲寅,遼遣 戊戌,

東 、西路。 五 月丙辰朔,詔:邕州沿邊州峒首領來降者周惠之。癸亥,詔試醫學生。 丁卯,城茂州。 壬申,詔:安南諸軍過嶺有疾者所至護治。丙子,大理國來貢。 丙寅,分兩浙

庚辰 靜州下首領董整白等來降。

釋之。癸卯,以水源等洞蠻主儂賀等七人爲定遠、寧遠將軍。 鏠 左 其家。 一侍禁張乂援戰茂州,死之。詔:慶等子與借職,女出嫁夫與奉職; 六月一亥,詔安南將吏,視軍士有疾者月以數聞。 字 卯, 詔濱海富民得養蜑戶,毋致爲外夷所誘。 己 丑: 己亥,慮囚,降死罪一等,杖以下 了,綿州都監王慶、崔昭用、劉<u>珪</u> 白丁王禹錫等二人,賜

廣 生。 行 西 一營次桂州,郭逵遣鈴轄和斌等督水軍涉海自廣東入,諸軍自廣南入(II)。 死 壬戌,築下溪州,改名會溪城。 秋 事官無子孫者許立後。乙丑,詔:自今遇大禮推恩,官昭憲太后族一人。是月, 七月丙辰,朱崖軍黎賊黃嬰入寇, 癸亥,靜州將楊文緒結蕃部謀 詔廣南西路嚴兵備之。 庚申, 叛,王中正斬之以徇。詔: 關以西蝗蝻、 安南 虸蚄

太保棄侍中,行太原尹。 民闌出穀粟。 八月甲 申朔,齊州監務左班殿直孫紀死賊,錄其一子爲三班借職。戊子, 庚子,占城來貢 己丑,遣程師孟等賀遼主生辰、正旦。 能器而廟錢。 丁酉,禁北邊 以文彥博守

九 月戊午,濬汴河。 丙寅 詔罷都大制置河北河防水利司。 己卯,遼遣使回謝。 詔恤

嶺

南

死事家,表將士墓

冬十月乙酉,太白 木 紀 伟 1-Ιi. 퍠 畫見。 烷 乙未, 詔東南諸路教閱新軍。 丙午, 王安石罷判江寧府。 二九

以

二九二

吳充監修國 史, 王珪爲集賢殿大學士,並同中書門下平章事。 資政殿學士馮京知樞密院。

辛亥,除放沉州歸明人戶去年倚閣秋稅。

使建祈福道場。 道嚴,流內銓特冤試注官。 十一月乙卯,賜廣南東路空名告敕, 己卯,洮東安撫司言包順等破鬼章兵於多移谷。 乙亥,以安南行營將士疾疫,遣同 募入錢助軍。 辛酉,錄唐相魏徵後同州司士參軍 知太常禮院王存禱 壬午,鬼章寇岷州, 南嶽

种諤等敗之鐵城。

朴首者 章兵燹者賜錢,脅從來歸者釋其罪。 遺人奉表詣軍門降, 逵遂班師。 十二月丙戌,安南僞觀察使劉紀降。 賞之。 置威戎軍。 丁未,遼遣耶律運等來賀正旦。庚戌,詔:有得鬼章、冷鷄 癸卯,郭逵敗交阯於富良江,獲其僞太子洪眞,李乾德 置司農丞。庚寅,子傭生。丁酉,詔:岷州界經鬼

二月甲申,以崇信軍節度使宗旦同中書門下平章事。 十年春正月乙丑,御宣德門觀燈。 戊辰,仙韶院火,不視朝。 戊子, 以鬼章敗, 己已,白虹 酉, 貫 种諤等賞官有 日

'月給老疾貧乏者粟,盡三月乃止。 辛卯,日中有黑子。 甲午,詔:宗室使相雖及十年,更不取旨磨勘。丁 己亥,以王韶知洪州。 丙午,以復廣源、蘇茂等州 詔諸州歲以十

|順州 臣 一表賀,赦廣州囚罪一等,徒以下釋之。 ,赦李乾德罪。 以郭逵判潭州 趙萬知桂州。 賜行營諸軍錢,民緣征役者恤其家。 己酉,以交阯降,赦廣南來路、荆湖南 以廣源州爲

繫囚,餘各降一等,徒以下釋之。

三月辛未,慮囚,降死罪一等,杖以下釋之。 壬申,詔州縣捕蝗。

夏四月辛巳,復置憲州。 乙酉,遼遣蕭儀等來賀同天節 癸巳,文州蕃賊寇邊,州兵擊

走之。 丁酉,賜熙河路兵特支錢,戰死者賜帛,免夏秋稅

五月戊午,詔修仁宗、英宗史。甲戌,太白書見。

六月壬午,注輦國朝貢。癸巳,王安石以使相爲集禧觀使。 丁未,置岷州鐵城堡

秋

七月甲寅、禱雨。

丁巳, 令諸路歲上縣令課績。

辛酉

,羣臣五上尊號日奉天憲古文

武仁孝皇帝,不許。乙亥,郭逵以安南失律,貶爲左衞將軍。 丙子,河決澶州曹村常

八月壬寅,詔潭州置將及增武臣一員。遣蘇頌等賀遼主生辰、正旦。甲辰,詔侍從、臺

諫、監司各舉文臣有才行者一人。

鎭戎、德順 傳宣、內批、面諭,事無法守, 九月庚戌,詔:「河決害民田,所屬州縣疏瀹,仍蠲其稅,老幼疾病者振之。」乙卯,詔: 軍各置 都監一員。 癸酉,立義倉。 並從中書 樞密覆奏。 甲戌,宗樸兼侍中,封濮陽郡王 其祈恩澤規免罪者劾之。」辛酉,詔

本紀

第十五

神宗

二九四

冬十月戊寅朔 宗樸薨。 昭化軍節度使宗誼封濮國公。 韶濮王子以次襲封

祀。戊戌,太子太師張昪卒。

十一月庚午,以西蕃邈川首領董氊、都首領青宜結鬼章爲廓州刺史, 阿令骨為松州 刺

史。甲戌、祀天地于圜丘、赦天下。

封子傭爲均國公。 十二月丁丑朔,占城國獻馴象。 辛丑,遼遣耶律孝淳等來賀正 壬午,詔改明年爲元豐。甲申,以郊祀,文武官加恩。丁 日。

禮儀 元豐元年春正月乙卯,以王安石爲尚書左僕射、舒國公、 詔減 陳留捧日、 天武等軍剩員 庚申, 御宣德門, 召從臣觀燈。 集禧觀使。 乙丑; 戊午, 以太皇太后 命詳定郊 廟

驛召天下醫者。

贈尚書令韓琦依趙普故事。 閏月辛巳,以翰林侍讀學士、寶文閣學士、提點中太一宮呂公著兼端明殿學士。 壬辰,樞密直學士孫固同知樞密院事。 己亥、太傅銀侍中曾 己丑

公亮薨。 庚子, 日中有黑子。 癸卯,以公亮配饗英宗廟庭。

辰,詔赦安南戰棹都監楊從先等,仍論功行賞。 月庚戌,濮國公宗誼薨。 甲寅,以邕州觀察使宗暉爲淮康軍節度使, 封濮國公。戊

三月辛巳,慮囚,降死罪一等, 杖以下釋之。 御邇英閣 沈季長進講周禮八法。 乙未, 御崇政殿閱 癸未,

詔 諸 軍。 內 外文武官各舉堪應武 辰、阮徭賊寇邊,州兵擊走之。 【舉一人。 廣南 西路經略司 乞教閱峒丁,從之。

九經 外,餘書不得出 夏四月己酉,遼遣 界。 耶律永寧等來賀同天節。 癸亥,太白晝見。 乙丑 対虢國 丙辰, 韶增置兩浙路提舉官。 公宗諤爲豫章 郡王 戊辰,塞曹村 庚申, 詔 除

五 月甲戌朔,賜塞 河役死家錢。 乙亥,詔試中刑法官以次推 恩

決

河,

名其埽日

靈

平。

六月癸卯朔, 日有食之。 乙巳, 詔以靈平功遷太常博士苗師中等各一 官。

秋 1)月癸酉朔, 命西上閤門使、忠州團練使韓存寶經制瀘州納溪夷。 己亥, 詔齊州

備水災。辛丑,變州言甘露降。

平糧貸之。 等賀遼主生辰、正 八月癸卯, 庚午,詔:唐、齊、淄三州給 西邊將訥兒温、祿尊謀反伏誅。 日。 戊午,以 韓絳爲建雄 流 民食 軍節度使。 丁未,詔 己巳、韶:濱、棣、滄三州被水民 河北被水者蠲其租。 甲寅,遣黃履 以常

公著、 九月癸酉, 樞 密 直 學士 交阯 一薛向 來貢。 並 同知樞密院事 癸未,李乾 德 表乞還廣源等州,詔 詔祀天地及配帝並用特牲。 不許。 Z 酉 是月 ,以端明殿 武 康軍 學士呂

本

紀

第

+

五

胂

宗

一河中府甘露降。

冬十月庚戌,定秋試諸軍賞格。 侍禁仵全死事, 錄其弟宣爲三班借職。 辛亥,韓存寶

破瀘夷後城十有三囤。癸亥,于闢來貢

|州兵討之。己亥,罷文武功臣號。 + 一月己士,命龍圖閣直學士宋敏求等詳定正旦御殿儀注。 是月,梁縣嘉禾生。 癸巳,辰州徭贼叛,詔沅

院、流內銓及將作監、三班院主簿,左右軍巡判官。丙寅,遼遣耶律隆等來賀正旦。 庫務司。 **青州民王贇以復父讎冤死,刺配鄰州。** 十二月丙午,日中有黑子,凡十二日。 甲子, 以婉儀邢氏爲賢妃。 詔罷三司推勘公事官; 減軍器監勾當公事 戊午,置大理寺獄。己未, 詔罷都大提舉在京諸司 辛亥、錄囚、降死罪一等、杖以下釋之。丙辰、詔: 審官東

從之。 御宣 察使、上柱國、南陽郡開國公楊遂爲寧遠軍節度使。 徳門觀燈。 一年春正月乙亥、罷岢嵐、火山軍市馬。 詔辰州敍浦縣置龍潭堡。 丁亥,詔以經義、論試宗室。 是月,潁州、壽州甘露降 甲午,京兆府學教授蔣夔乞以十哲從祀孔子, 丙子,詔立高麗交易法。壬午,以容州管內觀 癸未, 韶知沅州謝麟督 捕徭贼。 甲申

一月甲寅,詔瘞漢州暴骸。 日中有黑子。 乙卯,以瀘州夷乞弟犯邊,詔王光祖等討之。

丙辰, 韶定解鹽歲額。乙丑, 滄州饑, 發倉粟振之。

親試 衣、金帶等物。 問問部 三月庚午朔,董氊遣使來貢。 進士。 丙戌,詔:雄州兩輸戶南徙者諭令復業。 壬午,試特奏名進士及武舉。 辛未 ,詔給地葬畿 癸未, 試諸科明法。 庚寅、疏汴、洛 賜董氊緡錢、 銀帛、 庚辰,

軍甘露降,眉州生瑞竹。 **升之以檢校太尉依前同中書門下平章事、鎭江軍節度使、上柱國、秀國公致仕。** 夏四月辛丑,幸金明池觀水嬉,宴射瓊林苑。 癸亥,定正旦御殿儀。甲子,詔增審刑院詳議、詳斷官,罷刑部檢法官。是月, 甲辰,遼遣蕭晟等來賀同天節。 己未,陳升 丁巳, 陳

給之。 辛巳,太子太師致仕趙槩上所集諫林。 五月內子,順州蠻叛,峒兵討平之。 戊子,御史中丞蔡確參知 政事 甲申,元絳罷知亳州。 庚辰, 詔以濮安懿王三夫人並稱王夫人, 祔濮園。 乙酉,詔:安南軍死事孤寡廩

節 韶 i 度 使、 五 路 六月甲辰,廣西 帥臣、副總管軍臣僚各舉任將領及大使臣者二人。 魏國公宗懿追封舒王。 捕斬儂智春,執其妻子以獻。 是月,南康軍甘露降,忠州 戊申,命蔡確參定編修傳法寶錄。 雨 甲寅, 豆 清汴成。辛酉,詔鎭寧軍 癸丑

秋 七月甲戌,張方平以太子少師致仕。 戊寅,詳定朝會儀。 己卯, 命中書句考四方詔

二九七

本

紀

第十

五

神

宗

二九八

獄。 ,南賓縣雨豆,瓊州甘露降。 庚辰,以淮康軍節度使

宗暉同中書門下平章事。 丁亥,詳定郊廟禮儀。 是月, 陳州芝

作 司為東西兩司,各置監官,文臣一員,武臣二員。遣李淸臣等賀遼主生辰、正旦。甲寅, 八月丙申朔,夏人寇綏德城,都監李浦敗之。辛丑,分涇原路兵爲十一將。 壬寅,復八

試,補內舍生。間歲一舍試,補上舍生。」以類州爲順昌軍節度。是月,曹州生瑞穀,河陽生 詔三增太學生舍爲八十齋,齋三十人,外舍生二千人,內舍生三百人。 月一私試,歲一公

己丑,進婕妤朱氏爲昭容。壬辰,出馬步射格鬭法預諸軍。 九月癸未,降順昌軍囚罪一等,徒以下釋之。甲申,西南龍蕃來貢。丁亥,大宴集英 甲午,西南羅蕃、方蕃來

韶易太皇太后園陵日山陵。 輔臣禱于大地、宗廟、社稷。 申,交阯歸所掠民,詔以順州賜之。己酉,太皇太后疾,上不視事。 冬十月內申,西南石蕃來貢。 減天下囚死罪一等, 流以下釋之。 辛酉,以羣臣七上表,始聽政。 癸卯,置籍田令。詔立水居船戶,五戶至十戶爲一甲。 命王珪爲山陵使。 乙卯,太皇太后崩。 庚戌,罷朝謁景靈宮,命 戊午, 戊

十一月癸未,始御崇政殿。丁亥,雨土。

庚申,遼遣蕭寧等來賀正旦。 十二月乙巳,御史中丞李定上國子監敕式令并學令,凡百四十條。 是月,全州芝草生,桂州甘露降。 丙午, 復置御史六

校勘記

罷潞州交子務 務置于熙寧二年, 龍」, 「轉運司以其法行則鹽礬不售,有害入中糧草,遂奏罷之」。 原作「置」,長編卷二一三作「罷」。按本書卷一八一食貨志, 據此則長編作 路州交子

 Ξ 宣撫司指揮使 人 補 下班殿侍、幷邊上指使。」事例正同。 「指揮使」,長編卷二一七作「指使」。按宋會要選舉一七之九說:「臧昌齡等七 此處「揮」字疑行。

「罷」爲是、據改。

= 汝 州 團 練 副 使 「副」字原脫,據本書卷三三五种諤傳、宋會要職官六五之三五、太平治蹟統類

卷

五

補

开贇 「古其字,晉其」,「宋又有諸司使」了贇」。 長編 卷一七三作「丌贇」,卷二二二又作「亓贇」。 鄭樵南宋人,所說當較可靠。「亓」、「开」二字形似, 按鄭樵通志卷二九氏族略「亓氏」條說: 疑

至 通遠軍 本 紀 第 + 原作「安遠軍」,據本書卷八七地理志、編年綱目卷一九、王存元豐九城志 五 校 勘 記 二九九 (以下簡稱九城

此處誤「亓」爲「升」;張編卷一七三也誤。

宋史卷十五

徳) 卷三改。

(云) 張商英 「商」字原脫,據本書卷三五一本傳、長編卷二四〇補。

(4) 能兩浙增額預買紬絹 「預買」,原作「預置」,據長編卷二五一、編年綱目卷一九改。

元 虔州江水溢 江南西路、處州隸兩浙路、作虔州是、據改。 「虔」,原作「處」,長編卷二六六說:「江南西路轉運司言:虔州江水漲。」

虔州隸

〔5〕木宗城 原作「木宗域」,據長編卷二七一改。

(10) 内侍押班王中正 「侍」,原作「副」,據本書卷四六七本傳、長編卷二七四改。

(11) 諸軍自廣南入 長編卷二七七作「諸將九軍自廣西進」。上文旣說「水軍涉海自廣東入」,此處

「廣南」當是「廣西」之誤。

100

米史卷十六

本紀第十六

神宗三

瀬昌 官失入者,歲具數罰之。己丑,高麗國遣使來貢。 囚罪一等,徒以下釋之。戊寅,上太皇太后諡曰慈聖光獻。 三年春正月乙丑朔,以大行太皇太后在殯,不視朝。 白虹貫目。 癸酉, 辛卯,于闐國大首領阿令顚 陞許州爲潁昌府。 戊子、詔審刑院、刑部斷議 丙子,降

顙温等來貢。癸巳,白虹貫日。

三月乙丑,工部侍郎同平章事吳充罷爲觀文殿大學士、西太一宮使。 二月丙午,以翰林學士章惇參知政事。丙辰,始御崇政殿視朝。 丁巳,命輔臣禱雨 癸酉,葬慈聖光

獻皇 戊子,降兩京、 后于永昭陵。 河陽 囚罪 丙子,南丹州入貢,以刺史印賜之。 一等,民緣山陵役者,蠲其賦。 乙酉,耐慈聖光獻皇后神主于太廟。 己丑,以慈聖光獻皇后弟昭德軍節

度使曹佾 爲司 `徒兼中書令,改護國軍節度使,餘親屬加恩有差。

賜錢 案諸 乞弟寇戎州,兵官王宣等戰歿。 六千 路 夏四月乙未,觀文殿大學士吳充薨。丁酉,封宗暉爲濮陽郡王,濮安懿王子孫皆進官 監司。 己亥,遼遣耶律永芳等來賀同天節。乙巳,以瀘州夷乞弟侵擾,詔邊將討之。戊申, 緡 庚申,詔御史臺六祭以糾劾多寡爲殿最,任滿取旨升黜。 甲寅、罷羣牧行司,復置提舉買馬監牧司。 辛酉, 增國子監嚴 乙卯,令御史分

州 月,青州 蕭縣尉 五 月 之 孔: 臨朐、益都石化爲麪。 甲申,復命韓存寶經制瀘夷。 ,詔:自今三伏內,五日*一* 御前殿。 韶改都大提舉導洛通汴司為都提舉汴河堤岸司。 辛巳,以潁昌進士劉堂上制盜十策, 授徐

門下 兵 部 省主 勾當公事官。 |判官,歸其事於中書。 詔河北、河東、陝西路各選文武官一員提舉義勇保甲。 是月,安州、臨江軍產芝及連理麥。 壬子, 詔罷中書

六月甲午,日有五色雲。戊戌,詔省宗室教授,存十三員。

丙午,韶中書詳定官制。

韻

殿 減 膳,詔求直言。 秋 七月庚午, 河決澶州。 丁亥,罷羣神從祀 甲戌,詔自今遇大禮罷上尊號。癸未,彗出太微垣。內戌,避 明堂。 戊子,太白晝見。

八月乙巳,罷省、寺、監官領空名者。 癸丑,遣王存等賀遼主生辰、正旦。戊午,

見。

明堂. 時王 罷 並 校書郎、正字、將作監主簿有差, 以 知類州。 爲 開 府儀 司空。 禮 ,以英宗配,赦 九月壬戌, 洞 祖宗。 ·同三司易中書令、侍中、同平章事,特進易左右僕射,自是以下至承務郎 文彥博爲太尉。 丁亥,以呂公著爲樞密副使。 ,增宣祖定州東安墳地二十頃及守園戶。 以王安石爲特進,改封荆國 天下。 癸未,薛向、孫固並爲樞密副 封曹佾爲濟陽郡王, 檢校僕射以下及階散憲銜並罷,詳在職官志。 公。 丙戌,進封 宗旦為華陰郡王 使。 丙寅, 岐王 Z 酉,詔卽景靈宮作 御殿復膳。 題爲雍王 馮京爲樞密使。 ,嘉王頵爲曹王, 乙亥, 辛巳, 十一殿,以 易祕 正官名。 大饗 書省

閨 九月乙卯,加文彥博河東、永興軍節度使,以富弼爲司徒。

十二月甲辰,遼遣蕭偉等來賀正旦。十一月己丑朔,日當食,雲陰不見。

亥,于閩來貢 四年 春正 月乙未, 馮京罷. 命步 知 河 陽 軍都虞候林廣代韓存寶經制瀘夷。 孫固 知樞 密院 龍 圖 閣 直 學士 一韓編 庚子,詔試 同 知樞 密院 進 士加律義。 事 辛

月辛未, 置秦州 鑄錢 監 己卯,分東南團結諸軍爲十三 將。

本

紀第

十

六

呻

宗

 \equiv

三月乙未,詔在京官毋舉辟執政有服親。 癸卯,章惇罷知蔡州 甲辰, 以翰林學士張

躁參知政事。 乙巳, 命官閱九軍營陣法於京城南。 戊申、大閱。 丙辰,董氊遣使來貢

地,自今親祀北郊如南郊儀,有故不行則以上公攝事。 夏四月癸亥,遼遣耶律祐等來賀同天節。 御 延 和 殿閱試保甲。 壬申, 慮囚。 己巳,詔罷南郊合祭天 山陰縣主簿余行之誤

反伏誅。乙酉,河決澶州小吳埽。

五月丁酉,詔河東路提點刑獄劉定專振被水民。 戊申,封晉程嬰爲成信侯,公孫杵日

爲忠智侯,立廟于絳州。

平等事王得臣督諸縣捕 六月戊午, 河北諸郡蝗生。 蝗。 癸未, ^ 命提點開封府界諸縣公事楊景略、提舉開封府界常 甲

午,鄜延、涇原、環慶、熙河、麟府路各賜金銀帶、綿襖、銀器、鞍轡、象笏。 留無功伏誅。 官悉罷。 秋 心上月己丑,太白書見。 令大理卿崔台符同尚書吏部,審官東西、三班院議選格 丁未,大軍進攻米脂砦。 庚寅,西邊守臣言夏人囚其主,東常,詔陝西、 己酉,詔會鞏充史館修撰,專典史事。詔內外官司舉 甲辰,韓存寶坐逗 河東路討之。

辛酉,夏人寇臨川堡,詔董氊會兵伐之。以金州刺史燕達爲武康軍節度使。己巳,復置滑 八月乙卯朔,罷中書堂選,悉歸有司。 丙辰, 詔蠲河北東路災傷州軍今年夏料役錢。

州 女遮 丁升; 斬獲甚 熙河經制李憲敗夏人于西市新城,獲酋首三人、首領二十餘人。 衆。 辛巳,司馬光、趙彥若上所修百官公卿年表十卷,宗室世表三卷。 庚辰, 又襲破于

禮儀 復欗州 救米脂砦, 鄭 珪 L 九 占城。 國朝會要。 月 丙午,詔諭 乙酉,董氊遣使來貢,且言已遣首領洛施軍篤喬阿公等將兵三萬會擊夏國。 延 戊子, 經略副 夏主左右幷鬼名部族諸部首 壬寅,閱河北保甲于崇政殿,官其優者三十六人。 | 山州 使种諤率衆擊破之。 新順首領巴令謁等三族率所部兵攻夏人撒逋宗城,敗之。 辛亥,种諤又敗夏 領,並許自歸。 人于無定川 戊申,太白犯斗。 甲辰, 詳定郊廟 庚戌,夏兵 奉祀

口口 之,斬獲甚衆。癸酉,復韋州。 慶行營經略使高遵裕復清遠軍印 臥 Z 沙 H: 敗之。 迹 , 涇原兵至磨哆隘, 遇夏人, 與其統軍梁大王(I)戰, 敗之, 追奔二十里, 十月丁巳,米脂砦降。 監軍使梁格嵬等十五級,獲首領統軍姪訖多埋等二十二人。已巳,入銀州 一遺文, 韶從之。 戊寅, 种諤入夏州(三)。 涇原 節制王中正入宥州 己未,拂菻 乙亥,李憲敗夏人于屈吳山 种諤遣曲珍等領兵通黑水安定堡路,遇夏人,與戰 韶諸將存撫降人。辛巳, 國 來貢。 庚 申, 熙河兵至女遮谷,與夏人遇,戰敗之。 史館修撰曾鞏乞收采名臣 丁丑,曲珍與夏人戰于蒲 斬大首領沒囉 庚午, 破 環

+ 月癸未 朔, 日 有食之。 丁亥,諸軍合攻靈州, 种諤敗夏人于黑水。 己..... 李憲敗夏

本

紀

第

+

六

神

宗

Ξ

夏州 人于囉逋川 索家平,兵衆三萬人,以無食而潰。 辛卯,种諤降橫河平人戶 , , 破石堡城, 斬獲甚衆。 丙午,高邍裕以師還, 夏人來追,遂潰 辛丑,師還。 癸卯, 种諤至

十二月辛未,林廣破乞弟于納江。 乙亥,慈聖光獻皇后禪祭,宰臣王珪等上表請聽樂,

不許,自是五表,乃從之。戊寅,遼遣蕭福全等來賀正旦。

裕 郢州團 五. 年春正月癸未朔,不受朝。丙申,御宣德門觀燈。己亥,白虹貫日。庚子,責授高遵 [練副使,本州安置。 乙巳,作新渾儀、浮漏。 辛亥,詔再議西討,以熙河經制李憲

爲涇原、熙河蘭會安撫制置使,李浩權安撫副使。

以乞弟平班 二月癸丑朔,頒三省、樞密、六曹條制。 師。 辛酉,詔:董氊首領結隣死,其朝辭物(四)給其子董訥支藺氊,增賜絹白匹。 詔鄜延軍士病不能歸者,賜其家絹十匹。丙辰,

梓州路,減囚罪一等,民緣軍事役者蠲其賦。 封董氊爲武威郡王。丙子,渤泥來貢

癸亥,華陰郡王宗旦薨。

丁卯,

封武昌軍節度觀察留後宗惠爲江夏郡王。

癸酉,以出

師赦

流以下原之。 三月壬辰,親策進士。 韶杭州歲修吳越王墳廟。 甲午,策武舉。 己亥,以日當食,避殿減膳, 壬寅, 鄜延路副總管曲珍敗夏人于金湯。 赦天下,降死罪一

巳,賜進士、諸科出身千四百二十八人。 丙午,雨土。

夏 []L] 月壬 三子朔, 日食不見。 甲寅, 御殿復膳。 丁巳, 遼遣耶: 律永端等來質同 天節。

孟. 未, 閣 爲尙 右 徐禧 沈括 僕 以射氣: 書 知 奏遣 左丞, 制 心事侍 語、 曲 珍將 權 翰林學士王安禮爲尚書右丞。 御 郞 史 兵綏德城, 中丞。 甲戌,太中大夫章惇爲門下侍郎, 癸酉, 應援 討 官制 葭蘆寨 成。 (金) 以王· 錄唐段秀實後,復其家。 左右 珪爲尚書左僕 見聚羌落 張璪為 射兼 中書侍 詔 從 門下 之。 1. 郞 П: 侍 Z 翰 郞 ·Æ 同 林 蔡確 知 學土 以 樞密 直 浦 爲 龍 尙 圕

懲王 安以 五 月辛巳朔,行官制。 母老,詔特原之公。 丁亥, 賞平蠻將士有差。 作尚書省。戊戌、詔兩省官人舉可任御史者各二人。甲辰、 癸巳, 豐州卒張世矩等作亂伏誅。

遣

給

事

中

徐禧治

鄜延

漫事

呂公著罷知定州

甲子, 甲 寅 六月辛亥朔 改翰林醫官院爲醫官局 王珪 上 兩朝史。 環慶經略司 戊午, 遣將與夏 詔 修 壬: 申 兩朝寶訓 交阯獻馴犀二。 人戰, 破之, 詔以 成 斬其統軍嵬名妹精嵬、 都 癸酉, 路 供 給 豫章郡王 瀘 州 邊 一宗諤 事 薨。 副統軍訛勃遇。 曲 赦 戊寅 冤 二稅 曲珍

等 敗夏 人于明堂川。 作天源河

讞 秋 戊 七月辛巳,廣 子 , 詔 御史中丞舒亶舉任言事或察官十人。辛卯, 西經略司言知宜州 王奇 與賊戰, 敗績 壬 韶尚書考功員外郎蔡京編 午, 詔罷 大 理寺 官赴 書 省

本

紀

第

+

六

神

宗

Ξ

三〇八

詔。 庚子,以蔡京爲起居郎,仍同詳定官制。 丁未,垂拱殿宴修史官。 己酉,始建雩壇祀上

以太宗 配

妃。 庚申, 月庚戌朔,封御侍武氏爲才人。 ,帝有疾。 詔歲以四孟月朝獻景靈宮。 壬子,進封均國公傭爲延安郡王。 辛未,遺韓忠彥等賀遼主生辰、正旦。 以昭容朱氏爲賢 鳳

樂、戊寅、河決原武。

州

團

練使种諤以行軍迂道,降授文州刺史。

壬申,

詔罷增減幕職、州縣官奉。 甲戌,城永

死之,詔贈忠州防禦使。 矩等將兵救永樂砦。 戊戌, 帝 以 (疾愈,降京畿囚罪一等,徒以下釋之。 九月丁亥,夏人三十萬衆寇永樂,曲珍戰不利, 詔客省、引進、四方館、東西上閣門各置 辛丑,賞董氊將士有差。 永樂陷, 給事中徐禧、 壬辰, 遺使行視畿縣民被水患者。 一使、副等職。 癸卯,滑州河水溢。 裨將寇偉等死之,夏人遂圍城。 內侍李舜舉、陝西轉運判官李稷死之。 庚子,安化蠻寇宜州, 乙未, 詔張世 知州王奇 己班,

贈永樂死事 州 大夫、工部侍郎,入內高品張禹勤皇城使,各推恩賜贈有差。 癸酉,貶知太原府、資政殿大 安置 冬十月辛亥,洛口、廣武大河溢。甲寅,知延州沈括以措置乖方,責授均州團練副使, 啷 臣徐禧金紫光祿大夫、吏部尚書,李舜舉昭化軍節度使,並賜諡忠愍,李稷 延路副都總管曲珍以城陷敗走,降授皇城侇。 丙辰, 修定景靈宮儀。 乙丑, 的朝奉

學士呂惠卿知單州。

乙酉 ,以奉安神御赦天下,官與享大臣子若孫一人。庚寅,紫宸殿宴侍祠官。 月戊寅朔,罷御史察諸路。 壬午,景靈宮成, 告遷祖宗神御。 癸未, 初行酌獻禮。

引進 將皇城使寇偉等十三人及東上閤門副使景思誼等九十人,贈賜有差 對官十人。 十二月丁巳,新樂成。 辛未, 西南龍蕃來貢。 以賢妃周氏爲德妃。 壬申 遼遣耶律儀等來賀正旦。 辛酉、塞原武決河。 丙寅,休日御延和殿, 丙 錄永樂死事

下半年 貫 屈平爲忠潔侯 日 六年春正月丁 更易法。 丁亥,朝獻景靈宮。 乙未、詔修周、漢以來陵廟。 丑朔,御大慶殿受朝,始用 己丑,層檀入貢 庚寅, 新樂。 乙巳,御崇政殿閱武士。 御宣德門觀燈。 儀鸞司徹幕屋壞, 癸巳,詔 毁玉輅。 丙午,對楚三閭大夫 御史六祭罷 甲申, 白 虹

爲 犯 四方館使行。 二月丁未,夏人數十萬衆攻蘭州,鈴轄王文郁率死士七百餘人擊走之。丙辰, ,貶熙河經略使李憲爲經略安撫都總管,以王文郁爲西上閤門使、知蘭州 甲子,詔供備庫使高遵治、西京左藏庫副 使張壽各降一 官。 副使李浩 以夏人

三月辛 Jp 夏 人寇蘭州 副總管李浩以衞城有功,復隴州團練使。 乙未,休日御延和

本

紀第

+

= -

殿 郡 開 引進對官八人。 國公王拱辰爲武安軍節度使。 内申,河東將薛義敗夏人于葭蘆西嶺。戊戌,以檢校太尉、上柱國、太原 麟、 府州將郭忠韶(公等敗夏人于乜離抑部, 詔行賞有

差。己亥,河東將高永翼敗夏人于眞卿流部。

朝寶訓 夏四月已酉,朝獻景靈宮。 李浩敗夏人于巴義谿。 辛亥, 辛未,雨土。 遼遣蕭固等來賀同天節。 壬申,御邇英閣,蔡卞進講問禮 甲子, 禮部郎中林希上兩

寇蘭州,右侍禁章定死之。癸卯,詔賜資州孝子支漸粟帛。 五. 月丙子朔,于闖入貢。 甲申,以時暑趣決開封大理獄。 是月,夏人寇麟州, 庚寅,以旱慮囚。 知州訾虎敗 甲午,夏人

六月乙巳朔, 詔 御史臺六察各置御史一員。 癸丑, 韶御史中丞、兩省官各舉可任言 事

之。

或監察御

史五

人。

武 一各舉應武舉一人。 閨 月乙亥朔,夏主秉常請修貢,許之。 **汴水盗。** 丙申,太師、守司徒、韓國公富弼薨,諡文忠。 戊寅, 韶陝西、河東毋輒出兵。 丙戌, 韶內外文

· 流以下原之。孫固罷知河陽。 秋 七月乙卯,祔孝惠、孝章、 淑德、 以同知樞密院韓縝知樞密院,戶部尚書安燾同知樞密院 章懷皇后于廟。 丙辰,以四后祔廟, 降京畿囚罪一

戊午,朝獻景靈宮。

八月丙子,賜升祔陪祠官宴于尚書省。 己卯,太白晝見。 乙酉,遣蔡京等賀遼主生辰、

IE 旦。辛卯 · 清宗孟罷,王安禮爲尙書左丞,吏部尙書李淸臣爲尙書右丞。

九月癸卯朔,日有食之。

冬十月癸酉朔, **秉常遣使上表,請復修職貢,乞還舊疆。戊子,封孟軻爲鄒國公。**

會稽郡王世淸薨。 庚子,尚書省成。 辛丑, 封馬援爲忠顯王

度使。 曆隆 帝 功盛 于 十一月癸卯,加上仁宗諡曰體天法道極功全德神文聖武睿哲明孝皇帝,英宗曰體乾應 | 圜丘 庚申,幸尙書省,官執政五服內未仕者一人,進尙書以下官一等。 德憲文肅武睿神宣孝皇帝。 , 赦 泛天下。 甲寅, 文彦博以太師致仕。 甲辰,朝獻景靈宮。 乙卯, 以觀文殿大學士韓絳爲建雄軍節 乙巳,朝享太廟。 丙午, 祀昊天

七年春正月丙午,封洺州防禦使世準爲安定郡王。 癸丑,夏人寇巓州, 李憲等擊走之。

甲寅,以賢妃朱氏爲德妃。

爲 高 官密郡王 月甲戌,太師文彥博入覲,置酒垂拱殿。癸未,進封濮陽郡王宗暉爲嗣濮王,封宗晟 宗綽爲 建安郡王,宗隱爲安康 郡王,宗瑗爲漢東郡王,宗愈爲華原郡王

三月辛 丑: ,賜文彥博宴于瓊林苑,帝製詩以賜之。 庚申,御崇政殿大閱。 壬戌, 詔賜鬼

本

紀

第

+

大

神

宗三

=

章寫經紙,還其所獻馬。癸亥,白虹貫日。

五經出身。丙戌、景靈宮天元殿門生芝草六本。 夏四月辛未,大食國來貢。乙亥,遼遣蕭狹等來賀同天節。 壬辰,朝獻景靈宮。癸巳,夏人寇延州安 丁丑,賜饒州童子朱天錫

寒堡,將官呂眞敗之。

五月壬子,慮囚,降死罪一等,杖以下釋之。 辛酉,白虹貫日。壬戌,以孟軻配食文宣

王, 封荀況、楊雄、韓愈爲伯,並從祀。 韶諸路帥臣、監司等舉大使臣爲將領

六月丙子,夏人寇德順軍,巡檢王友死之。 辛卯,江夏郡王宗惠薨。

秋 七月甲辰,伊、洛溢,河决元城。 丙午, 遣使振恤, 賜溺死者家錢。 壬子, 朝獻景靈

宮。甲寅,王安禮罷。

八月庚午,詔王光祖遣人招諭乞弟,許出降冤罪補官,是歲乞弟死。 辛巳,遣陳睦等賀

遼主生辰、正旦。

之。 九月壬寅,西南龍蕃來貢。 乙巳, 三佛齊來貢。 乙丑,夏人圍定西城,熙河將秦貴敗

獻景靈宮。戊子,詔分畫交阯界,以六縣二峒賜之。乙未,夏人寇靜邊砦,涇原將彭孫敗之。 多十月乙亥,夏人寇熙河。 庚辰, 饒州童子朱天申對于睿思殿, 賜五經出身。 辛巳,朝

十一月丁四朔,寇淸邊砦,隊將白玉、李貴死之。 甲辰, 夏國主秉常造使來貢。

太白垚見。

門下、中書外省官同舉言事御史。 十二月戊辰,端明殿學士司馬光上資治通鑑,以光爲資政殿學士,降詔獎論。 辛卯,遼遣耶律襄等來賀正 日。 庚寅 了。 詔

是歲,河東饑,河北水,壞洺州廬舍,蠲其稅。

八年春正月戊戌,帝不豫。 甲辰,赦天下。 乙巳,命輔臣代禱景靈宮。 乙卯,

禱于天地、宗廟、社稷。

樞 密院入見、請立皇太子及請皇太后權同聽政、許之。 二月辛巳,開賓寺貢院火。 丁亥,命禮部鎖試別所。 癸巳,上疾甚,遷御福寧殿,三省、

戊戌,上崩 遺官告于天地、宗廟、社稷、諸陵。 三月甲午朔,立延安郡王傭爲皇太子,賜名煦,皇太后權同處分軍國事。乙未,赦天下, 于福寧殿,年三十有八。皇太子卽皇帝位, 丁酉, 皇太后命吏部尚書曾孝寬爲册立皇太子禮儀使。 尊皇太后爲太皇太后, 皇后爲皇太

后,德妃朱氏爲皇太妃。 九月已亥,上大行皇帝諡 太皇太后權同處分軍 日 英文烈武聖孝皇帝 或 事 ,廟號神宗。

本

紀

第十六

神宗

Ξ

校

勘

記

十月乙酉,葬于永裕陵。

之恥, 胸洶騷動 致祖宗之良法美意,變壞幾盡。 幾,王安石入相。 求直言,祭民隱,恤孤獨,養耆老,振匱乏;不治宮室,不事遊幸,厲精圖治 宮,侍講王陶講論經史,輒相率拜之,由是中外翕然稱賢。其卽位也,小心謙抑,敬畏輔相 未有所當, 「慟哭流涕者接踵而至。 帝天性孝友,其入事兩宮, 遂以偏見曲學起而乘之。 安石爲人,悻悻自信,知祖宗志吞幽薊、靈武,而數敗兵,帝舊然將至 自是邪佞日進,人心日離,禍亂日起,惜哉! 帝終不覺悟,方斷然廢逐元老,擯斥諫士,行之不疑。 必侍立終日,雖寒暑不變。 青苗、保甲、均輸、市易、水利之法旣立,而天下 **嘗與岐、嘉二王讀書東** ,將大有爲。 · 數世 未

校勘記

- (二) 梁大王 原作「梁大玉」,據本書卷四八六夏國傳、長編卷三一七、宋會要兵八之二五改。
- = 清遠軍 遵衸 從這裏進攻靈州,清遠軍 原作「通遠軍」,據本書卷四八六夏國傳、長編卷三一八、宋會要兵八之二六改。 ΤE 在 靈州之南,而通遠軍 離靈州很遠,與戰爭形勢不合。 按高
- 夏州 原作「貢州」,據長編卷三一八、宋會要兵八之二五改。

- 四其朝辭物 「其」,原作「者」,據長編卷三二三、宋會要蕃夷六之一六改。
- (至) **葭蘆寨** 「寨」,原作「塞」,據長編卷三二五、太平治蹟統類卷一五改
- (六) 其黨王安以母老詔特原之 按長編卷三二六載經略司言:「安等已斬,……而安有母年六十二,

上特貸之。」 據此,當時「詔特原」的是王安母而非王安本人,「王安以母老」當爲「王安母以老」

之誤。

文有脫誤。

2 貶熙河經略使李憲爲經略安撫都總管以王文郁爲西上閤門使知蘭州副使李浩爲四方館 簲

據宋會要職官六六之二二,此時李憲降授宣慶使,

經略安撫都總管苗

授罰銅三十

此

斤,經略安撫副使知蘭州李浩降授四方館使。長編卷三三三同,并說:「王文郁爲西上閤門使知

蘭州,代李浩。」

2 郭忠詔 長編卷三三四、編年綱目卷二一、十朝綱要卷一〇都作「郭忠紹」。

本

紀 第 +

六

校 勘 10

宋史卷十七

本紀第十七

哲宗一

疾、宰相王珪乞早建儲、爲宗廟社稷計,又奏請皇太后權同聽政,神宗首肯。 節度使,封均國公。元豐五年,遷開府儀同三司、彰武軍節度使,進封延安郡王。七年三月, 皇太后垂簾于福寧殿,諭珪等曰:皇子性莊 神宗宴墓臣于集英殿,王侍立,天表释温,進止中度,宰相而下再拜賀。 福 至是尤益 哲宗 因 出以示 憲元繼道顯德定功欽文睿武齊聖昭孝皇帝,諱煦, 熙寧九年十二月七日己丑,生于宮中,赤光照室。 熾 **赶等**, 如 火。 所書字極端謹,连等稱賀 重,從學穎悟, **遂奉制立爲皇太子**。 自皇帝服藥, 神宗第六子也,母日欽聖皇 初名傭,授檢校太尉、天平軍 初,太子宮中常有赤 手寫佛書,爲帝祈 八年二月,神宗寢 三月甲午朔,

本紀

Ħ,

-|-

-L:

哲宗

臣

爲

Ш

妃。 遣 使 告哀 命宰 戊 戊 于遼。 神宗崩, 王珪 白 虹 太子 一陵使。 貫 日 即皇帝位。 庚 甲寅 子,尊 ,以羣臣固 己亥,大赦天下常赦所不原者。 皇太后日太皇太后, 請,始同太皇太后聽政 皇后日 皇太后 羣臣進秩, 德妃朱氏日皇太 賜資諸軍。

或 石 荆 樞 宗綽並爲開府儀同三司。 公似爲普寧郡王。 密院與三省同 司空,餘進秩 ,並加太保。 賜叔 雍王 議以進。 弟寧國公信爲遂寧郡王,儀國公佖爲大寧郡王 賜致仕、服帶、銀帛有差。 顥 高密 曹王 庚申 郡王宗晟、漢東郡王宗瑗、華原郡王宗愈、安康郡王宗隱、建安郡 太師、潞國公文彥博爲司徒, 預贊 , 尚書左 拜不名。 僕射、郇國公王珪進封岐國公。 令中外避太皇太后父遵甫 辛酉,詔 顏子、孟 濟陽郡王曹佾爲太保, 子 配享孔子廟 ,成國公俁爲咸寧郡王 名。 顯進封揚王 詔邊事稍 重者 頵 和

意。 當 幸事 ,幾於 夏四月丙 /煩擾, 董氊檢校 寅, 或苟且文具,不能布宣實惠 初 太尉。 御紫宸殿。 詔曰:「先皇帝臨御 辛未, 蠲元豐六年以前 十有 其申諭中外,協心 九年, 建 逋 立 賦 一政事以澤 甲戌, 奉令,以稱先帝惠安元元之 加李乾德 天下 , 而 同中書門下 有 司 奉 行失

詔遵先帝制,遣官祭舉諸路監司之法。 韶以太皇太后 生日 爲 坤 ·成節。 T 庚辰,呂惠卿遣兵入西界,破六砦,斬首六百餘 1 召呂公著侍讀 諭 樞 密、 中 書通 議 事 都

級。 辛巳,遺使以先帝遺留物遺遼國及告 i 即位。 甲申,水部員外郎王諤非 職 言事,坐 罰

丙戌, 以蕃 官 高 福 戰死 ,錄其子孫。 丁亥, 復蠲 舊年 逋 賦

科 午 八 ,京師 及第出身四百六十一人。戊午, H 爲 HL 興 月 地震。 龍 内 節 申, ·(11)。 復置 詔 日 遼州 官言朝政闕失。 壬寅,城熙、 庚戌,王珪薨。 蘭、 通遠軍 以察確爲尚書左僕射棄門下侍郎, 資政殿學士 改命蔡確爲山陵使。 , 賜 李憲、 司 馬光過 趙濟銀帛 闕 入見。 有差。 丙辰, T 甲辰 酉 賜禮部奏名進士、 韓縝爲尚書右僕射 羣臣請以 作受命寶。 諸 月 内

兼 中書侍 郎,章惇知樞密院,司馬光爲門下侍郎

秋 八月庚午 七月戊 戌, - ,賜楚州孝子徐積絹米。丁亥,詔:中外臣庶許直言朝政闕失、民間疾苦。 以資政殿大學士呂公著爲尙書左丞。 韶府界、三路保甲罷 團教。丙午, 遼

人來吊祭。 丙辰, 白虹貫日。 吏部侍郎熊本奏歸化儂智會異同, 坐罰 金。 罷 沅州 增修

此不

同 可。 八 月 癸酉 乙丑,詔:按察官所至,有才能 遣使賀遼主 生辰、正旦。 顯著者以名聞。 乙亥,以供 奉王英戰死 己巳, 鎭 葭 江 蘆 軍 鍅 節 其子 度使韓絳 進開 府儀

九月 戊戌,以神宗英文烈武聖孝皇帝之諡告于天地、宗廟、社稷。 己亥,上寶册于福寧

殿。己酉、遣使報謝于遼。

廢格 官二人。 者 多十 匹加 Ĥ 詔 [raj 甲子 腨 御 察 7,夏 史 御 糾 史兼 國遣使進 劾 芝。 言 事 殿 河 川力 决大名 中侍 陵馬 御 史兼 Z 癸酉 四 察 , 葬神宗 事 詔做唐六典置諫官。 醧 皇帝于永裕 義 倉。 己 卯,詔 凌 丁: 均 丙 戌 寬民力, 令侍 靇 j_j 有 從各舉 11 哎 以 諫 身 致

國主母卒,造使吊祭。

侧之 賀卽位。 舞 -月 字: 一刊; 减 炎山, 詔 兩京、河陽囚罪一等,杖已下釋之, 按 [8] 強從 欲舉自首者毋 減。 丁 酉, 民緣山陵役者蠲 値 **附神宗** 其財 于太廟 己 四 廟 遼遺 樂 日

邑, 詔 揚王顥、荆王 是歲 丙寅, 夏人以 十二月壬 執 政 日 侍臣 有 戌, 五色雲者六。 講 頵 其母遺留物、馬、白駝 于闐進獅子, 讀。 並 爲 戊寅 太 傅。 高 罷增置鑄錢監 壬 麗 韶卻之。 申 、大食入貢 , 章惇、 來獻 開經筵 司 +馬光等進秩有差。 有 辛未, 》,講魯論, 几 乙酉, 左僕射蔡確 遼遣蕭睦等來賀 讀三朝寶訓 甲戌, 、右僕射 鴽 韓編 後 罷太學保任 苑 JE 並 H 西 作院。 濢 秩 间 加 食 罪

未, -記 |미 元 耐 賜高 元 午 麗王鞍馬、 春 JE 月庚 服帶、器幣有 寅 朔, 改元。 加 丙 午, 罷陝西、 錄 在 京囚 河東元豐四年後凡綠軍 减 死 罪 以 下 等, 興派置 杖 罪 者 官 釋 之。 局 丙 T

久旱,幸相國寺祈雨。 立神宗原廟。 戊午,甘露降。

董氊 丁 卯 卒 ··, 詔 月辛 左右侍從各舉堪任監 以其子 酉 ,以河決大名壞民田 阿里骨 襲 泂 西 軍節度使、 司者二人, ,民艱 舉非其 邈川首領 食者衆, 人有罰 詔安撫使韓絳振之。 庚辰,夏人入貢。 庚午, 禁邊民與夏 辛巳,刑 乙丑, 人為為 修神宗實 部侍郎蹇周 त्तं 辛未,

輔

坐

變鹽

法落職

侍從、 院 尚書呂大防爲尚書右丞。 皇太后宮曰 事 一詳定役法 별 御史、 内辰 月 庚寅, 隆祐 ,掩京城暴骸。 國子司業各舉經明行修可爲學官者二人。 壬辰 蔡確罷。 殿曰隆祜慈徽。 ,以呂公著爲門下 以司馬光爲尙書左僕射、 白 罷諸州常平管勾官。 虰 貫 日。 庚戌,賜于闐國 · 侍郎 丁未,羣臣上太皇太后宫名曰崇慶,殿曰崇慶壽 丙午, 門下侍郎。 守尚書右丞李清臣爲尚書左丞, 王 一服帶、器幣。 乙卯, 以吏部尚書范純仁 詔韓維、呂大防、孫永、 辛亥, 章惇罷。 同知樞密 甲寅, 試 范純 吏部 康 詔

路經 試 司業、 制 三月辛 財 博 用 未 司 士主之, ,詔毋以堂差衝 己 加 如 ´,復 春 廣 秋 補 濟 試 在 泂 法。 選已注官。 輦 運。 癸 酉 辛巳,詔民間疾苦當議寬恤者監 置開封府界提點 置訴 理所, 許熙寧以來得罪者自言。 刑 獄 員 司具聞 乙亥, 靇 以程 命太學公 熙 河 頤 蘭 會

崇政殿

說

書

Z

酉

許

職

哥

官帶職

登第日與升甲。 博平章軍國 丑,定六曹郎官員數。 洞 1 夏四 辛亥,揚王灝、荆王顋並特授太尉。 ,詔執政大臣各舉可 月己 重事。 1 罷謁禁之制。 韓縝罷。 乙巳,詔戶部裁冗費, 充館閣者三人。 辛卯,詔諸路旱傷蠲 知誠州周士隆撫納溪洞民一千三百餘戶,賜士隆銀帛。 詔: 著爲令。 壬寅, 遇科舉,令升朝官各舉經明行修之士一人,俟 其租。 以呂公著爲尚書右僕射兼中書侍 李憲等以用兵失利爲劉摯所劾, 壬辰,以早慮囚。 癸巳, 王安石娆。 郎, 貶秩: 文彦 奉

制。 夏 人來賀卽位。 己巳,幸揚王、荆王第,官其子九人。 五月丁巳朔,以資政殿大學士韓維爲門下侍郎。 壬戌 詔侍從、 臺官、 監司各舉縣令一人。 癸酉,復左右天廐坊。 罷諸路重祿,復熙寧前舊制。 戊辰, 壬午, 韶文彦博班 命程願 同修立國子 空军相之 庚申 監條

庭。 六月 庚戌,太白 甲辰、置春秋博士。 I畫見。 甲寅, 詔正風俗,修紀綱,勿理隱疵細故。 呂惠卿落職,分司 南京,蘇州居住。 復置通利 戊申 」, 富州 軍 配享神宗 程 頭 一疏論 廟

秋 乙丑,夏國主秉常卒。 七月丁巳, 置檢法官。 庚午,夏國遣使賀坤成節 辛酉,設十科舉士法。 劉恕同修資治通鑑,未沾恩而卒,詔官

輔養

君

德

八月辛卯,詔常平依舊法,罷青苗錢。 壬辰, 封弟偲爲祁國公。 甲午,占城國遣使入

貢。壬子,日傍有五色雲。磁州穀異鷣同穗。

卯,試中書舍人蘇軾爲翰林學士、知制 九月 内反朔,司馬光薨。 己未,朝獻景靈宮。 誥。 己卯,張璪罷 辛酉,大享明堂,以神宗配, 赦天下。

冬十月丙戌,改衍聖公爲奉聖公。 庚寅, 太白晝見。 壬辰,夏人來告哀。 庚子,遣使吊

祭

十一月戊午,以尙書左丞呂大防爲中書侍郎, 御史中丞劉摯爲尚書右丞。 于闐

國遣使入貢。庚辰,蠲鹽井官溪錢。

十二月庚寅,詔:將來服除,依元豐三年故事,羣臣勿上尊號。 戊戌, 華州鄭縣小敷谷

上歲,河北、

(楚海諸州水。山崩。戊申,詔以冬温無雪,決繫囚。

年春正月乙丑,封秉常子乾順爲夏國主。 戊辰, 詔 舉 人程試, 主司毋得於老、莊、列

子書命題。 辛巳,詔 蘇轍 劉攽 編次 神宗 御製。 白 虹 貫 日

月丁亥, 遣左司諫朱光庭使河北, 振民被災者。 韶施、黔、成、爐等州保甲監司免歲

本紀

第十

七

哲宗

閱 加 賜 于闐 國金帶、錦袍、器幣。 命吏部選人改官歲以百人爲額。 : 扯 詔

陝西、河東行策應牽制法。是月,代州地震

令御 史臺祭民俗奢僭者。 三月壬 戌, 太皇太后手詔 夏入遣使入謝。 止就崇政殿受册。 癸酉,奉安神宗神御于景靈宮宣光殿 戊辰,詔中外侍從歲舉郡守各一人(三)。 庚辰,詔

內侍

省

供

奉官以下百

人為額

復。 受册禮。 博 十日 丁酉 夏四 議事都堂。 |月丙戌, 変阯入貢。 癸卯,雨。 ,以四方牒訴上尙書者,或冤抑不得直,令御史分察之。 辛卯, 乙丑,以徐州布衣陳師道爲亳州司戶參軍。 詔: 丁亥,鬼章子結呧齪寇洮東。 冬夏旱暵, ,海內被災者廣 戊子, 慮囚。 避殿減膳 丁未,復制科。 己亥,太皇太后以旱權罷 責躬思過 己丑, 。 詔太師· 戊申, 以 一,御殿 文彦 圖 消

復膳。李清臣罷。

申 于闐 *Ŧ*i. 月癸丑 入貢 一,夏人圍南川砦。 丁 丑, 詔: 御 史官闕,御 丁卯, 史中丞 以劉摯爲尚書左丞, (四)、翰林學士、兩省諫議大夫以 兵部尚書王存爲尚書右丞。 上雜 舉。 壬

六月辛丑 ,以安燾知樞密院 事。 壬寅,有星如瓜出文昌。 丙午, 邈川 首 領結藥來降

三班奉職。

秋 七月辛亥,詔戶部修會計錄 韓絳以司空致仕。 夏人寇鎭戎軍。 詔府界、三路教閱

宴垂 保 甲。 拱殿 復課利場務虧額科罰。 始 始 刖 樂。 庚申 進封李乾德爲南 丙辰, 罷諸州數外歲貢。 平王。 辛 酉 改, 戊午, 誠州 以遼蕭德崇等賀坤成節 為渠陽 軍 4/2 未 韓維 祀 曲

寇三 使。 兵備之。 鏠 果 川諸砦,官軍 庚寅 月辛巳, 死者賜帛其家。 庚子 西 南南 ', 授 蕃遣人入貢。 程頤 敗之。 西 蕃首領心牟欽題銀州 靇 經筵, 詔復 丁未 進 一,岷州 權 癸巳,以夏國政 納 同 人改官舊法]管勾西京國子 行營將种誼復 團練使, 亂主幼 乙酉 監。 洮州 温 了,強臣 溪心 癸未 命呂大防爲西京安奉神宗 執著 瓜州 乙逋等擅權 以西蕃 酋 團 鬼章青 練 寇洮、 使。 宜結 逆 辛丑 命 河 詔 諸 民 涇 原 路 御 被害者 容 帥 夏 禮 臣 給 嚴 儀

九 月乙卯, 發太 皇太后 册寶于大慶殿。 丙辰 ,發皇太后、皇太妃册寶于文德殿。

夏人寇鎭戎軍。丁卯,禁私造金箔。

宮。 功 种誼等遷秩,賜銀絹有差。 卒卯 多十月壬午,奉安神宗御容于會聖宮及應天院。 ,減西京囚 罪 一等,杖已下釋之。己亥, 西南龍、張蕃遣人入貢。 癸未, 日有五 一色雲。 戊子 庚子 恭謝景 論 復 洮 州

贖。 乙亥, + 月丙辰,復置漣水 大雪甚,民凍多死 軍 詔 加振 庚 申,獻鬼章于崇政殿,以罪當死, 恤 死無 親 屬者官壓之。 罷內殿承制 聽招 其子及部 試 換文資 屬 格 歸 以 自 内

子,決囚。

本

紀

第

宴。 壬辰 兀 月乙酉,賜諸軍及貧民錢。丙戌,興龍節,初上壽于紫宸殿。 征 聲延 部族老幼萬 人渡河南 ,遣使廩食之,仍論聲延勿失河北 己丑、大寒、罷集英殿 地。 乙未, 白 虹

是多,始閉汴口。

貫

日

 \pm

寅

頒元姑敕令式

辛丑,太白晝見。 流 京西穀五十餘萬石,損其直以紓民。辛酉,詔廣南西路朱崖軍開示恩信,許生黎悔過自新。 一戌,罷上元遊幸。 .民饑貧量與應副。」丙戌,詔河東苦寒,量度存恤戍兵。 二月甲申,罷修金明池橋殿。乙酉,德音:「減囚罪一等,徒以下釋之,工役權放一年, 三年春正月己酉朔, 乙巳,廣東兵馬監童政坐擅殺無 壬申,阿里骨奉表詣闕謝罪, 不受朝。 庚戌, 復廣惠倉。 令邊將無出兵, 仍罷招納。 甲戌, 決囚。 辜 伕 誅 己未,朝獻景靈宮。 癸巳,罷春宴。 乙未, 白虹貫日。 庚申, 零寒,

諸 科及第出 三月丙辰,韓絳薨。 ·身一千一百二十二人。乙亥,夏人寇德靖砦 丁巳,御集英殿 策進士。 戊午, 策武舉。 (宝)? 將官張誠等敗之。 己己, 賜禮部奏名進士、

大防爲尚書左僕射兼門下侍郎,范純仁爲尚書右僕射兼中書侍郎。 夏 几 月戊寅,令諸路郡邑具役法利害以聞。 辛巳,以呂公著爲司空、 壬午,以觀文殿學上孫 同平章軍 或

趙 固 膽簽甚樞密院事。 爲 門下 侍郎,劉摯爲中書侍郎,王存爲尚書左丞, 癸巳,詔定職事官歲舉升陟人數。 御 史 中丞胡宗愈爲尚書右丞 丁酉 [Sp] 里骨來真。 了,戶部: , 侍郎

郡 城 以 地 里置壯城兵額,禁勿他役。

五 月癸亥,漢東郡王宗瑗薨。

六月癸未, 詔 司 諫、正言、殿中、監察御史,做故事以升朝官通判資序歷一 年者爲之。

辛 出: 夏 人寇塞門砦。 甲辰, 五色雲見

秋 -1-月戊 申, 荆王 頵 薨。 戊辰夜,東北方明如 書,俄成赤氣, 中有白氣經天。

首 書 見。 癸酉 忠州 言 1 臨江 塗 井鎭 雨黑黍。

八月

戊寅

阳

里骨入

貢

己

加

進

封揚王

顥爲徐王

辛巳,復置荆門

軍

丙

靇

斷 刑 法。 丁 酉 ,渠陽蠻入寇。 辛 丑 ,降繫囚 罪一 等,杖以下釋之。

田 J 卯,御集英殿策賢良方正能直言極諫科

九

月

庚申,禁宗室聯姻內臣家。

乙丑

阿里骨復遷職,

加封邑。

詔觀察使以

上給永業

月 丙戌 詔罷 新 創諸堡砦,廢渠陽軍。 戊戌、復南、北宣徽院。

+-月 甲辰,遣 吏部侍郎范百祿等行 河。 丁卯,大食 | 麻囉拔國入貢。 詔歲以十月給巡

城 兵 衣 裘

十二月丁酉,渝州隊人寇小溪至。 壬寅,白虹貫日。

申,减宰執賜予。 閏 月癸卯朔,預元祐式。甲辰,范鎭定鑄律、度量、鍾磬等以進,令禮部、太常參定。 庚申,置六曹尚書權官。 丙寅, 詔吏部詳定六曹重複利害以 聞 戊

一萬九千八十三。斷大辟二千九百一十五人。 千八百五十三萬三千九百三十四 是歲, 三佛齊、于闐、 西南蕃入貢。 天下上戶部:主戶二百一十三萬四千七百三十三, 客戶六百一十五萬四千六百五十二,丁三百六十

177 年春正月壬申朔,不受朝,羣臣及遼使詣東上閥門、內東門拜表賀。 丙子,宴遼使于

紫宸殿。 甲申,以夏人通好,韶邊將毋生事

二月甲辰,呂公著薨。庚戌,白虹貫日。乙卯,夏人來謝封册。

辛卯, 吾有流星出東方。癸巳,錄囚。 三月己卯,作渾天儀。 胡宗愈罷。 乙未,罷幸瓊林苑、金明池 丁亥,以不雨罷春宴。己丑,韶自今大禮毋上尊號。

加 賜。 夏川月乙巳,呂大防等以久旱求罷,不允。丁未,曹佾薨。 戊午,立試進士四場法。 壬戌, 弛在京牧地與民。 戊申,罷大禮使及奏告執政

五月癸酉, 韶自今侍讀以三人爲額。中丞|李常、侍御史盛陶坐不論|蔡確,改官。辛巳,

貶 觀文殿學士蔡確爲光祿卿。 丁亥,復貶確爲英州別駕,安置新州。 丁酉,于闐國來貢

丞 翰林學士許將爲尙書右丞。丁未,夏國來貢。 六月甲辰, 范純仁、王存罷。 丙午,以趙瞻同知樞密院事 癸 丑, 邈黎國般次冷移、 戶部尙書韓忠彥爲尙書左 四林栗迷等齎

于闆國黑汗王及其國蕃王表章來貢。

安燾以母憂去位

秋 七月丙子,詔復外都水使者。 丁丑,遼國使蕭寅等來賀坤成節,曲宴垂拱殿。

后詔:今後明堂大禮,毋令百官拜表稱賀 八月壬寅,敕郡守貳以「四善三最」課縣令, 吏部歲上監司考察知州狀。 辛酉, 太皇太

百官遵守。 土 庶 高年九十以上者。 九月戊寅, 致齋垂 一拱殿。 乙酉,加賜韓縝、范純仁器幣有差。 己卯,二 朝獻景 (靈宮。 辛巳,大饗明堂,赦天下,百官 乙未,檢舉先朝文武七條,戒論 加 恩, 賜資

文閣。 冬十月辛丑,西南程蕃入貢。丁未,龍蕃入貢。 癸丑,御邇英殿,講官進講三朝寶訓 戊申、翰林學士蘇職上神宗御集、藏實

+ 月庚午,敕朝請大夫以下進士爲左,餘爲右。 溪洞彭儒武等進溪洞布。 癸未,以

孫 固 知 樞 密院 事 劉摯爲門下侍郎,吏部尚書傅堯俞爲中書侍郎。 乙酉,有星色赤黃,尾跡

本

紀第十

-6

哲

宗

燭地。 己丑,太皇太后卻元日賀禮,令百官拜表。 庚寅,章惇(+)買田不法,降官。

發運、轉運、提刑預妓樂宴會徒二年法。

化成天下。甲寅,减鄜延等路戍兵歸營。 十二月庚子,遼使耶律常公等賀興龍節,曲宴垂拱殿。癸丑,更定朝儀二舞曰威加四 戊午,以御史闕,令中丞、兩省各舉二人。

是歲,夏國、邈黎、大食麻囉拔國入貢。

五年春正月丁卯朔,御大慶殿視朝。 丁丑,朝獻景靈宮。

城壕 致仕、令所司備禮册命。壬子、彥博乞免册禮、從之。甲子、宴餞文彥博于玉津園 加溪洞人田忠進等九十二人檢校官有差。 二月丁酉,罷諸州軍通判奏舉改官。 丁未,減天下囚罪,杖以下釋之。庚戌,文彥博以太師充護國軍、山南西道節度等使 辛丑,以旱罷修黃河。 己亥,夏人歸永樂所掠吏士百四十九人。庚子, 癸卯, 禱雨嶽瀆, 罷浚京

院事,翰林學士承旨蘇頌爲尚書左丞。癸未,罷春宴。壬辰,罷幸金明池、瓊林苑。 三月丙寅朔,趙瞻薨。丁卯,詔賜故孫覺家緡錢,令給喪事。壬申,以韓忠彥同知樞密

丙午,孫固薨。 夏四月癸卯,詔鄭穆、王巖叟等同舉監察御史二員。甲辰,呂大防等以旱求退,不允。 癸丑,詔講讀官御經筵退,留二員奏對邇英閣。 丁巳,詔以旱避殿減膳,罷

Ŧi. 月朔日文德殿視朝。 辛酉,以保寧軍節度使馮京爲檢校司空。

五 月壬 申,詔差役法有未備者,令王巖叟等具利害以聞。 乙亥,雨。 己卯,御殿復膳

六月辛丑,錄囚。 癸亥,晝有五色雲。

責其出 七 刺 月 弓箭手及買馬備邊用各有差。 壬 申,涇原路經略司言: 諸 人違制典買落部田土,許以冤罪, Z 酉 一夏人來議分畫疆界。 自二頃五 十畝以下,

九月丁 丑, 詔復置集賢院 學士

冬十月癸巳, 罷提舉修河 司 0 丁酉,韶定州韓琦祠

十二月辛卯朔,許將罷 安康 郡王宗隱薨。 丙辰,禁軍 載祀 大閥 賜以銀楪、 匹帛,酱

典。

是歲,東北旱,浙西水災。 賜宗室子授官者四十四人。 斷大辟四千二百六十有一。 肩

肥 于閩、龍蕃、三佛齊、阿里骨入貢。

六年春正月辛酉朔,不受朝, 羣臣及遼使詣東上閤門、內東門拜表賀。 癸酉,韶祠祭、

游 幸毋用羔

* 紀

第

+

七

哲

宗

以 蘇轍 月辛卯, 爲尙 書右 以劉摯爲尚書右僕射兼中書侍郎, 丞、宗室士俔追封 一魏國 公。 庚子 ,拂箖衂來貞 龍圖 閣待制王巖叟簽書樞密院 丁业,授阿里 骨男溪邦 事

彪錢爲化外庭州團練使。

正 史中丞舉殿中侍御史二人,翰林學士至諫議大夫同舉監察御史二人。丙子,呂大防特授右 議 大夫。 三月癸亥,呂大防上神宗實錄。己巳,御集英殿策進士。 壬午, 賜禮部奏名進士、諸科及第出身九百五十七人。丁亥,罷幸金明池、瓊 庚午, 策武舉。 癸酉,詔:御

平王李乾德袍帶、金帛、鞍馬 11] 輕授; 夏四月乙未,復置通禮科。 仍搜訪遺材,以備擢任。」夏人寇熙河蘭岷、鄜延路。 丙申,詔恤刑。 辛丑,韶:「大臣堂除差遺,非行能卓異者不 壬寅,太白晝見。

林苑

五月已未朔,日有食之,罷文德殿視朝。 庚辰, 韶三娶宗室女得官者, 毋過朝請大夫、

≅城使〔€〕。」丁亥,後省上沅祜敕令格。

六月壬辰,錄囚。甲辰,置國史院修撰官。 乙卯,詔以田思利爲銀青光祿大夫,充溪洞

都巡檢。

令吏部檢察。己亥,改宗正屬籍曰宗藩慶系錄。 秋七月癸亥,復張方平宣徽南院使致仕。 八月己丑,三省進納后六禮儀制。 辛卯,詔御史臺:臣僚親亡十年不葬,許依條彈奏及 乙丑,復制置解鹽使。 令文武臣出入京城門書職位、差遺、姓名及 己卯、振雨浙水災。

所 往 己酉 修神宗寶訓 癸丑 ,詔:「鄜延 路都監李儀等以違旨夜出兵入界,與夏人戰

不贈官,餘官降等。」乙卯,夏人寇懷遠砦。

徽使,不 史二人,翰林學士、中書舍 里 月壬戌,嚴飭 允。 甲 申 刑部 陜 西、 侍 河東諸 郞 人、給事 彭汝 礪 路邊備 中學監 與執 政 察御史四 爭 甲子,太白晝見。 獄 事 人。 自乞貶逐,詔改 壬 申 -, 太子 庚午 禮 太保 詔御 部 致 侍 史中丞舉殿中侍御 事 郎 張 方 平 辭

罪 遷官有差。 失牛者官貸 等,徒以下 九月丁 歲出 亥, ·釋之。 市之。 夏 丙庫 人寇麟 一緒錢 癸丑 癸巳, | |府 五 ,以執政官行謁 + 御集英殿策賢 州。 萬以 備 壬 一辰,詔. 邊 費。 禁法 良方 州 甲辰,幸上清儲 非 民為寇所掠 ΙĒ 便, 能 直 詔 言極 有 利 害陳述 諫 祥 廬舍焚蕩者給錢 科。 宮 T 加禁 壬 子 酉 御 宮成 試 帛 方 踐稼者 減 正 普 囚 绾 振

監學官賜自 冬十月丁卯, 有差。 有流 庚辰, 是畫出 令諸宮院建小學。 東北。 庚午 朝獻景 貴妃 靈宮 苗氏薨。 還幸國 癸未 子監 編修神宗御製官轉秩加 賜祭酒 豐稷 公二品

+ 月 乙酉朔 劉摯罷。 王: 辰,作元站 觀 天 }唇。 尚書右丞蘇轍罷知絳州(10)。 辛丑,

傅

堯俞薨。

賞

詔

京

西

提

刑司歲給錢物二十萬

層以

奉陵

寢。

十 二 月 戊辰 開 封 府火。 壬 申 - , 范純仁以前禦敵失策降官

本

是歲 ,兩浙水,定州野蠶成繭。 高麗、交阯、三佛齊入貢。

七 年春正月甲辰,以遼使耶律迪卒,輟朝一日。 乙巳、張誠一以穿父墓取犀帶、責授左

武衛將軍,提舉亳州明道宮。

二月丁卯,詔陝西、河東邊要進築守禦城砦。

三月己亥、錄囚。

夏四月己未,立皇后孟氏。甲子,命呂大防爲皇后六禮使。 甲戌,立考察縣令課績法。

五月戊戌,御文德殿册皇后。庚子,罷侍從官轉對。丙午,王嚴叟罷知鄭州。

火浣布。

雅爲尚書右丞,戶部尚書劉奉世簽書樞密院事。 事,蘇轍爲門下侍郎,翰林學士范百祿爲中書侍 六月辛酉,以呂大防爲右光祿大夫,蘇頌爲尚書右僕射兼中書侍郎,韓忠彥知樞密院 郎,翰林學士梁燾爲尚書左丞,御史中丞鄭 甲子,置廣文館解額。 戊辰,渾天儀象成。

甲戌,日旁五色雲見。

賜資治通鑑一 七月癸巳,詔修神宗史。 部。 庚戌,宗室總 脈以上者禁析居。 復翰林侍講學士。 己酉,詔諸路安撫鈴轄司及西京、南京各

八月內辰,罷監酒稅務增剩給賞法。 。己未, 詔西邊諸將嚴備,毋輕出兵。

毋掊克軍士。前陷交阯將吏蘇佐等十七人自拔來歸。

九月戊戌, 詔:「冬至日南郊宜依故事設皇地祇位(三), 禮畢, 別議方澤之儀以聞。」 己

酉,永興軍、蘭州、鎭戎軍地震。

冬十月庚戌朔、環州地震。丁巳,陝西有前代帝王陵廟處,給民五家充守陵戶。丁卯,

夏人寇環州。

加恩。 帝齋大慶殿。 十一月辛巳,太白晝見。甲申,詔太中大夫以上許占永業田。 罷南京権酒。 辛卯, 朝獻景靈宮。 民罹親喪者戶以差等與冤徭。 壬辰,饗太廟。癸巳,祀天地于圜丘 辛丑,賜徐王 一劍履 丙戌,于闖入貢。 上殿 赦天下, 羣臣中外 庚寅,

是歲,兗州僊源縣生瑞穀。 十二月辛亥,阿里骨、李乾德加食邑實封。 高麗、占城、西南蕃龍氏羅氏入貢 甲子,罷飲福 宴。 庚午, 祈雪。

韶復范純仁太中大夫。 壬辰,幸太乙宮。 八年春正月己卯朔,不受朝。 甲申, 蔡確卒。丁亥,御邇英閣,召宰臣讀寶訓。 庚子, 韶頒高麗所獻黃帝鍼經于天下。

月己酉,詔西南蕃龍氏遷秩補官。 辛亥,禮部尚書蘇軾言:「高麗使乞買歷代史及策

本紀第十

七

哲

宗

者聽。」壬子,詔刑部不得分禁繫人數,瘐死數多者申尙書省。 府元龜等書,宜卻其請不許。」省臣許之,軾又疏陳五害,極論其不可。 癸丑,詔大寧郡王以下出就 有旨:「書籍曾經買

三月甲申,蘇頌罷。辛卯,范百祿罷。 庚子、詔御試舉人復試賦、詩、論三題。

禹 依先朝故事 夏四月丁未朔,夏人來謝罪,願以蘭州易塞門砦,不許。 止棄侍講。 丁巳,詔南郊合祭天地,罷禮部集官詳議 癸丑,詔恤刑。 甲寅,令范祖

五月癸未,置蘄州羅田縣。 丁亥,罷二廣鑄折二錢。 己丑,錄囚。 辛卯、監察御史董敦

逸、黃慶基以論蘇軾、蘇轍、罷爲湖北、福建轉運判官。 六月戊午,梁燾罷。壬戌,中書後省(三)上元祐在京通用條貫 己亥,祁國公偲爲開府儀同三司。

鐵錢銅錢悉還近地。 秋七月丙子朔,以觀文殿大學士范純仁爲尚書右僕射兼中書侍郎。 戊寅,令陝西沿邊

辰,赦天下。 庚午,詔陝西復鑄小銅錢。 辛未,禱于天地、宗廟、社稷。 乙亥,禱于諸陵。 南北、淮南水災。癸亥,減京師囚罪一等,徒以下釋之。丁卯,禱于嶽瀆、宮觀、祠廟。 八月丁未,久雨,禱山川。辛酉,以太皇太后疾,帝不視事。壬戌,遣使按視京東西、河 戊

九月戊寅,太皇太后崩。 己卯,詔以太皇太后園陵爲山陵。 庚辰,遣使告哀于遼。

申,命呂大防爲山陵使。壬辰,詔山陵修奉從約,諸道毋妄有進助。

多十月戊申,羣臣七上表請聽政。戊辰,徐王願乞解官給喪,詔不允。 庚午,復內侍劉

暖等六人。

十一月丙子,始御垂拱殿。乙未,以雪寒振京城民饑。 壬寅、賜勞修奉山陵兵士。

錢栗十萬振流民。己巳,上太皇太后諡曰宣仁聖烈皇后。 十二月乙巳,范純仁乞罷,不允。甲寅,做唐六典修官制。 丁巳,遼人遣使來吊祭。 出

是歲,河入德清軍,決內黃口。

校勘記

(1) 欽聖皇后朱氏 「聖」,當爲「成」字之誤。「欽聖」乃向皇后之諡,哲宗生母朱氏諡爲「欽成」,見

本書卷二四三本傳、宋會要后妃一之四。

以十二月八日爲興龍節 志說:「哲宗本七日生,以避僖祖忌,故後一日。」 「八」,原作「七」,據本書卷一一二禮志、宋會要禮五七之一八改。

}禮

3 詔 中 外侍從歲 [舉郡守各一人 「守」字原脫,據本書卷一六○選舉志、 長編卷三九六所載呂陶

奏文補。

本紀第十七 校勘記

- 御史中丞 原作 中丞御史」,據長編卷四〇一改。
- 至 德靖砦 原作「德靜砦」,據本書卷八七地理志、卷四八六夏國傳、長編卷四〇九改。
- 二 渝州獠人寇小溪 「獠」,原作「獵」,據長編卷四一八改。
- (七) 章惇 原作「張惇」,據本書卷四七一本傳、長編卷四三五改。
- **元** 耶律常 「常」字原脫,據長編卷四三六補。

(元)

- 毋過朝請大夫皇城使 「請」,原作「散」,據長編卷四五八、十朝綱要卷一三改。
- (9) 尚書右丞蘇轍罷知絳州 此句有誤。 按本書卷二一二字輔表蘇轍於紹聖元年以尚書右丞罷知 這

時罷知絳州的是安鼎 汝州、無能知絳州事。 而不是蘇轍。 長編卷四六八說三監察御史安鼎知絳州, ……鼎劾蘇轍不當故出。」

- 設皇地祇位 「位」字原脫,據長編卷四七七、通考卷七一 補。
- \subseteq 中書後省 「後」下原有「從」字。 按元豐官制,門下、中書各增建「後省」,沒有「後從省」,「從」

字衍,今删。

宋史卷十八

本紀第十八

哲宗二

紹聖元年春正月癸酉朔,羣臣詣西上閤門進名奉慰。 丙申, 夏人來貢。 辛丑, 遣中書

舍人呂希純等行河。罷河東大銅錢行。

陵役者蠲其賦。甲子,詔依<u>章獻明肅皇后故事,罷避高遵惠諱(三)</u>。 仁聖烈皇后于永厚陵。己未,祔神主于太廟。 月丁未,以戶部尚書李清臣爲中書侍郎,兵部尚書鄧潤甫爲尚書右丞。 癸亥,滅兩京、 河陽、鄭州囚罪一 等,民緣山 己酉,葬宣

巳,詔振京東、 場春榜。 三月壬申朔, 乙酉 河北流民,貸以穀麥種,諭使還業,蠲是年租稅。 御集英殿策進士。丁亥,策武 日有食之。乙亥,呂大防罷。 舉。 庚辰,詔大學合格上含生推恩觅省試,附 戊子,以徐王顥爲太師, 丁酉,賜禮部奏名進士、諸 徙封冀王 科

本

紀

第十

八

哲

综

三九

科及第出身九百七十五人。蘇轍罷。

宗實錄 甲寅 醫藥治京師民疾。 丙寅,罷五路經、律、通禮科。 囚罪一等,杖以下釋之。壬戌,以資政殿學士章惇爲尚書左僕射兼門下侍郎。 ,以王安石配饗神宗廟庭。 夏四 月乙已朔,阿里骨 壬子 ,蘇軾坐前掌制命語涉譏訕 進 獅子。 丁卯,詔諸路復元豐免役法。戊辰,同修國史蔡卞請重修神 蔡確 追復右正議大夫。 丙午,以旱詔恤刑。己酉,詔中外決獄。 ,落職知英州 戊午, 復新城兩廂。 癸丑,改元。 庚戌,詔 庚中, 范純仁罷。 白 虹 減四京 貫

宗國 傳宣 郎。 丙戌 中批 史。 閨 月壬申,復提舉常平官。 丁酉, 了復義 ,並候朝廷覆奏以行。 倉。 詔添差徐州兵馬都監 丁亥、詔神宗隨龍 乙未, 癸酉,罷十科舉士法。 人趙世長等遷秩賜賚 西南張蕃遺人入貢。 甲申,以觀文殿學士安燾爲門下侍 有 丙申, 差。 命左僕射章惇提舉修神 戊子,韶在京諸司,所受

曾布 先帝謂天地合祭非古,詔禮部、太常詳議以聞。 請以王安石日錄載之神宗實錄 五. 進士、上舍生入官者並罷。 月 (壬寅, 罷修官制局。 甲辰,罷進士習試詩賦,令專二經, 編類元祐群臣章疏及更改事條。 太白晝見。 乙丑,鄧潤甫卒。 辛亥、劉奉世 立宏詞科。 丁卯,嗣濮王宗暉薨 甲寅,右正言張商英言 癸丑 一,詔中外學官 己酉, 修國 非 史

郡 -[-宗晟 六月 甲戌 爲 嗣 濮 來之邵等疏 王 癸 未 以 蘇軾抵斥先朝、韶謫 翰 林學士 承旨 |曾布| 惠州。丙子,罷制置解鹽使 同 知 樞 密院 事 甲 申 ', 除 進 . 舌。壬午, 上 引用 封 王 高 密

心之禁。

戊

午

- , 詔:「大臣

加黨

司

馬光以下各輕重議罰,布

告

天

下。

餘

悉不問

,議者亦勿復言

諫

貶 呂 大 秋 防 七月丁巳,以御史黃履周秩、諫官張商 爲秘書監, 劉摯爲光 禄 卿 , 蘇轍爲 少府 英言, 監 奪 並 司馬光、 分司 南京 呂公 著 梁燾提舉舒州靈仙 1贈諡, 王巖叟贈官 觀。

九月癸卯、遣御 八月丙戌,召 輔 史劉 臣 觀 稼後苑。 拯按河北水災,振饑民。 日有五色雲。 壬辰,應制科趙天啓以累上書狂妄黜 丙午, 御集英殿,策賢 (良方正 能 直言極

[問 科。 庚戌, 棄渠陽砦,責授舒 罷制 科。 馧 州 廣 悪倉。 團 練副使。 癸丑 , 庚申,太白晝見。 令監司歲察守臣課績優者以聞。 丁卯, 韶京東西、河北 甲 寅 振 恤 知 流 廣 民。 州 唐 義

辰,流星出紫微 垣

冬十 · 月 丙 申 - , 三佛 齊遣使入貢。 丁 酉 河北流 斷絕 (国)。

甲寅 開 月己亥朔 封 男子 呂安斥乘輿當斬,貸之。 復 路差官 法。 壬 子 以 丁巳,詔 (冬温 無 河北振饑,諸路恤流亡,官吏有善狀 雪 決 繋 囚 蔡確特 追 復 觀 文殿 大 學

能 顯著者 以 聞

本

紀

第

-1-

八

哲

宗

四二

決溢 十二月辛未,申嚴銅錢出外界法。 浸洺、 |磁等州, 令計置堙塞。 甲午,范祖禹、趙彥若、 庚辰,命諸路祈雪。 丙戌,滑州浮橋火。 黄庭堅坐史事責授散官, 己丑,潭河

遭宝、黔州安置。

是歲一京師疫,洛水溢,太原地震,河北水,發京東粜振之。

二年春正月甲辰,詔國史院增補先帝御集。丙午,立宏詞科。 己未, 遷奉太平興國寺

三朝御容于天章閣。乙丑,殿前司奏獄空,詔賜緡錢。

二月乙亥,呂大防以監修史事貶秩,分司南京,安州居住。 辛巳,出內庫錢帛二十萬助

河北振饑。甲午,罷廣文館解額。

三月己亥,宗晟薨。 己未,試宏詞黃符等五人各循一資。

直集賢院爲直秘閣,集賢校理爲秘閣校理。 夏四月戊辰,詔職事官罷帶職,朝請大夫以下勿分左右,易集賢院學士爲集賢殿修撰, 壬申,封華容郡王宗愈爲嗣濮王。 詔 許將等七

人,不限資格,各舉才行堪備任使者二人。丁亥,詔依元豐條置律學博士二員。 六月壬辰、禁京城士人興轎。 五月乙巳,命蔡卞詳定國子監三學及外州州學制。乙卯,上皇太妃宮名曰聖瑞

秋 七月丙辰,詔大理寺復置右治獄,仍依元豐例添置官屬

八月 壬 一申,命彰信軍節度使宗景爲開府儀同三司,封濟陰郡王。 甲申 宗愈薨。

錄 趙普後希莊爲閣門祗侯

 詣景靈宮行奉安禮。 九月甲午, 以安定郡王宗綽爲嗣濮王。 戊申 加上神宗諡曰紹天法古運德建功英文烈武欽仁聖孝皇帝。 壬寅,告遷神宗神御于景靈宮顯承殿。 癸卯

四 朝獻景靈宮。 庚戌,朝饗太廟。 辛亥,大饗明堂,赦天下。

奉安禮。 辛卯,河南府地震。 多十月甲子,鄭雍 以吏部尚書許將爲尚書左丞,翰林學士蔡卞爲尚書右丞。 罷。 癸 酉, 告遷宣仁聖烈皇后 神御于景靈宮徽音殿。 辛巳,進封冀王顥爲楚 甲戌, 詣宮 行

功,乞賜章服。 十一月乙未,安燾罷知河南府。 帝曰:「捕盜常職也,何足言功。」黜知壽州。 丙申,太白晝見。 戊戌, 甲寅, 范鍔自轉運使入對,言有捕盜 梁惟簡除名 全州安置

丙辰,贈蔡確爲太師,賜諡忠懷。

各舉御史二人。 十二月乙丑,復置監察御史三人,分領六察,不言事。 壬申 - , 白虹貫 日。 戊子, 詔 如元豐例孟月朝獻景靈宮。 令翰林學士蔡京、御史中丞黃履

是歲 本 蘇州 紀 第 --夏秋 、地震。 哲 宗 桂陽監慶雲見。 出宮女九十一人。 交阯、三佛齊、韋蕃、阿里骨

三四四 四

引見蕃官包順、包誠等,賜賚有差。詔:鞫獄非本章所指而蔓求他罪者論如律。 三年春正月庚子,韓忠彥罷知眞定府。 甲辰,酌獻景靈宮,遍詣諸殿如元豐禮。 乙卯,韶戶 庚戌,

部尚書勿領右曹。戊午,詔罷合祭,間因大禮之歲,夏至日躬祭地祇於北郊。

二月癸亥,出元豐庫緡錢四百萬于陝西、河東糴邊儲。 辛未,復元豐恤孤幼令。

癸酉,

並開府儀同三司,宗漢爲東陽郡王。 罷 富弼配饗神宗廟庭。癸未,詔封濮王子未王者三人:宗楚爲南陽郡王, 乙酉,宗綽薨。 丙戌,詔三歲一取旨,遣郎官、御史按 宗

京

所

為

景

城
郡

王

,

察監 司職事。 丁亥,夏人寇義合砦。

酉, 尙書省火。 三月壬 一辰,以禁中屢火,罷春宴及幸池苑,不御垂拱殿三日。 戊午, 劍南東川地震。 己亥,封宗楚爲嗣濮王。 辛亥,封大寧郡王佖爲申 癸巳,夏人圍塞門砦。

王, 遂寧郡王信爲端王。丁巳, 幸申王、端王 一府。

夏四月辛酉,罷宣徽使。 丙子,詔:自今景靈宮四孟朝獻,分爲二日。 五月壬子,太白晝見。丙辰,錄囚。

六月癸亥,令眞定立趙普廟。 乙酉,立北郊齋宮於瑞聖園

秋 七月庚戌,依元豐職事官以行、守、試三等定祿秩。 罷元祐所增聚議錢。 甲寅,令熈

河立王韶廟。

辰,以范祖禹、劉安世在元祐中構造誣謗, 八月辛酉,夏人寇寧順砦。 壬戌,日上有五色暈,下有五色氣。 祖禹責授昭州別駕, 賀州安置; 己卯 復置檢法官。 安世新州別駕, 庚

英州安置。

后孟 氏爲華陽教主、玉淸妙靜仙師,賜名冲眞。 九月己亥,邈川首領阿里骨卒。 己酉,滁、沂二州地震。 壬子, 楚王顯薨。 廢皇

邊諸 路相度城砦要害,增嚴守備。 多十月丁巳朔,以楚王薨,罷文德殿視朝。 辛未,西南方雷聲, 壬戌,夏人寇鄜、延,陷金明砦。 雨雹。 癸酉 鍾傳言築汝遮, 戊辰, 詔以爲 詔 被

安西城。

十一月丁未,章惇上神宗實錄。庚戌,宴修實錄官。

廣積監。 十二月辛酉,宗景坐以立妾罔上,罷開府儀同三司,判大宗正司事。 甲戌,察京上新修太學敕令式、詳定重修敕令。 遺棄饑貧小兒三歲以下, 聽收養 癸酉 ,置施州鑄錢

爲眞子孫。

是歲,于闐、大食、龜茲師王國、西南蕃龍氏羅氏入貢。 水 紀 第 -|-哲 宗 宗室子授官者四十六人。 三四五

四 里骨子 几 年 瞎 春 ίE IE 襲 月丙戌朔,不受朝 河 西軍節度使、邈川首領。 羣臣及遼使詣 甲午,涇原路鈴轄王文振敗夏人于沒煙峽。 東上閤門拜表賀。 班內外 學制。 庚寅 以

戌

賜錢 江、淮 世爲光祿少卿 别 科 寇 叟 駕 一級德 (為雷 各六千 癸未,以三省言, 梁燾爲雷州別駕 巡檢依舊法招置 州 月己未,以三省言,追貶呂公著爲建武軍節度副 城 別駕, 亩. 庚午, ,分司南京; 百 奪趙膽、傅堯俞贈謚 緡 詔 國信使毋 丙子 追貶呂大防爲舒州 上兵。 ,范純仁爲武安軍節度副使(g), ', 進 黜韓維以下三十人輕重有差。 得以 神宗婉儀宋氏爲 癸亥,于闐 非例之物遺 追 水貢, 韓維 團練副使(七), 致仕 賢 黑汗王 人使, 妃。 **3** 仍著條禁。 一攻夏 及孫 己卯 安置 使, 劉摯爲鼎州 人三 固 甲申,降文彥博爲太子少 7 司馬光爲清遠軍節度副使, 于循、新、雷、化、永 復元豐権 范百祿、 州 癸酉, 遺其子 團練副 茶法 詔 胡宗愈 申王佖、端王佶歲 以 使,蘇轍爲 聞 庚辰 Ŧi. 遺表恩 丙寅 州 保 翟 存秋 夏人 劉奉 王 一殿

雹。 蔡卞爲 甲辰, 里 月 丙 尚書左丞,吏部 蘇軾責授瓊州別駕, 戌朔,張天說坐上 尚書黃履爲尚書右丞 一書詆訕先朝處死。 移昌化軍安置 翰林 范祖 壬 寅 學十 禹移賓州 以曾布. 林希 安置 知樞密院事 同知 樞 劉安世 密 院 事 許 移高州 將爲 癸卯 安置。 古侍 大雨

己酉,御集英殿策進士。庚戌,策武舉。

狀 破夏 等掔走之。 瀘 科 及 南 人于長波川,斬首二千餘級,獲牛馬倍之。壬午, 第出身六百九人。 安 三月壬 抓 司、南平軍毋擅誘楊光榮獻納播州疆土。 一戌,夏人犯 甲戌,幸金明池。 **!麟州神堂堡,出兵討之,及進築胡山砦。** 甲子, 丙子, 剋胡山新砦成, 賜名平羌砦。 詔武 舉謝師古等以遠人賜帛,李惟岳以高年賜帛。 庚午,夏人大至 葭盧城下 命官編類 癸亥, 司馬光等改廢法度論 辛巳,西上 賜禮部奏名進 問門使折 , 知 石州 丁卯,詔 克行 張構

從 薪炭 未,以西 入 、轉對。 (鹽州 夏 甲午 匹 一邊板築有勞,曲赦陝西、河東路。 俘戮 月 丁亥,令諸獄置氣樓凉窗,設漿飲薦席,杻 甚衆, 熙河 呂大防卒于 築 及還, 夏人追襲之, 復多亡失。 金 城 |虔州 關 丙 庚子, 申, 詔發 , 知保安軍李沂伐夏國 解省試添策 追貶王珪爲萬安軍司戶參軍。 甲辰,四 一道。 一械五 置克戎砦、平夏城,置極平砦。 日一浣, 繫囚 Ţ 破洪 酉 州 進 編 王 臣 以時 寅 己酉,復文德殿侍 僚章 環慶鈴轄張 沐浴, 疏 遇寒 百 几 存 給

十指揮。 五. 月 丁巳,文彥博薨。 Ţ IJ1 廢衛州 淇水第二馬監、潁昌府單鎭馬監。 辛酉,以皇太妃服藥及亢旱,決四 一京囚。 辛未,韓縝薨。 壬戌,詔陝西添置蕃 H: , 貶韓維

本

紀

第

+

八

打

宗

爲崇信軍節度副使。

進築青石峽畢工,賜名西平。 部尚書各舉監察御史二人。 六月癸未朔,日有食之。丁亥,太白犯太微垣。 丁酉,環慶路安疆砦成,詔防托蕃漢官賜帛有 乙巳,保寧軍觀察留後宗漢爲開府儀同三司,徙封安康 戊子, 宗楚薨。 丙申, 差。 韶翰林學士、吏 甲辰, 派郡王。 熙河

J酉,太原地震。 太白晝見。

秋七月壬子朔,太白晝見。

八月乙酉,封湖州觀察使世開爲安定郡王。 丙戌, 鄜延將王愍復宥州。 戊戌, 封宗祐

爲嗣濮王。築威戎城。已酉,彗出西方。

爲賢妃 酉,謁中太一宮爲民祈福。 赦天下,出元豐庫緡錢四百萬付陝西廣糴, 九月壬子,以星變避殿減膳,罷秋宴,詔公卿悉心修政,以輔不逮,求中外直言。 乙卯, 丙子, 御殿復膳。 命宗景爲開府儀同三司。己卯, 封婉儀劉氏

多十月戊戌,宗景薨。 壬寅,廢安國、安陽、淇水監及洛陽、 原武監。

郴州 安置「元」。 +- 月丁 卯, 丁丑,詔放歸田里程頤涪州編管 詔諫議大夫以上各舉監察御史一人。 癸 酉, 貶<u>劉奉世爲</u>隰州團練副使,

十二月癸未,劉摯卒。 甲申,曲宴遼使于垂拱殿。 乙酉,侍御史董敦逸坐奏對不實貶

秩,知興國軍。

闐、 百三十二。大辟三千一百九十二人。 三千三十四萬四千二百七十四;客戶六百三十六萬六千八百二十九,丁三百六萬七千三 西南蕃羅氏入貢。 是歲,兩渐旱饑,詔行荒政,移粟振貸。 播州夷楊光榮等內附。 出宮女二十四人。 戶部主戶一千三百六萬八千七百四十一,丁 宣城民妻一產四男子。

北 郊齋宮。 元符元年春正月庚戌朔,不視朝。丙寅,咸陽民段義得玉印一紐。甲戌,幸瑞聖園 二月丙戌,白虹貫日。 庚寅,詔建五王外第。 壬辰,復罷翰林侍讀、侍講學士。 丁酉, 觀

宗祐薨。 戊申,知蘭州王舜臣討夏人于塞外。 樂興平城。

所獻 端王佶並爲司空。 巳,五王外第成,賜名懿親宅。戊午,封宗漢爲嗣濮王。 玉璽, 三月壬子,令三省、樞密吏三歲一試刑法。 定議以聞。 令太常寺與閤門修定刈麥儀。 戊辰,吏部郎中方澤等坐私謁后族宴聚,罰金補外。庚午,幸申王 甲寅,開楚州通漣河。 乙 丑, 殺朱崖流人陳衍。 詔翰林學士承旨蔡京等辯驗段義 丙辰,米脂砦成。丁 壬戌, 申王佖、

本

紀

第

府。 字未 ,幸端王府。 甲戌,進封咸寧郡王假爲幸王,普寧郡王似爲簡王 一,祁國公偲爲永寧

丙子,築熙 泂 通 會關

夏四月庚辰,世開薨。 T: 辰,林希罷。 甲申、幸睿成宮及莘王、簡王府。 丙申,建顯謨閣,藏神宗御集。 庚子,幸睿成宮。 丙戌,章惇等進神宗帝紀。 壬寅, 學士

上寶雞、靈光、翔鶴樂章。 癸卯,詔學官增習兩經。 丁未,曾布上删修軍馬敕例

等,徒以下釋之。 五月戊中朔,御大慶殿,受天授傳國受命寶,行朝會禮。 癸丑,受寶(10),恭謝景靈宮。 戊午, 宴紫宸殿。 己酉,班德音于天下,減囚罪 庚申, 詔獻寶人段義

爲 右 班殿直,賜絹二百匹。

六月戊寅朔,改元。 丙戌, 遣官分詣鄜延、涇原、河東、熙河按驗所築城砦。 甲午,蔡京

等上常平免役敕令。

卯 令學官試三經。 秋七月乙卯,詔增置大府丞一 庚午, 詔范祖禹移化州安置, 員。 乙丑, 敕:大禮五使,自今並差執政官, 劉安世梅州安置, 王巖叟、朱光庭諸子並 定爲令。 Ţ

勒停不敍。 壬申,京師地震。

臣、 開封推判官、武臣橫班使副及諸路監司、帥守, 八月丙子朔, 熙河蘭岷路復爲熙河蘭會路。 庚辰, 詔:「自今三省、樞密院進擬在京文 並取旨召對。」丁亥,詔:「侍從中書舍人

以 上各舉所知二人,權侍郎以上舉一人,仍指言所堪職任。」

冬十月乙未,詔武官試換文資(三)。 九月丁 末 ,以霖雨罷秋宴。 庚戌、秦觀除名、移雷州編管。 丁酉,以河北、京東河溢,遣官 癸亥,賜王安石第于京師 振 恤 己亥,夏

平夏城 癸卯,駙馬都尉張敦禮坐元祐初上疏譽司馬光,奪留後,授環衞

是歲,澶州 十一月壬戌,朝獻景靈宮。 河溢、振恤河北、京東被水者。眞定府、祁州野蠶成繭。 癸亥,朝饗太廟。 甲子,祀昊天上帝于圜丘,赦天下。 涇原路禽夏國統軍

鬼名阿埋等。 高麗、瞎征、西南蕃張氏羅氏程氏入貢。西蕃首領李訛略、巴詘支、呂承信公司

等內附。

內東門,賀如儀。 二年春正月甲辰朔,御大慶殿,以雪罷朝,羣臣及遼使詣東上閤門拜表賀。 丁卯,出內金帛二百萬,備陝西邊儲 羣臣义詣

以國 食入貢。 **赏貢。** 母卒,遣使告哀,且謝罪,卻其 一月甲戌朔,令監司舉本路學行優異者各二 辛巳,增置神臂弓。 乙未, 詔吏部:守令課績, 從御史臺考察, 黜其不實者。 詔:「自今應被旨舉官,所舉不當,具舉主姓名以聞。」甲申,夏人 使不納。 戊子, 鄜延鈴轄劉安敗夏人于神堆。 人。韋蕃入貢。 己卯,詔許高麗國王遣 甲午, 大

本

城。 及賜錢帛 丁巳, 月 方 有差。庚申, 秦鳳 .辰, 經略司言吳名革率部族、孳畜歸順。詔 遼人遣簽書樞密院事蕭德崇來爲夏人請緩師, 知府州 折克行獲夏國鈴轄令王皆保。 名革 乙丑 補 內殿承制,首領李略補右 亦 仍獻玉帶。 雨。己巳,莘王俁爲 築環慶路 司 定邊 侍禁 空。

龍砦。 奏,然後斷遣,不如令者坐之。 T 酉,築威羌城。 夏 四 Ţ 亥,以旱,減四京囚 月庚辰,幸幸王府。 罪一等, 令廣西提點刑獄 癸巳,封永嘉郡王偲爲睦王。 杖以下釋之。 司兼 辛卯, 領鹽事。 詔 鞫獄, 遣中書舍人郭知章報聘于遼。 丙戌,築鄜延、 徒以 上須結案及審錄覆 河東路 暖泉 鳥

等 曲 赦 會布三等,許將、蔡卞、黃履皆二等。 放陝西、 五月甲辰,太白書見。 河東路, 減囚罪一等, 庚戌,築鄜延路金湯城。 流以下釋之。 辛未、韶莘王人、陸王偲母進封婕妤。 建西安州及天都等砦。 癸亥,奉遷眞宗神御于萬壽觀延聖殿。 乙丑, 進章惇官五

邊、 白豹城訖工,閤門使張存等轉官 六月庚辰, 賜蘭、 會州 新砦名會川城。 賜金帛有差。 甲午, 賜環慶路之字平日淸平關。 戊戌,

振 之。 秋 甲子 七月乙巳,盛暑 知環州 种朴獲夏國監軍訛勃囉。 ,中外決繫囚。 1 未 ·, 放 丙寅 在 京 Ī 洮西安撫使王瞻復邈川城 一役。 庚戌,河北河漲,沒民 田 西蕃首領 廬 遭遭害

欽彪阿成以城降。

辛巳, 亥, ,帝曰:「元祜亦有可 修復會州 降德音于諸路 癸巳, 章惇等進新修敕令式。 取乎? 太白 滅 囚 1畫見。 罪一等, 」惇等對曰:「取其善者。」甲戌,太原地震。 瞎征降。 流以下釋之。 惇讀於帝前 甲午, 乙酉 建葭蘆戍爲晉 其間有元豐所無而用元酤敕令修立 賜熙河路緡錢 口寧軍 百萬撫納部 丙申 戊寅 (),皇子 保 一寧軍 族。 生 節 丁 度

呂惠

卿特授檢校司空。

儲 雨 祥宮。 ,罷秋宴。 (月庚子朔,夏人來謝罪。 乙巳, 甲子,右正言鄒浩論劉氏不當立,特除名勒停, 幸醴泉觀 丁未, 癸卯,命御史點檢三省、樞密院, 立賢妃劉氏爲 皇后。 己未, 新州羈管。 青唐 並依元豐舊制。 | 隴拶以城降。 丙寅, 御文德殿册 甲辰, 壬

城爲龍支城 魯公作文王尊彝」。甲午,熒惑犯太微垣左執法。 閨 月癸酉 俱隸隴右。 ,置律學博士員。 戊寅,以廓州 詔詳議廟制。 爲寧砦城。 以青唐爲鄯州 己未,越王茂薨 丙戌, 果州 ,隴右節度; 團練使仲忽進古方鼎, |邈||川| 爲湟州 宗哥

冬十月壬子, 韶 河北大名二十二州軍置馬步軍指揮,以廣威、保捷爲名。 甲寅,日 食

之,旣。

+ 本 月丁 紀 第 亥, + 八 詔 綏德城爲綏德軍 哲 宗 壬辰, 韶河北黃河退灘地聽民耕墾, **死**租 稅三年。

子。

乙未 詔諸州置教授者, 依太學三舍法考選生徒升補。 是月, 河中猗氏縣民妻一產四男

大赦天下, 蠲民租。 三年春正月辛未, 己卯、帝崩。 帝有疾不視朝。 皇太后諭遺制,立弟端王卽位于柩前,皇太后權同處分軍 丁丑,奉安太宗皇帝御容于景靈宮大定殿。 戊寅

或

事。

揚功欽文睿武齊聖昭孝皇帝。 宗廟、社稷。 八月壬寅,葬于永泰陵。 四月己未,上諡曰欽文睿武昭孝皇帝,廟號曰哲宗。七月丁卯,以諡號册寶奏告天地、 政和三年,改諡憲元繼道顯德定功欽文睿武齊聖昭孝皇帝 癸亥,祔太廟。 崇寧三年七月,加諡曰憲元繼道世德

復用,卒假紹述之言,務反前政,報復善良,馴致黨籍禍興, 言路,天下人心,翕然向治。 贊曰:哲宗以冲幼踐阼, 而元祐之政, 庶幾仁宗。 宣仁同政。 初年召用馬、 奈何熙、豐舊姦枿去未盡, 呂諸賢,罷靑苗,復常平,登俊良,闢 君子盡斥, 而宋政益敞矣。 媒葉 吁;

可惜哉

罷河東大銅錢 按編年綱目卷二四:「除河東大銅錢禁。」十朝綱要卷一三:「龍河東大銅錢之

禁。」此處疑脫「禁」字。

 Ξ **能避高遵惠諱** 「高邁惠」,據本書卷一七哲宗紀,當作「高遵甫」。遵甫乃宣仁后之父,哲宗時加

鮂 陳王。朱介要儀制一三之一三說三紹聖元年二月二十三日,三省、樞密院言:宣仁聖烈皇后同

按國朝會要,

章獻明肅皇后上仙,中外不復避彭城郡王

名。詔依章獻明肅皇后故事。」即 此事。

聽政之日,天下章奏皆避高陳王名諱。

制置解鹽使 制 ·置」,原作「置制」,據本書卷一七哲宗紀、宋會要職官四四之四〇改。

=

四四 丁酉 河 北流 斷絕 流 字下原爲墨丁。 按長編紀事本末卷一一二載丁酉都水使者王宗望言:

道,北流斷絕。」據此,「流」下墨丁當爲「斷」字或「斷絕」二字。 凡 《經九月,上稟成算,遂斷北流,以除河患。」編年綱目卷二四載王宗望奏言:「河悉已東還故 今補「斷絕」二字。

至 永澧 「澧」,原作「豐」,據東都事略卷六〇趙彥若傳、長編紀事本末卷一〇一改。

会 追韓維致仕 「致仕」,原作「到任」,據本書卷三一五本傳、編年綱目卷二四改。

(十) 舒州 围 練 副使 「副」字原脫,據本書卷三四〇本傳、宋史全文卷一三補。

2 武安軍 節度副 使 「武安」,原作「安武」,據本書卷三一四本傳、長編紀事本末卷一〇二改。

本

紀

第

+

八

校

勘

記

元九 郴州安置 「郴」,原作「柳」,據長編卷四九三、宋全要職官六七之一九改。

(0) 受寶 長編卷四九八作「以受寶畢」。

長編卷五〇三作「詔武官試換文資,吏部依元豐試法重修以開」。

(三) 呂承信 []] 詔武官試換文資 宋會要養夷六之三二、長編卷五〇三都作「呂永信」。

= 皇子生 「皇」下原衍「太」字,據長編卷五一四刪。

宋史卷十九

本紀第十九

徽宗一

諸 哲宗卽位,封遂寧郡王。 當立。」 改昭德、彰信軍節度。元符三年正月己卯,哲宗崩,皇太后垂簾,哭謂宰臣曰:「家國不幸, 后 大行皇帝無子,天下事須早定。」章惇厲聲對曰:「在禮律當立母弟簡王。」 皇太后曰:「神宗 陳氏。 子,申王長而有目疾,次則端**王當立。」惇又曰:「以年則申王長,以禮律則同母之弟簡** 徽宗體神合道駿烈遜功聖文仁德憲慈顯孝皇帝,諱佶,神宗第十一子也, 皇太后曰:「皆神宗子,莫難如此 元豐五年十月丁巳,生於宮中。 紹聖三年,以平江、鎭江軍節度使封端王,出就傅。 分別,於次端王當立。」知 明年正月賜名,十月授鎭寧軍節度使,封 樞密院曾布日:「章惇 五年,加司空, 日日 寧國公。 欽慈皇

中書門下侍郎許將相繼曰:「合依聖

嘗

興臣

本紀

第十

九

徽宗

等商議,

如

皇太后聖諭

極當。」尚書左丞蔡卞、

惇爲 申 並 守司 拜不名。 。」皇太后又曰:「先帝嘗言,端王有福壽,且仁孝,不同諸王。」於是惇爲之默然。乃召端王 命章惇爲山陵使。 卽皇帝位,皇太后權同處分軍國事。 特進, 遣宋淵告哀于遼。 徒。 封申國公。 罷婚 丁亥,進仁宗淑妃周氏、神宗淑妃邢氏並爲貴妃,賢妃宋氏爲德妃。 八廂邏卒。 己丑,進封莘王俁爲衞王 乙酉,出先帝遺留物賜近臣。 辛巳,尊先帝后爲元符皇后。 庚辰, 赦天下常赦所不原者, 百官進秩一等, 賞諸 ,守太保; 丙戌,以申王佖爲太傅, 進封陳王, 賜 癸未,追尊母貴儀陳氏爲皇太妃。 簡王似爲蔡王 一偲爲定王, 戊子,以章 甲

右丞。 遺遼國主。 官。 師。 癸丑 丁未,立順國夫人王氏爲皇后。 月已亥, 辛酉,名懿親宅潛邸曰龍德宮。 ,初御紫宸殿 始聽政。 庚申,以吏部尚書韓忠彦 尊先帝妃朱氏爲聖瑞皇太妃。 庚戌,向宗回、宗良遷節度使, 甲子,毁承極殿。 爲門下侍郎, 壬寅, 内寅, 造吳安憲、朱孝孫以遺留物 資政殿大學士 以南平王李乾德爲檢校太 太后 弟姪未仕 一黃履爲尙 者俱授以 書

河 辛未、詔追封祖宗諸子光濟等三十三人爲王,女四十八人爲公主。 西 軍節度使,尋賜姓名曰趙懷德,邈川首領瞎征爲懷遠軍節度使。 三月戊辰朔,詔宰臣、執政、侍從官各舉可任臺諫者。 庚午,遣韓治、曹譜告卽位于遼。 甲申 己 丑; -,以西蕃王隴拶爲 以日當食降德

節 音 度觀察留後世雄爲崇信軍節度使,封安定郡王。 于四京,減囚罪一等,流以下釋之。 庚寅,錄趙普後。 乙未,却永興民王懷所 辛卯,韶求直言。癸巳,以寧遠 進玉

蠲之。 復官宮 中 身 _[書侍郎 五. 未 ·,以帝 百 夏四 癸丑 五. 觀 蘇 月丁酉朔,日有食之。已亥,令監司分部決獄。甲辰, 十八人。 ,禮部尙書李淸臣爲門下侍郎,翰林學士蔣之奇同知樞 生 , 鹿 献等徙內郡居住 日爲天寧節。 敏 求等以應詔 己酉,長子亶生。 上書遷秩。 癸亥,罷編類臣僚章疏局。 乙卯, 請大行 辛亥,大赦天下 !皇帝! 乙丑 諡 ,應元符二 于 密院事 「

賜禮部奏名進士及第、出 以韓忠彥爲尚書右 南郊。 一年已前係官逋負 丁巳, 乙巳,錄曹佾後 韶范純仁 僕射銀 等 悉

致仕 丑 造 詔追復文彥博、王珪、司馬光、呂公著、呂大防、劉摯等三十三人官。 五. 表思。 月丁 卯 朔, 癸巳,河北、河東、陝西饑,詔帥臣計度振恤 罷理官失出之罰。 丙子, 詔復廢后孟氏爲元祐 皇后。 辛卯, 酉 蔡卞 還司馬光等 龍。 己

六月丙申朔,遼主遣蕭進忠、蕭安世等來弔祭。

癸未 廟、 社 秋 遣陸佃、李嗣 七月丙 戊辰,上寶册于福寧殿。 .寅朔, 徽報謝 奉皇太后詔,罷同聽政。丁卯, 于遼。罷管句陝西、京西、川路坑冶及江西、廣東、湖北、 癸酉 ,以皇太后還政, 告哲宗欽文睿武昭孝皇帝諡 減天下囚罪 二等, 流 以下釋之。 一于天地、宗 | 夔、梓、成

第十九 徽宗一

本紀

都路管句措置鹽事官。辛卯,封子亶爲韓國公。

御,建 戌,詔以仁宗、神宗廟永世不祧。 日大成之舞。 泰 陵。 八月戊戌, 哲宗神御殿於其 丙午 ,遣董敦逸賀遼主生辰, 詔諸路遇民有疾, 西。 辛 丑, 戊午,以察王似爲太保。 出內庫金帛二百萬羅陝 委官監醫往視疾給藥。 呂仲甫賀正 日。 戊申 西 , 癸亥, 庚子 高 軍儲 麗王王熙遣使奉表來慰。 , 祔哲宗神主于太廟, 作景靈西宮, 壬寅, 葬哲宗皇帝 奉安神宗神 于泳 廟樂 庚

丑,詔修神宗史。 等,民緣山陵役者蠲其賦。己巳,幸龍德宮。 九月甲子,詔修哲宗實錄。 己丑,復均給職田 丙寅, 遼遣蕭穆來賀即位。 辛未,章惇罷。 丁卯, 丙子,以陳王佖爲太尉。 減兩京、河陽、鄭州 囚

爲 韓忠彥爲尙書左僕射兼門下侍郎。 興 、慶軍 冬十月乙未,夏國入貢。 己未,韶禁曲學偏見、妄意改作以害國 丙申,蔡京出知永興軍,貶章惇爲武昌軍節度副使。 壬寅,以曾布爲尚書右僕射 事者。 辛酉 一,罷平 兼 中 書侍郎。 準務 乙卯,升端州 丁酉,以

年元。 陝西兼行銅鐵錢。 +-戊寅 月丁卯,詔修六朝寶訓。 ,以觀文殿學士安燾 以禮部尚書范純禮爲尚書右丞口。 知 樞 降德音于端州 密院事 庚辰,黃履 , 減 囚罪 龍 等, 己丑,置春秋博士。 徒以下釋之。 庚午,詔改明 辛卯,令

慮 Δ̈́ 十二月甲午,以皇太后不豫,禱于宮觀、祠廟、嶽瀆。 甲辰,詔修國朝會要。 戊申,降德晉于諸路,減囚罪一等,流以下釋之。戊午,遼人 戊戌,出廩粟減價以濟民。 辛丑,

來賀正旦。

是歲,出宮女六十九人。

旁。 陳氏爲皇太后。 癸亥,有星自 建中靖國元年春正月壬戌朔,有赤氣起東北,亙西南,中函白氣;將散,復有黑祲在 丁丑, 易大行皇太后園陵爲山陵, 西南入尾,其光燭地。 癸酉,范純仁薨。 命曾布爲山陵使。 甲戌,皇太后崩,遺誥 己卯, 令河、 追尊 陝募人 皇 太妃

入粟,免試注官。

百萬,備河北邊儲。丁巳,貶章惇爲雷州司戶參軍 二月丙申,雨雹。 己亥,汰秦鳳路土兵。甲辰,始聽政。乙巳,出內庫及諸路常平錢各

祭,黃寔賀其孫延禧立印。 三月甲子,始御紫宸殿。乙丑,遼使蕭恭來告其主洪基殂,遣謝文瓘、上官均等往弔 丁丑,韶以 河西軍節度使趙懷德知湟州 壬午,以日當食避殿

減膳,降天下囚罪一等,流以下釋之。

本紀第

+

九

徽

宗

夏四月辛 卯朔, 日食不見。 甲午,上大行皇太后諡曰欽聖憲肅。 乙未, 上追尊皇太后

盆 日 欽慈。 T 酉 御殿復膳 壬寅, 詔: 諸路疑獄當奏而不奏者科罪, 不當奏而 輒 奏 者勿

坐,著爲令。」

裕陵。 五月辛酉朔,大雨雹。 庚辰,蘇頌薨。 丙戌, 附欽聖憲肅皇后、欽慈皇后神主于太廟。 韶三省減吏員節冗費。 丙寅, 葬欽聖憲肅皇后、欽慈皇后于永 戊子,滅兩京、河陽、

鄭州囚罪一等,民緣山陵役者蠲其賦。

向宗良為永嘉 六月庚寅朔,以韓國公亶爲開府儀同三司,封京兆郡王。 部王。 甲寅,封 吳王顥子孝騫爲廣陵郡王,題子孝參爲信都郡 戊申,封向宗回爲永陽郡王 戊午, 范

純禮罷。己未,詔班斸殺情理輕重格。

書 陸佃 秋 爲尚書右丞 七月辛巳,內郡置添差宗室] 端明殿學士章楶同知樞密院 闕。 丙戌,安燾罷。 事 丁亥,以蔣之奇知樞密院事 吏部尚

九月己巳,韶諸路轉運、提舉司及諸州軍,有遺利可以講求及冗員浮費當裁損者,詳議

以聞。丙戌,子檉薨。

多十月乙未,李清臣罷。丁酉,天寧節,羣臣及遼使初上壽于垂拱殿。

四 不軍節度使、 1-·一月庚· ,申,以陸佃爲尙書左丞, 邈川首領。 辛未, 出御製南郊親祀樂章。 吏部尚書温益爲尚書右丞。 戊寅, 朝獻景靈宮。 壬戌, 以西蕃赊羅撒爲 己卯,

厠 庚辰,祀天地于圜丘,赦天下。 改彰信軍爲興仁軍,昭德軍爲隆德軍。 改明年元

御于景靈西宮大明殿。 是歲 十二月壬辰,賜陳王佖詔書不名。癸卯,進神宗昭儀武氏爲賢妃。 ,遼人來獻遺留物。 丁未,詣宮行禮。 河東地震,京畿蝗,江、淮、兩浙、湖南、福建旱。 己酉,降德音于四京 減凶罪一等。徒以下釋之。 丙午,奉安神宗神

崇寧元年春正月丁丑,太原等十一 郡地震,詔死者家賜錢有差。

郎趙諗謀反伏誅。庚子,封子煥爲魏國公。 戌,詔:「士有懷抱道德久沈下僚及學行 月丙 !戌朔,以聖瑞皇太妃疾, 慮 兼備 囚。 甲午, 辛丑,聖瑞皇太妃薨,追尊爲皇太后。 庚戌,追 可厲 風俗者, 子亶改名垣。 待制以上各舉所知二人。」奉議 以蔡確配饗哲宗廟庭。 戊

封孔鯉爲泗水侯,孔伋爲沂水侯。

三月丁巳,奉安哲宗神御于景靈西宮寶慶殿。 戊午, 詣宮行禮。 壬戌,以定王偲爲太

保。壬申,幸定王第。

夏四月己亥,上皇太后諡曰欽成。

正議大夫,太師(三)文彥博爲太子太保,餘各以差奪官。 五. 月丁巳,熒惑入斗。 庚申 - ,韓忠彥罷。 己巳,瞎征卒。 辛未, 庚午,降復太子太保司 韶待制以上舉能更各二人。 馬光為

本:

紀

第十九

徽

宗

亦 乙亥、黜後苑內侍請以箔金飾宮殿者。丙子、詔:「元祐諸臣各已削秩,自今無所復問,言者 書侍郎,翰林學士承旨蔡京爲尙書左丞,吏部尙書趙挺之爲尙書右丞 ,勿輒言。」戊寅,葬欽成皇后于永裕陵。 己卯,陸佃罷。 庚辰,以許將爲門下侍郎,温益爲

恭州 者 蠲 其賦。 六月己丑,祔欽成皇后神主于太廟。 癸丑 ,詔倣唐六典修神宗所定官制。 癸卯,詔:六曹尙書有事奏陳,許獨員上殿。 壬辰,減西京、河陽、鄭州囚罪一等,民緣山陵役 封伯夷爲淸惠侯,叔齊爲仁惠侯。 己酉, 太白晝見。 壬子 改渝州為

監 官有治績最著者,許監司、帥臣各舉一人。壬午,追貶李凊臣爲武安軍節度副使。 司、帥臣於本路小使臣以上及親民官內,有智謀勇果可備將帥者,各舉一人。 閨 [月甲寅朔,更名哲宗神御殿曰重光。辛酉,慮囚。 壬戌,曾布罷。 甲子,詔:諸路州縣

詔 任。 抗州 戊子,以蔡京爲尚書右僕射兼中書侍郎。 秋七月甲申朔,建長生宮以祠熒惑。 丙戌,詔:省、臺、寺、監及監司、郡守,並以三年成 , 明州 置市 舶 司。 庚子,章粢罷。 甲辰,以雨水壞民廬舍,詔開封府振恤壓溺者。 己丑,焚元站法。 甲午,韶於都省置講議司。

者,仍令諸郡縣並置。 八月乙卯, 子烜改名桓, 焕改名楷。 甲戌,詔天下興學貢士,建外學于國南。 乙丑 一,罷權侍郞官。 辛未,置安濟坊養民之貧病 丙子,詔司馬光等二十一人

,罷春秋博士。

子弟 毋得官京師。 己卯 ,以趙挺之爲尙書左丞,翰林學士張商英爲尙書右 丞

副使, 建中靖國元年責降臣僚已經牽復者,其元責告命 已卒,詔贈官,仍官其子一人。壬寅,貶曾布爲武泰軍節度 等、內臣張士良等、武臣王獻可等凡百有二十人,御書 后 年 鍾世美以下四十一人爲正等,悉加旌擢,范柔中以下五百餘人爲邪等,降責有差。 及謀 臣 僚 九 廢 章 月 元符 戊 疏 姓 子,京師置居養院以處鰥寡孤 皇后者罪,降韓忠彦、曾布官,追貶李淸臣爲 名爲正 上、正中、正下三等,邪上、邪中、邪下三等。 獨 仍以戶 並繳納尙書省。」 ,絕財產給養。 刻石端 (副使(品)。 雷州 禮 等、 門。 司 戶 丁 乙未, 侍從蘇軾等、 參 庚子,以元符末上 酉,治臣僚議 甲辰,韶:「元符三年 軍 ,黃履爲 詔中書籍元符 餘官 復 祁 時世美 州 元 書 秦 祐 惠 觀 練

丙子 石 像、 多十月癸亥,蔣之奇罷。 戊辰,詔:責降宮觀 左膚及輔臣 劉 奉 世等二十七人坐元符末黨與變法 ·蔡京、 許將、温益、 趙挺之、張商 並罷 人不得同一州居住。 英等言 洞 禄 戊寅, 靇 元 贴 以資政殿學士蔡卞 皇后之號, 甲戌,以御史錢遹、 復居瑤 知樞密 華宮。

比 安濟坊。 + 月乙酉,邵州言知溪洞徽州楊光 癸巳, 置西、南兩京宗正司及敦宗院。 銜 內附 戊戌,置顯謨閣學士、待制官。 戊子, 以婉儀鄭 氏 爲 賢妃。 辛 竌, 戊申, 河

院

事

本

紀

第

+-

九

徽

宗

三六六

l 楷爲開府儀同三司 封高密郡王。 己酉,立卿監、郎官三歲黜陟法。

軍節度 十二月癸丑 副 使, 范純禮分司 ,論棄湟州罪,貶韓忠彥爲崇信軍節度副使,曾布爲賀州別駕 ?南京。 庚申, 鑄 當五錢。 辛酉, 贈哲宗子鄧王茂爲 皇太子 安燾爲寧國 諡 獻

T 丑: ,詔:「諸邪說詖行非先聖賢之書,及<u>元</u>祐學術政事,並 勿施 刑。」

彦。 是歲 出宮女七十 京畿、京東、 河北、淮南 蝗。 江、浙、熙河潭泉潭衡郴州 興化軍旱。 辰、沅州徭入

州 左僕射銀門下侍郎。 乙巳,以復荆湖疆土曲赦兩路。 知荆南舒亶平辰、沅州徭賊 二年 春正月辛巳朔。 乙酉 竄任伯 復誠 丙午,以冱寒令監司分部決獄。 雨 徽州 凍瓘、 改誠州為靖州 龔夬、 鄒浩于嶺南 徽州 爲蒔竹縣。 丁未, 以蔡京爲尚書 馬涓等九人分貶諸 壬辰,温

植 御 入供 于 二月辛亥,安化蠻入寇,廣西經略使程節敗之。 ,西京 在 京營造。 會聖宮及應天院。 甲寅, ,進元符皇后爲太后,宮名崇恩**。** 丙子,置諸路茶場。 壬子, 遣官相度湖南、北徭地, 辛酉 ,置殿中監 癸亥 ,奉安哲宗 取其材

三月壬午,進仁宗充儀張氏爲賢妃。 乙酉,滅西京囚罪一等。 詔:「黨人子弟好得擅到

闕下 · 綠趨附黨人罷任在外指射差遣及得罪停替 賜禮部奏名進士及第、 出身五百三十八人, 巨僚 其嘗上書在正等者升甲 亦如之。」丁亥, 御集英殿第 , 邪等者黜 進

之。

書左 颐 出 身文字,其所 乙亥,詔毁刊行唐鑑 防 夏 、范純仁、劉摯、范百祿、梁燾、 []L .月甲寅,詔侍從官各舉所知二人。乙卯, 于闖入貢。 部 尚書吳居厚爲 著書令監 井三蘇、秦、黃等文集。 尚書右丞 디 覺察 , 王嚴叟景靈 兵部 尚書安惇同 戊寅, 西宮至繪像。 以趙 知 樞 密院 挺之爲中書侍 丁卯, 己巳 事。 詔毁呂公著、司 奪王 以初謁景 珪 郎 赠 張 諡 商 靈宮赦 追毁程 英爲 尙

軍 己亥,封子楫爲楚國 五. 月辛巳,以 賢妃鄭氏 公。 爲 淑 丙午,册元符皇后劉氏爲太 妃。 癸未,以 陳王 太 后 師 丙 戌, 貶曾布為康州 司

依 太學自訟齋法, 六月壬子,册 王氏爲皇后。 候及一年,能 草心自新者許將來應舉,其不變者當屛之遠方。」壬戌,慮 庚申,詔:「元符末上書進 類多詆 訓 令州 郡遣入 新學,

囚。是月,中太一宮火。復湟州。

日。 甲 秋 申 七 月己 降 . 德 卯 音 學 于 上院 熙 河 火。 蘭會路 辛巳,以復湟州進於京官三等,蔡卞以下二等。 減囚罪一等, 流以下釋之。 庚寅 曾肇責授濮州 ∃: 午, 團 練 虹 副

本

紀

第

-|-

九

徽

宗

使。 了乙巳,詔:責降人子弟毋得任在京及府界差遣。 辛卯,詔上書進士見充三舍生者罷歸。丁酉,詔三自今戚里宗屬勿復爲執政官,

爲靜江軍節度副使,削蔣之奇秩三等。 八月丁未朔,再論棄湟州罪,貶韓忠彥爲磁州團 戊申、張商英罷。 練副使,安燾爲祁州團練副使,范純禮 辛酉,詔張商英入元祐黨籍

?碑。 等人,知縣以上資序並與外祠,選人不得改官及爲縣令。」壬辰,置醫學。癸巳,令天下郡皆 建崇寧寺。 甲辰,詔郡縣謹祀社稷。 九月辛巳,詔宗室不得與元祐姦黨子孫爲婚姻。 辛丑,改吏部選人自承直郎至將仕郎七階。令天下監司長吏廳各立元站姦黨 庚寅,封子樞爲吳國公。 詔:「上書邪

是歲、諸路蝗。 多十一月庚辰,以元祐學術政事聚徒傳授者,委監司察舉,必罰無赦。 十二月癸亥,祧宣祖皇帝、昭憲皇后。 纂府蠻楊晟銅、融州楊晟天、邵州黃聰內附 丙寅,詔六曹長貳歲考郎官治狀,分三等以聞。

壬辰,增縣學弟子員。 三年春正月己卯,安化蠻降。 甲午,賜蔡京子攸進士出身。 辛巳,詔:上書邪等人毋得至京師。 癸卯,太白晝見。 甲辰,鑄 戊子, 鑄當十大錢。 九鼎

二月丙午,以淑妃鄭氏爲貴妃。

以刊定元豐役法不當,黜錢適以下九人。丁未,

置漏

壬 澤 子 園 以以 己酉 楚國公楫爲 詔 三生、章惇別爲 開府儀 同三司 一籍, 封 南陽 如元祐黨。 郡 庚 詔 申 自今御後殿 令天下坑冶 許起居郎、 金銀 復盡 、舍人侍立 輸內藏。

三月辛巳,置文 /繡院。 丁亥, 作圜土以居強盜貸死者。 甲午, 躋欽成皇后神主於欽慈

未

·, 雨

雹

皇

后之上。

辛丑

大內災。

楫薨 右 都護府。 夏四月乙巳,以火災降德音于四京 辛酉,徙封楫爲樂安郡王。 復鄭州 ,減囚罪一等,流以下原之。 乙丑, 罷講議司。 己巳,曲赦陝西 乙卯 復鄯州 建爲隴

守 趙 其 臣 員 挺之、吳居厚、安惇、蔡卞各轉三官。 進 數,做唐六典易胥吏之稱。 五. 金助修宮庭者 月戊寅、罷開封權知府、置牧、尹、少尹。 己卯 ·, 以 甲申 復酅、鄭,蔡京爲守司空,封嘉國公。 - , 改鄯州為 改定六曹,以士、戶、儀、兵、刑、工爲序, 西寧州 仍爲隴右節度。 庚辰, 辛丑 許將、 增 鵬

學未 立 六 籍,通三百九人,刻石朝堂,餘並出籍,自今毋得復彈奏。辛酉,復置太醫局。 月 壬 壬子, 寅朔 圖熙寧、元豐功 置書、畫、算學。 臣於顯 占城入貢。 護閣 戊午, 癸卯 以以 詔 王 重定元祐、元符黨人及上書邪等者 一安石 配饗孔子廟 丙 午,增 諸 州

本

紀

第

-|-

九

徽宗

慮 囚。 乙 11: 詔三內外官毋得越職論事僥倖奔競,違者御史臺彈奏。」

秋 七月癸酉,以婉儀王氏爲德妃。 庚辰,詔:自今大禮不受尊號,羣臣归上表。 空卯

行

方川法。

八月庚子,詔諸路知州、通判增入「主管學事」四字。 壬寅, 大雨,壞民虛含, 令收痤死

甲辰,蔡京上神宗史。 九月乙亥,以趙挺之爲門下侍郎, 丙午,許將罷 吳居厚爲中書侍郎,翰林學士承旨張康國爲尙書左

水, 刑部尚書鄧洵武爲尚書右丞。 壬辰二 詔諸路州 學別置 一齋舍,以養材武之士

川降。 涇原,圍平夏城,寇鎭戎軍 多十月辛丑 己巳,立九廟,復翼祖、宣祖 朔、大雨雹。 o 庚申 丁未,賢妃張氏薨。 丁,熙河 庚午,貴妃邢氏薨 蘭會路經略安撫使王厚言,河西軍節度使趙懷德等 丙辰,命官編類六朝勳臣。 戊午,夏人入

學官推恩有差。丙戌,封子杞爲冀國公。丁亥,詔:取士並繇學校, 十一月甲戌,幸太學,官論定之士十六人,遂幸辟雍,賜國子司業吳絪、蔣靜四品服, **罷發解及省試法**, 科場

元 如 機道 故 事。 顯 德定功欽文睿武齊聖昭孝皇帝。 癸巳,更上神宗諡曰體元顯道帝德王功英文烈武欽仁聖孝皇帝,加上哲宗諡 甲午,朝獻景靈宮。 乙未, 饗太廟。 丙申 一,祀昊 憲

天上帝于圜丘,赦天下。

升興仁、隆德軍爲府

還彰信、昭德舊節。

是歲,諸路蝗。出宮女六十二人。廣西黎洞楊晟兇等內附。

校勘記

尚書右丞 「右」,原作一左」,據本書卷二一二字輔表、卷三一四本傳改。

=黄寔賀其孫延禧立 「孫」,原作「子」,據遼史卷二七天祚紀、編年綱目卷二六改。

 \subseteq 太師 原作「太保」,據宋會要職官六七之三四、宋大詔令集卷二一〇梁熹等降官制

節度副 武泰軍節度副使 使衡州安置制、 「副」字原脫,據宋會要職官六八之四、宋大韶令集卷二一二曾布責授武泰軍 杜大珪宋名臣碑傳琬琰之集(以下簡稱琬琰集)下編卷二〇曾文肅公布傳

補。

(至) 景靈西宮 「宮」,原作「京」,據上文元年三月丁巳條、編年綱目卷二六改。

本

宋史卷二十

本紀第二十

徽宗二

監 酉 ,秦鳳蕃落獻邦、潘、疊三州。 司 `貪虐者論其罪。 四 年 春正 月庚午朔,改 丙申, 熙河蘭會路為熙 詔京畿路改置轉運使、 以內侍童貫爲熙河蘭湟、秦鳳路經略安撫制置 河蘭湟路。 提點刑獄官 丙戌, 築溪哥 蔡十罷。 城 壬辰, 立武學法。 使。 詔察諸路

州 爲尚書左 有官者試充。 爲 慶源 二月乙巳,築御謀城。 逐。 軍 甲子 甲寅,以張康 乙卯,班 雨雹。 方田 法。 國 己酉、置親衞勳 知 庚申, ,改三衞郎爲 樞密院事, 詔 西邊用 兵部尚書劉逵同知樞密院 衛翊衛郎、中郎等官,以勳戚近臣之兄弟子孫 侍 郞 兵能招納羌人者與斬級同賞。 事 ,更部尚書何執中 壬戌, 升 趙

琞 月 本 紀 壬 中, 第 復元 -|-是鈴試 徽 宗 斷按法。 令州縣做尙書六曹分六案。 甲申, 三七三 置陝西、 河東

河

111 京 西監 鑄 當二 夾錫鐵錢。 己丑 御端門,受趙懷德降, 授感德軍節 度使, 封安化郡王

壬辰,曲赦熙河蘭湟路。

砦 經 書、子、史毋習。 (二)為懷遠軍 三月壬寅, 置 青海 庚戌,令呂惠 丁卯, 馬監。 | 样啊、 甲辰, 夜郎 卿 致 首 仕 以趙挺之爲尙書右僕射兼中書侍郎。 領以地降。 戊午,復銀州 是月,夏人攻塞門砦 乙 丑 詔州 縣屬鄉聚徒教授者 丙午, 詔建王

湟州 路 走馬承受毋得預軍政及邊事。 北 夏四月辛未,遼遣蕭良來,爲夏 蕃 市城 知州辛叔獻等擊却之。 己丑 入水還侵地及退兵。 ,夏人寇順寧砦,鄜延第二副將劉延慶擊破之; 戊寅,夏人攻臨宗砦。 辛巳,詔 復攻

Ti. 月戊 (申,除黨人父兄子弟之禁。 壬子,遺林攄報聘于遼。 賜張繼先號虛靖先生。

丑,罷轉運司檢察鈎考法。辛酉,命官分部決獄。

||熙||河 六月内子 陝西 河東、京西 ', 復 解池 路。 鹽。 戊 占 子 城 入貢。 趙挺之罷 T 丑: 慮囚。 辛巳, 罷陝西、 河東力役。 甲申 曲

赦

府 書流人。 爲 南 秋 輔, 七月 襄邑縣爲 丙 戶部尚書曾孝廣坐錢帛皆闕,出 申朔、罷 東輔 三京國 鄭州 子 爲 監官, 西 輔 各置司業 澶州 知杭州 爲 北 員。 輔。 甲寅, 辛丑 ,置熒惑壇 詔奪元帖輔臣墳寺。 置四 朝 郡 丁巳、 以潁 還

八月戊辰、以德妃王氏爲淑妃。 庚午,以王、江、古州歸順,置提舉溪洞官二員,改懷遠 辛卯,賜新樂

軍 一為平州 丙子,以東 輔爲拱州。 甲申,奠九鼎于九成宮。 乙酉,詣宮酌獻。

名大晟 ,置府建官。 壬辰,遣劉正 夫使遼。

保甲並於農隙時教閱。乙卯,賜上舍生三十五人及第。丙辰,詔自今非宰臣毋得除特進。 九月己亥,赦天下。 乙巳,詔元祐人貶謫者以次徙近地,惟不得至畿輔。 詔京畿、三路

罪。 下, 刑名例班刑部、大理司。丁亥,升武岡縣爲軍。戊子,詔上書進士未獲者限百日自陳免 壬辰,1 多十月,自七月雨,至是月不止。甲申,以左右司所編紹聖、元符以來申明斷例班天 日中有黑子。

十二月癸酉,升拱州爲保慶軍。 十一月戊戌,安定郡王世雄薨。 甲申一分平州置 丙辰,置諸路提舉學事官。己未,章惇卒。 允州 、格州

是歲,蘇、湖、秀三州水,賜乏食者粟。 泰州禾生穭。

吳居厚爲門下侍郎,劉逵爲中書侍郎。乙巳,以星變避殿損膳, 五 年春正月戊戌、彗出西方、其長竟天。 庚子,復置江、湖、淮、浙常平都倉。 韶求直言闕政。 毁元祐 甲辰,以

復謫者仕籍,自今言者勿復彈糾。丁未,太白晝見,赦天下,除黨人一切之禁。權罷

本 紀

第二

徽

宗

_

20 以 存 田 一般稍 壬戌,復書、畫、算學。 戊 申 復其官, 盡還諸徙者。 - , 詔侍從官奏封事。 己酉, 罷諸州歲貢供奉物。 御殿復膳。 壬子 親 **圆**土法。 庚戌, 詔 丁巳, 崇寧以來左降者, **罷書、畫、算、醫** 各

所降 安定郡王。 自今並除進 觀文殿大學士趙挺之爲特進、尚書右僕射兼中書侍郎。 . 御筆手詔模印成册,班之中外。州縣不遵奉者監司按劾,監司推行不盡者諸司互察之。 月丙申, 月甲子朔, 癸卯,御集英殿策進士。 一士出身人。壬申,省內外冗官,罷醫官兼宮觀者。 韶星變已消,罷求直言。 詔監司條奏民間疾苦。 丁未,罷諸 辛丑,改威德軍爲石堡砦。 丙寅, 州 蔡京罷爲開府儀同三司、中太一宮使。 武 學。 庚午, 乙卯,廢銀州爲銀川 蒲十國入貢。 詔翰林學士、兩省官及館 封眉州防禦使世福爲 丁丑,以前後 城。 閣 以

王似薨。 己未,賜禮部奏名進士及第、出身六百 七十一人。

夏四月丁 丑: ,停冤兩浙水災州郡夏稅

五. 月丁未,班紀元曆 辛亥,封子栩爲魯國公。 乙卯,罷辟舉,盡復元豐選法。

六月癸亥,立諸路監 詔求隱逸之士, 令監司審覈保奏,其緣私者御史察之。丁卯,詔輔臣條具東南守備 司互察法, 庇匿 不舉者罪之, 仍令御史臺糾劾。 改格州為從州

策。

壬申, 虚囚。

秋七月庚寅朔,日當食不虧。壬寅,詔改明年元。

九月辛丑,河南府嘉禾與芝草同本生。

多十月己卯 ,升澶州爲開德府。 庚辰,降德音于開德府,減囚罪一等,徒以下釋之。

+ 月辛卯,陳王佖薨。乙巳,詔立武士貢法。辛亥,倂京畿提刑入轉運司

便殿。己己,詔:監司按事,有懷姦挾情不盡實者,流竄不敍。 一月戊午朔,日當食不虧,羣臣稱賀。己未,劉逵罷。 壬戌, 韶臣僚休日請對, 特御

是歲,廣西黎洞韋晏鬧等內附。

居厚罷 興德 尙書左丞, 戶部尙書梁子美爲尙書右丞。 乙卯, 封仲損爲南康郡王, 仲御爲汝南郡王 禪院。 |大觀元年春正月戊子朔,赦天下。 甲午,以||蔡京爲尙書左僕射兼門下侍郞。 戊申,進封衞王俁爲魏王,定王偲爲鄧王。 復廢官。 庚子,復置議禮局於尚書省。 甘露降于帝鼐內, 壬子,以何執中爲中書侍郎,鄧洵武爲 羣臣 .稱賀。 戊戌, **I**: 寅, 吳

亥,復醫學。己卯,復行方田。丙戌,以平昌郡君韋氏爲才人。 二月壬戌,以向宗回爲開府儀同三司,徙封安康郡王。甲子,以黎洞納土,曲赦廣西。乙

三月丁 酉,趙挺之罷。 以何執中爲門下侍郎,鄧洵武爲中書侍郎,梁子美爲尚書左丞

本

紀

第

_

+

徽

宗

吏部尚書朱諤爲右丞。 甲辰,立八行取士科。 癸丑,趙挺之卒。

夏四月乙丑,以淑妃王氏爲貴妃。

貶呂惠卿 路 及監司之任, 五月己丑 爲 派州 封子棫爲揚國公。 團 勿以元祐學術及異意人充選。 練副 使。 庚寅,鄧洵武 朝散郎吳儲、 罷。 甲午,詔班新樂于天下。 承議郎吳侔坐與妖人張懷素謀 以安化蠻犯邊,益兵赴廣西討之。乙巳, 癸卯,詔 自 反, 今凡總 伏誅。

婕妤。 |学二州。 六月已未,以梁子美爲中書侍郎。 癸酉、賜上舍生二十九人及第。 壬戌,韶景靈宮建僖祖殿室。 乙亥,朱諤卒。 丁丑,慮囚。甲申,以才人韋氏爲 甲子,以黎人地爲庭、 子構生。

秋 七月乙酉朔,伊、洛溢。 戊子,詔括天下漏丁。 壬寅, 班祭服于州郡。 乙巳, 賢妃武

氏薨。

部尚書林攄同 八 月乙卯,曾布卒。 知樞密院事。 丁巳,封子構爲蜀國公。 己巳、降德音于准、海、吳、楚二十六州,減囚罪一等,流以下釋 庚申,以戶部尚書徐處仁爲尚書右丞,吏

九月庚寅,建顯烈觀於陳橋。 己酉,加上僖祖諡曰立道肇基積德起功懿文憲武睿和至

誕坐冒法竄海島。 李景直等四人以上書觀望罪,並編管嶺南

冬十月己未,詔:士有才武絕倫者,歲貢準文士上舍上等法。 辛酉,蘇州地震。

貶張商英爲安化軍節度副使。己巳,大雨雹。

州並爲 口 爲 殿最。 閨 大都督府。 月丙戌,以林攄爲尚書左丞,資政殿學士鄭居中同知樞密院事。 升桂州爲大都督府,鎭州爲靖海軍節度。 壬寅,禁用翡翠。 乙巳,升太原府、即 乙未, 詔守令以戶

巳,升瀛州爲河間府、瀛海軍節度。 + 一月壬子朔,日有食之,蔡京等以不及所當食分,率羣臣稱賀。 戊寅,南丹州刺史莫公佞降。 徐處仁以母憂去 乙丑,置符寶郎。

洪、福、潭、廣、桂並爲帥府。置黔南路。 十二月庚寅, 以蔡京爲太尉, 進何執中以下官二等。 丁酉,置開封府府學。己亥,以婉容喬氏爲賢妃。 。癸巳,以江寧、荆南、揚、杭、 越、 開

| 漢河。

乾寧軍、同州黃河淸。 是歲、秦鳳旱。 京東水,河溢,遣官振濟,貸被水戶租。 于闖、夏國入貢。治州夷駱世華、駱文貴內附。 廬州雨豆。 汀、懷二州慶雲見。

本

開府儀同三司; 東、北盜起。 仲糜爲淮安郡王。 構為廣平 妃。 樞爲建安郡王 以 ,鄧王偲爲越王,並爲 婉儀劉氏爲德妃。 庚午 年 ·郡王, 春正 ,徙封仲損爲齊安郡王,仲御爲華陽郡王,孝騫爲晉康郡王, ,冀國公杞爲文安郡王 |月壬子朔,受八寶于大慶殿,赦天下,文武進位| 並爲開府儀同三司。 封仲增爲信安郡王,仲忽爲普安郡王,仲癸爲咸安郡王,仲僕爲同安郡王, 戊寅, 己未,蔡京進太師 太尉; 徙封向宗回爲漢東郡王, 京兆郡王桓爲定王 了。 一, 楚國公栩爲安康郡王, 揚國公域爲濟陽郡王 甲子,以神宗德妃宋氏、 ÷ 加童貫節度使, 高密郡王楷爲嘉王,並爲 向宗良爲開府儀同三司。 仍宣 上無。 等。 劉氏爲淑妃, 庚申, 蔡京表賀符瑞。 孝參爲豫章郡王 進封 賢妃喬氏 司 空; .魏王 仲損薨。 蜀 吳國 () () 乙卯 爲 或 德 並 公 燕 泂

己亥,以安德軍節度使錢景臻爲開 二月甲申,置諸州曹掾官。 甲午,一 府儀同三司 韶建徽猷閣,藏哲宗御集,置學士、直學士、待制官。 庚戌,以婕妤韋氏爲修容。

國公。 三月庚申 戊寅、 賜上舍生十三人及第。 •,班 金籙 靈寶道場儀範于天下。 升乾寧軍爲清州 甲子 封 子材爲魏國 詔監司歲舉所部郡守二人,縣令四 公 乙亥, 封子模為鎭

夏四月甲辰,復洮州。

人,赴三省審察。

五月庚戌朔,日有食之。辛亥,**慮囚**。 以復洮州功,賜蔡京玉帶,加重貫檢校 司空, 775

宣 撫 甲寅,復諸路歲貢供奉物。 壬戌、溪哥王子臧征撲哥降,復積石 軍 戊辰, 詔官蔡京

子孫一人,進執政官一等。

六月乙酉,以涪夷地爲珍州 甲午,以平夏城爲懷德軍。 乙未,: 以殿中六佾、算學、太

官局、翰林儀鸞司皆隸六察。

秋七月庚戌,罷建僖祖殿室。 乙卯,以婉容王氏爲賢妃。

八月辛巳,邢州河水溢,壞民廬舍,復被水者家。丙申,中書侍郞梁子美罷知鄆州。

亥、置保州敦宗院

保致仕。 九月辛亥,以林攄爲中書侍郎, 壬申,封子植爲吳國公。 癸酉, 吏部尚書余深爲尚書左丞。 皇后王氏崩。 削向宗回官爵。 壬戌, 貶向宗回爲太子少 丙子 曲 赦熙河蘭

淳、秦鳳 、永興軍 路

冬十一月丁未朔,太白 十二月壬寅,陪葬靖和皇后于永裕陵。 I畫見。 乙丑,上大行皇后諡曰媾和

是歲,同州黃河清。 出宮女七十有七人。于闐、夏國入貢。 **涪夷任應舉、楊文貴,湖南**

徭楊再光內附

本 紀 第二 + 徽 宗二

遠 陵役者蠲其賦。 三年 春正月乙卯,祔靖和皇后神主于別廟。 丁卯,以涪夷地爲承州。 甲戌,升湟州爲嚮德軍節度。 己未,減兩京、河陽、鄭州囚罪 等,

二月丙 子朔, 播州楊文貴納土,以其地置遵義軍。 丁丑,韓忠彥致仕。

之。 壬戌、倂黔南入廣西路。 三月丙午,立海商越界法。 乙丑、賜禮部奏名進士及第、出身六百八十五人。 庚戌,御集英殿策進士。 辛酉,詔:四川郡守並選內地人任 壬申 一,張康

書管師. 劉 正夫爲尚書右丞 夏 四 仁 同 月戊寅、林攄罷。 知樞密院事 0 癸卯,以余深爲中書侍郎, 戊子,以淑妃劉氏爲貴妃。 兵部尚書薛昂爲尚書左丞,工部尚書 癸巳,以鄭居中 知樞密院事,吏部尚

|國 卒。

樂、詔竄遠方。丙辰、令辟雅宴用雅樂。 五 月乙巳朔,孟翊獻所畫卦象,謂宋將中微,宜更年號, 丁巳,慮囚。戊辰,大雨雹。 改官名, 變庶事以厭之。 辛未,以德妃喬氏爲 帝不

印配 門下侍郎。 六 月甲戌朔,詔修樂書。 以瀘夷地為純、滋二州。 管師仁罷。 庚寅、冀州河水益 丁丑,蔡京罷。 辛巳,以何執中爲特進、尙書左僕

貴妃。

秋 七月丁卡、韶:謫籍 人除元祐姦黨及得罪宗廟外,餘並錄用。 内辰, 詔罷都提舉 **秦**事

司 在京令戶部、在外令轉運司主之。

八月乙酉、封子朴爲雅國公。己丑 ,嗣濮王宗漢薨。 甲午,以仲增爲開府儀同三司, 封

嗣濮王。 丙申,升融州爲清遠軍節度。 己亥,韓忠彥薨。

九月癸丑,封子棣爲徐國公。 己未,賜天下州學藏書閣名「稽古」。

冬十月癸巳,滅六尙局供奉物。

十一月丁未,詔算學以黃帝爲先師,風后等八人配饗,巫咸等七十人從祀。

封 楚國公致仕,仍提舉哲宗實錄 朝 朔 望

進

十二月己亥,罷東南鑄夾錫錢

閣婆、占城、夏國入貢。 是歲,江、淮、荆、浙、福建旱。 瀘州夷王募弱內附。 秦、鳳、階、成饑, 發粜振之,蠲其賦。 陝州、 同州黄河清

几 年春正月癸卯,罷改鑄當十錢。 辛酉 詔: 士庶拜僧者,論以大不恭。 T 卯,夏國

頁。

月庚 本 ۴ď 第 午朔,禁然頂、煉臂、刺血、斷指。 - - 十 徽 宗 ___ 庚辰,罷京西錢監。 甲申,詔自今以賞進秩者

班 過中 奉 大夫。 己丑,以余深爲門下侍郎,資政殿學士張商英爲中書侍郎, 戶部尚書侯蒙

同 知樞密院事 壬辰、罷河東、河北、京東鑄夾錫鐵錢

入翰林圖畫局〔三〕,學官等並罷。甲寅,敕所在振恤流民。癸亥,詔:罪廢人稍加甄敍,能安 三月庚子,募飢民補禁卒。 韶:醫學生倂入太醫局,算入太史局,書入翰林書藝局,畫

分守者,不俟滿歲各與敍進,以責來效。丙寅,賜上舍生十五人及第。戊辰,詔:上書邪下

等人可依無過人例,今後改官升任並免檢舉。

夏四月己卯,班樂尺于天下。癸未,蔡京上哲宗實錄。丙申,立感生帝壇。 丁酉, 詔修

哲宗史。

治 殿減膳,令侍從官直言指陳闕失。 廣西妄言拓地罪, 五月壬寅,停僧牒三年。丁未,彗出奎、婁。甲寅, 追貶帥臣王祖道爲昭信軍節度副使。 戊午,赦天下。 壬戌,改廣西黔南路爲廣南 立詞學兼茂科。 甲子, 貶蔡京爲太子少保。丙 丙辰, 詔以彗見避 西路。 癸亥,

府儀同三司、漢東郡王。乙未、慮囚。內申、薛昂罷。 六月庚午,御殿復膳。乙亥,以張商英爲尙書右僕射兼中書侍郎。 壬辰,復向宗回爲開

寅

秋七月辛丑,復罷方田。 戊申,封子樗爲冀國公。

八月乙亥,以劉正夫爲中書侍郎,侯蒙爲尚書左丞,翰林學士承旨鄧洵仁爲尚書右丞

戊寅,省內外冗官。 庚辰,以資 政殿學 士吳居厚爲門下侍郎。 丁亥,行內外學官 選試 法

閨 月辛丑, 詔:諸路 事 有不便於民者 監 司條奏之。 癸卯, 改陵井監爲仙井監 辛 四

多十月丁酉 立貴妃鄭氏爲皇后。 鄭居中罷。 戊戌, 太白晝見。 以吳居厚知樞密院

事。

十一月乙丑朔,朝景靈宮。 丙寅,饗太廟。 丁卯,祀昊天上帝于圜丘, 赦天下, 改明年

元。丙戌,罷拱州爲襄邑縣。

十二月庚戌,改諡靖和皇后爲惠恭。

夔州 江水溢。 海 水清。 出宫女四百八十六人。 南丹州首領莫公晟內附

政 和 元 年 春正 月己已,以賢妃王氏爲德妃。 壬 中, 毀京師淫祠一千三十八區。 戊寅

封 子 供爲 定國 公。 丙戌,廢白、龔二 州。 壬辰,詔 百官厲 名 節

月壬寅 册皇后。 乙巳、詔陝西、河東復鑄夾錫錢。 內午,以太子少師鄭紳爲開府儀

本

紀

第

__

-|-

徽

宗

_

同三词。

三月己巳,詔監司督州縣長吏勸民增植桑柘,課其多寡爲賞罰。 癸酉,以吏部尚書王

蹇同知樞密院事。

夏四月乙卯、罷陝西、河東鑄夾錫錢。 丙辰,慮囚。 立守令勸農黜陟法。 丁巳,以淮南

阜,降囚罪一等,徒以下釋之。

五月癸亥,詔四川羨餘錢物歸左藏庫。 戊辰,改當十錢爲當三。 己卯,東南有星蜚隕。

丁亥,解池生紅鹽。

六月甲寅,復蔡京爲太子少師。

秋七月壬申,以疾愈赦天下。 癸未,廢严、從二州爲砦。

八月乙未,復察京爲太子太師。丁巳,張商英罷。戊午,詔:「監司部內官吏,

犯罪至三人以上,雖不及三人而或有曾薦舉者,罪及監司。」

九月戊寅,王襄罷。 丁亥,封子械爲廣國公。 是月,鄭允中、童貫使遼一以李良嗣來,良

嗣獻取燕之策,詔賜姓趙。

郡王。 冬十月辛卯,以用事之臣多險躁朋比,下詔申儆。 辛亥、贬張商英爲崇信軍節度副使 庚戌, 封昭化軍節度使宗粹爲信安

-一月壬戌 以上書邪等及曾經入籍人並不許試學官。 丙子,封子榛爲福 國公。

月已四 詔臺諫以直道覈是非,毋憚大吏,毋比近習。 辛亥,廢鎭州 升瓊州為靖

海軍。

是歲, 虔州芝草生。 蔡州瑞麥連野。 河南府嘉禾生, 野蠶成繭。 出宫女八十人。 交

趾、夏國入貢。

校勘記

(二) 王口砦 「口」,原作「古」,據本書卷九〇地理志、一朝綱要卷一六改。

 Ξ 翰林圖畫局 「圖畫」,原作「畫圖」,擴宋會要職官三六之九五、長編紀事本末卷一三五、通考卷

三五改。

米史卷二十一

本紀第二十一

徽宗三

二年春正月甲子,制:上書邪等人並不除監司。

二月戊子朔,蔡京復太師致仕,賜第京師。 庚子,以婉容崔氏爲賢妃。

三月戊午朔,定國公棋薨。己巳,御集英殿策進士。己卯,賜禮部奏名進士及第、出身

七百十三人。

中有黑子 戌,以何執中爲司空。 夏四月己丑,詔縣令以十二事勸農於境內,躬行阡陌,程督勤惰。 甲午, 宴蔡京等于太清樓。 壬子,賜張商英自便。 乙巳, 以定國軍節度使仲忽爲開府儀同三 辛卯,復行方田 司。

庚

H

五月癸亥,慮囚。 木 紀 第二十 丁卯,封子椿爲慶國公。 徽 宗 己巳,蔡京落致仕,三日一至都堂議 三八九

六月己丑 ,以資政殿學士余深爲門下侍郎。 乙卯,白虹貫日。

秋七月壬申,訪天下遺書。丙子,置禮制局

九月壬午, 改太尉以冠武階。 癸未,正三公、三孤官。 改侍中爲左輔,中書令爲右弼,

左右僕射爲太宰、少宰,罷尙書令。

冬十月乙巳,得玉圭於民間。

十一月己未,置知客省、引進、四方館、東西上閣門事。 戊寅, 日南至, 受元圭于大慶

殿,赦天下。辛巳,蔡京進封魯國公。以何執中爲少傅、太宰兼門下侍郎。 執政皆進秩。

十二月甲申,行給地牧馬法。乙酉,以鄭居中爲特進。丙戌,以武信軍節度使童貫爲

太尉。乙巳,定命婦名爲九等。丙午,燕輔臣于延福宮。辛亥,封子楃爲衞國公。

是歲,成都府、蘇州火。 出宮女三百八十三人。 高麗入貢。成都路夷人董舜咨、董彥博

內附,置祺、亨二州。

舒王,子隽爲臨川伯,配饗文宣王廟。丁丑,吳居厚罷,以觀文殿學士鄭居中知樞密院事。 子,韶以天錫元圭,遣官册告永裕、永泰陵。 三年春正月己未,以定王桓、嘉王楷並爲太保。庚申,以廣平郡王構爲檢校太保。 丙寅,以燕王俁爲太傅。 癸酉,追封王安石爲 Ħ

己卯,以越王偲爲太傅,封子腱爲韓國公。

遼、 女眞 月甲申 相 持, 詔 以 河 德 北 妃 治 王 邊防 氏 爲 淑 妃。 Ţ 酉 庚寅 韶百官奉祠 罷文臣 「動官。 禄者並以三年爲 辛 卯, 崇 恩 太 后 任 乙, 暴崩。 增定六朝 甲 午 以

勳臣一百一十六人。

賜上舍生十九人及第 三月壬 子朔, 日有食之。 戊辰, 進神宗淑妃宋氏爲貴妃。 升永安縣爲永安軍

右丞。 巳,以福寧殿東建玉淸和陽宮。 夏四月戊子,作保和殿。 庚戌,班 {五 禮 新儀 庚寅,以復凑、播等州降德音于|梓夔路。 丙午, 升定州爲中山府。 己酉,以資政殿學士薛昂爲尚書 癸巳,鄧洵仁罷。 Z

閨 月 丙辰,改公主爲帝姬。 戊午,復置醫學。 辛酉,上崇恩太后諡曰昭懷。 庚午

公椿薨。

打 官 置 等。 五. 內 月 字 乙酉,慮囚。 丙 午, 副 宰、內史、治中等官 葬昭 懷皇后于永泰陵。 丙申,升 蘇州 及都. 爲平 事以下 T 江 府。 未, 吏員。 詔尚 庚子,大盈倉火。 書內省分六司 己酉、班新 燕 壬寅, 以掌外省六曹所上之 以築溱、 播 進 執政

六月癸亥,祔昭懷皇后 神主于太廟。 戊辰,降兩京、河陽、鄭州 囚 罪一 等 民緣園陵役

本

紀

郛

+

徽

宗

Ξ

宋

一獨其賦

秋 七月癸未,升趙城縣爲慶祚軍。 甲申, 還王珪、孫固贈諡, 追復韓忠彦、台布、安壽、

李清臣、黃履等官職。庚子,貴妃劉氏薨。 壬寅,復置白州。

八月甲戌,以燕樂成進執政官一等。 丙子, 以何執中爲少師。 丁川; 升潤州為鎮江

府。 戊寅,封四鎭山爲王

九月 演演, 詔大理寺、開封府不得奏獄空,其推恩支賜並罷。戊戌,追册貴妃劉氏爲皇

后,諡曰明達。

宮,並以道士百人執威儀前 冬十月乙丑, 閱新樂器于崇政殿(三), 導 出古器以示百官。 戊辰,詔冬祀大禮及朝景靈

功英文烈武欽仁聖孝皇帝,改上哲宗諡曰憲元繼道世德揚功欽文睿武齊聖昭孝皇帝。 冬十一月辛巳,朝獻景靈宮。 壬午, 饗太廟, 加上神宗諡曰體元顯道法古立憲帝德王

臨示現記。 未,祀昊天上帝于圜丘,大赦天下。升端州爲興慶府。乙酉,以天神降,詔告在位,作天眞降 己丑,以賢妃崔氏爲德妃。 壬辰,築祥州。己亥,詔有官人許舉八行。

是歲,江東旱,温、封、滋三州火。 十二月癸丑,詔天下訪求道敎仙經。 出宮女二百七十有九人。 乙卯,韶天下貢醫士。 辛酉、太白晝見。

四年春正月戊寅朔,置道階,凡二十六等。 辛丑, 追封濮王子宗誼爲 祁王, 宗詠為萊

王 ,宗師爲温王,宗輔爲楚王,宗博爲蕭王,宗沔爲霍王,宗蓋爲建王,宗勝爲袁王

三月丙子朔,以淑妃王氏爲貴妃。 二月丁巳,賜上舍生十七人及第。 癸亥,改淯井監爲長寧軍。 癸酉,長子桓冠

夏四月庚戌,幸尙書省,以手詔訓誡蔡京、何執中,各官遷秩,吏賜帛有差。 癸丑,閱太

學、辟雍諸生雅樂。甲子,改戎州爲敍州。

五月丙戌,始祭地于方澤,以太祖配。 降德音于天下。 子機薨。

六月戊午,慮囚。壬申,以廣西溪洞地置隆、兌二州。

秋七月丁丑,置保壽粹和館以養宮人有疾者。 戊寅,焚苑東門所儲毒藥可以殺人者,

仍禁勿得復貢。甲午,祔明達皇后神主于別廟。

八月乙巳,改端明殿學士爲延康殿學士,樞密直學士爲述古殿直學士。 癸亥,定武臣

横班,以五十員爲額。

九月己卯,以安靜軍節度使王憲爲開府儀同三司。 己亥,詔諸路兵應役京師者並以十

月朔遣歸

本紀第

多十月乙巳,復置拱州

十一月丁丑 ,封子極爲相國公。

額。 己未, 詔廣南 市舶司歲貢眞珠、犀角、象齒

十二月己酉,以禁中神御殿成,減天下囚罪

等。

癸丑,定朝議、奉直大夫以八十員爲

是歲 ,相州野蠶成繭。 出宮女六十八人。

五年春正月庚辰,瀘南晏州夷反,尋韶梓州路轉運使趙遹等督兵討平之。己丑,令諸

州 、縣置醫學,立貢額。 甲午,改龍州爲政州

二月乙巳,立定王桓爲皇太子。 甲寅,册皇太子,赦天下。 庚午,以童貫領六路邊事

琦爲 魏郡王,復文彦博官。 三月辛未朔,太白晝見。 丁亥, 己卯,御集英殿策進士。 韶以立皇太子,見責降文武臣僚並與牽復甄敍 甲申, 追論至和、嘉祐定策功, 凡 封韓 千· 五.

百人。 壬辰 ,升舒州爲德慶軍。 癸巳,賜禮部奏名進士出身六百七十人。

殿爲右文殿。 夏四月甲辰,作葆眞宮。 癸亥,置宣和殿學士。 丁未,詣景靈宮,還幸祕書省, 詔東宮講讀官罷讀史。 進館職官一等。 庚戌; 改集賢

ĬĹ. 月壬辰, 慮囚

六月癸丑,以修三山河橋,降德音于河北、京東、京西路

秋 七月戊辰朔,日有食之。 乙亥,升汝州爲陸海 軍 1 丑: 詔建明堂于寢殿之南。

申 昭慶軍節度使蔡卞爲開府儀同三司。 八月已酉,以祕書省地爲明堂。 辛亥,升通利軍爲 丁亥,封子樾爲瀛國公。 軍節度。

濬州

平

 \prod

嗣濮王

一仲增薨。

甲

九月己卯,封 仲御爲嗣 濮王。 丙戌,封子模為惠國公。

冬十月癸卯 ,以嵩山道 人王仔昔爲沖隱處士。 戊午, 夏國

十二月己亥,升遂州爲遂寧府。 十一月癸酉,錄 昭憲皇后杜氏之裔。 庚申, 庚寅,高麗遣子弟入學。 以平晏夷曲赦四川。 癸亥, 置緣邊安撫司于瀘

是歲,平江府、常湖秀州水。 出宮女五十人。 州

六年春正月戊子,以瀘南獻捷轉宰執一官。 以童貫宣撫陝西、河北

閨

月

壬

寅

,升潁州

爲順昌

府。

丁

未

,置道學。

一月丁:

亥,

詔

1增廣

天下學舍。

庚寅

詔廣京城。

三月癸丑 賜上 一舍生十一人及第。

本 ۴ď

第

+

徽 宗

--

「天寧諸節及壬戌日,杖已下罪聽贖。」丙戌,卻監司、守臣進獻。 夏四月乙丑,會道士于上淸寶籙宮。辛未,以何執中爲太傅致仕, 庚寅, ·韶察京三日一朝,正 朝朔望。 丁丑

中書侍郎。 五 月丁 酉 壬寅,以保大軍節度使鄧洵武 ,廢錫錢。 庚子,以鄭居中爲少保、太宰兼門下侍郎, 知樞密院 事 劉正夫爲特進、少宰兼

公相位,總治三省事

六月丙 寅 ,班中書官制格。 庚午,慮 囚。 甲戌、韶堂東遷官至奉直大夫止。 癸未,皇太

子

,納妃朱氏

庫。 度使王薦爲開府儀同三司。 壬子 秋 七月壬辰朔,以震武城爲震武軍。 , , 曲赦湖北。己未, 解池生紅鹽。 諸盜晏州卜漏、沅州黃安俊、定邊軍李吪够伏誅 甲午,以德妃崔氏爲貴妃。辛亥,以河陽三城節 辛酉,改走馬承受公事爲廉訪使者。 韶函首于甲

自 晦 者悉以名聞。 八月壬戌朔,戒北邊帥臣毋生事。 丁亥,幸蔡京第。 己丑 壬午,詔天下監司、郡守搜訪巖谷之士,雖恢詭譎怪 ,升晉州爲平陽、壽州爲壽春、齊州爲濟南 府。

丙 申 九 赦 月 天下。 辛 卯 朔, 令洞天福地修建宮觀, 詣玉清和陽宮,上太上開 塑造聖像。 天執符 以西內成曲赦京西。 .御曆含眞體道昊天玉皇上帝徽號寶册。 己未,以童貫爲開

府儀同三司。

冬十月乙丑,太白晝見。

以 禮 部尙書白時中爲尙書右丞。 + 月丁 四 ,朝獻景靈宮。 辛丑 戊戌、饗太廟。 己亥, ,魏國公材薨(三)。 祀昊天上帝于圜丘, 戊申,以侯蒙爲中書侍郎,薛昂爲 赦天下。

十二月己巳,以婉儀劉氏爲賢妃。 己未,徙封衞國公楃爲鄆國公。 戊寅,以熙河進築功成,進執政一 增横班爲十三階。 官。 乙酉, 奠九鼎

尙書左丞。

于 圚 像徽 調閣。 劉正 大爲開府儀同三司致仕 戊子,以宗粹爲開府儀 同三司

是歲 冀州三山黄河清。 出宮女六百人。 高麗、占城、大食、眞臘、大理、夏國入貢 茂

州夷 郅永壽內附(日)

年春正月丁酉,于闖入貢。 庚子,以殿前都指揮使高俅爲太尉

清寶簽宮 二月癸亥,以大理國主段和譽爲雲南節度使、大理國王。 ,韶通眞先生林靈素諭以帝君降臨事。丁卯 御集英殿策高麗進士。 甲子,會道士二千餘人于上 辛未, 改天

大寧萬壽觀爲神霄 玉清萬壽宮。 乙亥,幸上清寶籙宮 命林靈素講道

月 庚寅 賜高麗祭器。 高麗進士權適等四人賜上舍及第。 乙未, 以童貫權領樞密

院。 丙申,升鼎州爲常 德 軍

木 紀 第 二 十 徽 宗 Ξ

三九八

夏 几 月 《庚申,帝諷道籙院上章,册已爲<u>教主道君皇帝,止於教門章疏內用</u>。 辛酉,升温

州爲應道軍。

光大后 民徑赴尙書省陳訴。 室修造。 五月戊子朔,升慶州爲慶陽軍 上皇 辛丑 地祇徽號寶册。 ,祭地于方澤,降德音于諸路。 癸卯, 改玉清和陽宮爲玉清神霄宮 辛卯, 、渭州爲平涼軍。 命蔡攸提舉秘書省丼左右街道籙院。 以監 司 州縣共爲姦贓,令廉訪使者察奏,仍許 己丑,如玉清和陽宮,上承天效法厚德 乙未, 詔 權 龍 宮

氏 薨。 留後爲承宣使。 六 (月戊 午朔,以明堂成, 己巳,蔡京辭兩國不拜,詔官其親屬二人。 進封蔡京為陳、魯國公。 。戊辰 壬午,詔禁巫覡。 以嘉王楷爲太傅。 丙戌,貴妃宋 改節度觀察

秋七月壬辰、熙河、璟慶、涇原地震。 庚子, 韶八寶增定命寶。

八月癸亥,詔明堂丼祠五帝。鄭居中以母憂去位。

正 **上**夫卒。 九 月戊子 Ţ 酉 詔 西蕃王子益 湖北民力未舒, 麻党征降, 胡耳西道可罷進築。 見于紫宸殿。 壬寅,進宰執官一等。 辛 卯,大饗明堂, 赦天下。 甲辰,以薛昂爲 乙未,

特進。癸丑,貴妃王氏薨。

冬十月乙卯朔,初御明堂,班朔布政。戊寅,侯蒙罷。

中 書侍郎 + 一月庚寅,命蔡京五 白時中為 中書侍· 鄓。 日 赴都堂治事。 壬辰,復置醴州。 辛卯, 丙申,何執中卒。 鄭居中起復。 以余深爲特進、 升石 泉縣爲 軍 /小 字

月戊 (中朔,有星如月。 丁巳,以薛昂爲門下侍郎。 戊辰、韶天神降于坤寧殿 刻石

命戶部侍郎孟揆作萬歲山

是歲,三山河水淸。出宮女六十八人。

以紀之。庚午,以童貫領樞密院。

元符末 王黼爲尚書左丞 重 和 元年春正月甲申朔,受定命寶于大慶殿。戊子,封孫諶爲崇國公。 上書邪中等人,依無過人例。乙巳,封姪有奕爲和義郡王。庚戌,以翰林學士承 己丑、赦天下。

旨

應

安縣爲六安軍。 二月戊辰,增諸路酒價。 丁丑, 詔:監司輒以禁錢買物爲苞苴饋獻, 論以大不 庚午,造武義大夫馬政由海道使女真,約夾攻遼。 甲戌、升六

停。 圧楷第一,帝不欲楷先多士,遂以王昂爲榜首 丙申,以茂州蕃族平,曲赦四川。 戊戌,御集英殿策進士。戊申,賜禮部奏名進士及第、出身七百八十三人。有司以嘉 三月丙戌,詔:監司、郡守自今須滿三歲乃得代,仍毋得通理。癸巳,令嘉王楷赴廷對 丁酉,知建昌陳幷等改建神霄宮不虔及科決道士,詔並勒

本

紀

夏 24 月癸丑朔,築靖夏城、制戎城 錄呂餘慶後。 癸亥,减 捶刑。 卯 一句歲以季

秋 親 丽 明 如孟. 月朝獻禮 以太上混元上德皇帝二月十五 日生辰爲 貞元節

Ŧi. 月 I **一午**朔, 日有食之。 乙酉,詔諸路選漕臣一員,提舉本路 神霄宮。 丁亥、以林靈素

為 通 眞 達 靈 元 妙先生,張虛白爲通元沖妙先生。 壬辰,班御製聖濟經。 以青華帝 君 八月九

日 生 辰 爲 元 成 節。 庚戌, 手敕 兩 浙 漕 司 ,以權添酒錢盡 給 御前

六月乙卯 ,以賢妃劉氏爲淑妃。 以准 西盜平 曲 放。 庚午,慮囚。 甲戌,以 西邊獻

捷,曲赦陝西、河東路。

特 進 ,進執政官一等。 秋 七月壬 午,以西 己酉 師有 一, 遣 功,加蔡京恩,官其一子,鄭居中爲 康訪使者六人振濟東南諸路水 少傅, 災。 余深爲少保,鄧洵武爲

八月甲寅,以童貫爲太保。 辛酉 韶班御注道德經。 壬申 - , 詔執政非入謝及丐去 ,

切田 奏事 癸酉,封子椅爲嘉國公。 乙亥,升兗州爲襲慶府

獨

黼 折 爲 H 耗 中書侍郎、翰林學士承旨馮熙載爲尚書左丞 米、東南 九 月辛巳, 大饗明堂。 一歲當戌、月當壬爲元命,降德音于天下。 水災強糴等事。 壬午, 丙戌, 韶罷拘白地、禁權貨、增方田稅、添酒價、取醋息、河北加 詔太學、辟雍各置內經、道德經、莊子、列子 一,刑部尚書范致虛爲尚書右 庚寅 薛昂 龍。 以白 時中 爲 丞。 博士二員。 侍 壬 辰, 郎,

紀志,賜名道史。 州 郡遏糴及邊將殺降以倖功賞者。 辛丑,鄭居中罷,乞持餘服,詔從之。 癸巳,禁羣臣朋黨。 詔祭縣令治行、諸路監司能改正 丁酉, 用蔡京言, 集古今道教事爲 州

事者,較爲殿最。 詔:視中大夫林靈素,視中奉大夫張虛白,並特授本品眞官。

,一部:周柴氏後已封崇義公,復立恭帝後以爲宣義郎,監周陵廟,世世爲國三恪 閏月庚申,詔江、淮、荆、浙、閩、廣監司督責州縣還集流民。丁卯, 進封楷為軍王 丙

冬十月己卯朔,太白晝見。己亥,改興慶軍爲肇慶府(至)。甲辰,置道官二十六等, 道

職八等。

十一月己酉朔,改元,大赦天下。辛亥,日中有黑子。丙辰,以婉容王氏爲賢妃。

酉,補上書人安堯臣官。己巳,升梓州爲潼川府。

十二月戊寅朔,復京西錢監。己丑,置裕民局。

是歲,江、淮、荆、浙、梓州水。 出宮女百七十八人。 黃嚴民妻一產四男子。于闐 高麗

入貢。

校勘記

1〕 韶河北治邊防 「治」,原作「沿」,據一朝綱要卷一七改。

本紀

第二十一

校勘記

=团 新樂器于崇政殿 「樂器」,疑是「禮器」之誤。 長編紀事本末卷一三四說:「乙丑,御崇政殿閱

舉 制 造禮器 所之禮器,並出古器宣示百官。」

3 魏 或 公材 薨 「國」字 原脫,據十朝綱要卷

茂

州

夷

郅

郅

永壽」,原作「王永壽」,據本書卷

四九六威茂渝州蠻傳

改。

十朝綱要卷

永壽內附 一五補。

七 也 這年三月辛丑 「知成都府許光凝言: 茂州真將邳永壽納土乞建置軍 城, 詔 賜名壽寧

軍。

E 改興慶軍爲肇慶府 和 八年十月二十一日,詔令興慶府 按上文政和三年十一月「升端州爲興慶府」,宋會要方域七之一 「仍賜名肇慶府 0 此處「興慶軍」,疑爲「興慶府」之誤。 一四也說:政

宋史卷二十二

本紀第二十二

徽宗四

至登州 景王, 氏。 |州爲樂州。 寺爲宮,院爲觀。」改女冠爲女道 宣. 並爲太保。 而還。 和元年春正月戊申朔,日下有五色雲。 癸酉,封子棟爲温國公,姪有恭爲永寧郡王。 戊午,以余深爲太宰兼門下侍郎,王黼爲特進、少宰兼中書侍郎。 乙卯,詔:「佛改號大覺金仙,餘爲 ,尼爲女德。 壬子, 進建安郡王樞爲肅王, 文安郡王 凡爲 丁巳,金人使李善慶來, 仙人、大士。 乙亥,躬耕籍田。 僧為德士, 易服飾, 罷裕民局 遣趙有開 乙丑,改湟 報聘 稱 姓

二月庚辰,改元。 易宣 和殿爲保和殿。 戊戌,以鄧洵武爲少保。

丞 ,翰林學士張邦昌爲尙書右丞。 三月庚戌,蔡京等進安州 所得商六鼎。 詔天下知宮觀道士與監司、郡縣官以客禮相見。 己未,以馮熙載爲中書侍郎, 范致虛爲尚書左 童貫遣

本紀

第二十

微宗

四

霄宮. 知 無州 虔,除名編管。 劉 法 出 師攻統安城,夏人伏兵擊之,法敗歿,震武軍受圍。 辛未, 賜上舍生五十四 人及第。 甲戌,皇后 甲子,知登州宗澤 親 验 一坐建神

夏 四月丙子朔, 日有食之。 庚寅,童貫以鄜延、環慶兵大破夏人,平其三城。 曲

赦 陝西、河東路。 辛丑 ,進輔臣官一等。

敗夏人于震武。 北有赤氣亙天。 五. 月丙午朔,有物如龍形,見京師民家。 壬申 - , 班御製九星二十八宿朝元冠服圖。 丁未, 詔德士並許入道學, 甲戌、慮囚。 是月,大水犯都城, 依道士法。 内 辰

西

寇爲 致 六月壬午,詔 虚 觀妙眞君,仍行册命 西邊武臣爲經略使者改用文臣。 配享混元皇帝。 己亥,夏國遣使納款 甲申,一 詔封莊周爲微妙元通眞君 ,詔六路罷兵

列禦

秋 七月甲寅,以童貫爲太 (傅。

八 月戊 寅 詔諸: 路未方田處並令方量, 均定租課。 丁酉, 以神霄宮成降德音于天下。

范致 虚以母憂去位

京第。 九 月 _j^ 卯,以淮康軍節度使蔡攸爲開府儀同三司 甲辰朔,燕蔡京於保和新殿。 辛亥, 大饗明堂。 癸亥,幸道德院觀金芝,遂幸蔡

冬十月甲戌朔,以紹述熙豐政事書布告天下。

詔: 東南諸路水災,令監 月癸丑 朝獻景靈宮。 司、郡守悉心 甲寅,饗太廟。 振救。 戊辰, 乙卯, 以淮甸旱,飢 祀昊天上帝于圜丘 民失業, 遣監察御 赦 天下。 史察訪。 甲子,

張 郑昌 爲尚書左丞 一,翰林學士王安中爲尙書右丞。 時朱勔以花石綱媚上, 東南 騒 動,

生 鄧 肅 進 詩 諷 諫,詔 放歸田 里

數微行,正字 + 二月甲戌, 曹輔 詔 上書極論之,編管郴州 京東東路盜賊竊發,令東、西路提刑督捕之。 辛卯,大雨雹。 丙申,

岳州 爲襄陽 爲岳陽, 是歲 慶州 京京 寧州爲興寧,宜州爲慶遠, 爲慶陽,安州爲德安,鄆州爲 西 饑 ,淮東大旱,遣官振濟。 光州爲光山 嵐州 東平 - ,趙州 黄河清。 ,均州爲武當軍 爲慶源 升邢州爲信德, 府 瀘州爲瀘川 陳州 爲淮寧, 睦州為建德 襄州

一年春正月癸亥,追封蔡確爲汝南郡王。 甲子,四 罷道 學。

司。 戊子,令所 一月乙亥, 在瞻給淮南流民,諭還之。 遣趙良嗣使金國 唐恪罷。 甲午,詔 庚辰, 別修哲宗史。 以 寧遠軍節度使梁子美爲開府儀同三

夏 三月 四 月 壬 寅 丙 子 賜上 詔 舍生二十一 江 一西、廣東兩界,羣盜嘯聚,添置武臣提刑、路 人及第。 乙卯,改熙河蘭湟路爲 熙 河蘭 分都監各 廓 路 員。

〇五

本

紀

第

四〇六

路 布衣朱夢說上書論宦寺權太重,編管池州。 五. 月 庚 子 朔 以淑妃劉氏爲貴妃。 己酉,日中有黑子。 戊辰,詔宗室有文行才術者,令大宗正司 丁巳,祭地于方澤,降德晉于諸

以聞。

額。 妄言惑衆,稽違詔令者,重論之。」詔:「諸司總轄、提點之類,非元豐法並罷。」丁亥,復寺院 詔:自今衝改元豐法制,論以大不恭。 丙戌,詔:「三省、樞密院額外東職,並從裁汰。 及有 甲午,罷禮制局并修書五十八所。 六月癸酉,詔開封府振濟飢民。 丁丑,太白晝見。戊寅,蔡京致仕,仍朝朔望。辛巳,

秋 七月壬子,罷文臣起復。 己未,罷醫、算學。 丙寅,封子橞爲英國公。

八月庚辰,詔減定醫官額。 乙未, 韶: 監司所舉守令非其人, 或廢法不舉, 令廉訪使者

劾之。

使金國。 九月壬寅,金人遣勃堇等來口。乙巳,復德士爲僧。 癸亥、余深加少傅。宴童貫第。 辛亥,大饗明堂。 丙辰, 遣馬政

冬十月戊辰朔,日有食之。以河東節度使梁師成爲太尉。 建德軍青溪(三妖賊方臘反)

命譚稹討之。

十一月己亥,余深罷,仍少傅,授鎭西軍節度使、知福州。 庚戌,以王黼爲少保、太宰兼

門下侍郎。己未、兩浙都監蔡遵、顏坦擊方臘,死之。

少傅 郭 師 鄭居中權領樞密院。 中戰 十二月丁亥,改譚履爲兩浙制置使,以童貫爲江、淮、荆、浙宣撫使, 死; 陷杭 州 知州趙霆遁,廉訪使者趙約詬賊死。 庚寅, 詔訪兩浙民疾苦。是月, 方臘陷建德 討方臘。 又陷歙州 己 旧: 東南將 以

是歲,淮南旱。夏國、眞臘人貢。

蘇 府儀同三司,進封樂安郡王 、杭州造作局及御前 又陷衢州 三年春正月壬寅,鄧洵武卒。 ,守臣彭汝方死之。 調運。 己未, 乙 丑· , 戊午, 以安康郡王 罷西北兵更戍。 韶淮南 、江東、福建各權添置 栩爲太保, 罷木石彩色等場務。 宣武臣 進封濟王; 提刑 是月, 鎭國 員 方臘陷婆 公模為 辛酉 開 鼅

犯淮陽軍,遣將討捕,又犯京東、河北(日),入楚、海州界,命知州張叔夜招降之。 下三舍及宗學、辟雍、諸路提舉學事官。癸巳,赦天下。是月,方臘陷處州。 月庚午,趙霆坐棄杭州〔三〕,貶吉陽軍。 罷方田。 甲戌,降詔招撫方臘。 淮南盗宋江等 乙酉, 靇

三月 丁未,御 集英殿策進士。 庚申,賜禮部奏名進士及第、出身六百三十人。

夏四 月丙 寅 貴妃 劉氏薨。 甲戌,青溪令陳光以盜發縣內棄城,伏誅。 庚寅 忠州 防禦

本

紀

第

+

_

徽

宗

四

使辛興宗擒方臘于青溪。 詔二浙、江東被賊州縣給復三年。 癸巳,汝州牛生 一麒麟。

妃劉氏爲皇后 五月戊 戌,以鄭居中領樞密院。 ,諡曰明節。 改睦州建德軍爲嚴州遂安軍,歙州爲徽州。 己亥、詔杭、越、江寧守臣並帶安撫使。 丙午,金人再遣曷 甲辰, 追册貴

魯等來。 公者,取旨譴責。 戊申, 以興寧軍節度使劉宗元爲開府儀同三司。癸亥, 詔:三省覺察臺諫罔上背 陳過庭、張汝霖以乞罷御前使喚及歲進花果,爲王黼所劾,並竄貶。

閏月丙寅,滅諸州曹掾官。 辛未,立醫官額。甲戌,復應奉司, 命王黼及內侍梁師成領

之。戊寅,慮囚。

六月,河決恩州淸河埽。

秋七月丁卯,振温、處等八州。 丁亥,廢純、滋等十二州。 戊子, 童貫等俘方臘以獻。

是月,洛陽、京畿訛言有黑眚如人,或如犬,夜出掠小兒食之,二歲乃息。

八月甲辰,曲赦兩浙、江東、福建、淮南路。 乙巳,以童貫爲太師,譚稹加節度。

祔明節皇后神主于別廟。 丙辰,方臘伏誅。

九 (月丙寅,以|王黼爲少傅,鄭居中爲少師。 庚午,進執政官一等。辛未,大饗明堂。

冬十月甲寅,詔自今贓吏獄具,論決勿貸。 童貫復領陝西、兩河宣撫。

十一月丁丑,馮熙載罷。 以張邦昌爲中書侍郎,王安中爲尙書左丞,翰林學士承旨李

邦彦 爲 尙 書右丞。 辛巳, 封子桐爲儀 國公。 壬午 張商 英卒。

月辛卯朔 日中 有黑子。 壬子,進封廣平郡王構爲康王 ,樂安郡王模爲祁王

太保。

是歲,諸路蝗。

几 年春正月丁卯,以蔡攸爲少保,梁師成爲開府儀同三司。 癸酉,金人破遼中京,遼主

北走。

月丙申,以旱禱于廣聖宮,即 日 雨。 癸卯, 雨雹。 丙午,以 吳國 公植爲開府儀

司,進封信都郡王。

邦彦 』章服,館職、學官、諸生恩錫 三月辛酉,幸秘書省,遂幸太學, 有差。 賜祕書少監翁彥深王時雍、國 丙子 ٠, 遼人立燕王淳爲帝。 金人來約夾攻, 字 祭酒章 壽 隆、 命童貫 司業 權

爲 河北、河東路宣撫使,屯兵于邊以應之,且招諭幽燕

夏 几 月丙午,詔置補完校正文籍局,錄三館書置宣和殿及太淸樓、祕閣。又令郡縣訪遺

書。

本

紀

第二

-|-

徽

宗四

五 月 **£** 戌, 以高俅爲開府儀同三司。 丁卯, 封子柄爲昌國公。 甲戌, 嗣濮王仲御薨。

都 司、 統 制 江夏郡王仲爰爲 以蔡攸爲河北、 种師道等分道 進兵。 河東宣撫副使。 嗣濮王。 癸未,遼人擊敗前軍統制楊可世 丙戌, 慮囚。 庚辰,以常德軍節度使譚稹爲太尉。 楊可世 與遼將蕭幹戰于白溝,敗績。 于蘭溝甸。 乙酉 童 一貫至雄州, ,封開府儀 同

黼 爲 少師。 月己丑 是月, 一,种 師道 遼燕王淳死,蕭幹等立其妻蕭氏 退保雄州 ,遼人追擊至城下。 (美)。 帝聞兵敗懼甚,遂詔班師。 壬寅,以王

興宗敗于范村

陽三城節度使劉延慶爲都統制。 秋 七月己未,廢貴妃崔氏爲庶人。 甲申,种師道責授右衞將軍致仕,和詵散官安置 壬午,王黼以耶律淳死, 復命童貫、蔡攸治兵, 以河

遣徒孤 戌 遣趙良嗣報聘于金國。 九月戊午,朝散郎宋昭上書諫北伐,王黼大惡之,詔除名、勒停 且鳥歇等來議師期。 己卯、遼將郭藥師等以涿、易二州來降。 辛酉,大饗明堂。己巳, 高麗國王王俁薨, 遣路允迪弔祭。 ·,廣南編管。 己未,金人

傷過半。 藥 州 師 戊戌 與高 多十月庚寅,改燕京爲燕山府,涿、易八州並賜名。 世宣 癸丑,以蔡攸爲少傅、判燕山府。 曲 赦所 、楊 復州 미 世 縣。 等襲燕, 己亥,耶 蕭幹 以兵入援 律 淳 妻蕭氏上表稱臣納款。 甲寅, 戰 于城中,藥師等屢敗 劉延慶自盧溝河燒營夜遁,衆軍遂潰, 癸巳,劉延慶與郭藥師等統兵出 甲辰,師次涿州 ,皆棄馬縋 城 己酉 而 出 , |郭 , 死 |雄

幹追至涿水上乃還。

遣李靖等來許山前六州。 丘 赦天下。 月 丙辰 東南官吏咋緣寇盜貶責者並次第移放, 朔, 行新璽 以彰德軍節度使鄭詳爲太尉 戊辰, 朝獻景靈宮。 己巳, 上書邪上等人 饗太廟。 特與磨勘 庚午, 祀昊天上帝 戊 寅 金人 于 睘

得之任。 爲武泰軍節度使。 十二月丁亥,郭藥師敗蕭幹于永淸縣。 丙申, 貶劉延慶爲率府率, 安置筠州。 辛卯,金人入燕,蕭氏出奔。 戊子, 壬寅,進封植爲莘王。 壬辰, 使來獻捷。 遣趙良嗣報聘于金國。 乙未, 詔監司未經陛對 庚寅, 以郭藥師 毋

州。 辛 五 年 酉 ,以王安中爲慶遠軍節度使、河北 春正月戊午,金人遣李靖來議所許六州代租錢。 河東燕山府路宣撫使、 己未, 遣趙良嗣報聘, 知燕山 府。 甲 申 水西京等 錄富

斷 橋梁,焚次舍。 月乙酉朔, 以李邦彥爲尙書左丞,翰林學士趙野爲尙書右丞。 丁酉,進封雍國公朴爲華原郡王,徐國公棣爲高平郡王,並爲開府儀同三 丙戌,金人以議 未合,

三月 乙卯,金-人再遣寧朮割等來。 己未,遣盧益報聘,皆如其約。

本

司。

後。

|燕, 時燕之職官、富民、金帛、子女先爲金人盡掠而去。 夏四月癸巳, ,金人遣楊璞以誓書及燕京、涿易檀順景薊州來歸。 乙巳, 童貫表奏撫定燕城。 庚子, 童貫、蔡攸人 庚戌,

五月己未,以收復燕雲,賜王黼玉帶。 庚申,以王黼爲太傅,鄭居中爲太保, 進宰執官

曲赦

河北、河東、燕、雲路。

是日,班

師

詔:正位三公立本班,帶節鉞若領他職者仍舊班,著爲令。 癸酉,祭地于方澤。是月,金人 辛酉,王黼總治三省事。癸亥,童貫落節鉞,進封徐、豫國公。蔡攸爲少師。乙丑,

許朔、武、蔚三州。金主阿骨打殂,弟吳乞買立。

亥,慮囚。 今後內外宗室並不稱姓。丁酉,以安國軍節度使仲理爲開府儀同三司, 六月乙酉,郭藥師加檢校少傅。 丙戌,遼人張覺以平州來附。己丑,仲爰薨。 乙未,詔 戊申,鄭居中卒。辛亥,以蔡攸領樞密院 進封嗣濮王。

撫使。 秋七月戊午,以梁師成爲少保。 庚午, 太傅、楚國公王黼等上尊號曰繼天興道敷文成武睿明皇帝,不允。 己未,童貫致仕。 起復譚稱爲河北、河東、燕山府路宣 禁元祐學

破景州、薊州、寇掠燕山、郭藥師敗之。幹尋爲其下所殺、傳首京師。 八月辛巳朔,日當食不見。辛丑,命王安中作復燕雲碑。壬寅,太白晝見。 是月,蕭幹

術。

九月辛酉,大饗明堂。

冬十月乙酉,雨木冰。 壬寅、罷諸路提舉常平之不職者。

者二十二人。丁卯、王安中、譚稹並加檢校少傅、郭藥師爲太尉。 十一月乙卯,以鄭紳爲太師。 丙寅,幸王黼第觀芝。 諸路漕臣坐上供錢物不足,貶秩 華原郡王朴薨。 壬申, 王,

是月,金人取平州,張覺走燕山,金人索之甚急,命王安中縊殺,函

其首送之。

黼子弟親屬推恩有差。

是歲,秦鳳旱,河北、京東、淮南饑,遣官振濟。 十二月乙巳,金人遣高居慶等來賀正旦。戊申,以高平郡王棣爲太保,進封徐王。

六年春正月乙卯,爲金主輟朝。 戊午、置書藝所。 癸亥,藏蕭幹首于大社。 戊寅,遣連

南夫弔祭金國。

官者,不得爲郞官、卿監,著爲令。」李邦彥以父憂去位。 使,封安定郡王。已亥,躬耕藉田。 二月丁亥,以冀國公愕爲開府儀同三司,進封河間郡王;韶州防禦使令盪爲婺州觀察 丙午, 韶:「自今非歷臺閣、寺監、監司、郡守、開封府曹

三月已酉朔,以錢景臻爲少師。金人來匄糧,不與。

本紀

第二十二

徽宗

四

閏月辛巳,皇后親蠶。庚子,御集英殿策進士。

夏四月癸丑,賜禮部奏名進士及第、出身八百五人。 丁巳,李邦彦起復。

五月壬寅,慮囚。癸卯,金人遣使來告嗣位。

六月壬子,詔以收復燕雲以來,京東、兩河之民困於調度,令京西、淮、浙、江、湖、四川、

閩、 廣並納免夫錢,期以兩月納足,違者從軍法。

秋七月戊子,遣許亢宗賀金國嗣位。丁酉,詔: 應係御筆斷罪,不許詣尙書省陳訴改

IF. 壬寅、詔宗室、后妃戚里、宰執之家概敷免夫錢。 甲辰、置璣衡所。

八月乙卯,譚頹落太尉,罷宣撫使,童貫落致仕,領樞密院代之。丁巳,以盗機堡爲安

広城。 壬戌,以復燕雲赦天下。

尹蔡懋同知樞密院。 鉞。 辛巳,大饗明堂。 九月乙亥,以白時中爲特進、太宰兼門下侍郎,李邦彥爲少宰兼中書侍郎。 庚寅,以金芝產于艮嶽萬壽峯,改名壽岳。 丁亥,以趙野爲尚書左丞,翰林學士承旨宇文粹中爲尚書右丞,開封 庚子,金人造富謨弼(公等 蔡攸落節

官並以三年爲任,治績著聞者再任,永爲式。 多十月庚午,詔:有收藏習用蘇、黃之文者,並令焚毀,犯者以大不恭論。 癸酉,詔內外

以遺留物來獻。

月丙子, 王黼致仕。 太白書見。 乙酉, 罷應奉司。 丙戌,令尚書省置講議司

三

壬辰 ,詔:「監司擇縣令有治績者保奏,召赴都堂審察錄用,毋過三人。」

十二月甲辰朔,蔡京領講議 司。 詔百官遵行元豐法制。 丁未,詔內外侍從以上各舉所

知二人。癸亥,蔡京落致仕,領三省事 是歲,河北、 山東盜起,命內侍梁方平討之。 京師、 河東、 陜西 地大震, 兩河、京東西、浙

西 水,環慶、邠寧、涇原流徙,令所在振恤。 夏國 高 麗 于闐、 羅殿 入页

平官屬,有罪當黜者以名聞 七年春正月癸酉朔, 詔赦 兩河 仍令三省修已廢之法 、京西流民爲盜者,仍給復一年。 癸巳,詔罷諸路提舉常

至燕山 王,並開府儀同三司。 二月甲辰,復置鑄錢監。 ,令工部侍郎<u>孟揆親往措置。已巳,進封廣國公栻爲南康郡王、福國公榛爲平陽</u> 壬申, 京東轉運副使李孝昌言招安羣盜張萬仙等五 詔御史祭贓吏。己酉,雨木冰。 庚戌, 詔京師運米五十萬斛 萬 餘人、詔 補官 郡

丙戌,以惠國 月癸酉朔, 公模 為開 雨 雹。 府儀同三司 甲申, 知海州錢伯言奏招降山東寇賈進等十萬人,詔補官有差。 進封建安郡王

犒賜有差

本

紀第

+

徽

宗四

四一

夏四月丙辰,降德晋于京東、河北路。 庚申,蔡京復致仕。 復州縣免行錢。 戊辰, 詔行

元豐官制。 復尙書令之名,虛而勿授,三公但爲階官,毋領三省事

五月壬午,封子樅爲潤國公。丁亥,詔諸路帥臣舉將校有才略者,監司舉守令有政績

者,歲各三人。

者論罪。辛亥,慮囚。 丑,罷滅六尙歲貢物。 六月辛丑朔,詔宗室復著姓。丙午,封童貫爲廣陽郡王。 己未,以蔡攸爲太保。癸亥,詔吏職雜流出身人,毋得陳請改換。 戊申,詔臣僚輒與內侍來往

甲戌,以河間郡王樗爲太保,進封沂王。是月,河東義勝軍叛。熙河、河東路地震。 秋七月庚午朔,詔士庶毋以「天」、「王」、「君」、「聖」爲名字(な),及以壬戌日輔臣焚香。

九月辛巳,大饗明堂。壬辰,金人以擒遼主遣李孝和等來告慶。是月,河東言點罕至

雲中,韶童貫復宣撫。有狐升御榻而坐。

冬十月辛亥,賜曾布諡曰文肅。戊午,罷京畿和糴。

慶金國。 十一月庚午,詔:無出身待制以上,年及三十通歷任滿十歲,乃許任子。 甲申 - ,朝獻景靈宮。 乙酉, 饗太廟。 丙戌, 祀昊天上帝于圜丘, 赦天下。庚寅, 以 乙亥, 遣使回

保靜軍節度使种師道爲河東、河北路制置使。

庚申 言 午,皇太子桓爲開封 師 局 丙 極減 辰 以 燕山 西城及諸局所管緡錢, 十二月乙巳, 詔內禪, 罷 浙 郡邑率師勤王 叛 江 一諸路花 北邊諸 皇太子卽皇帝位。 童貫自太原 牧 石 郡 綱、延 皆陷 一,募草澤異才有能出奇計及使疆外者; 罷修蕃衍北宅, 之福宮、 盡付有司。 遁歸京師。 又陷 尊帝爲教主道君太上皇帝 西城租 忻、代等州 以保和殿大學士宇文虛中爲河北、河東路宣諭使。 令諸皇子分居十位。 課及 己酉 內外製造局。 圍太原府。 中山奏金人斡離不、粘罕分兩道入攻。郭樂 太常少卿傅察奉使不屈 金兵犯· 居于龍德宮; 己未, 罷道官, 中山府 下韶罪己。 罷大晟府、 ,詹度禦之。 尊皇后爲太上 令中外直 死之。 戊

體 + 凶 月 問 神合道駿烈遜功聖文仁德憲慈顯孝皇帝。 月 丙 至 1 靖 卯 寅 江 康 南, ·, 金 元年正月己巳, 詣亳州太淸宮, 行恭謝禮, 遂幸鎭江府。 ,權欑于永 遙上 人脅帝北行 一尊諡 就陵。 日 聖文仁 紹興 十二月丁 五年四月甲子 德顯孝皇帝 卯, 耐太廟第十一室。十三年正月己亥,加上尊諡目 廟號徽宗。 崩于 Ā. 國 城 十二年八月乙酉, 年五 十有四。 四月己亥還京師。 七年九月甲子, 梓宮還臨安。 明年

本 紀 宋中葉之禍,章、蔡首惡,趙良嗣厲階。 第 __ + = 徽 宗 刀니 校 勘 記 然哲宗之崩,徽宗未立,惇謂其輕佻不可 四 七

四一八

而君 以 君 天下; 子有所不能制也。 ? 床不立徽宗,不納張覺,金雖強,何釁以伐宋哉?以是知事變之來,雖小人亦能知之, 遼天祚之亡,張覺舉平州來歸,良嗣以爲納之失信於金,必啓外侮。 使二人之

崇飾游觀,困竭民力。 遠,稔禍速亂。他日國破身辱,遂與石晉重貴同科,豈得諉諸數哉 心一偏,疎斥正士,狎近姦諛。於是蔡京以獧薄巧佞之賌,濟其驕奢淫佚之志。 跡徽宗失國之由,非若晉惠之愚、孫皓之暴,亦非有曹、馬之篡奪,特恃其私智小慧,用 君臣逸豫,相爲誕謾,怠棄國政,日行無稽。及童貫用事,又佳兵勤 溺信虚無,

度,鮮不亡者,徽宗甚焉,故特著以爲戒。 承熙、豐、紹聖椓喪之餘,而徽宗又躬蹈二事之弊乎?自古人君玩物而喪志,縱欲而敗 西周新造之邦,召公猶告武王以不作無益害有益,不貴異物賤用物,況宣、政之爲

校勘記

勃菫等來 據長編紀事本末卷一四二、金史卷二太祖紀及下文「金人再遣曷魯等來」,

「勃莲」下疑脫「曷魯」二字。

青溪 原作「清溪」,據本書卷四六八童貫傳、宋會要兵一〇之一六、編年綱目卷二九改。下同。 *

紀第

宋史卷二十三

本紀第二十三

欽宗

恒,十一月丁亥,又改今名。|大觀二年正月,進封|定王。|政和元年三月,講學于資善堂。三 酉, 年正月,加太保。四年二月癸酉,冠于文德殿。 生于坤寧殿。 欽宗恭文順德仁孝皇帝,諱桓,徽宗皇帝長子,母曰恭顯皇后王氏。元符三年四月己 初名亶, 封韓國公, 明年六月進封京兆郡王。 崇寧元年二月甲午, 更名

五年二月乙巳,立爲皇太子,大赦天下。丁巳,謁太廟。 韶乘金輅、設鹵簿,如至道、天

入禁中,被以御服。 宣和七年十二月戊午,除開封牧。庚申,徽宗詔皇太子嗣位,自稱曰道君皇帝,趣太子 泣涕固辭,因得疾。 又固辭,不許。 辛酉,卽皇帝位,御垂拱殿見羣臣。

本紀第二十

 \equiv

欽宗

得 生 耿 道 陳東 犯 南 日 党 以 11/1 有 日 等上 횯 簽書樞 少宰李邦彥爲龍 司 號 壬 勿行 五. 書,數蔡京 戌 色量、挾赤黃珥 密 赦 院事 人大逆、 甲子 ?、 童貫 癸亥 反叛以下 德宮使 斡離 , 重 記 、王黼、梁師成、李彦 不 陷信 太保 太傅燕王 日相蕩摩久之。 罪, 徳府 領 進百官秩 樞 密院事 越王 粘 罕 一入朝 重 一蔡攸 等,賞諸 乃引道君皇帝出居龍德宮,皇后出居攝景 朱勔 太 原 不 、門下侍郎 趨 罪 質 軍 詔 謂之六賊 工,立妃 京東 介拜不 吳敏副之。是時, 朱氏 淮西、浙募兵 名 為皇 請誅之。 詔 非 三省、 后以 入衞 丙寅 太子 金 樞 密 太學 院 詹 所 事

退保 死 樞 周 尙 密院 書 皇帝 所 並 滑州 右 金 籍其家。 事 丞宇文粹中日 康 白 破 元 貶 五 己巳,灌奔還,金 相州 年 日教主道君 太 處 春正 放寧遠軍節度使朱勔歸田 八傅致 1 戊辰 留後苑,以 月丁卯朔 仕王 副之。詔自 太上皇帝, 黼 破濬州 爲 人濟河 為崇信 奉龍 受羣臣 今除授、黜 德宮。 軍 皇后日道君太上 威武 詔 1朝賀、 節 親征 度 軍節度使梁方平師潰 里。 以 副 退詣 門下 使, 陟 帝欲親征,以李綱爲留守,以李悅爲 道 及恩數等 安置 君皇帝東巡,以領 龍德宮,賀道君皇 ·侍郎 皇后。 永州。 吳敏 事 韶改元 賜 知 並 樞 翊 參酌 密 河北 衞 院 樞密院事 大 帝。詔中外臣庶實封 祖宗舊制。罷 夫 事 河東路 東部 安 德 一蔡攸 制 軍 尙 書李 置 承 為行 內 副 宣 一副使 外官司 使 梲 宮 李彦 給事 何 同 知

昌 甲戌 舉文 41 郡 井 尙 事 爲 侍 統 樞 何 止 字相 制官 灌 書唐恪 尙 宰 之。 副 郎 王 書左 一萬 武 兼 戦 院 康 金 金 門 以 親 人 諫 死 王 臣 馬忠以 甲 佔 人遣吳孝民 構使 一下侍郎 僚堪 犯京 綱爲 申 王 同 書 親 丞 一爲質 李棁 知樞 金 左 征 省廉訪 ",罷之。 京 金 充將 師 丞 尚書右 壬 陷 密院 趙 白 申 西 軍 與蕭三寶奴、耶律忠、王汭來索金帛數千萬 ,命尚書駕部 乃退 一,詔稱 陽武, 野爲 . 時 帥 募兵至 ٠, 不議 金人渡河, 使者官 中罷 事 有膽 丞。 師。 庚午, 門下侍 o 金國 和 知縣 勇者。 「擊金人于順天門外, 辛 乙亥,金人攻通津、景陽等門,李綱 1,罷鈔 丙子, , 未 道 命李棁使金軍 李邦彥爲太宰兼門下侍郎 事 加「大」字。 員外郎鄭望之、 造使督諸道 君 郎 事蔣興祖 ,避正 以李綱爲親征 皇帝如亳州 旁定貼錢及諸 是夜,金人攻宣 翰 林學 一殿,減常膳。 死之。 辛巳,道君皇帝幸鎭江。 +。|金人又使 土 兵入援 承旨 親 壬午, 行營使 百官多潛遁 敗之。 州
発
行 衞大夫康 澤門,李綱禦之, 王孝迪 括借金銀, 癸酉 大風 蕭三寶 錢 乙酉, 侍衞親軍 以以 州 守中 爲中書侍 , 詔 走石, 防禦使高 ,且求割太原、中山、 諸 督 奴、耶律忠、張愿恭 兩省、樞密 宰相欲奉帝出襄、 路允迪使粘罕軍于河東。 書侍郎張邦昌爲 籍倡 1戦 路贍學戶 竟日 馬軍都指揮使曹曦副之。 斬 以兵部尚書路允迪 自卯至 郎 優家財。 獲百: 世則 乃止。 院 口 絕 餘 官制 酉 使 知 田 人, 一,斬首 其 封 樞 庚辰 產 密 少宰銀 子 軍 鄧 建歸常平 來。 河間 至 遵 諶 院 製千級, 旦始 命張邦 以吏部 李綱 詔 元 事 心簽書 プ豊故 大寧 中書 從 蔡 退。 官 林 諫

陽府 殺 主 黼 將劉嗣 以 于雍丘。 師道同 初以城叛。 .知樞密院事,爲京畿、河北、河東宣撫使,統四方勤王兵及前後軍 癸巳,大霧四塞。乙未,貶少保、淮南節度使梁師成爲彰化軍節度副使,行 丁亥,靜難軍節度使曰、河北河東路制置使种師道督涇原、秦鳳 庚寅, 盜 兵

及

角鎭

,賜死

金人遣韓光裔來告辭,遂退師,京師解嚴。 鄓 英太保,除元祐黨籍學術之禁。 內侍數十人。乃復綱右丞,充京城防禦使。 Ŀ 學士字文虛中、知東上閻門事王球使之,許 朝 書 勉從之。 廢親征 宇文虛中簽書樞密院事。 衆數其罪而駡。 請復用李綱 月丁酉朔, 金人使王汭來。 行營司。 遣耿南仲號於衆曰:「已得旨宣綱矣。」內侍朱拱之宣綱後期,衆臠而磔之,幷殺 及 命都統制姚平仲三將兵夜襲金人軍, 入种師道 金人復來議 吳敏傳宣,衆不退,遂撾登聞鼓, 癸卯, 且言李邦彦等疾綱, 蔡懋罷。 命肅王樞使金軍。 和。 詔誅士民殺內侍爲首者, 庚子, 乙巳, 割三鎮 丙午,康王構爲太傅、靜江奉寧軍節度使。 命駙馬都尉曹晟使 壬寅,追封范仲淹魏國公,贈司馬光太師,張 宇文虛中、王球復使金軍 以觀文殿學士、大名尹徐處仁爲 恐其 地。 **六成功**, 太學諸生陳東等及都民數萬 山 禁伏闕上書, 一呼動 不克而奔。 罷綱正墮金人之計。 金 地 軍。 殿帥王宗濋恐生變,奏 戊戌, 辛丑, 廢苑囿宮觀可以與 康王 罷李綱以謝金 又命資 至自 中 政殿 人伏 會邦彦 金軍 省明 侍 闕

之 使 親 IE 遹 師 臣 上 爲 史言 小 嘗 故 薃 堂 以勤王 詔 妃 將 茶 軍 任 右 附 事 班 或 過南 于 者 軍 馬 諫 害民之事 朔 事 兼 金 擇武 陝西 ,太保、領樞 保 軍 議 布 中 如 mi 自今除正 靜 都 兵 政官 非 丙 北 大 祖 復 臣得軍心者爲 、大集, 夫。 指 辰 歸 侍 图 宗 軍 河 揮使 法 箾 ,權威勝 本 鄓 東。 有 度 甲寅 朝者 切 T 李綱 拘其使人,且結約余親以圖之。 二流星, 任 寝罷 未 使、殿前 曹曚使 宇文粹中罷 密院事蔡攸爲太中大夫、提舉亳州明 是月,金人犯澤州之高平 刺 各還其 軍李植以城降。 知 史。 B 貶太師 有 樞 同 金國 己酉 出 密 知、簽 枫 副 辛酉 珥 都 院 鄕 致仕蔡京爲祕書監 張宿入濁沒,一出北 知 指 國 O 事 **能宰執兼神霄玉淸萬** 江 書樞密院 鎭 梁方平坐棄河 戊 揮使姚古至為制 , 寧府。 洮 耿南 マ中 庚戌 軍 乙卯, ·,赦天下。 仲 節 官度使、 李邦彦 癸丑 邊將· 爲 - ,知州高世由往犒之,乃去 陷隆德府,知府張確 尙 書 .津伏 有威望者爲三 至是, 詔諭 种 左 罷 中太乙宮使种師 分司 河 置 丞 以 師 入軫。 誅 壽宮使及 使。 李梲爲 道 士民,自今庶事 南京 道 張 粘罕怒, 麗爲 邦昌 宮。 王 乙 丑 己未 孝 中太 太師 迪 先是, 殿 尚書右丞。 爲 衙 及攻太原 麗。 太宰 御殿復膳。 中 道 詔遙郡 通 以 監 爲河北 宮使。 廣陽 判趙 粘罕遣 命給 金 並遵用祖宗舊制 兼門下 符 人 承宣: 寶郎 郡 伯 不克, 事 辛亥, 請 贈右 王 臻 人來求 中 侍 和 丙寅,下哀痛 使有功 童 泂 王雲、 郞 分兵 . 東路 司錄 一貫爲 詔 詔 詔 IE. 吳敏 言 監 用 官 路 、趣京 察 左 民 侍 應 陳 宣 張 祖 昔 撫 衞 彦 衞 瓘 御 爲 宗 凡

復 彦、 公議 守之勞也 殿 宮 雄 宮。 爲 司 在 知 辰 口,誓當 清州 威 軍 大學士 諫 中書侍 及 院 奉 李梲罷 勝 建 節度使, 李會罷 錄 使 一行遣 隆觀。 軍 司 固守。 許 郞 癸酉 馬光後。 爲 知太原府張 地李梲 外, 丁亥, ,尙書戶部侍郞錢蓋爲陝西制置使。 ,翰林學士何奧爲尙書右丞, 王 鴻 辰,太保景王杞、濟王 乙酉 乙亥、詣陽德 癸未 慶宮使。 餘令臺諫勿復 朝于 李鄴鄭望之悉行 己卯 迎道君皇帝 遣 寧德宮。 孝 李綱迎 純 燕王 己巳 觀、凝祥池、中太一宮、佑神觀、 知 慢、 越王偲爲太師。 用前 河間 道君皇帝于南京,以徐處仁爲 張邦昌罷爲中太一 韶:「扈從行 于宜春苑 靇 禮 事糾言。」庚寅, 栩爲太傅。 府 臘 陳灩 命趙 7、太后 御史中丞許翰同 叉詔 並 .宮官吏,候還京 野爲道君皇帝行宮奉 爲資政殿 种 有流 入居寧德宮。 師 壬午,詔:金 命陳東初品官 宮使。 肅王 道、姚古、 星出紫微垣 學士,知澤州 樞爲太傅。 徐處仁 知 相 日優加 樞 禮儀 种師 國 人叛盟深 丙戌, 密 寺。 院 爲太宰 使。 中往 迎 賜同進士出身 賞 甲午,康王構爲 事 使。 高 姚古復隆德府。 丙 典; 知 接三鎮 子 世 入, 殿中侍 中 庚午, 兼門下 () 其元 甲戌, 由 ,改擷景園 除有罪之人迫於 Ш 直 府詹度為資政 龍 御 字文虚 主 恭謝景 保塞陵 · 侍郎 固 史李擢、左 和 辭不拜。 閣 集慶、建 議 爲 辛卯 賞城 寝所 寧德 中罷 唐恪 李邦 靈 西

籍 朱勔 乙未, 詔:金歸朝官民未發遣者,止之。丙申,貶蔡京爲崇信軍節度副

夏人取天德、雲內、武州及河東八館。

置詳議 子,金 尉、 李彦之公田 副使,安置郴州 寅 勇 奏 石 戊 軍 河東之改幣,及近習所引,獻頌可采,特赴殿試之流,所得爵賞,悉奪之。 節 ijŢ 補 午 同 朝于 等敕 以統衆出 度使范訥爲右 夏 知樞密院事、河北 一人使賈霆、冉企弓來。 進 儿 司於尙書省, 龍德宮。 封 月 書。 壬 南 戊戌, 戌 ,王黼、朱勔之應奉,童貫西北之師,孟昌齡河防之役,變蜀、 康 甲子 戰者,人二員。 詔 郡王城爲和王,平陽郡王榛爲信王 減宰執俸給三之一及支賜之半。 癸卯,立子諶爲 夏 , 親擢臺諫官 金吾衞 令在京監察御 討論祖宗法。 人陷震 河東路宣撫使。 上將 威城(七), 癸 丑 東兵正將占流與金人戰于交城縣,死之。 軍。 ,宰執勿得薦舉,著爲令。 ,封太師、沂國公鄭紳爲樂平郡王 皇太子。 史,在外監 己酉 丙辰、韶:有告姦 攝知城事朱昭死之。 , 乙卯, 韶:自今假日特坐, 乾龍節 耿南仲 司、郡守及 一。己未 爲 韶開經筵。令吏部稽考庶官 羣臣上壽于紫宸殿。 人妄言金人復至以恐動居民者 門下侍郎。 ,復以 路分鈴轄已上, 追政 己亥,迎太上皇帝入都門。 和 詩 以 乙巳, 賦 來道 百司 取 士,禁用莊 貶童貫爲 置春秋 官、處上、先 毋得休務。 湖南之開疆 舉曾經邊 甲寅, 庚戌, 乙丑 博 ,种師道加 趙野 昭化軍節度 、凡由楊戩 詔三衙幷諸 、老及王安 任: 以平凉 關陝、 ",賞之。 或 生 戊申 有 封 武 贈

四二七

本

紀

第

Ξ

欽

度

路

副 帥 使,安置朱勔于循州 司 '各舉諳 練邊事 智勇過人丼豪俊奇傑衆所推服堪充統制將領者各五名。 貶蔡攸節

戊辰、 得任 膳。 事。 禁。 節度使。 1 度使張楙、岳陽軍 同三司劉宗元,並爲左金吾衞上將軍。 以 戦 將 財穀佐軍者,有司以名聞,推恩有差。以少傅、鎭西軍節度余深爲特進、觀文殿大學士。 于榆次,死之。 姚古將兵至威勝,聞粘罕將至,衆驚潰,河東大振。 子。 丁丑 軍 追削高俅官。 *Б*. 罷王安石配享孔子廟庭。 庚午,少傅、安武軍節度使錢景臻,鎭安軍節度使、開府儀 月丙寅朔,朝于龍德宮 是日 ,詔以儉約先天下,**澄冗汰貪,爲民除害,授監司**、郡縣奉行所未及者,凡十有 壬辰,詔天下舉習武藝、兵書者。乙未,詔姚古援太原 監察御史余應求坐言事迎合大臣,罷知衞州。 」, 寒。 節度使王舜臣、應道軍節度使朱孝孫、瀘川 甲申, 辛未,申銅禁。 己卯, 罷詳議司。 借外任官職田一年。 令提舉官日具太上皇帝起居平安以聞。丁卯,詔天下有能 詔:無出身待制已上,年及三十而通歷任實及十年者,乃 己丑, 保信軍節度使劉敷、武成軍節度使劉敏、嚮德 以河東經略安撫使張孝純爲檢校少保、武當軍 開府儀同三司高俅卒。 河北、河東路制置 甲戌,曲赦河北路。 軍節度使錢忱並爲右金吾衞 辛巳,損太官 副使种師中與金 乙亥,申銷 日進 軍節 金

外舉 之不當者,羽翼朕志,以濟中興。」癸卯,以侍衞 撫 戸戌 使 於張。 文武 援 責監合州 軍節度使,錄堅守太原之功也。甲辰, 犯歲星 政令,惟 姚古坐擁兵逗遛,貶爲節度副使,安置廣州。 太 官才堪 原 辛酉,罷都水、將作監承受內侍官(云)。 酒務。 遵奉上皇詔 壬寅 辛 將 丑: 帥者。時太原圍急 封 以 壬子, 天狗墜地, 鄆國 資 政 書,修復祖宗故事 公楃爲安康郡王 一殿學士劉 2,羣臣 幹 有聲如雷。 爲宣 欲割三鎮地,李綱 路允迪罷爲醴泉觀使。 一,韓國 撫 親軍 羣臣庶士亦當講孔、孟之正 副 使, 公健爲廣平郡王 彗出 癸丑 馬 熙河 陝 軍副都指揮使、鎭西 紫微 西 都統制焦安節坐不法,李綱斬之。 慮囚。丙辰,太白、熒惑、歲、鎭 制 置 沮之,乃以李綱代种師道 垣 司 都 , 并 乙旦,左司諫陳公輔 統 開 制 府儀 解潛 軍承宣使王稟 道 ,察安石 爲 同 制 置 副 為宣 使。 以 JU

令侍 都堂。 H 決 南 ?從官共議 趙 乙酉 秋 良嗣 阔 七月乙丑朔,除元符上書邪等之禁。 乙亥,安置蔡京于儋州; ,敗績。 ,韶·蔡京子孫二十三人已分 ,並竄其子孫于海 改修宣仁聖 劉幹自遼州引兵與金人戰,敗績 烈皇后謗史。 南。 |攸 雷州 壬辰, 辛卯 遠 侍御史李光(云)坐言事貶監當。 ; 地 童貫, 宋昭 ,遣監察御 遇赦 政和 吉陽 不 中上 許 軍 史張澂 量 己卯 書諫攻遼, 移 7, 免借 誅童貫 是日 , 貶連州 河北、河 京死于 廣西轉運副 是月,解潛與金人 , 庚午, 東、陝 漳州 西路 使李昇 丁亥, 詔 職 赴

本

紀

第

--

欽

宗

爲 東平 佐 制 民 軍 太 制 避 之疾 尚 張思 郎 折 許以三 可求. ,少宰吳敏 書右丞 劉岑、太常博士 苦者十 IE 錄張庭堅後。 等夜襲金 師 鎭 潰 賦 開 于子夏山 七 稅 龍 封 事 尹· 知 人于文水縣,敗之。 ,悉除之。 是月, 聶 揚 李若水 乙卯 州 昌 同 福州 威勝、隆德、汾、晉、澤、絳民皆渡河南奔,州縣皆空。 以唐恪 分使其 遣徽猷閣待制 知 樞密 丁未 軍 亂 軍議 院 爲 斡離不復攻廣信軍 殺其 少宰 事 己酉,復戰,師潰, , 和 御 兼 王 知 史 中書侍 戊午, 雲、 州 中 事 丞李回 閣門宣贊舍人馬識遠使于金國 柳庭俊 許翰 郞 子、保州 「簽書 何桑為 靇 知亳州 死者數萬人, 思正奔汾州 樞密 ,不克,遂 中 ·書侍 院 己未, 事 0 郞 犯真定。 庚 禮 太宰徐處 申 部 遣王 尙 金 戊申 光乘勝· 書 祕 一雲使金 温書 陳 都統 程 都 過 統 庭 知 作 攻

吳敏 尙 未 編 修敕令 ,賜布衣尹焞爲和靖處士 書王寓 為 九 《崇信 月丙 爲 所 尚 寅 取 軍 一節度 書左丞。 靖康以前蔡京所乞御筆手詔 金人陷 副 使, 太原,執安撫使張 戊寅 安置涪州 甲申 有赤氣隨日出 日有兩珥、背氣 移蔡攸 孝 純 參祖宗法及今所行 于 萬 李 副 安軍 綱罷 都總管 丙戌, 建三京及鄧州爲都總管府, 知 尋與弟脩及 揚州 一稟、通 者 \pm 判方笈皆 午 , 人朱勔 删修 -,梟童貫首于都市 成書。 皆賜妃。 死之。 T 乙亥, 丑 辛未 禮 部 分 癸 詔 貶

叔 總 夜 儿 爲 道 南 兵 道 都 庚 總管 寅 以 知應 知大名 天 府胡直 府趙 野爲 儒 北 爲 東道 道都總管 都總管 知 河 又 南 靇 府王襄爲 李綱提舉 西道 洞 霄宮 都 總管 字 卯 知 ·, 遣 鄧 州

鍔

由

海

道

使

金國

議

和

是月

夏

人陷

西

安州

號。 副 威 宣 部 用 北、 氣。 定, 勝 使 蔡京 尙 撫 命尚 河 都鈴轄劉竧(10) 使。 書 金 東 命 隆 馮 人陷汾州 書左 王黼 馮澥代行。 徳、澤州 諸 獬 遼 月癸巳朔, 路 故 知 丞王 帥臣 童貫 將 樞 密 小糊幹攻 寓 傳檄 死之。 丁巳, 院 所 知 副康 御殿復 庚申 州 事 薦 所部 張 o 高麗 王 有流 , 克戬 陷 日有 己 廃 使斡離不 麟 得 酉 丙 星 兩珥及背氣。 州 午,集從官 便 貢 兵馬 貶李綱爲保 如 刬 宜 建 一个明 杯。戊戌, 砲 寧砦 行 軍 都監賈亶死 纸 事 寓 州 Ш 于尚 營。 遞表 辭。 知砦楊 壬寅 金 靜軍節 侍御史胡舜陟 書省 人使楊 庚 以 Z 之; 戌 天 進 卯 震 寧節 度副使, 死之。 一,遣其使還 議 以范訥 雨 叉 天 割 古、 攻平定軍 木 率羣臣詣 \equiv 冰。 請援 壬子 王汭 鎭 安置 爲 寧武 丙 中山,不省。 , 來。 召 建昌軍。 戊午,貶王寓爲單州 辰, 詔 种 龍 庚子 軍 辛 太常禮官 金 德宮 師 節 丑 人陷平陽府 道 , 度 下哀 日有 還 使、 上 T 景 辛酉 四 集議 河 J 痛 北 金人 未 甲 赤、黄 种 金 加 辰, 師 專 又 主 以 陷 東 命 道 陷 練 拿 路 泂 戴

+ 本 月丙 紀 第 寅 + 夏 Ξ 人陷懷德軍 欽 宗 一, 知 軍事 劉銓、通判杜翊世死之。 籍 譚 四 戊辰 康王

未

薨。

發 門。 軍 殺 汭 樞 許 懷 成 粘 許 得 夫 范宗 至 州 忠 密 占官 至 E 罕 高 割三 濟 金 勃 雲 扩 兵潰 霍 鄓 城 院 戊 軍 河 軍 重 木。 安國 鎭 下 郭京領選六甲正 41. 寅 含寺 尹 而 止王 撒 丁 于 以 湿 知 離 進 奉衮冕、 洛 李回 遣 以 為徽猷閣待制 首 丑 河 觀 一勿行 龍 栂 京 蠟 陽 口 議 以 馮 來。 德宮婉容韋氏 何奧罷 程。 발 兆 0 解罷 燕 棄 居。 . 王 車 府 間 金 瑛 地 命耿 復 戊子,金人攻通津門, 路 輅 辛未 行 人 罷 西 八來言 一兵所。 還 安 出 己 南 以尚 京留 尊 無使 相州 褟 , |金 其主 仲 通 有 召 守王 使 爲賢妃 書左丞陳過庭爲中書侍郎(11) 剕 流 集 欲盡得 范 兵, 簽書樞 至 斡 林 爲 目 星 致 甲 泂 又約 淵 皇 喪 官議 離 如 虚 外 申 杯。 直 叔 棄 不 爲陝西 康王 , 密院事 河 , 以 軍 徽 城遁 康 , 且 宣 北 王 台 猷閣 鎭 撫 壬 聶昌 構爲安國 E 范瓊出兵焚其砦。 地 及 書右 棄守 副 申 李回以 五 尊 河北 乙亥 使 原批罕 一路宣 賞守禦之功也。 京師! 號。 禁京 丞 折彦 守將 孫 庚午, 撫 萬騎防河 戒 丙子 師民 傅 安武 質 命 使 軍 嚴 來援 領 同 刑 , 以浮 令督 軍節 許 詔 金 知 部 師 ,兵部尙書孫傅爲尙書右丞。 遣資政殿學士馮澥及李若水 河北 樞 畫 尚 + 多爲 己丑,南道總管張叔夜將兵 言言 勤 、渡河, 書王 密 度使。 二萬 河 壬午 衆潰 相 Ī 院 爲 河東、 邏 動者 兵 界。 雲副 拒之。 事 而歸。 兵 折彥質兵 罷清 斡 入 御 所 京畿 援 離 康 康 獲。 史 癸 王 不 野。 甲戌 Ŧ 中 是月 流清野 酉 乙酉 -使楊 至 使 ·丞曹2 虚 T 磁 斡離 辛 亥, 右 潰 師 州 天吉、 斡 輔 塞京 潰。 諫 令流民 不 以 簽 州 提 議 軍 風 城 使 書 知 命 刑 金

勤 王 , 至 玉 津園 以 叔夜為延康殿學士。 斡離 不遣劉晏來。 庚寅 幸東壁勞軍。 詔三省長

保甲。 官名 儒 馬, 感激流涕。 陽 乙未,金 坐 兼 人 一棄鄭州 戦于 乃定。 中書侍 行泥 又陷 姚仲友禦之。 ,領開封府。 里 悉 亂兵所殺。 城下 依元 粘罕軍至城下。 月 海中 人入青城,攻朝陽門。 唐恪出 拱 主 郎 州 ·,統制官 豐舊制 |金人攻通津門,數百人縋城禦之,焚其砲架五、鵝車二。驛召<u>李綱爲資政殿大</u> 降三官 辰朔,金人攻善利 ·,民皆 劉幹 丁酉, 都 金人陷懷州 河東 ,人欲擊之,因求去,罷爲中太一宮使。以門下侍郎 辛丑,金人攻南壁,殺傷相當。 坐棄軍 感泣。 韶。 高 赤氣瓦 領開 、諸郡, 師旦 甲午,時雨雪交作,帝被甲登城,以御膳賜士卒,易火飯以進, 西道 工,降五 張叔夜數戰有功 [封府何稟爲門下侍 死之。 一總管王襄棄西京去。 天。 或降或破殆盡。 門,統制姚仲友禦之言。 馮解與金人蕭慶、楊眞誥來。 霍安國、林淵及其鈴轄張彭年、都監趙士詩、張諶皆死之。 一官予祠。 以馮 庚子 解爲 ,以資政殿學士 癸巳,京師苦寒,用日者言 帝 尚書左 鄓 都民殺東壁統制官辛亢宗。 如安上門召見,拜資政殿 壬寅、詔河北守臣盡起軍民兵,倍道入援。 知澤州高世由以城降于金。 丞。 張叔夜簽書 戊戌, 奇兵作亂,殺使臣,王宗濋斬數十 丙申,帝幸宣化門,以障泥乘 殿前 樞 副 何桌爲尚書右 ,借土牛迎春。 密院 都 學士 指 事 揮 罷民 ,使王 燕瑛欲 金 金人執胡直 乘城 一宗濋與金 人攻宣化 I 僕射 朱伯 棄河 代以 友

本

癸

加

使 衞 自 去。 用六甲法, 者。 制官何慶言、陳克禮、中書舍人高振力戰,與其家人皆被害。 北 攻 和 攻城急。 丙午,雨木冰。 甲 金軍 -辰,大雨雪。金人陷亳州 乙卯雪不止,是日霽。 士入|都亭驛,執劉晏殺之。 起 通津、宣化門,范瓊以千人出戰,渡河冰裂,沒者五百餘人,自是士氣益挫。 一,俄 金兵登城,衆皆披靡。 命康王爲天下兵馬大元帥,速領兵入衞。辛亥,金人來議和,要親王出盟。 帝在禁中徒跣祈晴。 大雨雪,連日夜不止。 戊午,何奧入言,金人邀上皇出郊。 盡令守禦人下城,大啓宣化門出攻金 丁未,始避正殿。己酉,遣馮澥、曹輔與宗室仲温 夜有白氣出太微, 彗星見。 庚申, 時勤王兵不至,城中兵可用者惟衞士三萬,然亦十失五六。全人 金人焚南薰諸門。 丁 巳, 遣間使召諸道兵勤王。乙巳,大寒,士卒噤戰不能執兵,有僵仆 乙卯,金人復使劉晏來,趣親王、宰相 奉道君皇帝、 帝曰:「上皇驚憂而疾,必欲之出,殷當親往 姚仲友死于亂兵,宦者黃經國 一人,兵大敗。 寧德皇后入居延福宮。 日赤如火無光。 秦元領保甲斬關遁, 京託言下城作法, 出盟。 命何桌及濟王 、上諦使金軍 丙辰,妖人郭京 辛酉,帝如青 [[圖赴: 甲寅、大風 壬子,金人 引餘 火死 京城陷。 兵遁 栩 自

城

十二月壬戌朔,帝在青城。

蕭慶入居尚書省。是日,康王開大元帥府于相州。

糶 帝 雨 以 至 振 自 民。 1青城。 癸未,大雪寒。 癸酉 甲子, 一, 斬 行門指揮使蔣宣 大索金 縱民伐紫筠館花木爲薪。庚寅,康王如東平。 帛。 丙寅 一、李福 ,遣陳過庭、 乙亥, 劉幹 康王 使兩河割地。 如北京。 丙子, 辛未, 尙書省火。 定京師米 庚辰, 價、 勸

請帝 以 發;夜,西北 民開門出降。 王 公太子! 還。 含輝門 還 遣聶昌、耿南仲、陳過庭出割兩 一年春正月辛卯朔,命濟王栩、景王梠出賀金軍,金人亦遣使入賀。 阙 監國而]剽掠,焚五 金 陰雲中有如 人取至軍中 行。 乙巳 岳 有大星出 觀 一,籍梁師 火光。 - , 揆抗論爲所殺。 建建星 成家。 庚子, 一,西南流入于濁沒。 河地,民堅守不奉詔,凡累月,止得石州。甲午, 金人索金銀急。 丙午, 至夜,金人劫神衞營。 劉給自經 于金 丁酉 何奧、李若水勸帝親至 軍 ,雨木冰。 太學生徐揆上書,乞守門 丁未,大霧四寒。 已亥, 陰噎 壬辰,金人趣召康 軍 中, 詔 從之, |金 |人 風 枫 迅 河

侍 加 濟州 鄧 述所具諸王孫名,盡取入軍中。 辛未,金人偪上皇召皇后、皇太子入青城。 庚辰,康王 癸未 ,觀文殿大學士唐恪仰藥自殺。 乙酉,金人以括金未足,殺戶部尚書梅執禮

金人令推立異姓,孫傅方號慟(三)乞立趙氏,不允。丁卯,金人要上皇如青城。以內

而

本

紀第

+

=

宗

二月辛酉朔,帝在青城

ク、

自如金軍

·,都人出迎駕。

丙寅,

金人塹南薰門路,人心大恐。

侍郎陳知質、刑部侍郎程振、給事中安扶。

秉哲令民結保,毋藏匿。丁巳,金人脅上皇北行。 三月辛卯朔,帝在青城。丁酉,金人立張邦昌爲楚帝。 庚子,金人來取宗室,開封尹除

漏,古器、景靈宮供器,太淸樓祕閣三館書、天下州府圖及官吏、、內人、內侍、技藝、工匠、娼 優,府庫畜積,爲之一空。 下車輅、鹵簿,冠服、禮器、法物,大樂、敎坊樂器,祭器、八寶、九鼎、圭璧, 夏四月庚申朔,大風吹石折木。 金人以帝及皇后、皇太子北歸。 辛酉、北風大起、苦寒 凡法駕、鹵簿,皇后以 渾天儀、銅人、刻

帝崩問至。 五 |月庚寅朔,康王卽位于南京,遙上尊號日孝慈淵聖皇帝。 七月己丑,上尊諡曰恭文順德仁孝皇帝,廟號欽宗。 三十二年閏二月戊寅,祔 紹興三十一年五月辛卯,

相視 蓋亦巽懦而不知義者歟!享國日後,而受禍至深,考其所自,眞可悼也夫!眞可悼也夫! **顾等罪而竄殛之,故|金人聞帝內禪,將有卷甲北旆之意矣。惜其亂勢已成,不可救藥;君臣** 贊曰:帝在東宮,不見失德。及其踐阼,聲技音樂一無所好。 叉不 - 能同力協謀,以濟斯難,惴惴然講和之不暇。卒致父子淪胥,社稷蕪茀。帝至於是, 靖康初政,能正王黼、朱

- 尚書右丞宇文粹中 「右丞」,原作「左丞」,據靖康要錄卷一、十朝綱要卷一 九改。
- \subseteq 靜難軍節度使 「靜難」,原作「靖難」,據本書卷三三五种師道傳、徐夢莘三朝北盟會編 (以下簡

稱北盟會編)卷二六改。

- 8 都統制姚平仲 「統」,原作「總」,據本書卷三四九姚古傳、靖康要錄卷二改。
- 种師道 為河北河東路宣撫使 「河北」,原作「河南」;「宣撫使」,原作「宣諭使」。 據本書卷三

河東、河北宣撫使在二月十六日,可見這時已是宣撫使而不是宣諭使。

按北盟會編卷三〇,种師道兼宣諭

使在靖康元年正月二十日,為

三五本傳、靖康要錄卷三改。

- 至 殿前 副都指 揮使姚古 「殿」字原脫,據十朝綱要卷一 九補
- (六)宋煥 计朝綱要卷一九、北盟會編卷四三都作「宋喚」。
- (子) 震威城 「震威」,原作「鎮威」。據本書卷四八六夏國傳、十朝綱要卷一九、東都事略卷一二欽宗

紀改。

- (元) 承受內侍官 「承受」,原作「承授」,據遠康要錄卷八改。十朝綱要卷一九作「丞受」,「丞」與「承」
- 本紀第二十三 校勘記

(九)

通

侍御史李光

李

光」下原衍「遠」字。據本書卷三六三本傳、靖康要錄卷一〇刪。

(0) 劉剪 編年綱目卷三〇同。 本書卷四四七本傳、北盟會編卷五七作「劉翊」,十朝綱要卷一九作

劉靖」。

陳過庭爲中書侍郎 「中書」,原作「尚書」,按宋代官制,尚書省不設侍郎官,據本書卷三五三本

傳、靖康要錄卷一二改。

 \equiv 姚仲友 靖康要錄卷一三、北盟會編卷六六都作「姚友仲」。

 $\stackrel{\triangle}{=}$ 黄經國 何奧爲尚書右僕射 **靖康要錄卷一三、北盟會編卷六九都作「黃經臣」。** 「右」,原作「左」,據本書卷三五三本傳、東都事略卷一二欽宗紀改。

呈 孫傅方號慟 綱要卷一九說:「孫傅等讀詔號慟。」 「方」,疑是「等」字之誤。」靖康要錄卷一五說:「孫傅等數人讀之,號絕欲死。」一一朝

宋 史 卷 二 十 四

本紀第二十四

高宗一

帝 宗 遣 資性朗悟,博學彊記,讀書日誦千餘言,挽弓至一石五斗。 使、檢校太尉,封蜀 皇后韋氏。 召帝 意氣閒暇。 同 靖康 知樞密院事李棁等使金,議割太原、中山、河間三鎭,遣宰臣授地,親王送大軍過河。欽 高宗受命中興全功至德聖神武文昭仁憲孝皇帝,諱構,字德基,徽宗第九子,母曰 諭指 元年春正月,金人犯京師,軍于城西北,遣使入城,邀親王、宰臣議和 ,帝慷慨請行。遂命少宰張邦昌爲計議使,與帝俱。 大觀元年五月乙巳,生東京之大內,赤光照室。八月丁丑,賜名,授定武軍節度 二月,會京畿宣撫司都統制姚平仲夜襲金人砦不克,金人見責,邦昌恐懼涕 國公。 二年正月庚申,封廣平郡王。 宣和三年十二月壬子, 進封康王 宣和四年,始冠,出就 金帥斡離不留之軍中旬 軍 外第 中。 朝廷方 顯仁

本紀

第

_:

+

四

髙

宗

斡離 帝使河北,奉衮冕、玉輅,尊金主爲伯,上尊號十八字。被命,即發京師。以門下侍郎耿南仲 余覩 軍中 曰:「肅王去不返,金兵已迫,復去何益?請留磁。」磁人以雲將挾帝 自 77. [金先還,言金人須帝再至乃議和。]雲歸,言金人堅欲得地,不然,進兵取汴都。 和 帝 ·, 帝 不已率兵渡 ·爲金人所得。八月,金帥粘罕復引兵深入,陷太原。 不爲 始得 請與俱, 乃以其子中書舍人延禧爲參議官偕行。 還。 河,相繼 金兵退,復遣給事中王雲使金,以租 圍京師。 從者以磁不可留,知相州汪伯彥亦以蠟書請帝還相州 一賦贖三鎭地。 斡離不破眞定。多十月,王雲從吏 帝由滑、濬至 入金 又以蠟書結遼降將耶律 一磁州 ,遂殺雲。 守臣宗澤請 十一月,詔 時粘罕、

Ш 右 勤 僕 府 射 陳 閨 亨伯爲元帥,汪伯彥、宗澤爲副元帥。 月, 何桌擬詔書以進,欽宗遣閤門祗侯秦仔持蠟詔至相,拜帝爲河北兵馬大元帥, 初, 朝廷 耿南]聞金兵渡河,欲拜帝爲元帥。 仲馳至相,見帝致辭,以 面受欽宗之旨,盡起 至是, 仔於頂髮中出詔 殿中侍御史胡唐老復 河北兵入衞, ,帝讀之嗚咽,兵民感動 申元帥之議 帝乃同 南仲募兵 知中 尙書

門祗 引兵渡河 候侯章齎蠟書至自京師,詔帝盡發河北兵, 十二月壬戌朔,帝開大元帥府,有兵萬人,分爲五軍, 乙亥,帝率兵離相州。丙子,履冰渡河。 命守臣自將。 丁丑,次大名府。 命武顯大夫陳淬都統制軍 帝乃下令諸郡守與諸將,議 宗澤以二千人先諸軍 馬。

兀

會簽書 至 遂 |伯 彦 等皆. 澤 知 信 以 樞 萬 ·德府梁揚祖以三千人繼 密 信 和 院 進 議 事 屯 曹輔 惟宗澤 澶淵 齌 揚言帝 蠟 請直 詔至 超 在 澶淵 , 云 至 軍 金 中。 爲 張 人登 壁, 俊 自 城不下 次第 是 苗 澤不復預 傅、 解 京 楊 方議 城之 沂 府中謀議。 中 圍 和 好 田 伯 師 彥、南仲請移軍東平。 中 口 皆 帝 屯兵近甸 決意趨東平。 在 麾下 , , 毋 兵 輕 威 動 庚 稍 振

帝

發

澤 謀 申 官 潛 陳 粘 命 善 請 渡 軍 三月 退 及 壯 戊 江 淮 几 羣 炎 午 集 土 師 屯 興仁 Ţ 射之,澂 盜來歸者 ,帝聞三 元 欽 承 取 酉 年 宗 制 決 , 春 留性· 以 金人立張 北 帥 È 乃 汪 遷 軍 府。 月 伯 籍 忠 號 遁 癸巳, 爲 彦 籍 百 壬 伯彦 邦昌 爲 萬 遂 元 寅 顯謨 人,分屯濟、濮諸 帝 輒 帥 邦昌 等請 (1) 爲帝,稱 都 高 至 閣 陽 東 統 | 尊元祐 平。 待制 關路 帝 制 承 如 大楚。 制以宗澤爲徽 濟州 金 安 初,帝 充 皇后 無使黃 人 元 |州府 聞 黄潛善以 帥 軍 為宋太后 帝 在 一月庚 而諸路 在 潛 相州 潛 澶淵 善 善 猷 辰, 告 爲 閣 總管楊 京城 勤王 徽 待 遣 遣 發 帝働 制 猷 東平。 甲 人至濟州 兵不 圍 惟 閣 久, 哭, 待制 及 忠 T, È ·得進 中 癸未 亦 中外 僚屬欲奉帝 書舍 部 訪帝 斡 充 兵數 , 莫知 副 離 次濟 入 不 元 一帝已 、張澂 又遣 帝 帥 退 州 至 駐軍 師 在金 東 來召 吏部尚 夏四月 | 徽宗北 平。 時 宿州 及 人軍 帥 是, 命 府

本

紀

第

-|-

四

高

宗

之寶」 駐 書 易。 府參 庚辰,帝發濟州, 丞 見城中火光屬 出 頟 濟 靖 謝 馬鄉 開 事: 康 克家 長垣、韋城等縣,以備非常。 表,又不許。 左僕射,率在京百官上表勸進, 權 議官、 **遂決** 意 趨 侍郎呂好問亦以蠟書來,言帝 宜 封府事李綱在湖北 ,及將歸寶避位之意。 紀 至濟州 寫 ,未可輕動。澤復書,謂邦昌篡亂蹤跡,已無可疑,宜早正天位,興復社稷,不可不斷。 元 來 奉迎 迎。 ,爲十二月立康之兆。 東南道總管,統東南勤王兵。邦昌遣閤門宣贊舍人蔣師 使。 應天。 天,請 帝慟哭跪受,命克家還京師 耿 丁丑,馮澥等至濟州 鄜延副總管劉光世自陝州來會,以光世爲五軍都提舉。辛巳,次單州。 南 皇后又遣兄子衞尉 仲率幕僚勸 帝即位于 是夕,邦昌手書上延福宮太后尊號曰元祐皇后, ,遺劉默持書訪之。又諭宗澤等,以受僞命之人義當誅討,然慮事 帝亦貽諸帥書,以未得至京,已至者毋輒入。 濟。 東道副總管朱勝非至濟州, 進,帝避席流涕, 帝曰:「當更思之。」以知准 不許。 不自立 會宗澤來言, ,百官三上表, 少)卵孟忠厚持手書遺帝。 甲戌, 、趣辨 ,恐有不當立而立者。 皇后手書告中外, 儀物。 遜辭不受。 南京乃藝祖 許以權 戊辰,濟州 聽國事 宣撫司統制官韓世忠以兵來會。 寧府趙 伯彥等引天命人心爲 興王 丁卯,謝克家以「大宋受命 皇后 一之地, 子崧為 俾帝嗣 愈等持書詣帝 父老詣 戊寅, 垂簾聽 入居禁中 取四方中 ,命宗澤先勒兵分 統。 聞資政殿大學士、 寶文閣 軍門,言州四 政 乙亥,百官再 學士 ,自言從權 以 邦昌 請 尚 漕 元帥 權 書 運 且謂 左 尤 尙

徽 仗. 飲 次虞 閣 Z 直 四 城 學士 張 縣 邦 昌 西 權 至 道 吏 都總管王襄台 部 伏 尙 地 書王 慟 哭 清 時 雍 死 等奉 帝 自 襄陽來會。 慰撫 乘輿服 之。 御至 承 癸未, 制 羣 以 臣 汪 至 勸 伯 應 **彦**爲 進 天府。 者 益 顯 衆 護閣 皇后 命 直 有 詔 學 司築壇府門之 有 司備 黄 潛 法 駕儀 善 爲

命官 祐 彦 收 應 盜 年。 寢 所 敍 同 募 並 后 犯 兵 許 知 ĦŢ 應 罷 原 五. 勤 者 內 罪 百 自 選 樞 天 月 更不 進 新 下 [咸 元 密 外 王 **人** 庚 大 並 神霄 肱 院 人以 赦 士 寅 出 除之。 臣 循 朔 太 事 発係官欠負, 取 資, 宮 兵付州縣 身 特旨 限 帝 元 + 已係承直郎者, **死解人** 登壇受命 祐 張邦昌 詔 住散青 裁斷 日 皇后 史官辨宣仁聖烈皇后誣 各舉 Ì 與免省試 兵官, 苗 在 蠲南京及元帥府常駐 及 蔡京 布 錢。 東京 應 禮 衣 Ŧ 畢 有 聽 童 應 供 改次等京官。 慟 (E): 是 材 赴 貫 奉 哭, 死 略 日 行 節及 金國之人, 朱勔 諸路 遙謝 者 徹 在。 簾 众 殁 于 人。 二帝 特奏名三舉以上及宗室嘗 謗。 李彦、 中外臣 辛 主 軍一月以上州縣夏稅。 臣僚因 餘 卯 , 事 築景靈宮于江寧府。 一切不 卽 m. 如 . 庶許言民間 者並推思。 遙 故事 昌 位 剣 尊 于 齡 乾 法官者 問 府 梁師 龍 治 以黄 命 皇帝 沒疾苦, 成 奉使 ·西京 潛 改元 限 爲 善 譚 未 孝慈 留守司 建 稹 爲 雖 預 壬辰, 還者 月還任。 應 炎 詆 中 及 貢 天府 淵 書 其 者 訐 修奉 聖 侍 子 亦 以張邦昌 皇帝 特奏名舉 禄其家 。潰兵、 赦 郞 孫 不 並 祖 · 汪 推 加 宗 常 羣 陵 赦

封 廣 使 李 學士 六 都 申 書 後 南 千人 綱 統 以 **潯州安置** 諸州 宮潘氏爲賢妃。以江、准發運使梁揚祖提領 至江 耿 制 呂好 賜諸 會 延 鄜 寧 禧 並安置。辛丑,詔:張邦昌知幾達變, 河 問 延 路 北 副 路 誅叛 兼門下 勤 之。 山 徙吳敏 至 副 一水岩義 總管劉光 兵還營者錢, 人三千。 卒周德等。 贈吏部 侍 柳州 郎。 兵, 侍郞李若 , 世 共復磁、 丁 藥懋英州;李棁、宇文虚中、鄭望之、李鄴皆以 提 庚子 四 舉一行 ,以黃潛 7,詔: 相。 水觀文殿學士 事 戊戌. 善兼 以靖康 務。 内 午, 勳在社稷, 御 以 王 東 「營使」 大臣主和 誤國, 以 一時雍 賌 南茶鹽 誣 政殿學士 諡 一镑宣 忠愍。 黄 汪 州 伯 如文彥博例 事 安置 彦 0 聖 一路允迪 副 已亥, 癸卯 烈 之,真定府路 責 、 皇后 命統 李邦彥爲建 為京 召太學生陳東赴行 天 月兩: 制官 中節 追 城 貶 赴 使金請 撫 薛 、蔡確 副 都 罷 廣、 諭 總管 寧軍節度 堂。 使 百 張 官官 割地 行,龍 瓊 王 F \pm 率兵 淵 圖 寅, 副 爲

蔡懋官。

以保靜軍節度使姚古知河南府

金人陷河中府

權府事郝仲連死之。

丁未,

管王 徽宗 體泉觀使。 祭御 壘,以備巡幸。 史張所 | 襄、北道總管趙野坐勤王稽緩,並分司,襄陽府、| 青州居住。 尋責[襄永州, 至燕山府。 戊午, 尋責江州 以簽書樞密院事張叔夜嘗援京城力戰 庚戌,以宗澤爲龍圖閣 右諫議大夫范宗尹罷。 安置。 丁巳, 韶成都 學士、知襄陽府。 遣太常少卿周望使河北軍前通問二帝。 京兆襄陽荆南江寧府、 ,從徽宗北行,遙命爲觀文殿大學士、 壬子 ,進張邦昌太傅。 鄧揚 二州儲資糧 野郡州 丙辰 西道總 龍 修城 監

以黄 置。 顏博文、王紹以下 受偽命臣僚王時雍 修德 還 士徐秉哲假資政殿 屯 給 資 雲中。 .潛善爲門下侍郎兼權中書侍郎。 詔河北、京、陝、淮、湖、江、浙州軍縣鎭募人修築城壁。 六月己未朔, 李綱入見, 上十議, 以前 政殿 殿前 辛酉 大學士。 副 , 命新任郎官未經上殿者並 學士,爲大金通問使,秉哲辭。 都指揮使王宗濋引衞兵 論罪有差。 高州, 甲子,命李綱兼御營使。乙丑,以龍、神衞四廂都指 吳升,永州;莫儔, 以知懷州霍安國、河東宣撫使劉韐死節, 張邦昌坐僭逆,責降昭化軍節度副使,潭州安置。 日國是、巡幸、赦令、僭逆、僞命、戰、守、本政、責成、 〈遁逃、〕 引對。 全州 致都 庚申 御 城失守,責官邵州安置。 一,封靖 李擢 史中丞顔岐 壬戌, 康軍節度使仲湜嗣濮王。 柳州; 龍。 置登聞檢鼓院。 孫覿, 徐秉哲責官梅州安 揮使馬忠為河北 贈安國延康殿學 歸州:並安置。 徽猷閣 癸亥, 粘罕 直 及 學

本

紀

第

二 十

四

高

倂尙 沿淮 西 罷 使。 援。 捕 錢 宰 叔 督 監 路 誅 隸 敖 執 漕 制 書戶 造 壬午 留守范訥 司 、沿江帥府十有九,要郡三十九,次要郡三十八,帥守兼都總管,守臣兼鈐轄、都監 之。戊寅,以汪伯彥知樞密院事。遣宜義郞傅隽使河東軍前,通問二帝。己卯,置沿河 提 棄 奉 九十六萬 乙亥,增諸縣弓手 計 使 戰 州 刑 城 賜三之一。 羨 措置民兵。 車 部 ,以戶部尚書張慤 郡 遁 司 緡及常平錢物。 職 右 曹所掌 落節 丁亥,以張所爲 田 七千五百人。 立格 還元祐黨籍 丙戌, 鉞,淄州 省諸路 買馬。 子歸左曹 洪獨罷左諫議大夫,下臺獄。 , 置武尉領之。 韶 提舉常 辛未 及上書人恩數。 靇 陝西、 別置 居住。 同 ٠, 開封諸州、軍、府 河 .知樞 命尚 ,以子旉生,大 北 |水軍七十七將,造舟江、准諸路。 平 司 河北、京東 西路招撫 密院 庚辰,以二帝未還 書總領 宗室叔向以所募勤王兵屯京師,或言爲變,命劉光世 事兼 兩 癸酉, 浙 使。 西路募兵合十 提舉措置 乙酉 赦。 福建 司 錄曹掾官。 括買官民馬, 韶陝西、山東諸路 籍天下 丁卯 提 以宗澤爲 舉 戸 禁州 以以 市 部 神霄宮錢穀充經費。 舶 萬 財 祠部員外郎喩 州軍 縣用樂。 司。 東京 用。 勸出財助國。 通判二 心留守, 更番入衛行 賊李孝忠寇襄陽 癸未, 置三省、樞密院賞 前即臣 辛巳, 員者省其一 .團結軍民, 呂好 杜 汝礪 充爲 置沿河巡察六 戊子, 問 在 爲四川 拘天下職 北京 命京東、 互相 守 留 甲申 八功司。 撫諭 權 臣 守 黄 應 田 减

爲

陝西經制使,封趙懷恩爲安化郡王(四),因召五路兵赴行在。

官 張 俊 秋 喬 1: 月己 仲 福 韓 1 世 朔 忠 以樞 分 討 密 陳 副都 州 軍 承旨 贼 杜 用 쩇へ 京東 ぎ 爲 賊 李昱及 河 東經 制 黎 使。 驛 魚臺 庚 寅 |潰兵,皆平 詔 王 淵 之。 劉 光 世 卒 統 制

父母 士許 在 四 虚 市 制 置 壯 詔 復 東 知 使。 巡 洺 南 馧 奉元祐 鄧 乙巳 翰 丙 社 州 諸 几 帝 東都 名爲 辰 州 爲 州 道 泣 尙 神 辛丑,復議吳升、莫儔等十一人罪, Z 徽宗 都 手詔:「京師 修 書右 以 太后 宣 霄宮 「忠義巡社」 總 城 宗 武卒杜林謀據成都叛, 管。 自 池 輔臣 以温 丞。 如東南,六宮及 及 燕 赡 繕 宮 山 以 學錢 甲辰,以右 州 尙 未 密 張所、 ,專隸安撫 觀察使范瓊爲 書奠 遣 室 可 助 往 閣 國 門宣 輸錢穀以實之。 傅亮 部 用 當巡幸 諫 員 衞士家屬從行, 贊 議 外 軍 司 叔右 發 含 大 郞 伏誅 定武武 東 人曹勛 張 大宋 戊戌,; 行 監 南 浚爲 在 門 軍 齊愈 。」丙午, 並 己亥, 欽宗 承宣 衞 丁未 是月 殿 至 廣 股 當 大 當金 中 南、 賜帝 至燕山 使、 將 , 侍 韶臺省、寺監 關中 遣官詣 韶定議 軍 一獨留中原, 江、湖諸州安置 人謀立 御 絹 御營司 史。 貴州 府 賊 半 巡幸 史斌 臂,書其領日 京 庚 異 以 團練使士晤(台)以磁、 師 同 戊戌 姓 與金 上繁簡 忻州 犯 南陽 都 迎 興 奉 徴諸 書 統 州 大廟 相兼 張邦昌 人決戰。」 觀察使張換 制 餘遞貶 以觀 道 憯 神主 兵 丙 號 便 學官、館 文殿 申 姓 有差。 稻 印 以延 , 期 赴 名 卽 學. 賜諸 行 爲 眞 康殿 斬 洺 月 在 上 河 職 壬寅 來 會 范 北 路 于 義 減 學 兵 都 舊 制 彊

八月 戊午 朔 洪芻等 坐 重 城日括金銀自盜,及私納宮人, **獨及余大均、** 陳沖 流沙

本

糺

第

+

ĮЩ

高

宗

四

ľŪ

澈 陳 置 氣。 使。 使 貴 通 罷。 東 軍民利 召赴行 乙酉 癸酉 發南京 發京 南 壬戌, 餘 庚辰 盜 五. 賊。 師 病 以 在。 命御營使、 人 遣 以李綱 耿 罪 命侍衛 降牓 兵 1 庚 許翰 南 有 部 壬 丑 申 申 仲 員 招 以 爲 罷。 主 , 以 馬 外 諭 副 尙 軍都指 和誤國 召布衣譙定 勝捷 龍 郎江 杭州 劉 大関 書左 丁亥 圖 光 端 世 閣 軍 亂 僕 五 直 揮使郭仲荀護衞 校 , 爲 博州卒 兵 友 南雄州安置。 軍 射 陳通 等撫諭 學 奉 兼 赴行 士 國 壬 門下 庚午 錢 軍 作 午 宮儀 在。 伯 亂 節 閩 , - , 更號 侍 用 言 度 于 作亂,犯 郞 浙、湖、廣、江、 命御營統制辛道宗討 黄 使 杭 知 乙亥,用張浚言,罷李綱左僕射。 杭 如江 元祐 黃潛 潛善議 州 韓世 州 執 善爲 寧, 太后爲隆祐 節 速、 帥臣 兼節 制 殺 右僕射 、張俊皆 葉夢得, 兩 准 上 浙 制江、淮 書太學 淮 京東 進 兼 太 陳通 后 殺漕 東 中 水西諸路 生 《將兵及 官。 書侍 開、浙、閩 陳 辛未 臣 東、 是夕, 郞 吳 辛 一福建 防。 張 ·, 罷 酉 崇仁 及體訪官 廣 傅亮經 慤 右 東北方有 丙子 槍 己未 布衣 兼 司 杖手 諸州 諫 御 歐陽 隆 制 營副 潘 元 良

繕修城池。 炎 守 (中)。 通 九月己丑 寶錢。 范瓊 宗澤往河北視師 命 補斬 建州 准 軍校張員 李孝忠于 浙 沿 海諸 復州 等作亂 州 七日還(元)。 增 修城壁 壬辰 執守 , 以金 臣張動 是夜, 招 訓 民兵 人犯河陽、 辛道宗兵潰于嘉興縣。 轉運 了以備 。 副 汜水 使毛 海 道 奎、 甲 認認 判官 午,命 擇 曹仔 揚州 日巡 丁酉,詔荆襄、關 爲 幸 守臣呂頤 所 准 殺 甸 嬰城

格營 陝、 詔 內外官司 殺 准 格 皆備巡幸。 '參用嘉祐、元 執提 シ 點 刑 戊戌, 獄 高 豐敕 士 **罷買馬。** 疃 ,以俟新書。 壬寅 己亥, 遣徽猷閣 庚子 以子勇爲檢校少保、 ,二帝徙居霫郡。 待制孟 忠厚迎 集慶軍節度使,)奉太廟 辛丑 陳通 神主 一赴揚州 劫 提 封 點 魏國公。 刑 以 獄 周

甸 使。 及 潭 撫 秘 金 州 掉 閣 司 都統 王圭 庚戌 禦 戦 稍定卽還京誠。 八敗績 高 了; 始 制 王彦 招撫 時 通當三大錢 雍 ,奔太行山聚衆,其裨將岳飛引其部曲自爲一軍。 渡 判官代 河撃金· 癸丑 張所 募民 一,詔:有敢妄議 于准、浙、 人破之,復新 ,尋責所廣 入貲授官。 荆湖 惑衆沮 諸 鄕 南 安置 路 軍賊 縣 8 巡幸者 趙萬 壬子 ٥ 乙巳, 己酉 ,命湖南 入常州 ,許告而 宗澤 以諜報金 ,執守臣 撫 一表請車 諭 罪之,不告者斬 官 趙萬陷鎭江府,守臣趙子 一人欲 何衮 馬伸持詔 駕 還闕 犯江 罷 一、洲 賜張 諸路 戊 申 乙卯 郑昌 經 詔 暫 制 河 北 死 招 駐 撫

是 秋 ,金人分兵據兩河州縣,惟中山 慶源府、保莫邢洺冀磁絳相州久之乃陷

松棄城渡江保瓜洲

近入杭州 申 罷 冬十月丁 以 諸 張浚 路 招 召 撫 1募潰兵 論 陳通 已朔,帝登 李綱 、忠義 不已 Z <u>H</u>: 等 舟 一, 罷 落 幸准甸 人,及寄居官擅 綱 帥府、要郡、次要郡新軍及水軍(11)。 觀 文殿大學士, 戊午, 集勤 太后 王 止 至揚州。 一兵者。 奉 宮 丽 癸亥 知 秀州 募羣盜能 罷諸路勸誘獻納 丁卯,以王淵爲 兼權 浙 併滅賊衆者官之。 西 提 點 杭州 錢物。 刑 獄 制 趙 叔

本

紀

第

+

九.

髙

宗

等 舉 世 盜 爲滁 悉誅 廣 賊 西 後 使 和豪州 軍 左 統制官張俊從行。 將孫琦等作亂,逼 、右兩江 江寧府界招捉盜賊制置使,御營統制官苗傅爲使司 峒 l 、公事。 左正 庚午, 次泗州 言盧臣中墮水死。 , 至 揚 州 幸普照寺。 禁內侍統兵官相見。 庚辰, 甲戌, 命劉光世討鎮江叛兵。 太白晝見。 丙戌, 都統制 己卯 王 淵、張俊 朝請郎李棫 次楚州 辛巳,以 誘 趙 實 提 應

允之拒卻之。 中丞許景衡爲右 問 追 泗 死 野 楚州 使。 罪 殺之。 有 + 乙未 疑 一月戊子 高 及 郵 倫理 辛亥,命福建路增招弓手。 ,以張慤爲 軍 ', 李 丞 可憫 丙 午,以張慤爲中書侍 綱鄂州居住 刑部尚書郭三益同知樞 者 尚書左丞 , 撫 論官 一, 工 同 提 真定軍賊張遇入池州 一部尚 刑司 金人陷河間府。 書額 郞 '酌情减降, 密院事 岐 戊 申 同 知樞 ,以顏岐爲尙書左丞兼權 先斷 權密州趙野棄城遁 密院 是月, 守臣滕祐 後 事 聞 ٥ 軍賊丁進圍壽春府,守臣康 o 丙 壬 棄城 申 辰 曲 遁。 遣 赦 王倫等爲 門 應 軍校杜彥據州 己丑 下侍 天 府、 言語 郎 毫宿 金 國 雑 御 史 揚 通 犯

以 司 所 兵作亂 在 十二月丙 州 ,殺帥臣曾孝序。 類省試 . 辰朔,命從臣四 進士,以 待 1親策。 癸亥, 員充講 、粘罕犯汜水關 辛酉 讀官 一、王淵 就內殿講讀。 入杭州 西京留守孫昭遠遣將拒之, 執 陳通等誅 丁巳,韶 之。 諸路提刑 壬 戌 司 青州 戰歿 選官 敗將 」, 卽 昭遠 轉 王 引 定 運

使。 兵南 乙丑,韶:凡刑賞大政並經三省, 遁 尋命部將王仔奉啓運 宮神御 其 干 赴行在 ·請墨敕行下者罪之。 甲子 ,改授后父徽猷閣待制邢焕爲光州 丙寅, 張遇犯江 州 戊辰, 視察

八圍棣州 守臣姜剛之固守, 金兵解去。 甲戌,金人陷同州, 守臣鄭驤死之。 張遇 犯黃

州引兵遁入蜀。 例。 己卯,金人陷汝州, 進詣宗澤降。 ,入西京。 庚辰,金人陷華州。 乙酉,增置廣西弓手以備邊。以戶部尚書黃潛厚爲延康殿 辛巳,破潼關 河東經制使王瓊自同

學士、同提舉措置財用。

校勘記

帝聞 = 軍 籍 籍 遂 軱 按李心 傳 建炎以來繫年要錄 (以下簡 稱繁年要錄) 卷三記此事 說:「王 聞 其語

遂 龍 行 輒 當 爲「輟」之譌

西道

都

總管

王

襄

總

免解 人與免省試 「試」字原脫,據繫年要錄卷五、北盟會編卷一〇 補

」,原作「統」,據本書卷三五二本傳、繫年要錄卷四、北盟會編卷九五

- <u>Z</u> 對 化 部 趙 王 懷 懷 恩爲 德 安化 弟 益 郡王 麻 黨 征 「安化」,當爲「隴右」之誤。 此 時特封隴右郡王 按繫年要錄卷六,趙懷恩為土蕃董氈從孫安
- (宝) 以 水 樞 紀 箈 第 副 都 + 承旨 四 王 校 遯 勘 繫年要錄卷七、北盟會編卷一〇九、 記 皇宋中與兩朝聖政 (以下簡稱中興聖政)

卷二都無「副」字,「副」字疑行。

公 叔右監門衞大將軍貴州團練使士珸 「叔」,原作「敍」,據繫年要錄卷七改。

(十) 建州軍校張員等作亂執守臣張動轉運副使毛奎判官曹仔爲所殺嬰城自守 「判官」上,據繁年要錄卷九、計朝綱要卷二一乙正。「張動」,繫年要錄、計朝綱要都作「張勤」。 「爲所殺」三字原置

「曹仔」,繁年要錄作「曾仔」,十朝綱要作「曾仔」。

(六) 以金人犯河陽汜水 無「軍」字;本書卷八五地理志,汜水爲縣,屬孟州,未嘗升軍。據刪。 「汜水」下原有「軍」字。按繫年要錄卷九、北盟會編卷一一三,「汜水」下都

元 七日還 子還京師。 「七日」,原作「七月」,按繁年要錄卷九,建炎元年九月甲午,宗澤引兵至河北視師,庚 中興聖政卷二同。往還恰爲七日,據改。

8 復新鄉縣 既得新鄉。」 「新鄉」,原作「新興」,據北盟會編卷一一三改。繫年要錄卷九于九月乙卯也說:「彦 本書卷三六五岳飛傳也說:「至新鄉,金兵盛,彥不敢進,飛獨引所部鏖戰,奪纛而

新軍及水軍 「及」,原置「新軍」上,據繫年要錄卷一〇乙正。

舞,諸軍爭奮,遂拔新鄉。」

宋史卷二十五

本紀第二十五

高宗二

閣 使傅亮以兵降,經略使唐重、副總管楊宗閔、提舉軍馬陳迪、轉運副使桑景詢、判官曾謂、提 之。癸巳,復明法新科。甲午,詣壽寧寺謁祖宗神主。乙未,金人破永興軍,前河東經 渡淮犯黃州, 點刑獄郭忠孝、經略司主管機宜文字王尙及其子建中俱死之。 子,金人陷避州,安撫劉汲死之。辛卯,置行在權貨務。壬辰,金人犯東京,宗澤遣將擊 [修撰]孫昭遠爲亂兵所害(1)。庚子,遣主客員外郎|謝亮爲|陜西撫諭使兼宣諭使,持詔賜 「永不錄用。」

金人陷均州,守臣楊彥明遁去。丁酉,

金人陷房州。己亥,張遇焚眞州。 二年春正月丙戌朔,帝在揚州。 守臣趙令晟拒之。丙申,詔:「自今犯枉法自盜贓者, 丁亥,錄兩河流亡吏士。沿河給流民官田、牛、種。 東平府兵馬鈴轄孔 彦舟叛, 中書籍其姓名,罪至徒 制 戊 副 卻

本紀第

十五

高

宗二

改 州 仁 戌 詔 夏 新 一復永 論流 授 國 造考功 店 是 顯 金 月 謨 興 人 民、潰兵之爲盜 張 敗之,斬其帥 八陷鄭州 軍 閣 遇 以 員外郎傅男爲淮東京東西 直 陷 中奉 學士 鎭 金 人 江 大夫劉豫 通 陷 孟忠厚爲常德 府 判 秦州 黑鋒 賊者 守臣 趙 伯 知濟 經 錢 振 釋其罪。 略使李復 死之。 伯 南 言 軍 府。 棄 承宣使。 撫 癸卯 己酉 城 降; 諭 金人陷潁 走。 使。 , 金帥 禁諸 辛 又 詔: 辛亥 犯 丑: 窩 將 旨府 熙 , 凡 里 引 內侍 河 后 王淵 嗢 潰 經經 守 族 陷 兵 .7% 略使張 安任 招 八入蜀 臣 維 成 降張 州 孫 默 侍 , 坐 又陷 深遣 從 遇 置大散關使以審驗之。 爲 輒 官 所 言 以所部 清州 殺。 兵 大 馬 著 臣 都 經 爲 除 尋棄 萬人隸韓世忠。 監 令。 制 名 劉 司 去 惟 僚 金 南 輔 屬 雄 1, 王 州 則 埋 庚 編

蔡州 通 表 江 問 清 軍 詔: 使。 帝 執 罷市 還闕 月 金 守臣 自今 戊 人陷 闪 易務 寅 媫 . 習 犯 河北賊楊進等詣澤降。 唐州 責降知鎮 孝 金人再犯東京 枉 甲子, 忠。 法 0 自盜贓 壬 丙 金人犯滑州 一戌, 江府趙子崧爲單州 子 ·, 金 安化 罪至死者 , 宗澤遣統 人陷准 軍 節 , 宗澤遣張撝救之, 丁 度 寧府, 卯 籍其貲。 一副 制 ,復延康、述古 使宇文 習 團練 守臣 中 立 副使, 向 壬 虚 等拒 中 中 韶 應詔 戰死 之,中立 南 赦 殿直 死 雄州 福州 之。 使 學士爲 絕 安置 Z 叛卒張員 戰死。 1 域 11-1: 澤造判官范世延 端 復中大 遣 己 順、 戊 王貺 等。 IJ 午 榅 , 等充金 密 奪 移 癸酉 直 祁 耿 召 書正 學上 南 赴 國 金 伸 行 字制 重 陷 等 前 学:

輸 洮 戶 稅 役。 宗 澤 遣 將 趙 世 興 復 滑 州 Z 丑 翟 進 以 兵襲金 帥 兀 室 于 河 南 兵 敗

本

紀

第

+

五

髙

宗

_

聚 統 埕 灰 官 制 得 送 庚 梧 皇弟信王 中 州 , 編 以 管 王 榛 淵 于 朝 爲 奉 民 嚮 間 德 大 夫 軍 奉之總制 劉 節 正 度 彦 使。 應 諸砦。 詔 辛巳 使 絕 , 武 域 功 , 授 大 詔 武 京畿 德 大 和 夫、 州 京 防 東 威 禦使馬 西 州 刺 河 史, 擴 奔真定 尋 准 爲 南 御 路 管者 五 , 馬 振 Ш 軍 砦 華 副

,

又 爲 過 澤 鮔 軍 犯 庭 {星 奏 爲 涇 試 所 進 萬 范瓊 高 爲 殺 弓馬 人。 月辛 賌 麗 京 政 權 朝 經 或 殿 {出 是 西 卯 同 略使統制官 信使 廷 官 北 月 未之 主 金 格 學 路 管侍 人 成 安 陷 知 先 都 己 撫) 衞 閱 中 守 同 酉 制 試 步 過 知 山 臣 曲 , 置 張 庭 然後 軍 端 盧 樞 府 使 司 員 亦 密 法 等復 公 在 奏補 原 院 壬 丙 遣 事 修城 金 事 辰 午 將 , 作 軍 聶 屯 拒 , 詔 亂 中 昌 遙 粘 成 眞 一戰敗之, 諸 爲 授 罕 州 摊衆突城 路 焚 賌 份 安 書右 未 政 西 是 撫 京 , 殿 月,金· 金兵 罷 使 僕 去 大 內外 出 許 學 射 〈走侗、 人陷 便 庚 何 權 命本 宜 桌 子 , 並 局 節 鳳 爲) 路提 官 華 主 翔府 制 河 觀 之不 管宮 南 官 文 點 石 吏。 殿 統 壕 守 應 觀 刑 制 大 尉 臣 獄 法 官 〉 學 士 1 時奧已卒于 李彦 李芘 者 劉 翟 四 清 進 , 討 仙 遣 中 臣 復 初 書侍郎 楊 舉 棄 捕 立 西 英 城 大小 應 金 去 復 誠 恢 昌 陳 宗 `{使

保 代 夏 几 月 丙 辰 詔 文 臣 從官 至 一牧守 武 臣 管 軍 至 遙 郡 各 舉 所 知 人。 戊 午 禁 州 縣 責 其

州

子虎 爲 兵 宿 河 、洛州 外兵馬 歸 死之。 /二 /二 兀 室 都元帥 進 復 又 \pm 奕 辰,軍賊孫琦焚隨州 (西京 ,擴爲元帥府馬步軍都總管 御 營統制韓世 ,尋棄去 忠、京城都巡 隴右 都護 癸未. 張 、入唐州 嚴 檢使丁進等兵戰于文家寺 及 金 人 信王 戰 于 榛遣馬擴來奏事 五 里 坡 敗績 了, 死之。 又 敗, 是月,以榛 世忠收 丁卯 , 金

中為 討 司 屯 法。 2 滑 曲赦 州 資 戊子,以翰林學士朱勝非爲尚書右丞。 五. 癸丑 政殿大學士, 充金國 四 之沙店。 月乙酉 河北、陝西、京東路。 秀州 罷借 ,許景衡罷。 卒徐明 癸卯 諸 路 等作亂, 職 張慤薨。 田 孫琦犯德安府。 祈 福 請 執守臣朱芾 建轉運 甲辰 使。 賊靳賽寇光山 判官謝 金帥婁宿陷絳州。 迎前守趙叔 辛卯,以金兵渡河,遣韓世忠、宗澤等逆戰 如意執張員等六人誅之。 縣 近 戊戌, 復領 丁未 州事。 河北 復置 制置 命御營中軍統制 兩浙、 使王彦部兵渡河 丙申,復命宇文虚 福建提 經義分試 舉 市舶 張 甲

統 軍 囚 制官曲端爲節制司都統制。 練 水 六 月 軍 -∐: Ž 造戦 張俊 卯 權 艦 至 一秀州 韶 邛 京畿、淮甸 州 殺 鑄錢 趙 叔 至 蝗。 近 永興軍經略使郭琰逐王擇仁,擇仁奔興元 ,增印錢引。 執徐明斬之。 是月,以知延安府王庶節制陝西六路軍 `癸亥, 甲戌, 建州 葉濃陷 卒葉濃等作 福州 亂 Ţ 1 宼 福 馬, 詔江、 州 涇原經略使 甲 子 浙沿 流 親 州 慮

詔 吏 部 偢 七月 審 量 京官 印申 葉濃 非 政和 入寧德縣,復還建州 以後 進 書頭及直 赴 ,命張俊同兩 一殿試 乃聽參選。宗澤薨。 浙 提點刑獄 趙 哲率兵討之。 丁亥,詔 百 官坐蔡 丙戌,

京 春霖夏旱蝗,詔監司、郡守條上闕 土兵六之一 (、 王黼 擬 授而廢者 赴行在。 「,許自 乙未,以郭仲荀爲京城副留守。 新復用。 [政,州郡災甚者蠲田賦。 戊子 ,禁軍 中 抉 目刳心之刑 戊戌, 甲辰,以降授北京留守杜充復樞 錄內外諸軍將士 壬 一辰, 選江、浙州軍正 功。 갹 止

州 洏 北 月 甲寅, 、京東捉殺使李成 初 鑄 御寶三。甲戌,御集英殿策試禮部進士。 数; 辛巳,犯宿州。 是月,二帝徙居韓州 **罷殿中侍御史馬伸**, 尋責濮

密直

學士

,爲開封尹、東京留守。

特奏名 州 司 兵官 將官 九 賀師 進士皆許調官。 月 李政死之。 甲申 範 及金 1 進 人戰于八公原,敗績 甲午,金 叛 壬辰, 復寇准 人再犯永 召侍從所舉 西。 庚寅, 與軍 死之。 ,經略使郭琰棄城 褚宗諤等二十一人驛 賜禮部進士李易以下四百 丙 午,復所減京官奉。 退保 赴 行 義谷。 在。 五 丁未,東京留守統制 十一人及第、出身 癸巳 辛丑 陜西 金 人 八陷翼 節

秋 高里溫、 撻懶 破五馬 山砦, 信王榛不知所終。 馬 擴 軍敗于北京之清平

官薛廣及

金人戰于相州

敗死。

己酉

,郭三益薨

冬十月甲寅 命揚州濬隍修城。 閱江、淮州郡水軍。 楊應誠還自高麗。 戊午, 遣劉光

本

紀

第

+

五

高

宗

分道 進 世 擊于鳴皋 計 李成 拒 戦 又命 ΓŢŢ 戌 馬擴援之。 翟 進 禁江 ~戰死。 浙 閉 甲子 丙子 糴 , 癸亥, 罷吏部審量崇寧、大觀以來濫賞 命孟· 忠厚 粘罕 奉 圍 隆 濮 站 州 太后幸 遣 韓 杭 世 州 忠、 范瓊領兵至 楊進 止令自陳。 復 叛 ", 攻 汝 東平、 是月 洛 開 徳府 命翟 劉正

彦撃

j

進降之。

之。 軍 甲 11 大破 神 斬 辰 馬王庶爲都統制 犯晉寧軍 <u>-j:</u> 史斌 葉濃 新息縣 义 壬辰 -| -陷 、陷開 壬寅,冬至, 一月辛巳朔, 徳州 于建州 金 濱州 说德府,· ,守臣徐徽言拒卻之, 人陷延安府 成敗走。 兵馬都監趙叔皎(K)死之。 城下 財蓋進(+) 陷棣州 守臣王棣死之。 曲 祀昊天上帝于圜丘 提舉嵩山崇福宮李綱責授單州團 端 , 濃 高 所拘,奪其印。 遁 權 麗 而 國 知府劉選、總管馬 降 王王楷遣其臣 知 復謀爲變,張 以 府州 守臣姜剛之死之。 (魏行 匹 以太祖 折 川 庚戌, 미 印 充金 茶馬趙開罷官買賣茶,給引通 尹 水以城降。 忠皆 俊 彦 配, 立士庶子 國斬 國 頣 入 大赦 軍 遁 前通 艺。 見。 練副使 京東賊李民詣行在請降 通 金人陷淄州 弟習射補 判 乙未, 問 金 金人陷相州 府事 使。 萬安軍安置。 圍 金 魏彦明死之。 庚子 「陝州,守臣 官法。 人陷濮州 , 涇原 詣壽 守臣 商 是月, 李彦 兵馬 如政 寧寺朝饗祖宗 劉光世及 趙 執守 癸巳, 不試 王淵殲 都監吳玠 和法 節制 仙 臣 拒 死之。 楊 李 戰 陝 趙 粹 成 西 哲 卻 金

衆

留民為將。

初 府 府 下 命 提點 京 侍 修 東西 郞 國 刑 月 史。 獄 朱勝非中書 路 乙卯 郭永罵敵 制 己巳,以黄 置 7、太后 使權 侍 不屈 邦彦(公棄城 至 《潛善爲尙書左僕射棄門下侍 一杭州 郞 ,兵部尚書盧益 ,死之,轉運 , 扈 從 去 統 制苗 判官裴億降; 又犯濟南府 同知樞 F 傅 以 其軍 密院事 守臣 八千人駐奉 郎, 又陷襲慶府。 0 汪伯彥右僕射象 一劉豫 辛未,金人犯青州 以城 國 降。 TĿ 庚 甲子, 中書传 Ħ 陷 ,金人陷大名 氽 J ` Ĺ 郎 11: 犯 内寅 顏岐 東平

是多,杜充決黃河,自泗入淮以阻金兵。

唐恪

追

落觀文殿

大學士。

戊寅

以禮部

侍郎

張浚兼

御

. 營參贊軍

事

了,教習

長兵。

致

仕

一余深、

金紫光

禄

大夫

致仕薛昂

並

分司

,

進

昌

軍

徽州

居住

(九)。

耿

南

仲再

青

單

州

别

于 辛 累 置 城南 朝 再 卯 兼 陷 御 招 三年 陝州 青州 容于壽寧寺。 討使。 其徒 都統邵興及金 正 , 又陷潍 Ŧ 月庚 京西賊貴 善教 辰 之,官 州 占城國 朔 仲正) 焚城 人戰于潼關敗之,復號州 帝在 軍 中敗績。 上陷岳州 一入貢。 而 揚州 去。 庚子 趣大金通 京東安撫劉 以京西 甲申 , 張用、王善寇准 以以 北 問 資 路 使李鄴、 洪洪道 政殿學士路允迪簽書樞 兵 、馬鈴 乙未、杜充遣岳飛、桑仲討 入青州守之。 轄 周望、宋彦通、 寧府, 翟 |興爲 守臣 河南 己 丑: 馮 尹、京 長寧却 ,奉安西京會聖宮 密院事 吳德休等往軍 ,西北路 其叛將張用 ٥ 丁亥, 安撫 部:「百 金 制

깯

本

紀

第

+

五

髙

宗

執 立. 官 准陽 聞警 結 鄉 守 遣 兵 家 臣 爲 李寬 厠 屬 復 避 兵 計 殺 轉運副使李跋 致物情動搖 御營平寇 左. 者 將 流。 8 軍 韓世 以 以 內 騎兵三千取彭城, 午, 忠 軍潰于 粘罕陷徐州 ,沭陽,: 其將 間道 守臣 張遇死 趣 王復 准 甸 及子 , 世 忠 戊 倚 产 1 3 死之, 1,至侧 鹽城 Ħi. 州 校 金 兵 趙

府、 以 郞 泰州 寇前 江 尙 制 卿 內 劉 劉 置 侍 引 光 **季** 次呂 俊民 將軍 秀州 便 陵 呂 鄺 守臣 世 金 态 月 頤 詢 阻 1城鎮 范瓊 駐 人陷滄州, 控 爲 浩 報 准 庚 太 曾 問 鎭 扼 金兵 拒金 爲 廟 戌 班 門祗 軍 江 自東平引兵 資 神 朔 金 以城降。 府 馬 主行 政 至,帝被甲馳幸鎭江府。 人, , 人入眞州 候 , 殿大學士、江淮 始聽士民從便避兵。 守臣劉錫棄城走。 控扼 敵未至自潰。 齎 禮 , 金兵追之,失太祖 部 書使 江 至 侍 進 口 壽春 郎 金 |縱兵剽掠 甲寅 張俊 軍 主管 ,其部兵殺守臣 制置 金人犯楚州 副之。 次常州 詔 馬軍司 3録用 己未 王, 使; 神主。 命劉正 是日 淵 又命勝非 張 楊惟忠節制 都 次秀州 誘 邦 御營統制 王淵請幸杭州。 , 巡 誅之。 一意部 守臣 昌 金兵過楊子橋 | 鄧紹 檢檢 親 使劉 兼御 | 朱琳降。 兵 屬 密 戊午,次吳江 、衞皇子、六宮如杭 命呂頤浩往來經制 王 光 江 營 仍命俊民持邦昌 亦謀據 丙辰, 東 世 副 軍 為殿前都指揮 使 命留朱勝非守鎮江 辛亥,金人陷天長 馬 癸丑 次平江 江 留王淵 寧 駐 縣 ,游騎至瓜洲 ٠, 江 命朱 不 府。 寧府。 州 守 胎金 長江 克 ·使,充行 平 勝 而 江 江 非 遁 E 是 111 准制置 以龍圖 約 節 夕 、太常少 在 制 和 以 金 御 以吏部 壬子 書稿 營平 發鎮 忠 平 Ξí. 閣 犯 軍 使

陽 高 財 州 L 以 損 茶 竄 屬 晉 鄭 准 待 徹 郵 温 險 戶 直 場 斥 餈 寧 NN. 制 要 承 上 部 以 0 者 省 Z 軍 浙 知 事 甲 呂 郵 姓 尙 糶 T 儀 爲 制 惟 江 戌 郎 金 頭 軍 名 書 物 卯 沿 置 濟 李 臣 州 浩 人去 葉 以 便 江 黄 守 官 陳彦文 百 徐 東 膳 綱 遣 備 夢 防 潛 臣 以兵 有 官 煮 徽 北 罪 將 揚 得 托 簡 服 善 .趙 流 入 在 言 , 出 陳彦 拔 州 為 土 (為沿 親 見 死之。 不 寓 監 汪 ó 宮宮 尙 暖棄城 之人。 赦 察御 辛未 伯 渡 書 入 分 應 人, 還 江 彦 命 江 左 之 迪 更不 癸亥 措 屯 恤 並 襲 浙 史林之平 丞 無 功 走。 金 京 置 詔 共 金 一、激爲 落 西 郞 職 放 御營使 使。 口 家 一餘兵 監 職 掌 以 下 還 潰兵 焚 0 上 者 司 詔 庚 右 揚 又命 爲沿 等官 中 召 並 罪 0 復揚 宋 풆 丞 州 司 馬 赴 ٠, 乙 己 用 進 唯 御 次崇 伸 海 , 朝 丑: 黄 犯 州 庚 己 掌 募 營 召 求 赴 防 參。 潛 泰州 午 Ē 朱 中 行 主 直 德 托 行 降 善計 癸酉 , 戊 勝 一豪守 軍 在 7 縣。 在 德 詔 募海 用 辰 統 非 五. 音 平 守臣 呂 御 卒 令 赴 千 軍 制 靳 罪 江 出 頣 舟守 史 有 赦 行 . , 張 賽 秋 鎭 贈直 .米 浩 綱 曾 中 凡 俊 雜 司 在 犯 垂 江 十 以 丞 從 班 邊 隘 具 以 犯 謝 龍 通 府 萬 脚 行 遁 張 溜 防 兵 死 舟 州 斛 圖 金 , 澂 張 常 經 壬 罪 常 八 襄 卽 閣 , 人。 壬 沒 言 戌 制 以 陽 湖 卽 千 拜 皡 潤 申 駐 並 杭 杭 下 諸嶺 守 同 世: 丙 馧 置 駐蹕 , 平 越州 秀常 歸三省 吳江 簽 囚 迎 忠 馧 黄 江 江 浴書樞· , 潛 小 軍 寧 放 杭 以扼宣 湖州 衣 詔 期 善 校 具 府 還 吏部 州 鮂 冠 密 寓 李 樞密 百 栫 -----陳 汪 院 民直 掊 居 平 在: 貨 大 軍. |金 員 東 伯 斂 常 叛 京 江 務 良 夫 外 X 歐 朝 據 民 府 家 陷 金 都 被 郎

本

紀

第

__

- | -

五

高

宗

_

畤

政 得 失。 是 月 了,以王 庶 爲陝 西 節制 使、 知京兆府 節制 司 都統制曲端 爲 鄜 延 經略使、 知

安府。張用據確山,號「張莽蕩」。

揮使、 招韓世忠來會。 侍 管 錫 使、 大 后 |傅 頤 罷 」, 分 于嶺南 赦。 郎 浩爲 忿 1 御營使司 盧螽 以盧益爲尚書左丞 簓 其衆隸諸 東京副留守郭 以 同 淵 江 月己 張澂 諸 聽 **彦等**叛, 南 驟 爲尙 州 得君 政。 東路安撫制置使、 卯 都 兼中 ·朔, 統制 書左丞 己进, 軍 擇已行 是夕 勒兵向 劉正彥怨招降劇盜 書侍郎 日中有黑子。 仲荀 _1_ ,正彥渭州 一,帝移 亥, 改元明受。 闕, 張俊 傅 進 未拜, 以東京留守杜充爲資 追 昭 御顯寧寺口己。 韓世 殺王淵 化軍 部衆八千至平江 還殺之。 知江寧府。 觀察使、 復罷爲資政殿學士。 庚辰, 忠爲御營使司 節度 張浚奏乞睿聖皇帝親總要務。 及 而 使。 內侍康履以下百餘 賞薄。 呂頭 副 以朱勝非爲尚書右 甲申 都 壬午,詔王 分竄 浩 統 一,張浚諭以決策起兵問 至江 制 帝在揚州 提舉 尊帝爲 政殿 內侍 寧。 傅等迫帝遜位 一行 淵冤進呈書押本院文字。 大學士 藍珪 御營都統制王淵同簽書樞密院 零聖 戊子 事 閹宦 人。 僕射兼中書侍 務, 高 以以 節 邈 孝皇帝,以顯寧寺爲容聖宮 帝登樓, 用 端明殿學士王孝迪爲 、張去為、 制 前 事 于皇子 庚寅,百官始朝睿聖宮 京 軍 恣 罪, 統制 東 横 以 , 約 西 魏 郎。 張旦 路 張俊為秦鳳 傅爲慶遠 諸將 呂頤浩 國公 辛巳, 多疾 殿 扈從統制 前 請 劉 降矿 审 副 葉夢得 事 光世 陳永 EFI 水 副 都 總 苗

率兵 IE 兵。 使、 東軍 使 午 軍 軍 以 波 張 統 節 苗 知 有 至 密 發 傳 宜 節 進 制 度 傅 後假 鳳 급 都 院 平江 傲 稱 寅 吳湛 爲 度 鄜 湖北 翔 請 堂 事 中 皇 贵 副 州 武 府 兵 二 尊 議 日 外討傅、正彦, 太弟、天下兵馬 大本(三)、吳時 當 使 主 劉光世 1中黑子 制置 太后爲 復 呂 癸巳、張浚命 管步軍 軍 張浚責 干; 英州 頤 辟 節 使 度 繼之。 沒。 戊戌, 安置 傅 太皇 楊 使 黄 司 等遂 張浚發平江; 州 惟 ; 太后 劉 盧 赴行 執黃 敏爲先期告請使。置行 黄 忠 大元 車 朝 丙午 劉 節 益 正 加 潛善、汪 練 睿聖宮 光世 彦 靇 制 少保, 大大本 在 不許 - 張浚同知 副 帥 爲 司 使 部 參議官辛道宗 武 呂 康王 下獄。 辛 丁未 張浚 伯彦 兵 成 頤 丑 郴 金 會 呂 浩至平江 軍 , 州 傅等以 呂頤浩 皇帝稱 頤 人陷京東諸郡 並 爲 節 次吳江 樞密院事,翰林學士 乙巳, 安置 浩 一分司 禮部 度 쬭 使 皇 勤 、措置 世 尚書),衡、 于 在都茶 0 太后降旨睿聖皇帝處分兵 俊等皆不 劉 一太姪 王 忠 奏乞建炎皇帝還 丹陽 水賊 光 兵 為定 、永州 , 及 海 世 萬 舶 場。 郊青入 劉洪道 監 呂 爲 不受。 人發江寧。 國 居住 丙 國 遣 太尉 頭 申 軍 呂頤 布 浩 李邴、 節 泗州 棄青州 ; 賜傅、 韓世 傅等遣 衣 並 腹使, 浩奏請睿聖皇帝 王孝迪、盧益 准 赴行 馮 卽尊位。 南 御史中 忠 幡 乙未 正 制 癸卯 張俊 自 持 彦 軍 置 書說 鹽 一駐 ٠, J 鐵 券 使 - 必鄭瑴 撻懶 馬 爲 城 再 |傅 朱勝非 臨 太后 公, 范瓊 重 貶 傅、 等以御 武 收 爲大金 平 以 寧 黄黄 事 散 呂 IE. 復 劉豫 並 軍 卒 潛 拒 爲 幀 張 善鎭 同 國信 勤 節 至 慶 傅、 簽 知 平 俊 聖 甲

本

紀

第

東平府,節制河南州郡。趙立復徐州。

門 禁內侍 巃 名 承旨 Z 都 尉 頤 吉 隆 上 浩爲 統 打 핾 御營副 ·平章事 馬瑗 供不急之物。 柳州 戦不 制 皇太后 夏 遣統 交通 尚 四 命張浚知 勤王 書右 勝 一月戊 () 停官 使 古陽軍 ,改門下、中書侍郎爲參知政事,省尙書左右丞。 넮 主兵官及饋遺假貸、借役禁兵、干預朝政。 博、正彦 所 舉行仁宗法度,應嘉祐條制與今不同者,自官制役法外,賞格從重,條約從寬。 王德、喬仲福 中朔 僕射兼 韓世 己酉、詔訪求太祖神主。 僚 樞 屬 編管。 元站 密院 永州 太后 忠為武勝軍 將 中書侍 引兵二千夜遁。 佐 石刻黨人官職、恩數追復未盡者,令其家自陳。 事 居住。 一進官有差。 斬中 下韶還政, 追擊之。 苗傅 ." 郎, 軍統制吳湛、工部侍郎王世修 吏部 節度使、 李邴尚書右丞,鄭瑴簽書 劉正彦並檢校少保。 ,皇帝復大位。 員外郎范仲熊、浙 癸未, 主管殿前 辛亥,皇太后撤簾。 御前 以苗傳爲淮西制置使, 朱勝非、顏岐、王孝迪、張澂、路允迪 左 司 軍 王元、 都統 帝還宮,與太后 制, 庚申 西安撫司主管機宜文字時希孟 左言並責官英、 呂頤浩、張浚軍次臨平 樞密院 張俊爲鎭 呂頤浩等入見。傅犯富陽、新城 于市 以李邴參知政事。 詔 劉正彦副之。 尚書左右僕射並 事。 御前殿 贈王淵開府儀同三司。 西 甲寅 軍 許中外直言。 賀州 節度使、御 垂 了 以劉· 簾, 、安置 庚戌, - ,苗翊、馬 是俱罷。 詔尊 帶同中書 詔行在職 光 世 樞密 前 復 太后為 丁 巳, 並除 爲太 以呂 右 紀 都 軍

王鈞 卯 事 官各 傅、正彦、苗 帝 甫 發 、馬柔吉罪,許其自歸。 舉 杭 所 州 知 瑀 留 倂 省 鄭瑴衞 苗 館 翊 學、 %、張逵 皇太后 寺 監 不放回 丙子 等官。 ,以韓世忠爲 , 范瓊自光、蘄引兵屯洪州 苗 餘黨 傅 犯 並原。 衢 江、浙制置 州 癸亥 千: 申 , 使 了; 以, 立子魏 · · ; 及 給 劉 事 光 中 是月, 國 「公旉爲 世 周 追 望 劉文舜寇豫州 討 爲 傅 皇太子。 江 正彦 浙 制 置 赦 己巳, 使。 傅 黨 Ţ 西

北

賊

薛

慶

愛襲據高

[郵軍

詹標 書門下 薛 康 防 黜 恤 托 其 陟 執之以 子 起 五. 省檢 復 高 召 庚 月 朝散 戊 郵 藍 癸未,以翰林學上滕康 辰 為慶 獻。 珪 TE. 苗 寅朔 官 等 郎 ||傅統| 洪皓為 辛 速還 , ,帝次常州,以張浚爲宣撫處置使, 省左 所留。 丑,張浚還自高郵 領官張翼 朝 右 大金通 乙未, 司 己 :II: 郎 斬王鈞 中二 H , 浚罷 韓世 同簽書 使。 員。 忠追 甫 復命知樞密院事。 l, 以御營前軍統制 樞密 苗傅裨將江池 亥, 馬柔吉降。 討傅、正彦 院事 以 徽 0 猷 閣 乙酉, 以川、 于浦城縣 辛巳,次鎭江府 殺苗翊降于 直學士陳彥文提 是月, 一變爲准 至江寧府、駐跸 陝、京**西**、湖南北路隸之, ,獲正彦 翟興擊殺楊進餘黨,復推其 南招: 周望。 ,遣祭張慤、陳 撫 , 領 |傅遁 使。 傅 神霄宮 水 走建陽縣, 軍 走。 己亥, 措置江、 改府名 張浚撫 東墓 復 聽 置 <u>-</u> 便 浙 中 建 詔

六 月戊 本 紀 申 第 朔 + 以 五 東京留守杜充 高 宗 引兵赴行在, 命兼宣撫處置副使, 節制淮南、京東西路。

徒

劉

口口

拒官

軍

臣下 沿 民 主管 府。 如 右 人之德,四日失馭臣之柄。 招安苗傅將韓雋。 賞 石 公家屬 分功司 冮 江 一 配 措 記享神宗 表 殿前 諫 辛酉 ,以久雨 八百司 袁植 置副 南去者,有司毋禁。」金人陷磁州 逐 司 乙卯,命恤死事者家, 龍植 以久陰,下詔以四失罪己:: 使。 請誅黃潛善及失守者權邦彥等 廟庭,以司馬光 庶 召 乙 丑 知池州 府 郎 甲戌,移御 非軍 官已上 戊午, 以建 旅之事 , 以趙鼎爲 言闕 命江、浙、淮南引塘濼、開畎澮 康 行 配。 仍榜朝堂, 府路安撫使連南夫 者, 宫。 政 且錄其後。 王 右司 並令從行。 乙亥, 呂 |善攻淮寧府不克,轉寇宿州 頤浩請令實封以 徧諭 諫 一日昧經邦之大略,二日昧戡難之遠圖,三日 詔 九人。 癸酉 諭 升浙西安撫使康允之爲制置使。 天下, 使知朕悔過之意。 股與輔臣宿將備禦寇敵, 中外:「以迫近防秋, CE兼建康府宣徽太平等州制置使。 , 置 韶:「朕方念咎責己, 樞 聞 密院檢詳官。 ,以阻金兵。 遂 用 司勳員 統領 請太后 Ī 以 以帶御器械 庚申, 外郎趙 冠戰敗之。 右 贵 應接中原。 司 率宗室迎 可盡以過 皇太后至 鄓 测鼎言, 丙辰, 中劉 李質 甲寅、四 失歸 官吏士 奉 劉光 嬣 卯 建 神 無 11-於 司

是夏,賊貴仲正降口也。

進 韓世忠檢校少保、武勝昭慶軍節度使、 秋 七 月戊寅, ,贈王復爲資政殿學士。 御營使司都統制 己卯 親慮囚。 辛巳, 范瓊自洪州入朝, 苗傅、 劉正彦伏誅。 以瓊爲御營 癸未,

四六七

置 周 使 賜 \equiv 斥 Ξi. 洪 住 H 使 省 望 還 金 道 副 死 Ti 申 司 使。 軍 棄 鄕 디 以 提 樞 子 詔 前 簽 里 皇 |維 知 舉 密 弟皆 以 太 書 乙巳 州 廬 院 苗 庚子 辛 樞 子 遁 州 行 流嶺 事 , 卯 患 密 劉 事 胡 來 詔 院 之 舜 扈 , 務 張 州 南 升 諡 變 江 事 陟 從 守 浚 杭 元 西 後 0 爲 , 太后 發 將 懿。 劉 州 當 軍 准 庚 閩 行 洪 張 爲 統 寅 軸 西 如 戊 在 道 臨 成 廣 制 大 制 洪 復 安 子 舉 仙 臣 辛 置 荆 州 城 辛 青 府 企 井 不 使 鄭 湖 降 丑 州 宗 監 能 瑴 楊 諸 , 王 壬 為 知 執金 鄕 身 薨。 惟 路 辰 江 T 一變與 貢 都 衞 忠 惠 亥 州 進 統 亭 社 將 己 言 教 權 稷 制 靳 向 者 兵 丑: 间 以 邦 李 大 萬 賽 叉 范 朱 以 彦 時 命 猷 論 人 遇 勝 瓊 資 兼 雨 學 槍 以 池 跋 非 政 本 合 上 杖 瓊 衞 乙未 扈 殿 路 戦 書 顏 院 手 逼 無 大 制 敗 , 岐 草 0 以 遷 狀 遣謝 乞選 學 置 績 夏國 徽 杜 Ш 收下 路 上 使 東 宗 充 亮 允 立 王 書 賊 壬 同 及 迪 綯 大 使夏 宗 金 寅 郭 迎 知 理 並 參 子 人 大 仲威 樞 77. 獄 落 命 國 犯 金 係 知 密 張 職 李邴 屬 政 國 陷 院 分其 邦 事 Ţ 東 表 人 准 事 昌 張 本付 心 四 · 兵 兼宣 兵 陽 澂 滕 安 瓊 遣 康 軍 部 隸 撫 衡 解 帝 張 撫 權 崔 尙 州 使 神 怒 處 翟 縱 書 劉 居 知 武

使 學 劉 權 文 同 舜 知 入 酉 <u>=</u> 舒 省 移 州 樞 浙 密 西 己未 安 院 撫 事 太后 司 于 甲 發 寅 鎭 建 江 王 康 府 庶 龍。 丁 庚 卯 戌 以 , 遣 徽 李 杜 猷 邴 時亮使 閣 鼅 直 學 壬 金 上 軍 前 以 知 慶 吏 陽 部 府 尙 - 발 \pm 似 劉 珏 陜 爲 端 西 節 明 制

興

引

兵入

汝州

興

賊

É

俊

戰

敗之。

本

紀

第

望 八 月 Τ 丑: 朔 以 胡 舜陟爲沿江 都制 置 使, 集英殿修撰王羲叔 副 之。 T 亥 帕逵掠

遠以 允文 甲辰 詔 使守太平 中書門下平 水 、准宣撫使守建康 制 軍 **介節制** 密 置 次鎭 殺 使 州降金。 、池州 軍 (唯用兵聽便宜,餘事悉禁。 江府。 使 是月, 郝璘 事 靳賽詣 0 並受充節制。 知濟南府宮儀及金 賜陳東家 庚寅, ,前軍統制王瓊隸之,韓世忠爲浙西制置使守鎭江 率 衆 劉 降于王躞。 起居郎胡寅上書言二 光 金。 世 降 丁酉 張浚 、太后至洪州。 人數戰 次襄陽 壬寅, 己 丑 , 帝發建康, 復還浙 于 以呂頤浩守尚 招官軍 密州 一十事 ٠, 、義兵分屯襄、郢、唐、鄧 兵潰, 己亥,減福建、 呂頤浩 書左 儀及劉洪道俱奔淮南, 不悅, 西, 僕射 張俊、辛企宗以其軍從。 罷之。 廣南歲上供銀三之一。 , 杜充 劉光世爲江東宣 辛卯, 行右 ,以程千秋、李 。 命杜· 僕 射 守將 充 並 李 撫 兼 同

周望 知 巾 煙州 耶律余觀, 江 州 爲 辛亥、次平江 九 국: 兩浙、 月 奶 丙 丙 . 辰 午朔 再责汝州 團練副使, 起復直龍圖 荆湖等路宣撫使, 遣張邵等充金國 府。 日有食之。 壬子,金人陷 閣向子諲代之。 課報金 總兵守平江 軍前通 英州安置。 單 人治舟師, 州 問 丁巳, 興仁府 使。 翰林 癸亥,賜宿、 金 蠲諸路青苗積欠錢。 將由 ※
遂陷 人陷沂州 學士張守同簽書樞密院 海道 南京,執守臣 窺 泗州都大提舉使李成軍絹二萬 江、浙, 卻高麗入貢使。 凌唐佐 遣韓世忠控守 辛酉 事 降 知 鼎 張浚 命 劉光世 州 癸丑 圌 承 邢 山 制 倞 移 坐 罷

使。 潭州 成 庚午,以工 尋復 禁卒作亂 叛 部 己巳 侍 ,謀竄不果, 郎 湯 以 胡 東 野 舜 向子諲 陟 知 爲 平 兩 江 隨 浙 府 招安之。 宣 兼 浙 撫 西 司 參 制 謀 甲戌, 置 使。 官 = 金帥婁宿 辛 未 知 鎭 追 江 復 犯 鄒 府 長 浩 陳 安 邦 龍 , 經略 光 圕 爲 閣 使郭琰 沿 待 江 制 都 棄 壬 制 申

适,河北賊鄭瓊圍光州。

專總 卯 府。 州 李成 庚子 是 几 冬十月丙子朔, 帝至杭州 月 Ш () 陷 涨 戊戌, 財賦 , 陷黄州 京西賊劉滿陷信陽軍 州、殺守臣向子伋。壬 金人自黄州 初命東南 復如浙東。 庚寅,渡浙江 守臣 韶按察官歲 趙令晟死之。 八路歲收經制五 濟江 ,殺守 Ê 劉 一所發擿贓吏姓名以爲殿最。 辰,帝至越州。癸巳,命提舉廣西峒丁李棫 光世 臣 辛丑 |趙士負 引 一項錢輸 軍 張浚 郭仲威詣 · 遁 以同主 行 知 江州 在 盜 周望降, 入宿州 一管川、陝茶馬 韓梠棄城 張浚治兵于興元府。 庚辰, 望以仲威爲本司統制。 殺通判盛脩 去。 趙開爲 禁諸 金人自大治縣趨洪 Ë 軍擅入川 隨軍 市馬 金人陷壽春 轉運 、邕州 使,

陷 夕 罪 無 戊 爲 釋流以下囚 軍 金帥 守 臣 元朮 |李知 犯 ,聽李綱自便,追復宋齊愈官。 和州 幾棄城走。 守臣李儔以城降, ,太后退保虔州 通 判唐璟死之。 貴仲正 江西制置使王子獻棄洪州走。 犯荆南 己酉, 兵馬鈴轄渠成 張浚出行關 與戰 陝。 斬

十一月乙巳朔,

金

人

犯廬州

守臣

「李會以城降。

王善叛降金,金人執之。

丁未

沼降

雜

本

紀

第

+

五

高

宗

豐縣 傅松 兵 府 越州 州 敵 統 京 壬 事 守臣 馬監 、奉累朝 沿 戌, 李積 制 忠人舒州 金 卒 卿 右 陳淬 |金 |金 人陷 知 中以 奎 車 爲 押 人 以 陳邦光、戶部 縣 人犯建康府 蔡延世 周 犯 選 都 浙 御容至 岳飛等及金 事 臨 統制 吉州 東防 (城降; 望 攻 趙訓 、 殺通 冮 陷 可 軍 遏使。 撃却 張俊為浙東制置 知樞 行 鎭 之死 守臣楊淵棄城走,又陷六安軍 江 在 判孫知微。 守臣吳將之遁。 撫、袁二州守臣王 密院 之。 尚 陷溧水 詔 之。 人戰于馬家 書李松 淮 太后發 奉安于 甲戌 西 事 金人 [兵馬 7,縣尉 , 吉州 庚申, 仍兼 迎 至太和 天 都 兀朮 拜 使從行。 〉慶觀 潘振 渡 戊午,遣 監 , , 兩浙宣撫使守平江 ,次太和 一仲山 ,王變以 金人陷眞州 通 殺 王 縣 死之。 判楊邦乂拒之。 宗 楊 尋命 望以 御史中丞范宗尹 邦 孫 太后 王 縣 义。 軍 悟等充金國 · 勍 節制 仲嶷皆降 癸亥,金人陷太平 濠州 先 遁 自萬安 護衞 韓世 己巳,帝發越州, 守臣向子忞棄城去。 降于金。 准 統 淬 忠自鎭江 , 〈陸行 西 制 .放 癸酉 軍前致 殿前都指揮使郭仲荀 軍 |准 杜彦 績,死之。 多 馬 如 賊 是月, 知政 虔州 以 劉忠 反後 帝 州 《書使。 引兵之江陰軍。江、淮 拒 如明州。 事 金人。 犯 次錢清鎮 0 乙 丑 軍 ٥ 主管 張浚至秦州 丁卯 蘄州 金人陷洪州 楊 辛酉 辛 以以 世 未, 步 甲子 , 金 雄 下 /檢正 軍 ,太后至吉州 韓世清 人犯建昌軍 率 爲副 兀朮 言 詔 庚午 , 衆 諸 閭 回 杜 叛 酸守越 桑仲自 入建康 勍自 逆戦 浙 充 權 房 , 宣 復 犯泳 遣 西 公 知 破 都 州 撫 還 迎 事 西

唐

州

犯

襄陽

,京西制置

使程千秋敗走

,仲遂據

襄

陽

司

軍、宣 巳,帝 陷 擁 廣 丑: 亂 衆 德 叛 次昌 帝 撫 命 軍 ,犯鎭江府,殺守臣胡唐老; 二月乙亥朔,張浚承制廢積石軍。 、處置 呂頤 乘 ·, 殺 樓 國 守臣 船 使 浩等伏兵 次 司 定 一周烈 都 乙未,杜彦 海 統 二世。 制 縣,給行在諸 執實等十七人斬之。 乙酉,兀朮 犯潭州 劉光世引兵趨南康軍。 辛巳,陷常州,守臣 軍 殺通 犯臨 雪寒錢。 丙子,帝至明州。 判孟彦卿、趙民彦。 安府 甲申、張浚承制 辛卯、留范宗尹 守臣康允之棄城走, 壬 午, 周杞遺赤心隊官劉晏擊走之。 定議航海避兵 拜涇原經略使曲端爲威 丁丑,江、淮宣撫司準備將戚 金人屠 ア、趙鼎一 洪州。 于明州以候金使。 錢 ,禁卒張寶 塘縣令朱剛死之。 戊戌, 等單行 金人犯 武 大將 金人 癸

校勘記

移幸温、台

癸卯,黃潛善卒于英州。

李成自滁州引兵之淮西

安撫

使

李鄴

以城降

,

衞

士唐琦袖巨石要擊金帥琶八不克,死之。

郭仲荀棄軍奔温州

秘閣: 察間 修 爲 撰孫 叛 兵 所 昭遠爲亂兵所害 殺, 與張遇焚眞州 按繫年要錄卷一二, 事無 關 孫昭遠係因金攻西京,率應下南去行至陳、

(三) 范世延 繫年要錄卷一三、中興聖政卷三都作「范延世」。

經 略 使 統 制 官 曲 端 「統制 官」三字原脫,據本書卷三六九本傳、繁年要錄卷一 六補 <u>-l:</u> 文六月

本

紀

第

+

Ŧī.

校

勘

記

四七二

「涇原經略使曲端爲節制司都統制」,「經略使」下亦補「統制官」三字。

金人入洺州 「洺州」,原作「洛州」,據繁年要錄卷一五改。

「權罷」二字原脫。繫年要錄卷一六、中興聖政卷三都說:六月乙卯,成都府路

轉運判官斯博文權罷邛州鑄鐵錢。」據補。

權罷邛州鑄錢

(七) **(** 云) 蓋進 趙 叔皎 汁朝綱要卷二一同。繫年要錄卷一八、北盟會編卷一二○、中興聖政卷三都作「**為**進」。 「皎」,原作「昄」,據本書卷四五二本傳、繫年要錄卷一八改。

元し 2 京東西路制置使權邦彦 進昌軍徽州居住 按「進昌軍」他書未見,本書卷三五二余深傳、 「東」字原脫,據繫年要錄卷一八補。

軍 」,「進昌軍」當誤。 繁年要錄卷一八都作「臨江

6 李跋 繫年要錄卷一九、宋史全文卷一七都作「李祓」。

顯寧寺 本書卷四七五苗傅傳、繁年要錄卷二一都作「顯忠寺」。

黄大本 原作「黄太本」,據下文及繁年要錄卷二一、王明清揮鏖錄三錄卷三改。

音 馬瑗 繫年要錄卷二二、中興小紀卷六都作「馬擴」。

晉 傅正彥苗瑀苗翊張建不赦 傳、繫年要錄卷二二、中興聖政卷五改。 「苗瑀」,原作「苗竬」;「張逵」,原作「張達」。 據本書卷四七五萬旗

本 紀 第 __ + 五 校 勘

記

呈 建康府路安撫使連南夫 連南夫事蹟,詳韓元吉南澗甲乙稿卷一九連公墓碑和陸心源宋詩紀事小傳補正卷二「連南 「連南夫」,原作「連南天」,據繫年要錄卷二二、二四和中興聖政卷五

夫」條。

改

云 是夏贼貴仲正降 「是夏」,原作「是夜」,按繫年要錄卷二四在建炎三年六月下說:「是夏, || 貴

仲正 破岳州,韶遣兵討捕,既而起復奉議郎、通判襄陽府程千秋招降之。」據改。

글 以胡舜陟爲兩浙宣撫司參謀官 「兩浙」二字原 脫,據繫年要錄卷二八補

긋 殺守臣趙士負 「趙士負」,本書卷四五二作「趙士眞」, 繁年要錄卷二八作「趙士員」, 未知孰

是。

둧 常州」上,據本書卷四五三劉晏傳、繫年要錄卷三〇乙正。 辛巳陷常州守臣 周杞遣赤心除官劉晏擊走之金人陷廣德軍殺守臣周烈 「金人」兩字原置 陌

宋史卷二十六

本紀第二十六

高宗二

寇京西,屢爲桑仲所敗, 戌、雷雨又作。 甲子,泊温州港口。 乙丑,以中書舍人李正民爲兩浙、湖南、江西撫諭使,詣 夜,大雨震電,乘勝破定海,以舟師來襲御舟,張公裕以大舶擊退之。 丙辰,詔原兩浙州郡降金官吏。丁巳,婁宿陷陝州,守臣李彦仙死之。己未,金人陷明州, |俊引兵去, 午,帝次台州章安鎭。己酉,遣小校自海道如虔州、己問安太后。庚戌,金 太后問安。 四年春正月甲辰朔,御舟碇海中。 丁卯,台州守臣晁公爲棄城遁。 浙東副總管張思政及劉洪道繼遁。 至是爲其黨所殺,復推劉超據荆門軍。 乙巳,金人犯明州,張俊及守臣劉洪道擊卻之。 虔州衛兵及鄉兵相殺,縱火肆掠三日。 癸丑,貶郭仲荀汝州團練副使,廣州安置。 戊辰,滕康、劉珏罷 辛酉,發章安鎭。 人再犯明州 劉可 li, 仍奪 轉 丙

本 紀

笰

二 十

六

髙

宗三

又陷

同州

張浚遣謝亮使夏國

,至則其主乾順

已稱制

淡溪。

是 職 月, 己巳 金 V 攻楚州 換 給 僧道 守臣趙立 度牒, 人輸 拒之。 錢 十千。 金人犯邠州 辛未, 命臣 曲端遣涇原路副總管吳玠 僚條 具兵退之後措置之策、 拒戰 駐蹕 敗之于彭 一之所。

陷汴京 宗 罷。 郴 吏王 州 棄 獄 卯 新 州 火城去。 三 乃去。 引兵 州 <u>金</u>人 永興縣 丙申 李成 暕 11/J 二月甲戌 、還臨安。 復以盧益 陷 標湖 劉价三、趙聿之戰死,向子 權留守 入 , 甲申 **俭人陷醴州**,守臣王淑棄城去。 秀州 、舒州 以金 北制置使傅雱招諭孔彥舟)朔, 戊戌, 上官悟 癸未 禁逃卒投刺別 兵退, 「爲資政殿學士,李回端明殿學士,並權知三省、樞密院事。 甲午, 酈瓊率衆降于劉光世。 金游騎至平江 虔州 金人入平江 出奔, 肆赦 知蔡州 鄉兵首領陳新 爲盜 軍。 程昌寓棄城 張浚承制以陝西制置使王 所殺。 丙戌, 周望奔太湖 縱兵焚掠。 諲率兵奪門亡去,金兵大掠, ,彥舟聽命,因以爲湖南、 金 率衆數萬 庚寅 是月,張浚自秦州引兵入援 叛將傅選詣虔州 南 人自 歸。 臨 辛 帝次温州 守臣湯東 鼎州 迚 安退兵,命劉光世率兵追之。 圍 城 民 、叛將胡友 白 鍾相 似 虹 野 一乞降。 亦 知成 貫 浙 遁 作 東防遏使傅崧卿 日 11 都 亂 屠其城。 亦犯 乙亥,奉安祖宗神御于 府。 捉殺 鍾相 茶陵 自稱 虔州 罷諸路: 使。 陷 縣軍賊 楚王 澧州 丙子, 金人自明 金人陷潭州 與新戰,破之, 荆南守臣 入越州 武 乙未, 丁亥,金人 臣提 殺守臣 一千餘 杜充 點 犯

頤 浩 訰 三月 幸 浙 癸卯朔 西 丙 孔彦 午, 舟 趙鼎 入鼎州 言金兵 去 金人去平江 未 遠 . 一遂緩其行。 統制 陳思恭以舟師邀敗其後軍于太湖。 T 未 命 發運 司 說 諭 兩 浙 富民助

以 備 巡 幸 辛亥, 遺兵 (部員 外郎 馮 康 國 等無論 荆 湖 南 北 廣 南 諸 路 壬子 , 金 人 入常 州

監 經 臣 略 周 司 者一二人。 使 机 鄭思戰敗死之。 棄 城 去 辛酉 甲寅 遣 御舟發温州 丁巳,金人至鎮 盧 益 及 御 . 管都統 宣 江府 加無司 制辛企宗 韓世 節 制 忠屯 軍 奉迎太后 馬 焦 李允文部兵至鄂州 Ш 寺邀擊之。 東 還。 丙辰, 詔 侍從官各舉 金 御營前軍 犯終南 可充 將 楊

在。己巳,戚方陷廣德軍,殺權通判王儔。

甲子,張浚請便宜辟官不許衝改。

戊辰

,孔彦舟擊敗

鍾相,禽相及其子子昂,檻送行

勍

叛。

績 房州 夏 知 厄 金兵退 楊晟死之。 月癸酉 乃還 蠲 己 江 西 U 癸未 州縣兵盜殘破民家夏稅。 以 ,帝駐 觀文殿學士朱勝非爲 越州 甲申 下 詔 江 戊寅 西、 親 征 湖 吳玠及金 巡幸 南北 浙 宣 撫 西。 人戰于邠州彭原店 使。 韓世 是 忠 日 起軍 ,張浚引兵至 揚 子 江 敗

戚 要 軍 金 節 方 制宣 度 人歸路 使、 州 醴 泉觀 屢敗之, 劉 光世 使。 遣 兀 命三省、 統 朮 制 引 王 軍 樞密院 德 走 建康 誘 誅劉 同 文 班 乙酉 /舜于 奏 事 , 饒 以 韓世 州 御 史中丞 忠 丙 及 申 元朮 趙鼎爲翰 用 趙鼎 再戦 劾奏 江 林學士 中 呂 金 1頭浩 , |服 乘 固 罷爲鎭南 風 辭 縱 不 拜。

忠

敗

兀

渡江

屯六合縣。

丁酉,

復以趙鼎爲御史中丞。

戊戌,

振明州被兵民家。

縣 悉 平。 以 張俊爲 是月 浙 金 西、江 人犯江西者自荆門軍 東制置使。 辛丑 北 ,王德破妖賊王宗石于信州貴溪縣 歸,留守司 同統制牛皐 潛軍 寶豐擊 敗之。 執其渠帥

撫使。 住。 安鎭 承州 軍 店、 張淵等官。 以 趙 六部侍郎。 之,方引去。 分 于 江 張守參知 宣 . 東 位 州 、李成、吳翊、 了; 敗 置京畿、淮南、湖北、京東 五 是月, ···, |滁 月甲辰 西爲 長 敗死。 軍 、濠州 癸亥, 政事、趙鼎簽書樞密院事 鄂州 劉超據荆南,分兵犯峽州,又合叛將彭筠犯復州 乙卯,王綯罷。 是夜、紫微 T 甲寅,金人陷定遠縣,執閭勍去, 壬子 以范宗尹爲尚書右僕射 IJĮ, 李彦先、薛慶並爲鎭 詔中原、淮南流寓士人,聽所在 |霖, 江 ٠, 州 金 慶及金人戰于 和州 垣 一人 焚建: 池州 一內有 無 丁巳,命劉光世移軍捕戚方。 三路 西路鎮撫使。 爲 康 赤雲亙天,白氣貫其中。 軍 府 |承州 ,執李梲、 置 成,舒、蘄 撫使:興, 安 以白金三萬兩賜韓世忠 兼御營使。 、撫使。 城下 Z , 陳邦光 丑 累敗之。 河南 謝不屈死之。 靇 州 翊 升高 諸 郡附試。 光、黄 辛亥, 府、 而 路 去; 帥 郵軍為承州 戊辰, 癸丑, 孟汝唐州 臣 楊勍犯 淮南 統領 州 兼 甲子 制置使、 巨師古擊戚方于宣州 推西敗將崔增陷焦湖水砦。 軍 詔 命江、 赤心 彦先 宣 婺州 , 臺諫等官各舉所知二人。 (四); 周望 撫 贈戰歿將孫世 隊 以 司 浙州縣祭戰 諸州守臣 海州 統 罷,尋分司,衡州 軍 **翟興、趙立** 立, 戊午,復置權尚書 制 馬 、淮陽 岳 劉晏及戚方 楚泗州 飛邀擊 兼管內安 詢 死兵民。 軍 劉位 ; 嚴泳 數敗 居 戦

河 東 制 使王 俊 舉 兵 及 金 人戦 襄城 敗 復潁 昌 浚 承制以 金、 房州 热 利

癸 兵 慈 職 寧 荆 子 軍 建 陽 安 F 赴 勝 緔 酉 利 官 州 准 公安 非 縣 行 襲 以 六月辛 寧順 遣統 軍 爲 癸未 甲戌 在 職 戚 知 敗 執其黨陳 軍 方 江 建 昌 制 州 辛 庚 犯 裨 未 ; 康 府 陳思 召 罷 路 程 將 朔 卯 辰 府 湖 劉 御 安撫 蔡州 李在 昌 州 權 營司 光 恭 誠 蠲 妖 置 寓 安 邦 來降 世 討 紹 |鎭撫 賊王宗 大使, 一吉縣 彦 死 0 鼎 勍 赴 興 辛巳, 之。 爲 府 行 以 澧州 使六人: 准 范宗 合江 丙 詔 石 在 郭仲 \equiv 1 南 張 等伏誅 戌 慮 縣 丑 等 ; 俊 湖 尹 威 甲 囚 南 以 陳求道 路 以 申 捕 爲眞 兼 兩 田 陳規 呂 制 之。 劉 米 申命 路 知 頭 置 岳 光 轉 樞 壬 浩爲 一發運 揚州 狁 德安 有 戊 世 密 運 詔 襄 破 侍從、 院 爲 寅 部 陽 使。 建康路安撫大使 權密 鎭 戚 府 兵 都 , 事 府 討論 撫 方 更御 爲 轉 臺諫、 滁 鄧隨 州都巡 使 于 復 運使 御 Z 釐 廣 州 前 濠 前 亥 Ē 戚方 德 郢 五 鎭 、王蝬遣 諸 巡 崇 漢陽 州 檢徐文率 軍 撫 軍 再貶 衞 將 寧以來濫 詣 爲 使 集 軍 , 范之才 軍 張俊降。 乙 神 劉 議 劉 ٠, 周 ٠, 光 統 酉 武 望昭 光 位 駐 解 世 領 部 , 軍 世 爲 蹕 賞 潛 爲 鍾 林 為兩 兵泛海 賊 化軍 事 金、 庚寅 都 閨 相 御 張 宜 荆 等追 鼅 營 僞 統 浙 均、 節 文 南 將 諸 五. 制 來歸 路 孝 楊 度 召韓 房州 府 襲楊 州 胡 軍 安撫 副 勍 所 源 派 爲 楊 殺 使 歸 犯 勍 世 差 勍 引 浦 大使 甲 峽 處 忠率 兵入 涌 命 等 馮 武 連 州 州 其 副 焚 東

本

紀

第

+

六

高

宗

 \equiv

舉兵

化化伐

,自六合引兵趨陝西

置 樞 密院 幹辦 官 远 員 郭 仲威犯鎭江府, 遣丘飛擊之。 是月, 兀朮聞張浚在秦州

癸丑 之。 便。 湛禽李合戎于松滋縣。 劉 撫 鄕 自 遣 開 司 者 平江 使。 豫 導。 府 陳 統 並罷。 爲 己酉 儀 復 制 秋 崔增 盡還當得恩數 官 李 辛 同 詔江、浙、福建州 酉 三司 月癸卯 綗 王 呂世存、王俊復 國 犯太平 乙巳, 銀青光祿大夫, 闢 號 建州民范汝爲作亂, 齊。 犯 丙 馮長 戊 辰, 州 房州 劉光世援宣撫使例, 申 戊辰, 寧復順昌府。 張俊合諸 守臣 ()守臣 韓世 以 縣, 是月,張用據漢陽 郎州 孔彦舟爲 罷提. 郭偉 許翰 · 諭豪右募民兵據險立栅, 防遏外寇。 忠、張俊 韋 、其餘 知幾棄城 領 將戚方等兵萬餘赴行 拒卻之。 命統制李捧捕之。 揩 顔岐 辰 張浚罷 並罷。 州 置 沅 端端 縣 茶 乞便宜行事 多迎 走。 鹽 明殿學士。 乙卯 軍 靖州 曲 司 己未,禁閩、廣、淮、浙海 端都統 降。 庚戌 沿江措置副使李允文招降之, 鎭 金人徙二 己巳, 、 楊勍 後 撫 乙丑,復李邦彥以下十九人官職 軍 使。 制 不許。 在 張浚貶曲端階州 將 詔 受劉光世招安,尋 王闢 王 帝自韓州 張浚獻黃金萬兩 丁 丁巳,申命元祐黨人子 未, 躞部兵 詔: 叛 以劉光世爲集慶軍節度使、 庚申 、路歸州 軍 之五 屯信州 舶 興以來諸州得便宜指揮 以以 居住。 商 或 販 岳飛為通 城 鈴轄 復 助 Ill 以便宜徙鄂州 程昌 级 軍 東, 丁 甪 劉 去 田 卯 I寓遭 慮爲 孫 光 귦 泰州 迫泉州。 言 金 恭擊敗 干 世乞移 金 無司 州 將 聽 立 自 鎭 X

路副總管,以右軍統制馬友知漢陽軍。

|州 縣 貶 與 武 直 停 汝 首 衡 統 大 大 昭 等 程 州 曲 永 招 制 進 一慶軍 八戶 淵 千 肼 Ξí. 揃 以 后 故 並 秋 縣 靳賽 月 州 御 游 内 甲 至 居 部 事 官 營 節 午 戌 辛 孙 住 侍 自 翮 以 度使。 司 未 壬 團 || || || || || 治體 文州 郎季陵以論宰相范宗尹 防 0 知 命李成 朔 辰, 戊子 參 練 己 海 虢 議官 副 丑: 者。 編管。 以 0 盜 道 州 贈 , 使(合) ·禮部· 以 入 邵) 薛慶及金 詔岳 主 監察御 梅 1 饒、信妖 劉 興 擇仁 癸酉 吳翊 州 遣 邁 丑: 尙 光世遣王德、酈瓊以輕兵渡江。 紙 統 , 書 史常安民、 殺 救 權 州 捍 以 剖 制 人戰于揚州 選 楚州 放城平 . 禦 上 安置 守 河 皡 克家 神 閻 臣 東 世 武 興 沈同 制 流 忠 台黜 (及金· 参 中 赦 仍 置 甲申 爲 命 軍 左司 知 之, 使, 翊 檢校 州 宗尹 城下 政 劉 親 棄城去 戰 徒 事 大 光 兵 陳萬 諫江公望 Ш 少 以下 掠 ٠, 0 于 世 六 完岩首 復 死之。 師、 遭 信餘黨 白 解 而 王 記書 ; 刑 兵往 申 囚 人 領 武 以 番 東 爲 成 韋 成 李成 蠲 郭仲威奔興化縣。 癸巳 援 左諫議 凸 雷進 感德 忠佺 乙未, 爲 癸未 屢 民 禁 破 四 請降 今年 中。 字 作亂。 爲 軍 之。 命 州 , 盧益 卯 遇金游騎于召伯埭, 都 節 大 - 役錢。 鎭 福 于 甲戌 , 夫 度 統 漁使。 建安 金 杜湛 江 罷。 至 使 制 人 州 酉 , 陷 《撫使程 沼 貶滕 渡 , 宋用臣、 張俊檢校 張浚復永 命李捧 仔 錄其後二人。 焚慈利 詔 承 辛巳, 江 從官 州 排 康 計 邁 削 犁 永 侍御史沈 便道 馮 命 會 日 賊 州 少保 、興軍 陳思恭 長討范 賽 石門 敗之。 同 員 復 劉 張 過 庚 都

本

유근

第

+

六

高

宗

 \equiv

戊 權 議 戌 湖 南 官 以桑 副 王 總管 以 仲 寧率 爲 寒陽、 兵 劉 綱以乏食率兵奔溧陽 拒 之,以寧敗 鄧隨郢州 鎭 遁 去 撫 使。 宣 是月, 撫 司 主管機宜文字傅男在彥 罷提 舉 廣 西 峒 Ţ 孔 彦 舟 舟 軍 入潭州 中 -, 承 制以彦 宣 脈司 舟

金、 州 均、房州 戰 存 霖復和州 位. 丑 諸 于北京。 。 官 屿、 路 涇原 官 又 決 九 陷 軍 軍 月 M · 皆 潰 敗 房安撫使王彦及桑仲戰于 保 同統制李彦琦及金人戰于洛 進犯白 辛 績 安 庚戌 李成遣馬進犯興國 甲 丑 · ; |捧 軍 ·辰 丙寅 呂 十關。 遁去。 癸亥, 徽宗 |頭浩 禁宣 , 給 皇后鄭氏 入 劉光 撫 金人犯揚州 内辰,復增 張浚遣 見,請益 司 僚屬 世 軍。 **犒軍銀** 都統 崩于五 便宜 兵,命王 平麗縣, 左右司 戊午, 制 統 河 行 二萬兩、 劉 車渡 制 國 事 錫 靳賽逆 躞 郎官爲四員。 城 , 荆、 敗之。 統 及京西 敗之。 巨師古、顏孝恭兵隸之, 絹 五 戊 襄賊趙延壽犯德安府, 路 戦 申 一萬 兵 王 于港 , 命秦 闢 及金將婁宿戰 湖 Z 匹。 計 卯 南 河 金 鳳 彦降。 北路 戊辰, 人攻楚州, 靇 將關師古領 敗之。 中書門下省檢正官 勿隸川、 趙延壽 辛酉 于 金 富 人陷 趙立死之。丁 分屯 陳規拒卻之。 焚野州 以兵赴行· 李捧擊范汝爲 陝宣撫司 平縣 延安府 境內。 浚駐 在 節 金 壬 執 桑仲陷 人 邠 制 劉옗 Ė, 寅 己未 / 陷 |楚 于建 州 呂 |趙 +11-癸 僭 詔

多十月庚午朔,張浚斬環慶經略使趙哲于邠州 貶劉錫合州安置, 命諸將各領兵歸本 州

鎭

撫

使李彦先

來

救

,兵敗死

企宗 劉 柔 降 府 入 甲 以 世 路 南 涌 申 簽 金 錡 見 康 /F Ŀ 救 華 命 泰州 + 浚 計 退 軍 書 人 劉 入 楚 舉 楊 命 丙 援 兵 范 示 州 屯 樞 洪 退 惟 楊 午、岳 月癸 保 劉 汝 密 道 瓦 圍 忠 利 伺 爲 亭 院 惟 秦州 忠 招 桃 追 Ţ 王 便 忠 據 降 復 事 卯 亥 源 戊 派 襲 쬭 之。 李 躞 縣 岳 王 棄泰州 申 以 金 秦檜 兵 凹 慕洧 子 邦 討 州 恢 李 人 屯 環 彦 頤 平 李 西 以 過 日 回 浩遣 慶 江 爲 遂 觀 成 江 卯 大 渡江 淮 孔 南 州 同 引金 禮 縣 路路 震。 文 , 至 彦 知 馬 部 殿 巨 白 統 丙 舟 是 進 樞 率 人圍 Z 尙 子 師 制 火 面 辛 丁未 月 爲 密 未 犯 古救 書 百 學. Ш 慕 , 湖 以 , 院 江 1官遙 環 洧 馮 南 岳 事 州 孔 秦檜自 李允文 州 0 江 叛 金 長 彦 飛 0 副 一善餘 拜二帝 州 附 辛 人 寧 總 舟 破 庚 卯 犯 呂 于 棄 管 爲 金 寅 未 爲 〈殺岳 |楚州 夏 頤 泰州 城 虔州 鼎 進 人于 , 浩 國 遭 程 部兵 去 所 乙卯 金將 州 前 昌 澧 復 友 , 敗 承 賊 尋以 守 派 南 擁 寓 涇 御 屯 辰 州 李 衆 撻 臣 退 原 康 史 潭 師 改樞 敦仁 沅 袁植 保 臺 鼎 准 懶 軍 爲 統 州 古 丙 寧附 江 亂 制 奔 檢 州 軍 靖州 密院幹辦官 及弟 申 陰 中歸 張 法 甲 庚 洪 屯 擊 ·辰 軍 官 呂 中 劉 戌 州 詔 世 楊 滁 鎭 1謝嚮 沙 彦 頭 豫 于 劉 雄舉 華 州 撫 趙鼎 浩 命 Ŀ 漣 金 光 襲家 破 使。 神 招 水 會 經 江 世 爲 兵 芝。 楊 靇 略 武 以 東 范 軍 陷 節 計 戊 城 破 御 丁禩 汝爲 惟 賊 副 計 涇 議官 制 慶州 寅 押 軍 忠 史 乙巳 幹 張 原 諸 申 争 都 賏 辨 珙 水 鍾 鎭 石 馬 水 相 毕 統 經 趙 犯 召 瓶 丙 城 富 制 略 進 守 餘 建 劉 張 辰 縣。 使 戰 禦 浚 叛 康 黨 T:

本

紀

第

+

六

高

宗

=

子, 萬 東 金 和尚 人速援 人陷 均、 詔 諸路守臣節制管內軍馬。 房州 原 泰州 呂頤浩。 鎭撫使。 詔諸路轉運 丁巳,通州守臣呂伸棄城去。 祝友渡江 崔增犯池州 司 括借 一大掠。 寺觀 丙寅 劉 是月、 田 洪道 金、房州 租蘆場三年。 張浚退軍 造造統制 王彦攻桑仲于黃水破之,房州平。 賊 李貴擊 郭 |興州 希犯 歸州 秦鳳副 走之,增以兵萬餘詣呂 田 總管吳玠收餘兵保大散關 祐 恭 擊卻之。 命王 頭浩 張浚以彦爲 一變部兵 降。 甲

湖 州 曲 爲江南 馬進分兵犯洪州。 端左武 、川、廣上供皆拘之。 總管劉惟輔戰敗之,殺五千餘人。甲午,再犯熙州 招討使,討李成。 大夫, 月庚午,安南 興州 乙丑,李敦仁犯撫州崇仁縣, 居住。 請入貢,卻之。 壬申, 丁酉,范汝爲降,詔補民兵統領。是月,張浚承制復海州團練副使 命孔彥舟援江州。 辛未, 遣度支員 命李山、張忠彦行討之。 丙子, ,惟輔軍潰,被執死之。 外郎韓球括饒、 禁節制軍 馬守臣 信諸州錢糧, 便宜 壬辰,金人犯熙 乙未, 行 事 以張俊 凡江、 ŗ

是减 這無處置 司始令四川民歲輸激賞絹三十三萬 匹有奇。

囚, 復賢良方正直言極諫科, 紹 興元 年春正 月己亥朔,帝在越州 蠲 兩浙夏稅、和買紬絹絲綿 门,帥百 [官遙拜二帝,不受朝賀。 減間 中上供銀三分之一。 下 詔 改元 釋流以下 戊申

犯 踮 江 111 守臣 康 倬 壬申,初定歲祀天地、社稷,如奏告之禮。 癸酉

本

紀

第

+

大

髙

宗

三

今 不 端 史、 至 酉 趨 丑: 亥, 爲 以 撫 改 今未 江 討 阴 呂 命 司 、提舉江 李敦. 詔:「太祖 謝克家罷。 平建陽 殿 西 歷縣令者勿除監司、郎官,不歷外任者勿除侍從, 張 頤 治 鬼。 學 浩爲 俊 上王王 池 爲 T 州 賊 相 巳 江 江 江 太平 創業垂 劉時舉。 易簡 推 東 司 壬子, 쀵 呂 其 路 路 軍 觀 頤 安撫 等二百 上 鼎州 招 統 浩遣 蔡延 閬 應 詔京官、 討使。 |金 |人 襲 州 大 德 王 世率 人皆遇害。 使, 居住 封 被 江 復 變、 犯秦州 人 萬 南 知縣並 江 朱 名, 鄕 崔 世 東 尋 勝 兵 池 增擊賊于 依 移 非 擊退之。 路 西 神宗 堂除, 恭 故 吳玠擊敗之。 江 己 路 爲 州 事 西路 酉 各 江 詔 舉 , 置 東 內外侍從各舉可任縣令者二人 湖 封 行 安撫 岳飛 賊曹 轉 子 口 四 運 孫 , 路 大使。 成 引兵之洪州 庚戌, 司 大 人 , 、敗之。 分 人爲 入漢陽軍) 再 著爲令。 荆 荆 置 馬 湖 又犯 湖 環州 安定郡 進 東、 頤 江 陷 浩 ,李允文招之, 張中孚以原州 南 西寧州 西路 及楊惟· 金人犯 江 諸 王 是 州 州 月 轉 世 爲 張浚復 守 迎 忠引 揚州 守臣 世 荆 臣 司 勿 湖 姚 通 犯贓 叛降 絕。 兵 俱 成 東、 掌 舜 曲 趨 重 謝嚮率范汝 入 明 兩 西 端 于 自 江 鄂 連 迎 路 路 念。 棄 荣 言 州 |斧 坐 州 城 財 和 置安 州 賦 末 刺 復 自 辛 字.

以 友 辛 知 一月戊 楚州 辰 庚午 朔 宜章縣民 , 改 行 宮禁衞 李冬至二 所 爲 作 行 在 皇 犯 城司 英、連、 李成 郴 《黨邵友 諸 犯 祝 筠 友降 州 , 守 劉 臣 光 Ē 世 庭 分 ||発伸自 秀泉 其 軍 城

棗陽 友 月 陝 賊 張 躯 , 辰 俊 水 李敦仁 掠 人即 掎 己 引 城張 酮. 角討 漢 卯 兵 雹 陽 置 還 榮 犯 E 捕 襄 而 司 癸巳 1 1 入 汀州 類省 陽 去 馬 通 有 進 一,邵青 州 過岳州 黑 等 試 j 子 馬 賊 丑: 癸 , 友遣其黨 寇宣 丁 几 未 廊 守臣 酉 內 日 姃 州 戌 詔 乃 將 吳錫 宣 辛企宗 没。 李永 復 犯 教 内 郭州 申 置 郎 遁 以 琦 范燾坐 秘 , 及 辛 友據之。 叛 書 詔 企宗 謝嚮 諸 總管張用 省 犯 路 誣 罷 慶 爲 提 己 訟孟忠厚 遣范 陽 福 刑 丑 府 建 司 拒 , 汝爲 制 一卻之。 以八八 命 置 戊 孔 寅 月類 兵 使 且 彦 李允文以 及 舟 禁州 汝爲 公太后 辛 省 呂 Ė 試 不 郡 頤 浩 聽 以 統 除名 友權湖南招捉公事 張 秦 命 兵 張俊 浚 檜 官 多亦以 潮州 甲 參 擅 會兵 招 申 知 便 編管。 安 政 盲. 計 詔 例 事 合 李 王 jili, 戍 Щ 是 浴, 于:

申 干 合兵 路 饒 一中子 宣 州 丙 劉 撫 午 擊 月 超 李成 使, , 受 上 戊 庚 犯 張 戌 戌 澧州 俊、 治 朔 于 揚 皇 張 楊沂 湖 統 州 詔 俊 以 口 為天下 嚴 楊沂 中、 經 制杜湛率兵拒之。 書 大敗之。 衢 岳 中 屯 -兵馬 豜 複 田 州 渡 擎馬 守臣 大元 江 庚子 光 1撃馬 世 進 柳 帥 , 芝 于 約 張 進 甲子 筠 不 趙 後以 李處 霖 河 大 ,始下詔罪|李成, .', 敗之, 八敗之。 以 富平 動 聞 甲 有 寅 之敗 治 辛亥, 孔 復 効 能 彦 筠 上 諸 舟 州 疏 各 詔 州 焚掠 赴 待 進 冤 進 募人禽斬 行 罪 職 行 奔 潭 在 錢 州 江 詔 等 州 免 命 趨 劉 呂 衡 卯 赦脅從 男子 光 王: 州 頤 寅 活措遣 世 金 雈 兼 己 禁諸 紹 定性增 破 四 淮 脯 階 南 張俊 李 路 許 州 京 稱 成 遏

糴

庚

東

越

犯

躞

74 八 七

並

是 奔 追 嘶 月 馬 州 進 金 至 人攻 振 准 州 張 南 榮 進 京 戰 縮 東 敗 頭 湖 西 遁 流 水 去 砦 民 , Z 榮 荆 丑: 擊敗之,來 湖 俊 東路 復 江 安撫 州 告 捷 ر ا 使 向 楊 劉 子 沂 光 中、 世 說 以 降 趙 榮 馬 密 友 知 引 泰 , 兵 與共討李冬至二, 州 追 撆 金 進 人迫 义 大 賱 敗 州 平之。 張 浚 成

圖 待 制 知 元 府 兼 利 夔 兩 路 制 置 使 節 制 陜 西 諸 路 桑仲以 其黨. 李道 知 隨 州

退

保

閬

州

以

端

明

殿

學

張

深

爲

四

Л

制

置

使,

及

參

議

軍

事

劉

子

羽

趨

益

昌

參謀官

庶

涇 州 復 原 叛 帥 階 夏 犯 州 四 趙 當 彬 月已 統 塗 領 犯 縣。 耀 杜 E 州 肇 張 金 , 復 守臣 浚 將 階 承 撻 州 趙 制 懶 澄 分 渡 馬 擊 利 准 友 · 走 , 引兵 慢 之。 屯宿 劍 入 准 遷 潭 賊 縣 州 寇 政 馬 樂湖 宏 五. 戊寅 犯 州 濠 爲 州 利 壬 杜 申 州 琪 庚 路 • 棄 太 辰, , 澧 置 白 州 畫 隆 經 略 祐 見 劉 皇 安 超 太 撫 乙亥 入 后 使 據 之。 崩 劉 庚 光世 癸未 午 , 卯 張 復

城 |仲 扼 四 險要, 陷 走 爲 鄧 太后 州 四 防 頤 守 孔 制 浩遣 彦 期 將 譚兗 舟 年 統 入廣 服 制 棄 閻皋、 城 辛 仍許 卯 走 通 河東 脅從自 羣臣 判 了建昌 招捉使王 三上 新以招諭 軍 一表始 蔡延 俊 聽 世 引兵 之。 政 襲 擊 是月 、來援, 癸巳 李 敦仁, , 京西賊李忠陷商 |仲 命向子 執 禽其弟世雄、世臣 斬 之,以其黨李橫 諲 發兵及 州 廣 守臣 西 安 知 楊 撫 州 許 伯 孫 中 同

諸 州 官 Ŧi. 撫 月 使 内 申 始 朔 奪 李 成 蠲 冮 西 戊 路 戌, 被 賊 以 州 張 縣 用 赋 爲 舒、 斬鎭 Ţ 酉 撫 詔 使 呂 |頤浩、 癸 卯 作「大宋中 勝非 劉 光 圓 世 成 淮

本

紀

第

+

六

高

宗

Ξ

九九

後,後命王庶分其兵。 編 招 爲 詔 堅 大 威 人 降之。 败 荆 收 州 以 犯 南 縣 之。 獻 和 尙原 鎭 因 伏誅 是月 彦 舟 甲寅 撫 軍 期 司 吳玠 措置營田官 徴 ,張俊及李成 趨 辛亥, 命 岳州 取民 擊敗之。 知 南 水軍 財物者, 犯鄂州 張用復叛,寇江 外宗 統 戰于黃梅縣,殺馬進 丙 樊賓爲 IE 制邵 午, 立 事 式 李允文以彦舟爲 令愿選 青 初 副 榜示 叛 復 西,岳飛招降之。 召試館職之制。 ,禁過數催 重 壬 车 太平 戌 幼宗子 劉 州 光世 成敗 湖東副總管 , 擾。 趙彬 將 招 育 庚 降邵青。 劉 遁 湖州進士 于 及 中, 歸劉豫 光世遣統制王 金 宮 屯 孔彦 中。 人 八合兵 漢陽 趙延 一吳木上書論宰執,送 舟 詔 收耆 圍 引 李忠、譚兗各率兵歸 壽據分寧縣 辛酉 慶陽 衆 一德襲 過 戶 一,以直 潭州 長 府 揚州 一役錢。 ",守臣 馬 秘 閣 友 楊 執 呂 己未, 徽州 宗 迎 郭 頤 印 組 仲

寧作亂 婁 允 去 杭 角克 文 , 琪 8 赴 六月己巳,始鬻承直、修武郎以下官。 入據之。 行 1 又犯宣州。 衆旣散, 在 書 清選 邵 癸未 青 志寧復與建陽民丁朝佐合兵陷二縣。 立 乙亥, 奕 張俊 繼嗣 舟 師 月犯 引 至 壬 大兵 鎭 午, ιĻ 冮 (至瑞 權費 庚辰, 甲申 昌 昭 一縣之丁 湖 1慈獻 復 賊 壬: 叛 楊 申, 册諡 烈皇 去。 家洲 華 后 楊 亥 于 戊子, 慮囚。 李允文 廣 皇太后曰昭慈獻烈。 越州。 犯 崇安民廖公昭合范汝爲 鼎 自 州 張琪 鄂 程 部 昌寓 犯 己丑, 兵歸俊 徽 州 拒 一卻之。 邵青犯江陰軍之 甲戌, 守臣 |俊井 郭東 張珙 餘黨 其兵 戸 熊 棄 縣 犯 護 城 zΚ

嚹 運 使 本 紀 又 以 第 _ 涇 + 原 兵 六 馬 都 高 宗 監 李彦 \equiv 琪 為 不路副總管,彥琪 、尋叛去。 四八 Ł

兵民 福 占 洞 元 Ш 洮 作 以 遣 東 先 拒 亂 安 海 遂 抓 州 取 蠲建 庚寅 郭 鎭 商 玠 撫 劍 虢 使 江 同 汀 李 討 西 州 州 熙 提 進 彦 邵 州 刑 張浚 武 叛 司 中 遣官 兵 軍 軍 承 租 連 統 制 1討之, 敗之。 制 以 是 耿 吳玠 月 進 破 , 桽 甲 垣 爲 知 虢 午 舟 陜 洞 州 師 西 天 廣 會劉 邵 諸 皆 賊 興 路 伏 鄧慶 光 屯 都 誅 盧 世 統 討之。 氏 龔富 制 忠 縣 遁 , 去 時 重 爲 南 關 南 河 安 癸 隴 雄 南 賊 E 六 州 統 吳忠 路 制 守 熙 盡 董 臣 河 宋 先 鄭 統 破 所 成 止 制 壇 破, 餘 之 뎲 階 劉 쬭 走 師

成

此是

鳳

洮

五

郡

鳳

翔

之和

尙

原

隴州

之方山

原

粘

罕

旣

得

陝西

地

悉

與僞

齊

罷 呂 俊 福 紙 破 壬 執 頭 擊 寅 爲 玉 [何 是 浩 邵 神 秋 虔 、代陽、 吉 此 月 男 赴 七月乙未 州 右副 赴 行 于 賊 濠州 常 行 在 陳顒 永豐 潔 軍 在 守 統 朔, 張 作 爲 臣 琪 制 張 以 以 所 亂 . 李 浚以 縣 犯 馬 敗 留 玠 命 饒 友 遣 棄 趣 軍 州 曲 權 撻 城 選捕之。 洪 樞 端 懶 荆湖 頭 密 州 去 屬 浩造 自宿 院 $\stackrel{\cdot}{=}$ 吏, 東路 準備將 彈 甲辰 閣皐 遷 以 壓 王 副總管 北 武 盜 彦 擊 歸 詔 領 臣 賊 數擊敗 敗 秘 公徐文 康 書省 之。 戊 辛 隨 趣 申 討之。 提 丑 討 李忠。 長 琪 點 孔 韓 貢 黨 封 夔 世 彥 伯 姚 通 路 戊戌 清 舟 趙 修 右武 興 刑 追 彬 降 日 獄 襲 統 來 吳錫 衞 曆。 張 制 琪 與王 潘 琪 走 將 復 丙 逵 張浚承制以彬爲 徽 庶 復 軍 入 午 一、後 州 邵 令話 雜 祁 劉 軍 州 治 門 光 癸亥 之。 將 縣 爲安定郡王 世 庚子 胡 遭 庚 江 辛 將 范宗 戌 等 酉 陜 喬 西 仲 張 尹

月 城 學 丁 自 清 寓 密 使。 紹 遣湛 院 刻。 敗 丑 賱 知野 - j ĵ. , 耐 九 張 重修敕令格 八 乙四四 珙 以土豪李祐代之。 率 月 募 以 浚 月 復 州 昭慈獻烈皇后 秦檜 甲 庚辰 **孙師擊敗之。** 殺 内 曹成 i 以 入祁門縣。 -午朔 往 曲 寅 李成 京東、 爲 端 杜湛及 掠 以 尚 式。 于 湖 張琪 孔彦舟 書右僕 在 恭州 河南 西台目 順昌 癸 劉超戰于彭山 神主于温州 黨李捧犯宣 壬午,命張俊遣 酉, 遣辛企宗移軍 獄 何察金、 字 爲 射、 , , 犯沅州 恐復謀亂 復以汪 卯 慚、 張 角 同 黃鎭 蠲 中書門下 部 齊動 徽 太 伯彦 州 與知復州 兵 州 ,爲所敗。 廟。 撫 至 遣 兵捕之。 福 JE. 使。 守臣李彥卿 被賊民家夏稅。 為江 使齊 瑞 州 戊寅 仍 平 昌 |東安撫大使。 丁 討熊志寧、胡江等諸 濟詔 章 李宏合屯 蠟 歸 卯 書諭 鑄紹 辛巳, 張 事 張守罷。 慰撫 兼 俊 以 及韓世清擊却之。 興錢。 知 准 知潭州 俊 超及楊華 瀏陽 樞 寧、 忠義保聚之人。 以用為 壬 密院事 以李回 辰, 蔡州 乙亥, 癸未, 既 吳敏為 置三省、 將 本 而 、楊廣合兵復寇鼎 賊。 參 攻宏 土,立 紹許 呂頤 軍 庚寅. 知政 荆 統 韓世清及張琪 浩遣 湖 邵青、張琪脅從徒黨 制 詔江東、 宏介潭 賞格 樞密 蔡州 事 束 復 **心將李鑄** 四 戊 院賞 李綱 鎭 ,募人禽斬成 富直 辰 西路 州 撫 廣 ,張守等上 (功房。 使范 柔同 資政殿大 南 州 復舒州 安撫使 路 戦 福 程昌 知樞 官. 是 椠 撫

斬

李世臣

以資政殿學士葉夢得爲江南東路安撫大使,

復

沿

建

康

府、

洪州

以王

> 類知池州,

楊惟忠

知江

州

並

兼管內安撫使,

率部兵赴官

丙

兼壽春等六州宣撫使。

庚

策 置 店 復 地 將 子 能 以 河 忠 張 南 呂 剪 還 联 党 颐 命 M 歸劉豫。 復 活爲尚 大机 宫 鎭 馬 陷 岩 友 屯 ij. 移 H , 州 實 書左 太宗 0 山 戊午 行封以 以戶 鄂 已 僕 並 州 乃 ٠, 墹 射、 部 巸 遁 禁福 尙 去 庚 大赦 有 書 戌 同中 建 效者 定轉運司 孟 辛 命宗室 書門下 庾 丑 賞以 郶 爲 , 諸 命 冮 抑民出 州 右 E Ŧ 平 東 監門 守 蹙討 饀。 西 臣 事 助 節 衞 |琪 湖 壬 兼 軍 ò 制 大 戌 東等路宣 知 J 錢 將 軍 未 樞 遺 馬 軍 密 落范宗尹 御 上 詔 院 史 世 銤 嵗 諭 1 捌 用 朝 再 制 世將督 遣 墾 元 置 Ţ 觀文 符 温 使 使。 省 末 州 殿 捕 太 謁 辛 王彦破李忠于秦郊 學士 書 丽 廟 諸 酉 建 人 陵 、子孫。 盗 詔 字 因 亥, 刀。 撫 ,合祭天 方 問 見 癸 有 初 河 建

長月

范 戊 置 行 庾 江 諸 汝 在 參 州 為 大宗 路 知 多十 居 崔 復纵 武 政 住 紹 月 尉 事 正 旭 Z 司 T 入建州 徽 伏 0 戊 卯 丑 誅 欿 寅 癸 , 以 詔 ||4| 四 以張 李允文 直 詔 守臣王 蔡京 , 兀 學士 邵 俊 朮 青以 爲 王 攻 恣 湯 浚 太尉 睢 黼 分舟師 和 東 阴 F 尙 專 野 棄 殺 原 赴 人實有才 冩 城 移 行 江 吳玠及 走 屯 賜 任. ~,辛企· 婺州 |淮 死 大 發 己 能 弟 理 運 宗 者 丑: 璘 壬 獄 使 退 · 公 , 午 力 升 屯 戦 舉 己巳, 劉 越州爲紹 初置 碿 敍 洪 大 州 擢 道 敗 王 見錢 招 Ź, 德 甲 李 降 興 阔 招 申 兀朮 巾 府 李 子. 邵 劉 罷 捧 靑 超 招 俥 **李成軍** 華旺 請 Å. 丙寅 降之。 낈 降,以 入中 身 \equiv 冤 īF. 朱 ٠, 庚 李男伏 超 以 勝 給 T 午, 守 王 非 开-申 光 軍 分司 以 食。 誅 州 孟 增

本

名

第

+

六

髙

宗

Ξ

才遣 豫遣 軍 知 "; 承州 將 將 臣 T Ŧ Ŧ 一吳必 順 世. 林 禽張 童 冲寇廬州 폜 濠州 統 琪 一、于楚州 制 劉 李山 光世 守臣 率兵拒之,衆潰 l遺兵· 王亨 檻送行在。 へ攻横 大 破 澗 Ź, Ш 壬 斬 辰 順 退 世 解圍 保 錄程 冲 光澤 去。 曹成 頣 縣 孫易爲分寧令。 及 褟 馬友戰于潭州 師 古 復秦州 癸巳 獲 成 郭振 、 敗還: 范汝 世解。 爲 是月 犯那武 劉

范汝 使 未 湖 進 使,神武 四 知三人。 一,楊華 幸 、廣 向 榜論 荆南 為 子 西宣撫使吳敏始受命置 諲 犯光澤縣 請降。 左軍 福建、江東羣盜,赦其脅從者。 丙辰 月乙未,葉夢得至 進攻 乙巳,以右 都統制韓世忠副之, 道 辛 程 李山 州。 昌 四 寓遣 命吏部侍 是 走 司 月,前. 諫韓璜 杜湛 信州 建 擊 司 康 知 郎李光節制 辛丑 楊 柳 黨富直 鄭州 `仍命械謝嚮、陸棠赴行在。 以詔招王才,降之。 州 華 李惟 續編 敗之。 柔, 戊戌, 辛亥, 徳以 臨 責監 紹 安 命張俊 詔移蹕臨安 升康州 興太常因革禮。 岷州 府內 潯州 外諸 來 及遣使持 稅。 爲德慶府。 丙申 歸。 軍。 張 , 吳玠始 以孟庾爲福建、江 琪 韶招曹成 己亥, 遣 伏誅 壬 桑仲 內侍撫問孔彥舟、 戌 壬子 遣 ,曹成犯安仁縣 請正 以婁寅亮爲監察御 人通 庚 詔內 以所部 戌 劉豫惡逆之罪, 書夏國 .外侍從 富直 西 赴 柔罷 桑仲。 荆湖宣撫 行 執安撫 各舉所 在 史。 己 荆 詔 丁

拒戰,大破之。己巳,遣吏部侍郎傅崧卿爲淮東宣諭使。 月乙 出: 吳敏 罷 丙寅 復置 樞 密院 都 承 旨 范汝爲遣葉澈 甲戌,遣江東安撫司統制郝晸、顏 寇南 劍州 守臣

孝恭 討建昌 軍賊。 乙亥,辛企宗罷,仍追三官, 率兵赴軍前自效。 Ţ 丑, 蠲諸路在官積欠。

詔官 向 子 恣棄城 戸名 田 走。 過 制 戊 者與民均科。 寅,以彗出,求直言。 以岳飛爲神武副軍都統制 增行在 職 事官職錢。 部 兵屯 遣駕部員 洪州。 外郎李愿撫 曹成 陷道州 諭

卯, 詔 枫 浙 分東、 西路 置提點刑 獄。 庚辰, 桑仲遣兵寇復州 守臣 俎遹 棄城去。 |]]] 字

已,復置 廣 西 提 舉茶 鹽司。 知海州薛安靖殺偽 都巡檢使王 企中,率軍 民以 城來 歸。 增諸路

爲鎭 酒錢 了以備 万 軍節 軍 度使。 費。 甲申 詔江西安撫 , 知龍州范綜、 司趣兵討 統制雷 捕 吳忠。 仲舉兵 是月, 復水洛城。 劉豫遣將王彥充攻壽 己丑, 起 復 陝 西 春府。 都 統制吳玠 桑仲

階州安撫孫注復洮州。龔富等圍南劍州。

遣李橫

復寇

金州

,王彥拒戰于馬郞嶺,大破之,

均州平。

蔡州褒信縣弓手許約叛,據光州

校勘記

虔州 原作「處州」,據繫年要錄卷三一、北盟會編卷一三六及卷一三七改。 下文丁卯、 二月甲

戌各條「虔州」同。

=劉 价 木 書 卷 兀 Ξi. 二趙聿之傳、繋年要錄 卷三一 都作 劉 玠」,「价」疑「玠」字之誤。

[三] 黃宗 繫年要錄卷三一、中興聖政卷七都作「黃琮」。

本

紀

第

+

六

校

勘

51

- (国) 以翟興趙立劉位趙霖李成吳翊李彦先薛慶並爲鎮撫使興河南府孟汝唐州 翟 興」下原行「孟
- 汝」二字,「河南府」下原脫「孟」字,據繫年要錄卷三三、中興小紀卷八改。
- (哥) 贈監察御史常安民左司諫江公望爲左諫議大夫 江 、常本傳改。 「左諫議大夫」,本傳作「右諫議大夫」。 「爲」字原置「安民」二字下, 據本書卷三四六
- 海州團 E練 副使 「副」字原脫,據下文和繫年要錄卷三六補。
- (七) 張忠彦 原作「張中彥」,據繫年要錄卷三八、中興聖政卷八改。
- (元) 九山 俊 五. 月丙 復江州 中朔 「俊」,原作「進」,據繫年要錄卷四三、北盟會編卷一 「申」,原作「辰」。 查紹興元年五月朔日是丙申,繁年要錄卷四四是日雖 四五改。

不載蠲江

西路賦稅事,但干支仍作「丙申」,據改。

- 餘杭「餘杭」下行「州」字。 īE. 說。「琪自安吉引兵至臨安境上。」不說至「餘杭州」,據刪 按本書卷八八地理志, 餘杭只是臨安府的一個屬縣,繁年要錄卷四
- 濠州守臣李玠棄城去 「濠州」,原作「珍州」,據繫年要錄卷四六、北盟會編卷一四七改。
- 知郢 州 曹成掠湖西 「郢州」,原作「鄂州」,據繫年要錄卷四六、汪藻浮溪集卷一六武功大夫榮

 $\stackrel{\sim}{=}$ 華旺 原作「董旺」,據繫年要錄卷四八、北盟會編卷一四八改。

州團

練

使

知郢州曹成等獎諭敕書改。

宋史卷二十七

本紀第二十七

高宗四

敗之。 ||陜||西 賊。 惟忠以楊勍 直 餘黨悉平。 言 癸丑,以張浚二一檢校少保、定國 叛將白常圍岷州 極諫科。 曹成 年春正月癸巳朔,帝在紹興府,率百官遙拜二帝,不受朝賀。甲午,詔復置賢良方正 (雖就招安,復謀作亂,誘誅之。 犯郴州永興縣。 壬寅,帝發紹興。 丙申, 賜楊邦乂諡曰忠襄。 ,關師古率兵破之。 己未,修臨安城。 曹成釋向子諲。 軍節度使。 辛丑,韓世忠拔建州, 韓世忠圍建州。 丙午, 辛酉,遣內侍任源撫問張浚。 劉豫遣兵犯伊陽縣,翟興及其將李恭合擊 帝至臨安府。 丁酉,蠲諸路元年逋稅。 范汝爲自焚死, 斬其二弟, 壬子, 遺韓世清捐 江西副總管楊 庚子, 石 陂

月甲子 本 ۴Ċ 第 二 十 ,楊華復叛,擾鼎、澧、潭三州。 七 卨 宗 四 詔立賞禽捕首領,赦貸脅從。 四九五 丙寅,命劉光世

將

銳

禁福 湛募 死。 初置 見, 乙亥,雨雹。 同執 建路 兵 軍 丁 丑 著作官 攻 司 政對內殿,論以進屯揚州 賊 `,非樞密奉旨,不許調遣。 , 私 分崔增、李捧、邵青、趙延壽、李振、單德忠、徐文所部兵爲七將, 周倫 有、 二員修汨曆。 丙子,以施逵、謝嚮、陸棠黨范汝爲,逵除名 私造兵器。是月,知商州董先 · 破之。 甲申 己丑 -, 以工 ,復荆湖東、西 減准 部員外郎滕茂實死節于代州, 光世迄不行。 南營田歲租三之二,俟三年復舊。 叛入劉豫 爲荆湖南、 庚辰, 詔監司避本貫。 北路 ,婺州編管; 金人陷慶陽府,執楊 南 。 贈 路治潭, 龍圖閣直學士。 嚮、棠械赴行在 壬午,程昌寓遣杜 北路仍治 名御前忠銳軍 己卯,劉光世入 可昇降之。 鄂。 丙戌, 俱道 申

桑仲 尉 清 哲 l 惠州 于宣州以歸。 戊戌, 如郢州調兵,守將霍明以仲將謀逆殺之,以其事聞 一月壬 吳开南 葉夢得罷。 辰 朔, 雄州 虔化縣賊李敦仁及其徒皆授官,隸諸軍。 命襄、 ,莫儔韶州 以李光爲江東安撫大使, |鄧 撫使桑仲收復陷沒諸 ´; 並 一居住 水賊翟 進 **兼滌、濠等六州宣撫使。** 郡, 襲漢陽軍 仍命諸鎮 庚子,金人攻方山原,陝西統制楊 乙未,復置 ·,殺守臣趙令戣 人無使互 江陰軍 相 罷 應援 江、准發運司。 李光執 靇 福 再貶徐秉 建路武 韓世

政援之,金兵引去。

辛丑, 又犯隴安縣, 吳璘等擊走之。

淮南營田副使王寔括閒田三萬頃

制 給 楊 六 沂 軍 中 耕 爲 種 神 武 丙 中 午 , 軍 復 統 置 制 中 非 癸 門下 丑: , 河 省檢正 南 鎭 撫 使 翟 省 興 樞 爲 密 院 部 檢 將 楊 詳 偉 所 殺 己 四 甲 以 寅 神 金 武 右 人 復 軍 自 中 水 部 洛 統

城 及 鈴 轄 陳 寶 等舉兵復順 溢 目 府 , 尋引兵歸,爲 僞 齊 所 逐 抖壽 春 失

來

攻

楊政

等

又

(敗之。

庚

申

曹

成

寇

賀

州

淸

水

砦

守

臣

劉

全

棄

城

去

是

月

知

壽

春

府

陳

,

,

平州 統 諸 各舉 壬 禮 申 軍 領 部 王 事 中 軍 進 夏 不得 釋 資 原 几 庚寅 福 率 張 流 月 偏 建 兵 德 寓 甲子 九 私 據 來 諸 士大夫三二人, 成 劉 離 州雜 ,曹成 城 以下二 缴 間 叛 徙 朋比 犯死罪以下囚 富 囚 居 陷賀 順監 白 守 |汴 害政 五 京 臣 州。 男子 一十九人及 張 以備 了。」諡 陳 是 錞 李勃為 顒 月 , 殺 任 孫 圍 使。 江西 當 第 王 傅 循 彦 稱徐王 塗 州 日 軍賊趙 出 縣 忠定。 大 , 焚龍 身。 破董 令 鍾 詔 召 庚午 川 進 先 大 Z 曰:「肸登 赴 縣 寇 于 猷 酉 行在 珊 ٠, 馬 命江 李綱 以翰林 昌 嶺 戊 ٥ 縣 關 子 庸 西安撫 始 壬 , 命 楊惟 學士 午 復 拜 相 ٠, 商 呂 命 詔 州 承旨 , 司 頤 忠討降之。 倚遇 內外侍從、 置 遣 浩 終捕 司 都 翟汝文 惟 福 督 均 州 之。 監司、守 戊寅 多 其 是 丙 知 所 寅 荆 政 薦 事 太 用 齊 賜

州 靇 後 苑 置 琞 都 月 作 督 癸巳 \exists 府 隨 高 軍 辛 麗 轉 遣 丑: 運 , 使 韓世淸以狂悖伏誅。 司 入 0 貢 1 酉 乙未 , 左 朝 知 奉 池 郞 州 孫覿 丙午. 王 進 坐 岳飛敗曹成于桂嶺縣 計 前 陸 知 德 臨 誅 安 府 之。 贓 汚 丙 申 貸 死 岳 除 猻 成 名 撃破 走連州 象州 曹成 羈 遣統 于賀

本

紀

第

_

+

ئا–

髙

宗

四

便。 制 明堂專 張 憲 祀昊天上帝,以太宗配。 追 擊 詔 破之, 諸 鎭 撫 叉 使非 走 郴 奉朝 州 旨毋擅 入邵 是月, 州 出 張浚命利 兵。 T 未, 劉 、變制置使王庶與知成都府王似兩易其職。 光世 賜 福 聞 建宣 父喪 撫 会官 司賞 1,特 軍 錢 命 + 起 萬 復。 聽 朱 勝 詔 自今 非 自

|襄、

鄧副都統制李橫、同副都統制李道合兵圍

野州

霍

明

遁

去

銷 從、臺省寺監官、 |念 Z 败 知 于 興 州 爲沿海 禁中。 酉 府 金屏障,詔有司毁之,奪康國二官。 縣 鎭 胡 撫 餘 五. 劉 呂願 思 使 月辛 庚辰,臨安府火。 姚 光世 制置使。 忠 丙子 浩出 上虞縣 酉 詔 遣 頤浩 , 觀察使已上各薦 王德追趙延壽叛兵至建平縣, 呂 師 以兵 監司 頭 湖 以, 一辆疾 戊子,手詔用建隆故 活總 田 部尚書權邦彥簽書樞密院事 神 守令 爲湖 不進。 武 癸未,置 師 後 ٠, 至 漑民 軍 條具省費裕國強兵息民之策。 常州 戊寅 一及忠 可備 御前 田 , 前 將 銳 海州 軍器所 帥 軍將趙延 庚午,詔 蠲太平州被贼之家夏稅。 兩 事 將 者二人。 賊王 命百官日輪一人轉對。 從 悉誅之。 行, 山 修建 壽兵叛于呂城鎮 甲 犯漣水軍 百官班送。 , 丁 申 以樞 康 , 卯 行宮。 親 丙戌 , 密將 罷 慮 兩 囚 總領 丁亥 辛未, 置修政局,命秦檜提舉 浙 領趙琦所部兵爲忠銳第八將 甲子 自 轉 是月 蘇復、 是歲 運 以中 兩浙 丁丑 選宗室子偁之子伯踪 以霍 司 郊之。 回易 張浚以參贊軍事 轉運 書門下省檢正 副統 ,延壽犯金壇縣, 明權 庫。 副 制劉靖 罷行在權官。 襄、 使徐 己巳,廢紹 鄧、 康 會兵擊 ||渣 官仇 或 詔侍 育 殺 图

子 11 知 興 元 府 黜 王 庶 復以 王似 知 成 都 府 謔 世 至 洪 州 造董 政招 曹 成 成 聽 命

在

庾、 撫 對 叛 移 東 降 山 皡 甲寅 北 僞 建 六月 脉 流 齊 忠班 府。 庚 寓 召呂頤 乙巳 寅朔 人。 ľilj 辛 乙卯 一,以 <u>i</u>: 浩 李宏 岳 權 以 那 赴 李横 引 韓 行 邦 屯 彦 世 在 駐 兵 忠遣 入 兼 爲 江 令參謀官 潭州 州 權 襄 統 參 郢鎮 庚子 制 知 執 解元 政 撫 馬 | 傅崧 事 使 友殺之。 以 巨 卿 劉 戊 李道 振 光世 權 申 入潭州 主 ٠, 鄧、 爲 甲午,李 管 仇 寧武 都 |隨 悆 督 兼 鎭 執 、寧國 府 制 李宏以 撫 綱領兵三千發福 事 置 使。 福 軍 詔 建 節度 路 寅, 邴 浙 使, 翟 辛亥 江、淮 汝文罷 韓世忠爲 州 免 宇 戊戌 諫 孔 令存 彦 官 輪

見。 丙 建 子 提 ,馬友 庚辰 舉 秋 市 七 舶 月 韓世 黨 辛 司 郝 四 忠 通 己巳, 討 率 悉 劉 蠲 兵 忠 Ŧī. 起 福 萬 復 建 駐 翟 諸 歸 兵于岳州之長樂渡,大破之, 宣 琮 州 被 爲 撫 兵 司 河 へ 之 家 南 戊 府 寅 田 孟 稅。 汝 知 廬 唐 壬 州 州 戌 王亨 鎭 , 撫 復置 復 使。 忠 安豐、 走淮西。 湖 甲 北 戌 提 壽 舉 春 靇 丁亥, 茶 縣 淮 鹽 東 司 路 己 詔編 卯 提 甲子 點 次建炎以 呂 刑 颐 獄 浩 韶 福

南 劍 州 月 王 元 壬 鼎 辰 捕 以 以 殺 孟 庾 兼 甲午 **液權同都** 安定郡王 督 江 一令話薨。 |浙 丙 諸 申,詔:郡守除罷 軍 癸巳 順昌 赴 縣賊余勝 闕 皆得 等作 5 踮 安 通 府 剉

本

紀

第

· -

+

七

高

宗

四

膳

輔

臣修闕

政,

罷修建康

御 钡 癸酉 陜 史明橐等五人宣論江、浙、湖、廣、福建諸路,仍降詔論官吏以遣使按察、勸懲、誅賞之意。 īļī 西 樞密院 禽 同 諸 舶 九 斬 以 中 月戊 幣 叛 급] 芝。 書 右 進 將許令自 奏稟, 朝 門 【午朔,落|秦||齊、 辛巳,以韓世 請 甲 下平章事 戌 大 給事 大呂源 甲子 新。 彗沒。 中、中 兼 壬戌, 忠 爲 知樞密院事。 以直 為江 書 丙子, 浙 己未,罷修政局。 舍 東、 |徽猷閣郭偉爲淮西巡撫使。 王倫自金國使還入見。 人 南 福建 復以 繳 東 駁 西路 郭仲荀 沿海制 了、臺諫論 戊辰, 宣 撫 置使, 爲 司空山賊李通出降,以爲都督府親軍統領 使 列, 武 辛酉 泰 有司 他帥 治定海 軍 以 遣潘致堯等爲金國軍前通 節 申 臣 彗出大赦, 度使。 一稱宣 審。」 縣 乙 丑 庚辰, 撫 知 詔:「墨敕 使 建昌軍朱芾撃 復以朱勝非爲尚書右僕 者 許中外臣民直 命 並罷。 福 建提 有不當者 壬 舉茶鹽官 午 問使, 石陂 ·, 遣 是監察 財余 許 兼

癸未 副 赋 仮 趙 開 ·,新 丁亥 初 作行 變 儿 宮 封右 Щ 南 鹽 門 監 法 成 門 盡權之。 衞 甲 大 申 將 軍 提轄 乙酉 、榮州 榷 太白 防禦使令時爲 貨 務 畫 張純 見。 峻立 丙 戌 准 安定郡 以 浙 知 鹽 興 法 元 3 是 府 月 王 增 , 似 韓世忠遣 其 爲 Щ 陜 總 統制 宣 領 撫 儿 處 III元 財

撃 劉 忠 于 蘄陽 大破之。 忠奔劉 豫

申 建 路 禁私 以 都 冬十月戊子 知 轉 造者 平 運 江 使。 府趙 是月 朔, 甲辰 鼎 7,顏孝 置牧馬監 爲 潘致堯至楚州 江 東安撫 恭 招降石陂 于饒州 、大使。 餘賊 通 庚 丙辰 判州 寅, 李寶等。 事 禁温 李勃伏誅。 劉晏劫其禮 台二 州 丙申 民結集社會。 幣奔劉 初置江 豫 一、 守臣 班 柴春 荆湖 度量權衡 戰 廣 死 南 戊

退 未 撫 戊 降王 師 寅 臨 江 + -范 安 進 大火。 汝爲 月辛酉 召侍從 餘黨范忠掠 吳錫 是 官條 月 陳顒 禽 關 王 陷汀 具 一後 師 龍 利 元 古 泉縣 害。 州 敗 武 僞 湖南 甲戌, 平 齊兵于 庚辰 縣 盜賊 犯|梅 命李 抹 詔宣 悉 邦 綱 循 平 Ш 諭 二州。 劉洪 五 馬友黨步諒詣 使 道 Z 焚所 丑 程 昌 至 初権 寓 州 縣 李綱降, 明州 解潛 建炎以前 鹵 會兵 田 網入潭州 圞 捕 已蠲 討 辛未 湖 稅 寇楊太。 其黨|郝 籍 議 將

范忠犯 處州 一月丁 亥朔 巨 師 古 命 引 神 兵 入廬州 武 前 軍統領 執王亨送行在。 申世景等 討 捕范忠。 甲午, 李綱 己丑 靇 僞稱 榮德帝 臨 安府 火。 姬 丙 申 氏 伏 振被

,

本

紀

郛

_

+

七

高

宗

四

浙 出 金 ||陜 陟 似 為 諸 . 身。 殺三千餘人。 犯 同治 廬 是 軍 江 多,金人犯 西兵 谘 事 甲辰,罷張浚宣撫處置使,仍知樞密院。 、壽等州 州 司 馬 詔都督府總治 ,守將邵隆退屯上津。 副鈴轄張 鎭 己酉,遣司封 和尙原,將士乏食自潰 撫 癸卯,川、陝宣撫司類試陝西發解進士,得周謨等十三人,以便宜賜進士 使 忠彦 金 冮 東西、 坐縱暴 員外郎周隨亨同撫諭川、陝。 侵 熙、 李横敗僞 湖北 秦, ,吳璘拔砦棄去。 嗣 浙 師 西 齊兵,復汝州。 古擊敗 帥 斯丁潭州 以知夔州盧法原爲川、陝宣 臣 經畫屯 之。 庚子 虔賊謝達犯 田。 辛丑 庚戌, 甲寅, 」,遺駕 張浚承 ,程昌萬遣杜湛討楊欽 命孟 孟庾自 部 制以歸 惠州 員 庾 同都 建康 外郎 一撫處置副使,及 來朝。 州 督 李愿撫諭 隸夔州 江、淮、荆 辛亥, 等敗)ĬĬ

年 春 正 月丁 已朔,帝在臨安, 率百官遙 一拜二帝,不受朝賀。 江西將李宗諒誘 ||戍兵

庚 寇 申 筠 州 金 人犯 統領 上洋 趙進 擊卻之。 李橫 破破 翟琮入 潁 順 軍 、西京, , 偽齊 知軍 禽僞 蘭 齊留守孟 和降。 邦 壬戌,金 雄 命諸路憲臣 人犯金州 洵陽縣。 狼提舉常平 以 仇念 司

爲 福建、 乙丑,韶中外刑官各務仁平,臺憲檢察,月具所平反以聞,歲終考察殿最。 內浙、淮東路沿海制置 使。 癸亥, 陳顋 圍 潮 州 不下 , 引兵趨江西 甲子、李橫復穎 金人陷金

求 11 祭大火。 州 未 岩 震 鎭 統制范温 電 撫 使 雨 以湯 王彦 雹 癸未,詔:民復業者 率部兵泛海 東)焚積 造 、野為 渾 聚 天 淮東 儀 退 來歸 保 安撫使。 李通 西 鄕 ,視墾田多寡定租額賦役。 爲 庚辰, 詔春秋望祭諸 其徒王 乙亥 庚 午 ,以李横爲 ٠, 一全所 罷 行 殺 在 宗 襄 IF. 壬 陵。 陽 申, 司] 府 , 命 命 張浚論奏王似不可爲副 乙酉,減淮 鄧 嗣 西 濮王 隨 外宗 郢州 一仲湜 ĪF. 鎭 移 、浙蠶鹽錢 兼 撫 司 判人宗 使。 福 州 丁: JF. 癸 酉 登、 萊 復

士: 副 命。 關 餘 Z E 行 丁 徐俯 夷 統 四 黨 復 庚子 戊申 制 劉 其 鄭州 餹 簽書 德 、京西 奏 風 圍 兵馬鈴 以宗 虔賊 遭 審 搦 舒州 玄朔 樞 招 統 破, 密院 撫使 己亥 子 周 制 李吉敗 轄牛皋 伯琮 升桂州爲靜江府。 十 事 吳玠遇金人于饒 隆 金帥撒離曷 西縣 爲 改 犯 壬子 和州 胡 循 僞 齊兵于 舜陟 |梅 彦 , 王全犯廬州。 防禦使, 奔達州 率兵 爲 汀 入興元府 州 伊陽 准 (與李横、 風關,王彦 己丑 西安撫 賜名 詔 几 , 統制趙祥等合兵捕 叉 Л 會 暖 殲 權邦彥薨。 甲寅,一 使。 經 大 其將 略使 横 震。 自 尋改 以 西鄉 辛亥 韶守臣至官半年 梁進之衆。 便宜 劉 張 貴州 子 浚 來會,金人分兵 以工 浙東賊彭友犯龍泉縣。 被被 命皋爲蔡、 羽 焚其 靇 卒 部尚 之。 職之命 1 丁未 城 書 庚戌 蠲廣 走三泉縣 唐州 席盆 , 王似 具上民間利害或邊防 以諸 攻關,統 東諸 以 鎭 參 李横為神 始 撫 知政 軍方 州 吳玠退 受宣 使, 被 制 潰 4 賊 郭仲 知 撫 卯 民 屯 翰 正 副 因 一家稅 敗走。 汝州 李通 杯 使之 仙 秘 压 不 Ήi.

本

紀

第

+

七

高

宗

四

引兵還興元

, 吳玠、劉子羽追擊其後, 殺獲甚衆。

拨。 Ŧı. 事 是月,張浚復以王庶爲參謀官,往巴州措置。 李橫遣 人 奏潁昌之捷,詔許橫便宜行事。 乙卯, 時金兵深入至金牛鎮,疑有伏,由褒斜谷 劉光世遣酈瓊等屯兵泗州 爲李橫聲

豫 王全降。 了。李横敗走,類昌復陷。

壬午,以韓世忠爲淮南東路宣撫使。 三月己未, 甲子,以趙鼎爲江西安撫大使。 詔岳飛捕虔賊。 壬戌, 申命統制巨師古部兵萬人屯揚州。 李橫傳檄諸軍收復東京。己巳,金人遣兵援劉 李綱遣兵擊降李宗諒,詔戮 胡舜陟 至廬州

鼎州 陝州 遣 轄史康民所部兵爲忠銳第九將。己酉,張浚奏王庶、王似、盧法原威望素輕,乞命劉子羽 齊 太傅、江南東路宣撫使。 統 一后爲昭慈聖獻。 知唐州 領 鎭撫使。己丑、詔江東西、湖北、浙西募民佃荒 夏四月丁亥,朱勝非以母喪去位。 張憲、王貴擊彭友,禽斬之。 楊太衆益盛 胡安中 來歸。 ,自號大聖天王,立鍾相少子子義爲太子,廣等不克討而還。 復舉五帝日月之祀。 丙申,偽齊李成攻陷號州 金人去興元。 劉忠爲部下王林所殺,傳首行在。 偽齊知號州董震及其統制 董先來歸,以慶權商、號 壬辰, 徙都督府于鎭江。 庚子,增文武小官奉。 ,董先、牛皋奔襄陽。 田, 蠲三年租。 辛丑,荆南統制羅廣率兵至 岳飛 辛卯,以劉光世爲檢校 軍次虔州 己亥,改諡昭慈獻烈 戊申,以浙西兵馬鈴 甲午,僞

吳玠並爲判官,不報。辛亥,徐文叛奔爲齊。

令、 請以 還,言金人欲 赴 踩。 嚴 韓肖胄等充金國軍前通問使。 寶 |原 董先爲商 直 文 州 行 至 尉、佐,境內妖民聚集不能覺察致亂者,並坐 大軍 閣 閬 乙亥,以方與金國議 贼繆羅等,捕斬其徒百人,魔賊平。 在 撫 五 直 諭 州 月 學士 張浚始 襄陽、 還鎭江。 内 詔李橫等收 虢、陜州 辰 重臣通使以取信, ,王彥爲保大軍 以 商 解使 翟琮 鎭撫 己 虢 軍 卯 事 還鎭 爲 , 使。 河南 詔 和 河 准 時 ,禁邊兵犯齊境。 南 徵 諸鎭 己論 承宣使, 南 府、 辛巳,罷 安化蠻犯邊,廣西 **遂寢出師之議。** 河 統制 南 孟 金牛之功 布 己未 解元戍 汝 衣王忠民爲宣教郎 僚屬將帥第賞 宣 鄭 庚午,以岳州 州 撫 命楊沂 泗州 以吳玠為 鎭 司 丙子 便宜 撫使 罪。 乙丑,罷諸 經略使許中發兵擊之。 餘屯江 ٠, 中 王彦 黜 知建昌軍朱芾討南豐縣賊, 有 招 董先爲 陟 數被兵, 利 捕 差。 復金州 州 北 , 至 嚴 州 路 庚辰, 州 副 在任守臣所 行 周隨亨、李愿宣 盜 使。 階成 **免今**年稅役。 在 賊 金兵 , 浚及子羽、 辭 T 鳳 Ė, 不 辛 州 棄均、房去。 受。 酉 辟 戊辰、楊沂中招降 制 遣 置 通 樞 建 押王 壬 使 壬申 剉 禽誅其魁 密 睦 戌 一庶、 劉子 計 親 似、 丁卯 潘致 韓世 宅。 劉 議 詔守、 錫 自 羽 廬 黄 以 忠 蔫 以 任

丁亥,禁諸路招 月 甲 申 朔、統制 納 准 北 人及中原軍來歸者 巨 師 古 坐違: 文韓世 忠 節 戊子,復元祐宰相呂大防官職 制 除 名 廣 州 編 丙戌 復置 触 諡 六 部 架 庚寅,詔 閣 庫

本

紀

第

+

+:

高

宗

四

以王林所部兵爲忠銳第十將。 降川 甲午,命王夔率諸軍討楊太。 陝死罪囚 釋流以下。 賞吳玠、關師古將士。 己亥,罷沿海制置司。 己酉,岳飛自虔州班師。 丁未,置國子監及博士弟子員。 壬辰,張浚至綿州 。辛亥,發兵屯駐虔、廣二州,彈壓盜 復奏王似不 一可任。 戊 申,

,州各三千人。是月,金人圍<u>方山原,王似命吳</u>玠發兵救之。

癸酉 減膳 張浚于道。 天心者。」頤浩等乃復視事。 丁 卯 ,禁屠,弛工役,罷苛嬈,命兩浙及諸路憲臣親按部錄囚。辛未,蠲紹興二年和市絁帛。 ,詔訪求累朝勳臣曹彬等三百人子孫,以備錄用。戊辰,王變以舟師發行在。己巳,詔 秋七月己未,復置博學宏詞科。初許任子就試。甲子,以久旱,償州縣和市民物之直。 呂頤浩等以旱乞罷政,帝賜詔曰:「與其去位,曷若同寅協恭, 交修不逮, 是月,四川霖雨,地震。 乙亥、朱勝非起復。丙子、泉州水溢壞城。 丁丑, 遣中使逆趣 思所以克厭

之三均取于民田,其一取之丁口。 撰、直館檢討官,命鄓官兼領著作郞及佐郞。 癸卯,罷諸路輸禁軍閖額錢。 八月己丑, 韶岳飛赴行在, 甲辰,以雨陽不時,蘇、湖地震,求直言。 留精兵萬人戍江州。 辛亥,孟庾自軍中來朝 戊申,罷都轉運司。 翟琮率兵突圍奔襄陽, 。己酉,詔:湖南丁米三分 。乙巳,復置史館修 詔屯駐其地。

九月戊午,呂頤浩罷。 詔:凡遇水旱災異,監司、郡守卽具奏毋隱。庚申,岳飛自江州來

中書 朝。 舍人、給 |//| / ` ||陜 統 領官 事 中, 吳勝敗僞齊兵于黃堆砦。 凡制 敕 非軍期機速, 必 先書押 丙 寅, 而後報 以趙鼎爲 行。 江西安撫制置 甲戌, 僞 齊王 一大使。 **彦先寇徐、宿** 壬 申 詔

撫使、置 州 南 西 路、舒 乙亥, 司 輸州 鎭江 以劉 府; 制置使, 光世為江 王瓊爲荆南府、岳鄂潭鼎禮黃州、漢陽 置司 東、 江州 准西宣撫 ; 主管殿前司郭仲荀知明州, 使, 置 司 池州 韓世 軍制 忠爲鎭江 置使, 兼沿海制置使; 置司鄂州 一建康 府、 准 岳 南東 孫 爲 路 言

統

制

楊

沂

中棄權殿前司。

己卯,吳勝克蓮花城

變進 法。 殺 知監陳烈。 兵。 冬十月癸未,朱勝非上重修吏部七司敕令格式。 詔寬私 禁州縣擅增置 壬寅 鹽 重法。 僞 齊兵逼 一稅場。 甲午, 襄陽 偽齊 李成 陷 鄧 州。 卻大 李横以 理國入貢。 糧盡棄城奔荆 T 辛丑 酉, 庚寅, 南 殘破州縣 南丹蠻莫公晟 加吳玠檢校少保。 知隨州李道亦棄城去。 視 戶 重 口 觀州 增損 立守令考課 壬 焚寶積 甲辰, 趣王

省除 戌, **駿討湖** 復置宗正少卿及寺監諸 、鈴曹姦 賊 弊。 戰于鼎口 戊辰, 不不利。 罷 諸 丞。 路 類省試。統制 為齊陷郢州 是月,王彦先引兵至北壽春,將渡淮。 石世達 ,守臣李簡棄城去。 及杜湛 合兵大破湖賊黃誠于 申禁私役戰士。 劉光世駐軍建康 龍 丁未, 陽洲 命三 庚

月己 以右文殿修撰王倫爲都督府參議官。 癸亥,詔監司、帥守察內外宗子病

渡;

又遣酈瓊駐無爲軍

· ,爲廬、豪聲援。

賊乃還。

本

紀

第

__

+

七

高

宗

24

復元祐 武官。 **砦**兵擅侵齊境 領 民害政 王渥等四軍聽程昌寓節制。 省 十科舉士法。 以 聞 庚午, 增 丁丑 吳全遇湖賊于陽武口,死之。 臨安府火。 ,命賓、橫、宜、觀四州市戰馬。 己卯, 甲戌, 蠲南劍州所負民間獻納錢十六萬緡。 禁掠賣生口入蠻夷嵠峒及以銅錢出 甲子,韓肖胄等使還。 戊寅,王 瓊自鼎州引兵還鄂, Z 省淮南州縣文 中國 丑,禁沿准諸 乙亥, ,留統

以 屢火求罷,不允。 是歲 十二月辛巳朔, ,海寇黎盛犯潮州,焚民居毁城去。 降敕書撫諭吳玠及川、陝將士。 丙申,王似承制廢通遠軍 己酉,金國元帥府遣李永壽、王翊來見。 乙酉,臨安府火。戊子,又火。 朱勝非

法原、吳玠, 使之協和。 誼等爲 午,詔諸路將帥毋以兩國通使輒弛邊備,淮南州郡津渡尤愼譏察。 乙亥,蠲循、梅、潮、惠四州被兵家租賦。 除拜、罷免皆明示黜陟之由。戊寅,金人犯神坌砦,沿北嶺至大散關。 四 金國通問使。 年 春正月辛亥朔,帝在臨安, 己未,程昌寓遣杜湛、王渥攻楊太皮眞砦,破之。 金人犯宕昌、臨江砦及花石 率百官遙拜二帝。 丙子 ',申敕三省、樞密院, 峽,關師古遣統領劉戩分兵拒卻之。 乙卯、增淮、浙路鹽 甲戌,罷州縣新置弓手。 除官並 己巳,詔諭王似、盧 鈔 **遵舊制**, 貼納錢。 臨安府火。 毋相侵 遣章 庚

gp 韓 肖 閆

斬 參 知 政 Z 未 羣 盜 月 事 1 内戌 午 田 政 , 庾 詔 自 赴 1 襄陽 犯 禁川 贓 行在。 罪 至 峽州 死 陝 己亥, 諸 者仍籍 將 招納 己 詔三衙管軍 其貲 丑: 北 , 解潛 軍 癸未 遣 湖 皮 統制 作 北 將 軍 帥 建 王 賊檀成犯長 觀 康 恪 察使以 府 擊政 行 上, 斬 陽 席益罷。 舉忠 芝。 縣 解潛遣 勇智略 庚寅 Z 四四 統領 金 미 以徐俯 自 人 犯 胡 代 者 勉 兩 當 捕 兼

辛丑

金

人犯

仙

人

關

癸卯

詔

權

以

射

殿爲

景靈宮

几

時

設

位

朝

獻

丙午

", 張

俊

入

見。

張浚 **廓路安撫制** 王 青 似 赤 為資 黃 以 戊午 三月辛亥朔 氣 資 政 政 雨 殿 殿 編 雹。 學士、 使。 大 次 建 學 以 吳玠 土 炎以 趙 川 靇 陝宣撫使, 鼎 率楊 來詔旨, 尋落 參 知 政、 職 政 吳璘、 頒 事 奉 盧法原爲端明殿學士與吳玠並充副使, 諸 0 祠 路 壬 田 福 一 戌, 晟 州 癸 居住 孟 王 酉 庾 喜 蠲 至 諸 興元 己巳 行 將 在 與 府、 元朮 蠲 罷都 洋州 准 戦于 南 督 州縣 被兵家稅役 府, 仙 人關 以 民 其 租 〈兵屬 關師古爲熙河 大敗 二年。 年。 張 之。 辛未 俊。 丙 JC 子, 乙 丑: , 朮 日 以 繭 有 遁

鼠 猶 夏四 嘉 速釐革之。 其 月庚 所 用吳玠等能禦 泛炭朔 癸未 , 命 趙 劉 開 子 大敵 再任 羽 白 許 總領四川 州 安置 國 二心 財 乙酉 , 止從 賦。 入薄責。 詔諭 韶明堂用皇祐典禮 川、陝官 仍令宣 吏兵民, 撫 司 講 兼 求 以張浚失措當示 諮 祀 訪, 天 皇 凡擾民 大帝 **咈衆** 神 州

置

本

紀

第

+

七

高

宗

四

地 口 馤 易 祇 師 庫 以 下 11 蠲 准 叛 庚子. 以沙洲、 諸 南 州 神 , 軍 命劉光世遣兵巡邊。 岷二州降偽 内 F 一供錢 戌,吳玠敗金兵,復鳳、秦、隴州 年。 齊, 庚寅 吳玠倂將 辛丑 置孳生 ,保靜州夷人入貢。 師古 牧馬監于臨安府。 軍 乙未 詔: 特旨處死情法不相當 ٠, 詔諸 丙午 路歲 甲午, 徐俯罷。 上 戶 罷 廣 口 西 者,許· 是月 提 T 酉 舉茶鹽司 罷 大理奏 諸 州

制

一麼符陽軍

知壽春府羅興叛降僞齊。

收字成 棄 縣 復 直 一
史
館 郢 武 襄 尉 陽 州 闪 五. 餘 去 月庚戌朔,以岳飛兼黃復二州、漢陽軍、德安府制置使。 ,重修神宗哲宗正史、實錄。 斯偽齊守荆超。 衆, ,岳飛復 ,復選宗室子彥之子伯玖育于 壬 申 益兵駐 裁省三省、樞密細務,責六曹長 取之。 新野 金人攻金州 甲子,以孟庾 岳飛與別將王萬 甲寅、詔淮南帥臣兼營田使,守令以下兼管營田 兼權樞密院事。 鎮撫使王彥遣統制許青等與戰于漢陰, 禁中 水擊, 復大敗之。 乙丑,賜李橫軍絹萬匹。 癸酉 「,以國· 乙亥, 癸丑 史日曆所爲 ,以范冲爲宗正少卿 王彥數敗金兵于洵陽 敗之。 史館 丙寅二 压 僞 罷 齊

不行。置史館校勘官。 颌 並 六 月 杰 樞密 壬 申,復命川、陜類試。 院。庚子,以霖雨罷不急之役。 作明堂行禮殿于教場。甲辰,禁諸軍疆刺平人爲兵,已刺者皆釋之。 乙未,太白 書見經天。 壬寅,詔三省、樞密院 戊戌、詔神武軍 凡奉干請墨敕 工,神武 副 軍 ·統制、 ,許執奏 統

分 乞宮觀 ,不允。 是 月 熒惑 犯 南 斗。 岳 飛 將 牛皋 復 隨 州 執 僞 齊 寸 王嵩磔之。

戰 平 餘 統 統 爲 軍 冇 制 安 制 歿 執修達 詣 辛未 王 丘 撫 秋 贇 丙 制 1, 1 巳 辰 置 月 討 章誼 等十 澧 張 之。 賞 大 戊 命 憲 使 申朔 Ė 撃敗 州 仙 、孫近使還入見, 左 壬 降。 人 右 人 子 建 斬 關 李 司 曲 昌 , 命 之功 艺。 歲 劉 成 赦 軍 光世 虔州 考 及 吳 軍卒 罷 金 玠 郞 以吳玠 兵于鄧 來 建 官 通 修達等作 粘罕 朝 以 信 州 功 臘 過 吏 夏 爲 致書約淮南 茶 州 治 庚 國 部 檢 之 午 綱 狀 尙 亂 校 ·,王貴、張 西 以 書 癸 少 爲 詔江 胡) 丑: 殺 復 師 賞 松 守臣 鄧州 湖 驴 罰 東 年簽書 奉 賊 得 憲 安 寧保 劉 楊 撫 禽 屯 庚 破 滂 欽 兵 金 其 申 司 樞 靜 等 招 將 ·,復 密 江 齊兵、 軍 破 水 院 高 西 節 曲 社 軍 仲 制 事 度 端 木 復唐州 千 置 使 砦 五. 趙 使 庚 內 寅 哲官 吳璘 官 百 胡 戌 及信陽軍 人。 軍 世 以 侯慤 將 敗 楊政 湖南 己巳, 卻 遣 引兵 戌 參 安 以 小 謀 (無席 湖 入 襄 將 岳 下 侯怒 建 許筌 贼 論 飛 悉 萬 賞 徐

罷 丙 州 蔣 定 申 觀 以 察 舟 八 毁王 岳 與 使 月 戰 庚 派 安 寫 戊子 辰 败, 石 清 以趙 之。 舒 遠 王 改命 軍 告 辛 鼎 節 Ė 知 趙 度 樞密 己亥 鼎 吳玠遣 使、 都 湖北 院 督 周 事 |JI|統 荆襄 充 隆 領 |陜 出 姚 ĺЩ 潭州 仲攻 降 荆 陝宣 爲官 制置使,代王 襄 隴 撫 諸 城 處 軍 軍 縣 置 所 事 掠 克之。 使。 0 乙未 變計 復 湖 遁 壬 賊 淌賊。 去 夏誠 遭 午 魏 犯 王 良臣 等 汀 癸 躞 犯 Up 循州 以 . 等 枝 討 以 充 江 寒陽 賊 縣 金 無 壬 國 解 寅 功 府、 通 潛 問 隨別 王 降光 遣 使。 將

本

紀

第

__.

+

七

高

宗

Į.

唐鄧州、信陽軍六郡爲襄陽府路。

林閏 尙 自 庚 書沈 承州 午 , 朱 等撃 九 與水 退保 月 斬之。 戊 非罷 鎭江 參 申 知 减 府。 政 安定 金、 准 事 齊合兵 癸酉 郡 浙 主 路 令 , 圞 以趙鼎爲尚書右僕射、 自 畤 鈔 准陽 所 薨。 增 分道 辛 貼 酉 納 來犯。 錢。 合祭天 壬子,三 壬 地 申 同中書門下平章事兼知樞密院 夏 于 誠 渡淮 明 堂 遣將李全功 楚州 大赦 守臣 ~,蠲 襄 犯 樊敍棄城 陽 公安軍 等六郡三 解潛 去。 事 年 遺統制 韓世 租 吏部 稅。 忠

東宣 之務 進 元 承 犯 在、監察御史田如艦詣劉光世、張俊軍 發。 合兵 大儀 安 宣 者 豐 使、 撫 多十月丙子朔, 縣。 鎭 聽 使 T 江 (人人)。 丑: 從 敗之, 西 北 癸未, 便避兵。 ,以孟庾爲行宮留守,留統制王進一軍及神武 沼江 門,敗之。 金 又遣將 復以 制 人圍亳州 與趙鼎定策親征 置 己卯, 張俊為 使。 董畋敗之于天長縣 金 韓世 X 丙 戌 資 圍濠州 席 忠自鎭 政 益 命胡 殿 遣 **※學士、** 統制 ٠, 命張俊以軍援淮東〔七〕, 中計事,光世始移軍太平州。 松年詣 甲 午 江]率兵 吳錫 鴉 , 提 遣秘 口橋。 江 舉 率 復如揚州。 -兵討徭 上 一萬壽觀 書正 會諸將議 己丑 字楊晨持 賊楊 , 兼 八中軍 金人攻 金 侍 進 再興, 讀 五 劉 兵。 犯滁州 承 一百人隸之。 詔 光 甲申 州 撫 世移 戊 大破之。 丙申,命後宮自温州泛 諭 ,復以 子 韓世忠 匹 軍 以張俊為浙 韓世 川 建 百司 \pm 康 遣將 壬午 忠 躞 遣 邀擊金 侍 不預 爲 車駕擇 ٠, 成閔、 爲齊 建 御 西 史 武 軍 魏 兵 旅 人 江 解 軍 日

癸亥 劉 光世遣統制王德擊金人于滁州之桑根 敗之。 揭黃牓招諭湖賊。

本

紀

第

= +

七

高

宗

四

校

勘

記

兵控 孫二 海 庚 臨 加 人各 扼沿 泉州 張俊 劉 錫 賜 海要地 率兵發鎮 金人陷 楊沂中以禁 H 十頃 濠州 癸卯 江 且. へれし 追咎汪 ,焚決准東 兵扈從。 守臣寇宏棄城 如建 伯 康 彦 已亥 閘 落觀文殿 壬 堰 韓世 寅 走。 賜扈 帝 忠 J. 學士,黃潛善更不追 次 從諸 捷 酉 平 奏至 江 詔 軍 州 千錢。 。 命 縣 加 收 團 飿 乙巳,仇念遣將孫暉撃金人于壽 陳東、 敎 瘞 弓 戰 手、土 死 歐陽激 復。 將 土 兵。 命 仍令 韓世忠、楊 秘 閣 戊戌 修 胡 撰 帝御 松 官 年 沂 ·致祭。 中分 其子 舟發

逆罪, 節 |承 贖 楚、泰州 劉子 十一月戊申,太白晝 諭 親討之旨,以厲六師 羽 罪,遂聽子羽自便。 水砦民兵賦役十年。 見。 庚戌,賞承州水砦首領徐康等要擊金兵之功, 吳玠 金 置沿江烽火,放浙 人入光州 遣統制楊從儀等率兵敗金人于臘家城。 甲寅 東諸郡防城丁夫。壬子,始下詔聲劉 僞 齊 知光州許約 破 石 額 轉官有差,仍蠲 山 癸丑 一, 途據之。 玠乞納 遵

春

敗之,復霍丘

、安豐二縣。

是月,借江

一、浙坊場錢一界,以備軍

·費

守江將· 巳, 戒 江 東 Z 一,張 卯 水 砦。 俊移 諸 韓世 路 戊午 軍 大小 忠遣兵夜劫金 常州 臣 以 . 僚借貸催科縱 () 胡 松 己未 年 人營于 兼 權 ,復命張浚知樞 參 吏姦擾民, 承州 知 政 事 破之。 0 金 及務絕盜賊 密 人陷 院 金 事 人犯六合縣 滁州 , 以 \ 其盡· 之伺 劉光 忠竭 隙 ; 世 者。 丙 移軍 節 辰 命董 詔 ,掠全椒 建康 諭 較 中 外。 韓世 趙 縣三 康 庚 城湖。 忠移 直 申 一總領 宴犒 軍 鎭 T

壽春府襲金 子,命滁 和 諸州移治保聚。 人, 敗之, 執偽齊知府王靖。 乙丑,金人犯滁口 廣賊區稠園韶州樂昌縣, 己巳,劉光世遣統制王師晟等率兵夜入南 鈴轄韓京遣兵擊斬之。

張浚視師江上。

各募水軍五百人,名橫江軍。 彭筠合擊楊欽,破之。 亦遣統制靳賽戰于愼縣。 江計議軍事。 丑,詔葬祭浙西、江東二軍之死事者。 **£** 西 屯 一辰,金、 沿 扼脳 江制 十二月乙亥朔, П1 鎭。 置 齊兵逼廬州 副使。 辛巳,会 癸卯,金人去滁州。 丙戌, ,命中軍統制王進屯兵泰州,防拓通、泰。 魏良臣、王繪還自泗州軍前人見。戊寅,命都督府右軍統制李貴部兵 己亥,以來年正旦日食,下詔修闕政,求直言。庚子, 金人退師。 仇念嬰城固守,岳飛所遣統制徐慶、牛皋援兵適至,敗走之。 吳倫遣兵攻臘家城, 張俊遣統制張宗顏擊敗金人于六合江己。 兩浙十郡沿江海州縣招捕巡檢土軍。 壬寅,省淮南轉運司。 破之。 丁亥, 聽兩准避兵民耕種所在閒田 遣胡松年往常熟縣、江陰軍沿 壬午,以樞密都承旨馬擴爲江 甲午,程昌禹遣杜湛、 韶江、浙、 荆湖十四郡 劉光世

辛

校勘記

張浚 原作「張俊」,據本書卷三六一張浚傳、繁年要錄卷五 改。

- Ξ 罷後苑工作 三六之七二,後苑造作所于「咸平三年併于後苑作,改今名」。「後苑造作所」後來亦稱「後苑作」。 繫年要錄卷五三、中興聖政卷一一都作「罷後苑作」。 「工」字疑行。據宋會要職官
- **=** 都作 提轄權貨務張純峻立淮浙鹽法 用 張純議「峻更鹽法」, 可見「浚」乃「峻」字之訛,據改。 「峻」,原作「浚」,義不可通,繫年要錄卷五八、中興聖政卷
- 綱 入潭州其黨郝晸降王進 據繁年要錄卷六〇,李綱入潭州,「又遣統制官郝晸降沿將王進於
- 湘鄉」。宋史全文卷一八同。此句「黨」字疑「將」字之誤。
- 至 吳錫禽王波 「王浚」,繫年要錄卷六〇、中興聖政卷一二、宋史全文卷一八都作「王俊」。
- (<) 江西兵馬副鈴轄張忠彦坐縫暴不法 降金,這時不在宋朝,此處應是張忠彦。據中興小紀卷一三改。 「張忠彦」,原作「張中彦」。 按張中意建炎末年已于陝西
- (七) 命張俊以軍援淮東 不可能再 出拨 淮東。 據繫年要錄卷八一、宋史全文卷一九改。 「張俊」,原作「張浚」,按本卷上文張浚已於三月落職奉祠,福州居住,此時
- 2 以 文甲 張 ·午條「張俊」同。 俊爲 浙西江東宣撫 使 「張俊」,原作「張浚」,據本書卷三六九本傳、繫年要錄卷八一改。下
- (元) 張 俊率兵發鎮江 「張俊」,原作「張浚」,按北盟會編卷一六四:「金人在淮甸,張俊軍鎮江府」

據

改

本

紀

第

_

十 七

校

勘

記

Π

宋 史卷二十七

(10) 張俊移軍常州

張俊遣統制張宗顏擊敗金人于六合 「張俊」,原作「張浚」,據繫年要錄卷八二、北盟會編卷一六五改。

六五改。

=

「張俊」,原作「張浚」,據繫年要錄卷八三、北盟會編卷一

五一六

宋史卷二十八

本紀第二十八 本紀第二十八

撃金 行宮。 立格按試。 去職之罪,仍令還任。 四 召張浚赴行在。 原民籍充金兵者。命鬻官田宅輸錢專充軍費。戊申, 人于淮南岸,敗之,降其將程師回、張延壽。辛亥,淮東統制崔德明襲敗金兵于盱眙。 詔前宰執呂頤浩等十九人及行在職事官各條上攻戰備禦措置綏懷之策。 五年春正月乙巳朔,日有食之。帝在下江府。 己未,詔減淮南諸州雜犯死罪,釋流以下囚。 辛酉,贈殿中侍御史馬伸左諫議大夫。 乙卯,浚入見。賞沿江監司、帥臣供億之勞,各進官一等。 承州水砦統領仲諒復入楚州。 金人去濠州。 韓世忠、劉光世、張俊入見。 庚申, 置諸州軍 庚戌,張俊二造統領楊忠閱、王進夾 進廬、泰二州守禦官屬各一官。 丁未,戒諸軍戰陳母殺 教場, 選兵專習弓弩, 戊午,越修建康 免淮南官吏 壬戌,以世 中

本紀

第二十

八

高综工

泉州 撫 公 宣 忠 事 司 撫 爲 癸酉 招 官 使 少 諭 壬 駐 員 申 陷 僞 准 建 賊官民 齊 劉 兼 康 光 宣 知 領 ル世、 (亳州 甲子 一撫使, 刑 獄 韓世 庚午, 馬 酈瓊復 茶 駐 秦 忠、張俊 鹽 鎭 = 命 江 漕運 王 犯光州 光州 ; 進 入辭 光世少保、 合 市 ,降其守許約。 江 易事 , 为, 命 權州 西 升殿 廣 事 淮 准 東 主 西宣 西 諸 萃 以 要會州 將兵討 率兵 光 Z 撫 + 使, 拒 册 軍 翟 之。 周 駐 忠 並 + 准 太平 置 有 隆 南 是月 隙 市 茶 易務。 海 賜 俊 金主展 賊 提 開 酒 朱 刑 渝 府 戊 聰 一] 糧 儀同三司 辰 殂 犯 Ż, 置 廣 詔 提點 旻之孫亶 皆 州 感 激 又 陝 枫 江 奉 犯

秩 上 窳 胡 派 戌 戊 立。 神宗實錄考異 宣 寅 爲 諸 以 等 荆 路 岳 金 趙 遣 湖南 宣 以 以 月 统 鼎 削 權太常 撫 丙 自 賞 撒雌 為左 制 北 池 ßJj 置 ', 以 州 襄陽 僕射 囚 秋 少卿 司 入朝 之功 來援 飛爲 庚子 示 府路 張銖 張浚右 鎭 以 政 , 事 戊 制置使, 寧、 奉迎太廟 詔 復擊败 戌 任之旨 翰林學士 1僕射 . 崇信 詔 將兵 之。 , 軍 淮 並 神主 節 南 孫近、 以 同 己 平湖賊楊太。 度 宣 右 中書門下平 于 丑: 使 紪 温 司 胡交修類編臣僚條 司 諫 詔 州 命 抓 建太 趙 常 存 霈 **手**: 州 淮 廟。 章 午 論 Ĺ 布 11 事 , 奏 亥 衣 帝至 來 得 兼 王 陳得 歸 辰, 豐 吳璘、 知 臨安, 官 樞 一造 命 具利害章疏以 吏軍 賜 密 張 楊 院 新 淡治 進扈從官 民 政 事 攻拔 曆。 服 , 都督諸路 己亥 汀 秦州 1] 吏秩 丑: 聞 措 凸 直 置 帝發 執 軍 進 甲辰 史 遪 館 等。 僞 馬。 執 防 至 范 齊 政 蠲 山 詔 守 压 内

湖 南 路 + 供 年 是月 僞 齊 商元寇信陽 軍 守 臣 舒 繼 明 被 禽

運 卯 海 司 坑 賊 以 命 冶 陳 閨 孟 IJij 月 感 司 庾、 辦 Ž 犯 陝宣 雷 沈 巳 集 與 剪 州 撫 求 T 官 雨 司 巳, 並 雹。 幕 軍 兼 撒 屢 僚 權 敗 離 丁 攝 樞 曷 未 司 密 欲 T 事 胡 院 卯 犯 , 松 事 秦州 仍權 年 0 王 夔 智。 丙 節 辰 罷 吳 制 戊 玠 併諸 軍 命戶 申 遣 馬。 , 部 路 雪 部尚 戊辰, 將 提 牛 舉常平入 己 書 皓 酉 章誼措 置 伺 留 路 之, 四川 分 遇于 置 總 鹽 財 管 瓦 司 用 供 五 銀帛 以 孟 罷 谷 處 庾 福 ٠, 就 閑 提 建 戦 退 充 **〕鑄錢**, 領 死 軍 武 臣 號 令轉 總 制 Z

職 中 -等分 在 外 使 月 侍從官、 甲戌 兩 浙 朔 江 監 以 王 東 司 酉 躞 帥 路 守, 檢 貪 察經 縱 各舉 不 武 所 總 知 敗 制 充監 師 司 誤 財 司 用。 國 1 責 丑 授 濠州 ٠, , 詔 尋命館 侍 專 從 練 至 職 使。 監 專 察御 舉縣令。 丙子 史、 遣 館 樞 己 職 密 卯 已上, 計 以 議 韓 官 在 內 世 呂 忠 用

未

復置宗

IE

丞

, 掌

修

屬

籍

再

蠲

荆

南

府、

歸

峽

州

荆

門

公安

軍

·歲貢

上

供

年

0

錫 副 兼 使。 鎭 張 江 府宣 浚 罷 親 御 撫 前 討 使 湖 軍 器 賊 劉 所 光世 Ţ 提 舉 四 兼太平 官 復 移 倂 浙 州 隸 西 宣 安 部 撫 撫 使。 司 壬 辰 壬 土午, 守令 臨 安 命 府 廣 以 東、 都 庚子 督 福 府參議 建路 罷 招捕 饒 軍 州 事 牧 朱 邵 聰。 馬 溥 · 乘權川 , 初権 陝 宣 撫

撫 諭 川 夏 [][||陜 月 内 召 午 解 貴 潛 池 赴 縣 行 丞 在 黄 王 大 彦 本 坐 知 荆 枉 南 法 府 贓 杖 諸 鎭撫 脊 刺 使 配 至 南 是 雄 。基 州 韶 丁 未 戊 申 遣 太 司 廟 農 神 丞 蓋 諒 至 自 持 温 詔

本

紀

第

+

ス

高

宗

遇特 己酉 恩轉官 止武 審量濫賞, 了功 郎。 追左銀青光祿大夫王序八官及職名, 壬子,訪得周後柴叔夏襲封崇義公。 仍改正 戊午,奉安太廟神主。 出 [身。 庚戌, 詔 ·內侍

更免役保正 惠恭皇后 洲祭。 長法。 募民耕營田,官給牛、種。 甲子,太上皇帝崩于五國城。 庚午,省四川添差官。 丙寅,帝卽射殿,行朝獻景靈宮之禮,始以 辛未,以諸路稅賦畸零增

收錢專充上供。是月,龍圖閣直學士致仕楊時卒。

州 義。 爲資善堂。 待制范沖兼資善堂翊善,起居郎朱震兼讚讀。 酉,詔浚提舉詳定一 州縣守令勸民墾田 庚子, 張浚奏:「使事 五. 月乙亥,初謁太廟。 周十隆降。 遣何蘚〔三等奉使金國,通問二帝。 及拋荒殿最格。 `兵家機權,後將闢地復土,終歸於和,未可遽絕。」乃遣行。 司敕令。 辛丑,命川、陝訪求元祐黨人子孫 庚辰,命邵溥、吳玠裁省四川冗官浮費。 戊戌,以貴州防禦使瑗爲保慶軍節度使, 己丑, 以孟庾知樞密院事。 以盛暑命監司行部慮囚。 中書舍人胡寅言,國家與金世 壬 辰, 辛巳,名行宮新作書院 封建國 召張浚還 己亥、岳飛軍次鼎 儲 丁亥,立 公。 無 行 徽猷閣 在 通 一殘破 使之 T

乙巳,名新曆曰統元。 六月甲辰, 封武經大夫令矼爲安定郡王。 川內帑錢賜宗室貧者。 丁未,併饒州 鑄錢司于虔州。 壬子,復省淮南州縣冗官。 湖賊楊欽、全踪、 己酉,命建國公瑗出就資善堂聽讀,拜 癸丑,以久旱減膳、祈禱; 劉詵相繼率衆詣岳飛降。

降 黨 渚 劉 湖湘 衡 路 竽 科 悉平 皆降 率 自 得戶二萬 租 派急 稅、 和 擊 七千 夏誠 市 軍 ,悉遣歸業。 須 斬之。 外皆罷。 T E 戊午 岳 湖 飛急攻湖 賊 减 黄 腷 誠 建 賊 斬 貢 水砦 惕 茶歲額之半。 太首 1、賊將 , 挾 陳蹈降, 鍾 子 庚申 儀 楊太赴 周 倫 以 詣 早罷諸 水 都 死 督 路 府 餘

檢

察財

用

官。

丁卯

以

放平

湖

民前二年

逋

租

己巳,罷

福

建

諸

挒

槍

仗

手

成之。 守王拱 |均、 建 |飛 田 房州 撫勞 + 秋 頃 七 將 隸 丙申 0 月 襄陽 甲午, 壬 趣 申 蠲 府 張 朔 湖南路 沼殘 路。 浚 以 還 破州 偽齊兵 仇念爲沿 朝。 上供米三年及秋租之半。丁酉、置高峯、王口二砦都巡檢使, 縣 己 親民官 寇湖陽縣 卯 海 垩 制 庾罷 置使。 執唐州 以以 到、罷之日戶 沈 甲戌, 與求 守臣 **免**蘄州 兼權 高青,復釋之。 口考殿最。 樞 上供及租 密 院 事 韓世 及措 稅 丁亥,賜宇文虛中家 忠復鎭 三年。 置 財 用。 淮軍 戊 壬 寅 午 一,禽僞 獎諭岳 以 益兵 金、 齊

朝。 惇 詔 准 江西二十二 蔡 命廣宮學 南 卞 Ш 詆 水 誣宣 岩 教 都 州 巡 雜 內 聖 檢各聽守令節 外宗 犯 烈 死 皇 罪 子 后 之罪 釋徒、杖以下凶。 辛酉 制 , 詔 追 貶 准 癸 惇 南、 丑: 昭 襄陽府 亿 蠲 海賊朱聰降, 軍 福 箾 建 等 度 州 路 副 軍 使, 專 借 結 撥常 命補· 卞 民 單州 社 **平錢** 冰軍 團 内 米。 ·統領 練 寅 副 以 己未 使 諸 是月, 子 盜 5 平 孫 偽齊陷 ·,減湖、 詔 不 許 示 在 章

八

月

Ī.

寅

朔

罷 荆

南營田

.]司,

令安撫

司措置官兵耕種。甲辰,

定館

職

額爲

| -

八

員。

壬子,

本

紀

第

+

八

高

宗

五. 三

光州。

修神宗實錄。壬辰,詔元符上書邪等范柔中等二十七人各官一子。以解潛部兵三千隸馬 統領華旺四班戰卻之,尋復光州。 及第、出身。 九月辛未朔、罷總制司所增收頭子等諸色錢。 唱名始邍故典,令館職侍立殿上。壬午,加岳飛檢校少保。爲齊兵寇固始縣, 甲申,命沿海州軍籍海舶,分守要害。乙酉,趙鼎上重 乙亥,賜禮部進士汪洋以下二百二十人

甲午,周十隆復叛,犯汀州。戊戌,遣統領王進、李貴討之。

遊擊,敗之。 撫選官試時務策。 午,詔川、陜類試合格第一人依殿試第三人例推恩,餘並同賜進士出身;特奏名進士命宣 大使司,邊防重事 多十月庚戌,張浚入見。乙卯,以席益爲四川制置大使,位宣撫副使上,州軍兵馬並隸 仍令宣撫司處置。 澧州賊雷德進(台)降。 李綱爲江西制置大使至,呂頤浩爲湖南制置大使。戊 乙丑,爲齊兵寇漣水軍,韓世忠遣統制呼延通等

甲申、權減宰執及行在官吏奉。乙酉,以趙開爲四川都轉運使。丙戌,命張浚視師荆、襄、 于涪州,命爲崇政殿說書。戊寅,郊。辛巳,復置淮南提舉鹽事官。壬午,出宮女三十人。 賣戶帖以助軍費。癸酉,詔:守臣死節昭著者,毋限品秩,並賜諡。乙亥,徵和靖處士尹焞 十一月庚午朔,初置節度使以下金字牙符,命都督府掌之,給將帥立戰功者。命州縣

Ш 戊子 , 知衡州裴廩坐調夫築城凍死二千餘人, 除名 嶺南高州編管。 出 內帑

綿絹賜宗室。丁酉,罷催稅戶長。

字熊彦 點 輪 左 倂 統 右 屯 對 田 司 神武中軍。 十二月己亥朔,以岳 庚戌, 詩撫諭川 に樞 癸亥 :密院檢詳官參考中興已行條例,修爲定法。 乙巳,禁服用翠羽。 汰橫江水軍三之一。 禁川 陜, 庚子,改神 且察邊備虛實。 陝州縣官悉用川陝人。 飛爲荆湖南北、襄陽府路、蘄黃州招討使。 武四軍及巡衞軍號行營五護軍。 癸丑 戊辰,夜雨雹。 命兩准、川陝、荆襄、荆南諸帥府參謀官各一 丙寅,都督府遣參議軍事劉子羽、主管機宜 辛丑 ,以都督府兵隸三衙。命 楊沂中權主管殿前 己酉,免侍從官 員提 司

定郡 甲午 綿州 擢 別 元 丑· 丑· 王令矼薨。 宣撫副使,命吳玠 祐 六年 振江、湖、福建、浙東饑民, 黨籍 春正 詔:凡入粟補官者,毋授親民刑法之職。壬午,賜宗子伯玖 乙亥,以 月辛未,蠲貧民戶帖錢之半, 庚寅, 內 還預借坊場錢。 專治兵事。罷御 重外輕,命省臺、寺監及 命監司、帥臣分選僚屬及提舉常平官躬行檢察。 史平反刑獄賞。 辛卯、詔: 無物產者悉除之。 監司、帥臣慢令失職者、令張浚黜 監 司、 丙戌,張浚視師荆襄 守令居職及二年者, 癸酉 名璩 , 命給事 ,爲和州 八入辭。 中、中 許更迭出入除 防禦使。 書 勝以 己丑 戊戌、命 含人甄

本

紀

第

-1-

八

高

宗

醫通直郎、

閤門宣贊舍人以下官。

以 侍 忠 與金兵戰 以 張 行 壬 折彦 兵 俊 郎 寅, 用 進 劉 部 雨雪。 質 寧止 屯 月庚子, 陽 尙 戊 書、 申 「敗之,禽其將孛堇牙合。 盱 兼 軍 權 胎 如 改江、 都督府參謀折彥質簽書樞密院事 岳飛 鎭 參知政事。 復置諸路市易務。 以 江府,總領三宣撫司錢糧。 諸路宣: 入見。 淮 屯 田 癸亥,沈與求罷。 一撫制置 復以襄陽府路爲京西南路 爲營田 一大使並 戊午,命楊沂中以兵萬人聽都督 甲辰,置行在 澧州 兼營田大使, 賊徒伍俊殺雷德進,持其首詣鼎州降。 辛酉,兀朮救淮陽,韓世忠引兵歸楚州 李綱入見。 交子務, 印交子錢 乙卯, 辛亥, 宣撫副使、 韓世 是月,張浚至江上會諸將議事, 忠引兵攻宿遷縣 詔張浚暫赴 引給 行府調遣。 招討安撫 諸路 行 ,令公私 使並兼營田使 在 己未, 遺戶部 奏 統制 丙辰, 事 呼 同見錢 壬戌, 甲寅 韓世 延通 命

爲沿 蠲 勝 早傷 軍 海 揃 制 月 己巳 縣民 戊 置 副 (辰朔) 以韓世忠爲京東、淮 使。 積 欠錢帛 初收官告綾紙 壬午, 租稅 金、齊兵犯連水軍 己卯, 錢。名金、均、房州民兵 東路宣撫處置 趣 岳飛 , 韓世忠擊敗之。 如 鄂 使, 州措置 岳 飛爲京 日保勝(t),又命招刺三千人賜名必 軍 事 壬辰、寬四川災傷州縣戶帖錢 西、湖北 辛巳,以 路宣 樞 密副 加細 都 使。 承 占 辛未, 馬擴

從之等皆死 夏 几 月戊 戌 岳 邹 朔 以母喪 湖 南賊 (去官 黄旺 犯桂陽監 内 午 , 詔 飛起復 甲辰 偽 己酉 齊兵 、陷唐州 韶:「文武 , 團 練 臣 判官扈 僚能 決勝 學臣、 強 一敵恢 推官 復 張

境土. 者, 賜功 臣 .號。」庚戌,始訓諸宗子名。 甲寅,賞准陽功,呼延通等進官 有差, 餘受賞 者

未,命 凡 萬 七千人。 建安撫 劉光世遣副統制王師晟、酈瓊襲爲齊兵于劉龍城破之,禽其統制 華知剛。

武 、安化軍 福 節度使, 司發水軍討海賊鄭慶。 號揚武翊運功臣。 辛酉,禁四川伐並 除商旅緡錢稅。 邊 丙寅, 山林。 復行在官吏奉。 甲子,以韓世忠爲橫海、 蠲東京民

渡淮南商販之稅。

申 節 縣 刑 戊 度 收 部 寅 詔監 額 使 翻 Ŧi. 以 一月戊 決, 外 儿 司慮囚不 雜 壬辰, 川監 刑 辰 色租 部 朔(元), 以 不 司 能定, 能 地 張俊 Z 遠玩 編及者 凹 禁以 進 ,改交子 同 法, 屯 鹿胎爲冠。癸酉,詔: 赴 盱眙 聽遣 應 都堂稟議 有 爲關 官,著爲 違 改崇信、 戾,令制 子 , 罷 賜 令 奉寧 交子 吳 置 玠 大 「未經上殿臣僚, 務 軍節度使。 四 使 川 放数。 庚寅 戶 帖 錢 壬午, 以劉光世爲保靜、 甲午, + 萬 先令三省審察,然後 緡 詔 禁銷錢及私鑄銅 犒 大 軍 理 寺 議 癸 未 寧武、 獄 不 禁准 ·合, 寧國 ij 對。 南 卽 詣 軍 州 内

進 屯爐州 岳 飛自九江進屯襄陽, 楊沂中屯泗州。 戊午, 詔 兩准沿江守臣並以三年爲任

六月

乙巳夜云,地震。

己酉、求直

甲寅

,張浚渡江撫淮上諸屯。

命劉光世自當塗

本

紀

箏

-|-

八

髙

宗

辛 酉 封 集英殿 修撰令愿爲 安定郡王

撫 便 庭 宜 差遣 兼 秋 七 知 金州 月壬 監 司 申 守貢 閣門宣贊舍人 , 以 司農 以金州 少 卿 樊賓 隸 邵隆知商州 JII 陝路 提 領 營 均、 田 公事 聽浩節制 房二 0 州 癸未 、隸京 經 ٠, 四 詔 理 商 南 張浚暫赴 路 號。 郭浩 是 行 月 為 在 永 劉 興 癸巳, 光 軍 路 世 復壽 罷 經 略安 川 陜

È 之,僞守劉永壽舉 職 守。 庚 隨 VU |/府 戊 發臨安。 事 軍 Ш 命 官米月三斛。 戊 都 都 八月己亥, 蠲 權 申 轉 轉運使。 虔州 殿前司 運使。 岳 Ţ 殘 疵 Ė 破 范宗尹薨。 解潛等帥精兵 遣 一,權 丁未 甲辰, 詔諭將士將親 城降 諸 將楊再 是月 電經經 縣 逋負 以 ,張俊城盱眙,進屯 秦檜爲 興 庚子, 進 復 梅州 一講。 扈從, 西京 醴 夏秋 己未,預借 賜左司 泉觀 長水縣。 主管步軍 征。 兩稅 使 諫陳公輔三品服。 兼 岳 泗州 、侍讀、 飛遣統制 江、 己酉 聽廣 一司邊順 |浙 民 東 行宮留守 岳 命秦檜、 經略安 來 飛及偽齊李成、 留兵守臨安, 牛皋破偽 年 夏 孟庾權 ", 孟 撫 稅 癸卯, 絁 司 庾提舉萬壽觀 齊鎭汝軍 便宜措 帛 以徽猷閣直學士李迨 折 參決尚書省 知臨安府梁汝嘉爲巡幸 孔彦舟連戰 米 置 輸 盜賊。 禽其守薛亭。 官。 銀侍讀、同留 至 辛 樞 庚 一蔡州 亥, 密 申 院 增給 奉

神

克

九月丙寅朔, 帝發臨安。 岳飛遣統制王貴、 郝晸、 董先復號州盧氏縣。 癸酉,帝次平

求援 平江 淮東 引 戰,大敗之于藕塘 俊 府芍陂砦 世 遣 立 庚 而 賊 楊 申 兵攻壽春府,不克而 還。 全軍 不 徒相 沼 得 能 戊寅 沂中、張宗顏等分兵禦之。 冬十月丙申,招西北流寓人補闕 十二月甲午朔,詔降廬、光、濠等州死罪,釋流以下囚。召秦檜赴行在。 推鋒 海制 引 已 孔彦舟亦解光州 還 招首罪賞格。 駐兵應沂中, 命 守臣 軍統制韓京募敢死士,夜襲破之,衮尋出降。 一、爲防 置使,前 職 戊子 孫暉拒戰,又敗之。 事 旨 , 稅挺身遁, 江 ,以戶 之計。 護副 日 還。 遣統制王德、 賞鎭淮 圍 員 部與官霍蠡 軍 而 都 輪 乙卯 甲辰,又詔浚督將 去。 麟 統 對 軍功, 戊戌,沂中至濠州 ,詔諸軍所俘人民給錢米遣歸 在順昌聞之,拔砦去。 制 戊 壬 王彥副 申, 辛丑 酈 一午,岳 進統制王德等官。 總領岳飛 瓊及賊將崔皋、 命解潛遣兵千人守青龍 之。 罷 一飛以 四川 士廖力破賊 軍錢糧 癸卯 孤 監酒官百餘員。 軍) 趙鼎 劉光世已棄廬州 無 賈澤、王遇 援, 劉 是月, 庚 壬 光 請降敕諭 茂, 寅 皆未達。 復還鄂州。 世遣王 ,引兵分道入寇 張浚入奏, 日中有黑子沒 劉豫聞親征 港 丁巳 戦, 壬寅, 口。 德及沂中追麟至 張浚,令光世、沂中及張 劉猊 而 皆敗之。 南 癸未,權奉安 惠州軍 癸丑, 張俊、 以梁 劉麟寇准西 復 犯定遠縣 浚遣人督還, 如鎭 告急于金主亶 張浚入見,請 次嘉愈 賊曾衮作亂。 賊兵攻壽春 冮 、楊沂 南壽 神主于 辛 浙 張俊 西

本

紀

第

+

八

高

宗

五

五二七

大使, 守。 輔乞禁程氏學。 者,不許親民。己未,命辰、阮、靖、澧四州 |軍 幸 և 寅 建康 節度使 如 趙鼎 |王稟死節太原,賜其家田十頃。 建康 辛亥 判臨安府。丁巳,以劉光世爲護國 罷。 ,以資政殿學士張守參知政事 ,措置移蹕 趙 楊沂中保成軍節度使、殿前都虞候。 鼎 遣右 請還 詔:「士大夫之學宜以孔、 司 臨安。 員外 丙午,折彥質罷。 郎范直· 戊戌、韓世忠攻淮陽軍 方宣諭川陜 辛酉 丁未,賞准 兼權樞 ,以山陰、諸暨等四十縣爲大邑,並命堂除 孟爲師,庶幾言行相稱,可濟時用。」庚申,以安化 、鎭安、保靜軍節度使。 ,以閒田募刀弩手三千五百人爲額。 撫問 密院事。 戊申, 及金人戰,敗之。 吳玠將 西 功 命秦檜赴講筵供職 丙辰, 加張俊 士。 甲辰, 以呂頤浩爲浙西安撫制置 少保, 戊午, 韶: 凡因民事 辛丑,城南壽春府。 命都督 改鎭洮、崇信、 孟庾爲行 府參議軍 右司諫 了被罪 奉寧 事呂 陳公 宮留 1

密院事。 局 庚辰,築采石、宣化渡二城。 甲 戌 T 七 鴽 卯 车 都督 春正 ,賞張浚以破敵 韶廣西帥臣訓練土丁、保丁。 府諸州市易官。 月癸亥朔,帝在 功, 癸未,以翰林學士陳與義參知政事 遷特進。 平江,下 丁丑 解潛罷 詔移蹕建康。 己巳, 乙酉,復置樞密使、 發米萬石濟京東、陝西來歸之民。 以劉錡權主管馬 蠲無爲軍 副, 稅役一年。 ,資政殿學士沈與求同 軍司, 知院以下仍舊,張俊改象 井殿前 置 建康 步軍司 張浚 御前 公事 入見。 知樞 軍器

使。 樞 密 使。 何蘚 、范寧之至 内戌 禁諸 自 軍互納亡卒。 1金國 , 始 聞 上 西蕃三十八族首領趙繼忠等來歸。 皇及寧德皇后崩。 己丑,帝成服, 下韶降徒囚, 丁亥, 以秦檜爲 釋杖 樞 以 密

辛卯 夜,東北 有 赤 氣 如 火。

在充 宮。 請, 及所舉官。 喪三年,衣墨 宮中仍行三年之喪。 扈衞。 岳飛入見。辛丑,以日食求直言,以久旱命諸州慮囚。 丁巳,以岳飛爲太尉、湖北京西宣撫使。 月癸巳朔,日有食之。 癸丑,雨雹。 丙午,吳玠置銀會子于河池。 臨戎,以化天下。 丙辰,始御便殿。 丙申,太平州火。 百官七上表請遵以日易月之制。 帝欲遂終服,而張浚 丁未,韶席益募陝西、河東、河北兵二千,部送行 果州守臣宇文彬等進禾登九穗圖,俱奪一官,罷 丁酉,鎭江府火。 已未,帝發平江。 連 疏論喪服 乙巳, 詔:凡辟舉官犯贓罪 庚子 徽猷閣 不 ,遣王倫等使金國 可卽戎,遂詔外朝 待制、知嚴州 胡寅 勉 迎奉梓 從 請 罪 服 所

兵部尚 以復京畿、 四 命沂中總領彈壓巡幸事務。 減 建康 書、 月癸亥朔,次丹陽,韓世 陝右,許之, 流 都督府參謀 罪 以下 囚 命飛盡護王德等諸將軍。 軍 蠲建康府、 事 0 乙丑 辛未 忠入見,命世忠扈從,岳飛次之。甲子,次鎭江,楊沂中入見, ,蠲駐蹕 ,帝至 太平宣州逋賦及下戶今年身丁 一建康。 及經從州縣積年逋賦。 壬 申 既而秦檜等以合兵爲疑,事遂寢。戊寅,手 ,詔尚書省常程 1 錢。 事從 卯,以吏部 多 岳 釆 知 乞倂統准西兵 政 侍 事 , 郎呂祉 分治。

本紀

第

+

高

宗

都 馬 詔 軍 督 軍 撫 諸 府 司 縣各募 張浚 1-呂 頤 <u>-</u> 浩爲 上 進 因 兵百人,責 沈 與求 分為 小 保 六軍 兼 知 樞 行 知 密院 宮留 縣訓 命 宫 守。 事 練 訨 節 防禦盜 孟 制。 加 庾 罷。 尊 Z 賊。 宣 甲 酉 申 和 是春 賜光 ,以劉 皇后爲皇太后。 世 廣 光世 第一等 西 大 爲 饑 建 少 了,李實 康 前 庚辰 府。 萬 變爲 门以 壽 T 亥, 觀 王彦 桃 使, 命虔、吉 兵隸侍 以 其兵 南南 隸 衞

官 派 司 在 乞 .倂兵,奏牘求去,意在要君 東 實監 解官持餘服 夏四月癸巳,築太廟于 西 兩路各置 其軍 壬 , 轉運兼提 **三** 遂棄軍 張浚. 去 建 點 如太平州 遂命兵部侍郎 詔 刑 康 不許。 獄 以臨 、提舉条 安 准 戊申 府太廟爲聖祖 西 鹽常平 視 兼 , 師 日中有黑子。 都督府參議軍事 事 庚 申 殿 以信陽軍隸京西路。 戊戌 庚戌, 張宗元權湖北 修濬建康城池。 以張浚累陳岳 京京 韻 淮 (西宣 飛積 丁未 南 提 撫 慮 黑片 判 專

官 罷 鎭 通 海 舉 癸 五 未 瀆 月丁 材 堪 農、 以 卯 知 酈 蠶 縣者二十人。 瓊 詔 風、雷 爲 李 行 綱 營左 趣捕 雨 護 師之祀。 虔、 丙戌 軍 吉諸 副 偽 都 齊陷 盗 統 甲 戌 制 隨 壬 以 申 州 甲 胡 申 安國 命禮官舉文宣 己 , 初 丑: 提 試 禁四 舉 樞 萬 密 壽 Ш 院 增 觀 主、武 都 囙 兼 督 侍 錢 府 成王 讀 效 趣赴 一、熒惑、 乙酉 行 在 壽 命侍從 星、 未 至而 嶽、

以 関伯。 月 乙未、罷江、准營田 辛 卯 朔 改 上惠恭皇后 μij 諡 令諸路安撫、轉運司兼領其事。 顯恭皇后 岳 飛 見。 壬 辰, 丙申, 命 嵗 以重修神宗實錄 辰 戌 月 祀 大火 去 吧

咨 取 議 未 當 軍 命命 事 史館 率兵 人戍廬州 復加考訂。 乙巳,沈與求薨。 T 酉、岳飛 引過自動, 召王德以所部兵赴行在。 詔 放 罪, 慰諭之。 戊戌 遣呂祉 命劉錡兼都督府 如准 西撫 諸

軍 闪 辰 韶吳玠、李迨共議四川 經費, 膽軍恤民。 岳飛 復職

戊 建 甲 八 年 子, 康 戌 始輸 詔 疫 秋 嗣 盛 七 濮王 戶 月戊辰, 全稅 一,遣 部 一仲湜 影 長 漬 行 売。 迭出巡按諸路 視, 詔侍從各舉可 貧民給 癸未 錢, 以久旱命中外 任監司、郡守者一二人。 葬其 考究財賦利病 死 者。 臣庶實 命疎 , 違 决 封 者劾之。 滯 言 獄 事 癸酉 Z 甲 己丑 四 申 以旱禱於天地、 詔 , 蠲 詔 卽 諸路民 諸路 建 康 歸業民墾田 權 積 正 宗廟 年 社 逋 稷 代社 租 之位。 以 及

位. 殺 直 錡 副之, 脏 、趙不 及康 甲辰,以趙鼎 月乙未 ·羣,以兵四 並 直 駐 ,釋不羣使還。 廬州 以張 爲 一萬人奔劉豫。辛丑 萬 俊 命酈 壽觀 爲准 瓊 使兼 西宣 劉錡、吳錫 率兵赴 《侍讀。 撫 復業 使 行 ,手詔赦廬州屯駐行營左 至廬州 在 駐 人耕 甲寅, 盱 戊戌 胎 湖北 詔.: ,以兵追之不及,命張宗元往招之。 ; 楊沂 瓊叛 命官 中爲 犯贓 , 殺 T 准 刑部 軍 西 護 統 制 不得擅黥配,聽朝廷裁斷 軍 制張景等, 置 使, 壬寅, 主管 酈瓊引兵至准 執呂祉 侍 衞 張浚乞去 馬 及趙 軍 司 康 劉

九 月甲 子 上 太上 皇帝 諡 日 聖 文仁德顯孝皇帝 廟 號 徽宗, 皇后 日 顯肅皇后。 丁卯 |韓

Z

卯

賜岳

那

軍

錢

+

萬

緡

招

歸

IE

、京西

閒

田

本

紀

第

__

+

八

高

宗

大赦。 虜掠 子 省 111-」,復 事 、張俊 錮 以 更不 召劉光世赴行 趙鼎 租 稅 入見 分治常 爲尚書左僕射、 年。 ,乃命俊自盱眙移屯廬州。壬 程 己卯 在。 罷都督府。 朝獻 戊子,禁諸路進羨餘 同中書門下 聖祖 甲戌, 于常朝 以臺 产 殿。 章 申 事 諫累疏 ,張浚罷。 庚辰, 兼 以劉錡 樞 密使。 ,落張浚觀文殿 朝饗太廟。 知廬州 癸酉 戊寅 1,命參. 兼准西制置副 ,以廬州 辛巳, 大學 知政 (事輪) 合祭天地于明堂 寸; 壽 春府民遭酈瓊 仍領宮祠 使 日當筆 權 丙

襲擊 之。 敕張浚安置嶺表。 丙午, 金 冬十月庚寅朔,詔仍舊開經筵。 一人于淮陽軍、敗之。 丁巳,詔:六參日 命戶部郎官薛弼、霍蠡 戊戌, 趙鼎累請浚母老 同總領江西、湖、廣五路財賦。 辛 卯, 命後省官看詳上書有可采者,條上行之。 輪行在百官一員轉對 改永州居住。 傷齊犯泗州**,** 壬子 ,統制呼延通、王權等 守臣劉綱 撃走 丁酉

主。 湖 北 庚辰,韓世忠引兵渡淮 饑 閨 民。 月癸亥, 丙寅,尹焞 贈趙康 入見,命為祕書郎 直徽猷閣待制。 ,逆擊金人于劉冷莊,敗之。辛巳,李綱罷。 乙 丑, 兼崇政 蠲 、殿說書。 江 東路月椿錢萬緡。 甲戌,始作徽宗皇帝、 癸未,復漢陽 發米二萬石振京西 顯肅皇后神

金帥撻懶、兀朮入汴京執偽齊劉豫,廢爲蜀王。 月丙 申,賜吳玠犒軍 一錢百 *T*i. + -萬緡。 丁酉 以知温 癸丑,詔來春復幸浙西。 州 李光爲 江西 安撫制置 是月, 偽齊知 大使。 Ţ

月

張俊棄盱眙

引兵還建康

臨汝軍崔虎詣岳飛降。

侍從官, 廟、 馬希仲攻熙州,鄭宗、李進攻鞏州,不克,宗死于城下,希仲遁還,玠斬以徇。 皇太后,又許還河南諸州。 庚午,以解潛權主管馬步軍 + 舉武臣智略器局堪帥守謀議官者。 月庚辰,復置都 大提舉四川茶馬監牧官。 甲申,城泗州。 司, 命韓世忠留屯楚州,屏蔽 丁亥,復遣王倫等奉迎梓宮。是冬,吳玠遣裨將 癸未,王倫等使還,入見, 丁卯, 耐徽宗皇帝、 江、准。 己卯 言金國許還梓宮及 顯肅皇后 , 詔 內外大將及 神主于太

校勘記

- 張俊 原作「張浚」,據北盟會編卷一六五、中興小紀卷一八改。
- \exists 馬秦 原作「馬泰」,據 本書卷二九高宗紀紹興十年閏月丙戌條、繁年要錄卷八 四改。
- \subseteq 何蘚 原作「何鮮」, 據本書卷三五七何灌傳、繫年要錄卷八九改。 下文七年正 月丁亥條「何蘚」

同

- 官。 統領 華 旺 「統領」,當爲「統制」之誤。中興聖政卷一八、宋史全文卷一九都作「 淮西宣撫 司統 制
- 二五 李綱 本 紀 爲江西制置 第 = + 大使 校 勘 「江西」,原作「浙西」,據繫年要錄卷九四、 記 劉時舉續宋編年資治通鑑卷 五三三

四、宋史全文卷一九改。

 会 雷德進 繫年要錄卷九八、中興聖政卷一九、宋史全文卷一九都作「雷進」。下文六年二月乙卯

條「雷德進」同。

(主) 名金均房州民兵曰保勝 「金」字原脫,據本書卷一九二兵志、繫年要錄卷九九補。

(元) 戊辰朔 「辰」,原作「戌」。查本年四月是戊戌朔,則五月不當又爲戊戌朔;繫年要錄卷一〇一

作「五月戊辰朔」,據改。

元 六月乙巳夜 「乙巳」下原衍「朔」字,據中興聖政卷一九,是年六月是丁酉朔;本書卷六七五 行志說:「六年六月乙巳夜,地震。」「乙巳」下沒有「朔」字,是,據刪。

8 張浚 原作「張俊」,據繫年要錄卷一〇九、北盟會編卷一七七改。

宋史卷二十九

本紀第二十九

高宗六

和 齊 好 知壽州宋超率兵民來歸。 ,禁沿海州郡遣人過淮招納。 八年春正月戊子朔,帝在建康。 蔡州提轄白安時殺金將兀魯, 丁未, 丙申,減臨安府夏稅折輸錢。 大閱張俊軍。 戊 申 執其守劉永壽來降。 以兵部侍郎 戊戌、張守罷。 胡 世將爲四 韶以方議 辛丑 川 安

撫制置使。

黑子。 康 誼爲江東安撫制置大使兼行宮留守,呂頤浩爲醴泉觀使。 丙 月戊午,劉錡 寅 以呂頤浩爲江東安撫制置大使兼行宮留守。 ,以胡安國春秋傳成書,進寶文閣直學士。 入見。 減建康府夏稅折輸錢, 蠲民戶 戊寅 壬戌,岳飛乞增兵,不許。癸亥,帝發 趙租、和市、科 甲申 帝至臨安。 - ,減紹興府和市絹萬 己卯,以戶部尚書章 調。 庚申, 匹。 日 中 建 有

本

紀第二十九

高宗

六

州 官 陳 縣民債 天 與 所 王 授官 (義 祚 庶 爲靜海 爲 月 韶 欠稅賦。 樞 冒濫尤甚者悉與裁減 戊 密 丑: 戌 軍節度使、交趾郡王。 以 副 ,增夔州路路分都監一員**,** 使。 知 戊申 南外宗正 壬辰, , 蠲江 復以秦檜 事仲儡嗣濮王 . 西 湖南諸州月樁錢各萬緡。 壬寅, 爲尙書右僕射 修治關隘 定以故相韓忠彦配享徽宗 庚寅, 以禮部尚書劉 同 練義兵。 中 書門 己酉, 下平章 已亥, 大中 命考覈川、 源廷。 事 蠲農器及牛 參 兼 知 樞密 丁未, 政 陝宣撫司便 事 使。 兵部尚 蠲 稅。 甲 所 過 以

發 運 司 夏 四 癸未, 一月庚 申 詔 - , 初置戶部和糴 三衙管 軍 輪宿 禁中 場于臨安。 壬戌,遣王庶巡視江、准邊防。 丁丑,復置六路

慶充 能 南 育者 ,傲張宗顏將兵七 與 Ŧi. 王倫 給錢 月 庚 養之。 戌 等偕來。 了, 詔 鎭 壬 千屯 江府募横江 戊申, 寅 貶 廬州 劉子 以資政殿學士葉夢得爲 ,巨師占三千 羽為單州 軍 · 十 人。 竄內侍羅亶于海島。 團 ·屯太平州, 練 副 使,漳州安置 江東安撫制置 ,分韓世忠 庚子, 軍屯泗州及天長縣 丁未 大使。 禁貧民不舉子, 金國 己酉 使烏陵思謀、 王 底至淮 石

軍 申 統制張宗顏知廬州 賜禮部進士黃公度以下三百九十五 六月壬 戌,賜衍聖公孔玠 命劉錡率兵移屯鎭江府 衢 州田五頃, 人及第、出 奉先聖祠 丁丑、烏陵思謀、石慶充入見。 身。 事。 \pm 一庶自 癸亥,趙鼎上重修哲宗實錄。 淮南還入見。 乙亥,

秋 七月乙酉朔,復命王倫及藍公佐奉迎梓宮。 錄司馬光曾係伋補承務郎。 基出

東方。

具各嚴. 丑 八月戊午,詔:「日者遺使報聘鄰國,期還梓宮。 飭 屬 遣監察御 城 ,明告部 史李 曲 来宣 臨 事 渝 必戒,無忘扞禦。」 江 西西 ,措置盜賊 甲子,蠲 尙慮邊臣未論, 江 .東路月樁錢萬三千緡有奇。 **遂**弛戎備, 以疑衆心。 T

求去,不許。 哲與王倫偕來。 月丁巳, 韓世忠乞奏事行在,不許。 劉 大中罷。 甲戌,趙鼎罷。 戊寅,樞密副使王庶乞免簽書和議文字,累疏 乙亥, 日中有黑子。 丁丑, 金國 使張通 蕭

子,以 條奏。 滯獄。 實 省言 壬 十一月甲申,以翰林學士承旨孫近參知政事。丙戌,遣大理寺丞薛倞、朱斐詣廣南路 。」從官張燾、晏敦復、 孫近兼權同 戊戌, 子 不 . [11] , 改 S 差 監 王倫入見。已亥,復以倫爲國信計議使, 甲辰, 廣州 知樞密院事。辛丑,詔:「金國遣使入境,欲朕屈己就和,命侍從、臺諫詳 王庶罷。 都 鹽 魏矼、曾開 倉 辛亥, 、李彌 以樞密院編修官胡銓上 遜、 尹焞、梁汝嘉、樓炤、蘇符、薛徽言、御 中書舍人蘇符副之,符辭以疾。 書直諫、斥和議 ,除名,昭州 史方 決 廷 思 庚

水 一月甲 /: 郭 寅 4-、以趙 九 鼎 高 爲體泉觀使。 宗 六 乙卯,以宗正少卿馮檝爲國信計議副使。己未,以吏 五三七

嘉州 諭。 廷臣 爲 |明 勾龍 爲 部 金國 金 、 范如圭上書,極論 尙 封 庚辰,帝 忠 如淵 . 為 國奉表報謝使。 册 書李光 使來 鎮砦 侍 御史, 、右諫議大夫李誼 帝 盡割 參 曰:「朕 不御殿。 知 權吏部尙書張燾、侍郎晏敦復以廷臣主和議而升用, 河南、陜西 政 嗣 事 丙子,張通古、蕭哲至行在,言先歸河南地,徐議餘事。 不 守祖宗基業, 豈受金人封 以方居諒陰,難行吉禮,命秦檜攝冢宰 ·可和。 戊辰 故地,通好于我 、殿中侍御 王倫 甲戌,以端明殿學士韓肖胄簽書樞密院事 言金使稱 史鄭剛中凡再至都堂,及宰執議取國書。 ,許還梓宮及母兄親族,餘無需 詔論 一册。」 一癸酉 江南」,其名 ,館職胡珵、朱松、張擴 受書以進。 **不正** ,執奏不 秦檜以未 索。 是月 乙亥,命肖胄等 行。 以監察御史施 令尚書省榜 、凌景夏、常 見國 虚恨 丁丑, 詔: 御 史中丞 書 疑 犯

是歲,始定都于杭。

輔 地界使。 國 蠲其民租稅三年, 徭役五年。 一功臣 白: ,張俊加少傅、安民靖難功臣,韓世忠爲少師 戊子,遣判大宗正事士優、兵部侍郎張燾詣河南修奉陵寢。庚寅,賜劉光世號 春正月壬午朔, 帝在臨安。 以王倫同簽書樞密院事 丙戌,以金國 通 張浚復左宣奉大夫。 和 大赦。 ,充奉護梓宮、迎請皇太后、交割 河南新復州軍官吏並 辛卯 以 尹焞 和衆 不易

割地 沂 爲 倫 中 徽 爲 太尉 東京留守 歸 猷 閣待制 我 之意 癸巳,建皇太后宫。 郭仲荀 提舉萬壽觀 改發運經制司 為副 急兼侍讀 一,戶 部侍鄓梁汝嘉兼江、淮、荆、浙、閩、 為經制 甲午, **摩力辭不拜。** 金宿 司 命戶 州守臣趙榮 部 長 漬 壬辰, 一人領 來歸。 加岳 使,仍置 飛、吳玠並開府儀同三司 丙 申 廣路經制 副 金 主 或判官 詔 使, 諭 司農卿 河 戊戌, 南諸 以王 州

爲

判官。

己亥,以吳玠

爲四川宣撫使

周聿、 餘 戌 以 修徽宗實錄 · 力 没。 郭仲荀爲太尉、 以李綱爲湖南路安撫大使,張浚知福州, 方廷實蒐訪隱士。 月癸丑 江 西 統制官李貴以其軍歸楊沂中。 癸酉,詔:盜賊已經 ,以徽猷閣待制周聿爲陝西宣諭使,監察御史方廷 東京同留守。 甲子, 均定諸州縣月椿錢。 招安 慕洧寇環州。 而復嘯聚者,發兵加誅,毋赦。 尋復資政殿大學士,爲福建路安撫大使。 戊午, 己巳,以郭浩爲陝西宣諭使。 以知金州郭浩爲陝西宣撫判官。 實宣諭三京、淮北。 是月,日中有黑子 壬申,命 Ţ Ě, 月 命

辛丑 丁未,正僞齊所改州縣名。 南 一京、壽春 三月丁亥 以翰林學士 、宿亳曹單州 了; 以 和州 一樓炤簽書樞密院事 防禦使璩爲保大軍節 及陝西、京西之地。 甲辰, 度使,封崇國公。 兀朮還祁州 偽齊知開封府鄭億年上表待罪, 己亥,分河南 丙申,王倫受地于金, 爲三路,廢 召赴行在 得 洪 . 東西 州

本

紀

第

二 十

九

高

宗

六

五四

ō

是春,夏人陷府州。

癸酉 中彦 子 制 占 ,,以 使張中孚 上 ,詔新復諸路監司、帥臣按劾官吏之殘民者。 上表待罪, 一表待罪 夏四 觀文殿學士孟庾爲西京留守, 月庚戌朔,呂頤浩薨。 上表待罪,命爲檢校少保、 ,命知延安府。 命知渭州。 癸丑, 落趙鼎 以孫近兼權 辛亥, 資政殿學士路允迪 命樓炤宣諭陝西諸路。 寧國 同知樞密院事 奉國 軍節度使、 軍節度使爲 韓世忠、張俊入見。 $\stackrel{\frown}{\Box}$ 南京留守。 知永 %特進, 0 興軍 壬 壬午, 申, 仍知 節 丙寅 移壽春府治准北舊城。 泉州。 金鄜延路經略使關師 制陝西諸路 金秦鳳經略 金陝西 軍 諸 馬。 ·使張 路節 甲

乙未,復置淮東提舉茶鹽司。 五月庚寅,奉迎東京欽先、孝思殿累朝御容赴臨安。 癸卯,復召募耆長法。 丙午, 辛卯, 鄭延副將李世輔部兵三千自鳳 復命江、淮守臣二年爲任。

翔來歸,賜名顯忠。

孟庾 國 巳,吳玠薨。 几 招撫 百人爲忠銳三將。 、兼東京留守。 六月庚戌,皇后邢氏崩于五國城。 派使王 樞 壬申, 赴行 在 王倫自東京赴金國議事。 樓炤承制以李顯忠爲護國軍承宣使、樞密 庚申,盜 癸酉 澧州軍 入邵武軍。 事 推官韓紃坐上書論 辛亥,夏國主乾順卒。 壬戌, 樓炤承制以楊政爲熙河經略使, 以新 復州縣官吏懷不自安, 講 行 和)府前 壬子, 樓炤以東京見卒四千 非計 軍 送循州編管。乙亥,以 都統制,率部兵及夏 降詔 吳璘爲秦鳳 開 諭。 己

務 兵 經 略 于永興 四 萬 使, 人出 仍並聽四川宣撫司節 軍 屯熙、秦,六千人隸郭浩, 是月,撫州鈴轄伍俊謀據桃源復叛,湖北 制 郭浩爲 留吳玠精兵二萬人屯興元府、 配 延經略使、 安撫薛弼召誅之。 同節制 陜 西 、興洋二 軍 ·馬。 一州。戊寅,置錢引 丙 ·子, 分宣 撫 司

僞 皆 官 引 見補官遣還。 秋 換給告身。 -[月甲申,以文臣爲新復諸縣令。 乙巳,給還僞齊所沒民間資產 復置都水南北丞各一員。丁亥,金人拘王倫于中山。 丙戌,東京耆老李茂松、寇璋等二百人奉表稱賀 以胡世 將兼權主管四 川宣 丙申, 撫 命詳驗劉豫 司

號 蠲 便 錢二 宜 ,造前知宿州趙榮、知壽州王威俱還金國 成都、潼川 所 八月己酉 百萬緡付陝西市 補官 路歲輸對糴等米五 限 1,復准 车 自陳 南諸州學官。 軍 儲。 換給告身。 己巳, 十四四 庚戌,賜陝西諸軍多衣 萬石、水運錢七十九萬 命陝西復行鐵錢。 丙 . 辰 金國 以關師古爲行營中護軍前 以撻懶主 行,稍 庚 和 午, 緡。 割 + 五 地 乙 扯 遣蘇符等使金賀正 萬 疑其二心, 匹。 ,給新法度牒、紫衣師 軍統 命前川、陝宣撫司 制 殺之。 壬戌 Z

安 禦 使 郡 王 温 九月己 濟 告韓世 庚寅 卯 靇 命鄜延、秦鳳、熙河路招納蕃部熟戶及陷沒夏國軍民。 忠陰事 經制司、 事勒停 令提刑兼領常平事。 ,南劍州編管三。 世忠又奏欲殺之,詔移萬安軍。 甲午,名皇太后殿曰慈寧。 丙戌,封叔 丙申 - , 以威: 士優為齊 郭仲 州 防

本

紀

笰

|荀率

東京

兵五

千

至

鎭

五四二

冬十月辛亥,詔侍從官各舉所知二人。|王倫見|金主于御林子, 甲寅 被拘于河間, 遣其副 州民 藍

公佐 稅之半。 先歸。 戊辰、慈寧宮成。甲戌、日中有黑子。丙子、賜李顯忠軍錢十萬緡。是月、岳飛入見。 ,王樞入見,倂其俘百九十人皆縱遣還夏國。己未,蠲階、成、岷、鳳四

理官 編次刑名斷例。 十一月戊寅朔, 賜吳玠家錢三萬緡, 癸未ご 嗣濮王仲儡薨。 以其弟璘爲龍、神衞四廂都指揮 己丑,詔三省官屬詳覆在京通用令。 使。 申命刑部大 追復張所

符等于東京,謀復取河南。 十二月甲寅,命續編紹興因革禮。 甲子,李光罷。 戊辰,命續修元豐會要。 兀朮留蘇

宣龍圖

閣

直 .學士、提舉醴泉觀鄭億年復資政殿學士,奉朝請。 十年春正月丙戌,遣莫將等充迎護梓宮、奉迎兩宮使。 辛卯,李綱薨。 甲辰,以顯謨閣

以 展省試 劉錡 ,置監修國史官。 二月戊申,命陝西復募蕃漢弓箭手。 爲 期一 東京 年。 副留守, 壬戌,詔新復州軍蒐舉隱逸,諸路經 以孟庾知開封府,爲東京留守; 李顯忠南京副留守。 詔: 壬子, `贓吏罪抵死,情犯甚者,奏取旨。 命兩宗正官各舉所知宗室二人。 仇愈知河南府、西京留守。 理 屯田。 丁卯,罷 史館,以 日曆歸秘 辛亥, 癸酉,罷吏 癸丑, 雨雹。 書

部審量宣和濫賞。

隨 罷 撫 宜 內 副 搢 教。 使 月 置 胡 世 甲 復營建康 將 申 己亥,以郭浩 屢言 金· 封 関伯 行宮。 人必渝 爲商丘 知永 丙申 盟 宣 興 , 蘇符 明王。戊子 軍兼節制陝西諸路 宜爲 自 備。 1東京 己 還。 增 丑: 印 錢 丁 罷 引 諸 軍 酉 馬 路 五 命川、 增置 , 百萬緡,付宣撫司 楊政徙知 陝宣 稅 場。 撫 興元 韓 司 世 軍 府。 事 忠 市 、張俊 不及待 · 軍 儲。 是月, 入見。 報者 川、陜 命胡 世 聽 始

聖觀 (三), 夏 四 月丙午,訪求亡逸曆書及精於星曆者。 趙彬爲兵部侍郎。 癸亥,命部使者歲舉廉吏一人。庚午, 辛酉, 以 張 中学 為醴泉觀 復四川諸州學官。 使, 中彦 提舉 站

申,韓肖胄罷。

將

與夏

人議入貢

了夏人不

報

拱州 湖 轄 路 東京 宣 李 允 守臣 撫 興 迪 五月己卯, 留守孟庾以 率 司 兵 忠 王慥 劉錡 義 拒 戰 統 死之。 金人叛盟,兀朮等分四道來攻。 、不克。 領 引兵至順昌府。 城降,知 李寶 撒离曷自 敗金人于興仁府境上。 辛卯, 興仁府 胡世 河中趨永興軍 李師 己丑 將 一、金人陷 自 雄、知准 泂 池遣 下, 陝西 语声京, 寧府李正民及河南 癸巳, 涇原經略 甲申,名徽宗御制閣曰敷文。 留守李利 州縣官皆降。 知亳州王彦先叛降于金。 使 田 晟以兵三千人迎敵 用、副總管孫暉皆 諸 丁亥,金人陷 州 繼 降。 丙戌 Z 南京 棄城走,鈴 金人陷水 金 一 人。京、 金 | 兀| 朮 留守 陷 入

本

紀

第

_

+

九

高

宗

興 軍 卻 軍 出 一繼至 馬 境共計。 軍 聽胡世將便宜黜陟、處置軍事。 趨 金人圍耀州,郭浩遣兵救之,金兵解去。 鳳翔 劉錡力戰,敗之。 己亥,命劉光世爲三京招撫處置使, 1 酉,命胡世將移陝西之右護軍還屯蜀口 辛丑 一、金人犯鳳翔府之石壁砦,吳璘遣統制姚 壬寅, 以援劉錡。 ,金人<u>圍順</u>昌府,三路都統萬王褒以大 以福建、廣東盜起 庚子 ٠, 以吳璘同節制陝西諸 ,命兩路監 仲等拒 司

敗之。 還 戰 溜 未 之。壬子,兀朮及宋叛將孔彥舟、酈瓊、趙榮等帥衆十餘萬攻順昌府,劉錡 念 崎遣將閻充 敗之,撒离曷還屯鳳翔 爲沿 宮營繕。 劉光世進軍和州 費外, 以知平江府梁汝嘉兼浙西沿海制置使。 六月甲辰朔,以韓世忠太保、張俊少師、 海 初 ,秦檜奏命崎擇利班師, 崎不 制置使。詔:將佐士卒能立奇功者 戊申,以劉錡爲沿淮制置使至。 悉發以贈軍 (四)戰敗金人于順昌之李村。 郭浩遣統制鄭建充攻破金人于體州 樓炤 命 以父喪去位 士優主奉濮王 奉詔 丙午,命 己酉 賞以 一祠事。 甲子 戰益力,遂能以寡勝衆。 岳飛少保並兼河南、 丙辰,岳飛將牛皋及金人戰于京西,敗之。 ,吳璘遣統制李師顏等戰敗金人于扶風 , 使相節 兩浙、 撒离曷攻青谿嶺 張俊遣左護軍都統制王德接劉錡,德暫 鉞官告,臨軍給受。 江東、福 復其城。 建諸 北諸路! 乙卯 州 鄜延經略使王彦 壬戌, 團結弓弩手。 招討使。 · 率將士殊死戰,大 順昌 丁未,罷建 韶諸司錢物量 圍解, 兀 乙巳, 率兵 以 康 术 仇 府 劉

勝、背 統 等與金 引 臣 北 丙 屬 撫 至 丁 西 固 亥,詔 制 ,復鄭州 申 遠郡。丙子,詔三衙管軍及觀察使已上,各舉智略勇猛材堪將帥者二人。。金人犯涇州 順 節 歸 曲 諭 , 順 昌 王勝、王權攻 度 鳳 汲 閏月癸酉朔,張俊遣統制宋超敗金人于永城縣朱家村。 鬼將' 酈瓊及葛王襃遁去,遂復亳州。 金人不能 張憲復准 使 翔 棄城去,經略使田晟率兵來救,金 昌 Á , 値 釋順昌府流以 、戰于華 ,楊政武當 府官吏兵民。 成 重 乙酉 慢率兵至准陽軍 已解,復還廬 李興復汝州,與金人戰于 下。 寧府。 陰縣, 、降陝西雜 海州,克之,執其守王山 節度使, 岳飛領兵援劉錡,與金人戰于蔡州, 敗之。 下 丁 庚午, 凶 酉 州。 ,再復租 犯死罪,釋流以下囚。 郭浩奉國節度使。 趙鼎分司 以劉錡爲武 壬辰 南,與金 遣 司 岳飛遣統制 稅 農少卿李若虛詣岳 己亥,金人救海州,王權等逆戰,敗之,復懷仁縣。 河清縣,敗之, 二年,守禦官吏進官一等。 人遇,擊敗之。 , 興化 人敗走。 泰軍 戊戌, 張俊 軍 節 居住 張憲擊金將韓常于潁昌府, 王德攻金人于宿州 度使、侍 甲申 丙戌,以胡世將爲端明殿學士,吳璘爲鎭 0 復伊陽等八縣, 是月, · , 晟及金 邪 岳飛遣統制郝晸等與金人戰于鄭州 率統制宋超公等及王德兵會于城 敗之,復蔡州 衞 軍諭指班 馬 金 甲戌,追孟庾、路允迪官,徙家 軍 人圍慶陽府, 人再戰于涇州 都 己丑,永興軍鈴轄傅忠信 師、飛 [虞候。 夜破之, 降其守馬秦。 李成 不聽。 《遁去。 韓世 敗之,復潁昌。 權守臣宋萬年 一忠遣 敗之,金人 丙 韓世忠遣 寅, 統 下詔 制王 庚

本

紀

第

= +

九

高

宗

六

五四

五

子 俊 寒 亳州 引軍還壽春。 再貶趙鼎漳州居住,又貶淸遠軍節度副使,潮州安置

败之。 再 參 趙秉淵棄城南歸。 爲金有。 戦 興、王蘭等擊金 知 政 于 秋 事 長安城下 七 壬戌,飛以累奉詔班師,遂自郾城還, 月癸卯 甲子 己酉 ', 以 ,敗之。癸丑,以楊沂中爲淮北 ,岳飛遣將張應、韓淸入西京,會李興復永安軍。 ·岳飛及

兀朮戰于郾城縣,敗之。 人于小商橋 釋奠文宣 辛未,金人犯整屋縣,王俊逆戰于東洛谷,卻之。 王爲大祀。 ,皆戰死。 乙丑 乙卯,金 ,增收州縣頭子錢爲激賞費。 軍皆潰, 電無副: 人文 庚戌, 曲赦海州。 領昌 使、劉錡爲判官。 金人追之不 l', 岳 飛遣將 及。 丙 (午,以御史中丞王次翁 王貴、姚政合兵力戰 永興軍 甲寅 穎昌、蔡鄭諸州皆復 金人圍推寧府, ,岳飛遣統 一統領 辛鎭 制 及 楊 金

午, 郭浩 忠遣 議 Щ 皆降黜之。 統制 知 八 、月壬申朔, 陝宣 夔州 劉寶等夜襲破之。 撫 司 乙亥,韓世忠圍准陽軍,不克。庚辰,金人及酈瓊合兵駐于千秋湖陵,韓世 丁亥,楊沂中自宿州 統領 以張九成、喻樗、陳剛中、凌景夏、樊光遠、毛叔度、元盥等七人嘗不主和 王喜等遇金人于汧陽縣,敗之。 壬午,李成犯西京,李興擊卻之。 夜襲柳 子鎭,軍潰 遂自 壽春府渡淮 楊沂中軍于 歸, 宿州 金人屠宿州 丙戌, 以 甲

未, 楊政遣統制楊從儀夜襲金人于鳳翔府,敗之。戊申,金人復入西京, 九月 壬 寅 朔 遣起 居舍人李易 諭 韓世 忠罷兵。 時秦檜專主和議, 諸 大帥 李興棄城去。 皆 湿鎭。 庚

戌,合祀 天 、地于明堂, 辛酉,臨安火。 戊辰,以郭浩知金州,節制陝西 、河東軍馬兼指

置河東忠義軍。

是秋,知代州王忠植舉兵復石、代等十一州。

撫使。 冬十月癸酉, 戊寅、秦檜上重修紹興在京通用敕令格式。 復張浚觀文殿大學士。甲戌,以王忠植爲建寧軍承宣使、河東路經略安 庚辰, ,金人犯慶陽府,守臣宋萬年以 城

降。 逢擊敗之。 辛卯、金人犯陝州、吳琦率兵迎擊敗之。庚子、金人襲洮州、攻鐵城堡、統制孔文淸、惠 是月,劉錡入見。 胡世將命王忠植救慶陽,叛將趙惟清執之降于金, 忠植 不屈

而

死

之。 以合愿爲保寧軍節度使。 十一月丁未,金將合喜復犯陝州,吳琦擊卻之; 是月, 宜章洞民駱科叛, 又犯寶鷄縣,統制楊從儀敗之。 犯桂陽、 命發大兵討 壬子,

起諸路耆長役錢隸總制司,專給軍用。 十二月壬午,上皇太后册寶于慈寧殿。 是月,楊沂中引兵還行在。 丁亥,贈王忠植奉國 軍節度使,盜義節。

一年春正月癸卯,鳳翔統制楊從儀敗金人于渭南。 本 紀 第 + 九 髙 宗 六 庚戌,張俊入見行。 五. PU -1-

州 绤 犯 嵩 戊辰 春 萬 府 援淮 ,守臣孫 金人陷 西 暉、統制雷仲合兵拒之。丁巳,壽春陷 商 庚申 州 守臣 金 人渡淮。 邵隆棄城去。 辛酉 己巳, 雨 雹。 一,命楊沂 乙丑: ,暉、仲棄城去。 中 劉錡 引兵 至廬州 赴 淮 四 還。 岳飛進兵 丙 劉錡 自太平州 江 兀 朮 陷 廬

逆 等敗 州 乙亥 崔 昭 皋 뢺 于店步 金人 辛巳, ~; |金 · (元) 月 劉錡 擊敗金人于舒城縣。 人復來爭和 、癸酉 于含山 知泰州 自 沂中等 張俊 東 [縣東。 關擊敗金人于青谿 王 一晚兼通、 造 又敗之, 州 張俊 王德渡江 己 卯 泰二州 敗之。 乘勝逐北 , 丁亥, 統制 一,屯 關 和州 楊沂中、 制 命韓世忠以兵援淮西 烫復 師 甲 置 古、 申 使。 ,金人退 廬州 劉錡 金 李横擊敗金人 癸未 人復 等大敗兀朮軍于柘皋。 屯昭 个,王德、 是月 犯四 馤 鍋 ,虔、吉州盜賊悉平。 田 、于巢縣 Ŧ, 邵 丙子 師中等擊破金 隆 德等又敗之。 破 趣 金 復之。 岳 人 飛 于 己 洪門 會兵 人, 庚辰, 丑: 李顯忠遣統 嘶 ,兀朮親 復 復 含山縣 岳 黄 商州 派 浴兵 發鄂 2 王德 領 奪

執 |春 守 臣王進 癸卯 , 沂中、衛先行, 韓世忠至濠州 月庚子朔,張浚(10)進鬻田及賣度牒錢六十三萬緡助 ,復張浚特進CII)。 ,夷其城 俊以輕兵留後。 ,不利而 , 針轄 邵 退。 青死之。 金 人圍濠州 辛亥、岳飛 丙午 戊申 , 沼釋 岳飛發舒州 次定遠縣 張 俊遣楊沂中、王 淮 西 雑 犯 聞金兵退 死 甲辰 軍用。 罪 以下 、張俊、楊沂 德 人濠州 壬寅, 還屯舒州 凶 1. 未 , 遇金伏兵, ιþ 韓 世 劉錡 金人陷濠州 忠引兵趨壽 楊沂中歸行 議 敗還。 班 師

T 金 人渡淮 北 歸。 癸丑 ,張俊歸 建 康 府三] -Ë, 劉錡歸太平州。 甲子,行營統

張彥及金人遇于浒陽之劉坊砦,第八將張宏戰沒。

屯 復分班奏事 張俊、岳飛 舊 夏 所。 匹 一月丙 丙申,以廣西經略使胡舜陟節制廣東、湖南兵,趣討駱科。 相繼入覲(言)。 子,復收免行錢。 乙未,脹俊請以所部兵隸御前日。 壬辰 己卯, ,以世忠、俊並爲樞密使,飛樞密副使,命三省、樞密院官 孫近罷。 字 已, 罷三宣撫司 以王 一次翁 ,改統制官爲御前統制官, 兼權同知樞 慕容洧破新泉砦, 密 院 事 韓世 又

攻會州,將官朱勇破之。

密 癸 行 卯 府置 五. 膊 一月辛 恤 司 戰沒將 鎭 丑: 。 置 江 , 令編 兩准、 士。丁未,遣張俊、岳 行 江 巡 東西、湖廣京西三道總領軍馬錢糧官, 歷措置。 庚 飛于楚州 申 , 加楊 沂中檢 巡 視 邊防。 校 少保、開 召 劉 光 府儀 仍掌報發 世 赴 同三 行 在 御前 司 甲寅 軍馬 文字。 命樞

張 俊、 六月 后飛至楚州 甲申 乙亥,造尅 知河南 俊以海 一敵弓。 府李興部兵至鄂州 加秦檜特進 州 城不 ·可守, , ,以興爲左軍統制。 進尙書左僕射、 、毁之,遷其民, 同中 統韓世 書門下 乙丑, 忠軍還鎮 · 平 章 明州僧王法恩等謀反伏 事 江 兼 惟 樞 背嵬一 密 使。 癸未 軍赴

秋 七 本 月戊戌,秦檜 紀 第 _ + 九 上徽宗實錄,進修撰以下各一官。 髙 宗 六 庚子,以翰林學士范同參知政事 五 刀

誅

王

劉光世

罷爲萬壽觀使

五五〇

以 Z 卯 早 減 詔 膳 優獎永同 斻 禱 興 遣 官決滯獄 鳳翔 秦 隴等州縣官 出 繁囚。 丁 , 未 到 任 加 半 秦檜少保 车 减 赔 勘 甲寅 任 满 遷 靇 劉錡 官 兵 命 知荆 加 張俊 南府。 太

月戊辰,立 祚 德廟 于臨安 祀 韓 厥 甲戌 行。 岳 派。 乙亥,命諸王後各推 年長

主祀事。癸巳,胡世將起復。

傅。

癸亥

大

雨

是

月,命張俊

復

加

鎭

江

措置

軍

務

留

岳

派

行

在

復虢 州 復 家灣,大 制 將 華 張 州 州 武 憲 九月癸 誼 謀 郝晸 敗之,遂 降 據襄陽爲變,張俊收憲屬吏以聞。 陝州。 卯 討 壬 禽駱科 圍臘家 命軍器少監鮑琚如鄂州 甲 ,、磷率姚仲及金人戰于丁劉圈 寅, 斬之。 城。 建 康 癸亥,璘 大火。 丙申 自臘家城受詔 根括宣撫 遣劉光遠等充 丁未,坐監司不按贓吏罪 司錢穀。 敗之。 班 師 金國 楊政、郭浩皆引 楊政 鄂州 通問 克隴州 前 使。 軍副統制王俊告副 吳璘及 破岐 辛亥,吳璘拔 軍 還 下諸 金 乙丑 屯。 人戰于剡 秦州 邵 都統 郭浩

牒。 爲 辰 金國稟議使。 楊政 下岳 多十月 及金 飛、張憲 丙 人 寅朔 戦 乙酉 大 于 理 寶鷄縣 金人陷 一樣, 虚恨蠻主歷階詣嘉州降。 命 敗之, 泗州 御史中 禽通 遂陷 丞何鑄、 檢字堇 楚州 大理卿周 T 乙亥, 癸巳, 卯 命 兀朮 樞 韓世忠罷爲體泉觀 一畏鞫 密 遣劉光遠 都 之。 承旨 壬午 鄭 等 剛 ·,遣 還。 中 宣 使, 魏 諭 戊 良臣 Ü 寅 封 福國公。 、王公亮 ||陝。 詔 修玉 戊

是月,金人陷濠州,邵隆復陝州。

簽書樞 事出 兵 IJП 中 酉 蕭 (馬都 、陝宣 流 以 畫 撙 張浚爲檢校少傅、崇信軍節度使、萬壽觀使。 邢 監程 疆 密院事 撫 具 申嚴戚里宗 月己亥,范同 割 、赡與魏 司 師 毋 唐 充金國 回 出兵 、
鄧二州界之,
歲奉銀二十五 討 。良臣 平之。 生事 室謁 等偕 報謝進誓表使。庚申,命宰執及議誓撰文官告祭天地、宗廟、社稷。 靇 ',招納叛 禁。 責降 來。 己酉 丁未 李光爲 Ľ, 「,雷。 范同 駱科餘黨歐幻四 建寧軍 壬子,蕭毅等入見, 分司 萬 節 兩、絹二十 筠 度 是月,與金國 州 副 居住 使, 等復 五. 藤 叛桂陽藍山 萬 始定議 州 龍 .匹,休兵息民,各守境土。 安置 判 和議成,立 大 和盟誓。 、宗正事 半出 犯 不陽縣 上 盟書,約以淮 **儿** 北 乙卯 優 遣 同 遣 以何 審議 知宗 江 西 使 IE

岳 產 籍 趣 業 紙 割 勾 死于大 考諸 簿 陜 十 呈 西 月 丁 路 餘 理寺,斬其子雲及張憲于市,家屬徙廣南,官屬于鵬等論罪有差。 籍民 滯 地 獄 卯 貨財田宅以定賦 遂命 責降徽 甲戌 周聿 罷 猷 、莫將、鄭剛 川、陝宣: 閣待制劉洪道 役,禁受財虧隱舊額。 撫 中分畫京西唐鄧、 司 便宜 為濠州 行 事 團 練 乙亥, 副 陜 使, 丁亥, 兀朮遣 西 柳 地 州 界。 立譏察海舶條法。 安置。 何鑄 壬 一午,命! 等 癸酉 如會寧見金主 州縣三歲二 命尚 書省 且

校勘記

- (二)以孫近兼權同知樞密院事 按此事已見上文八年十一月庚子,中興聖政卷二四、繁年要錄卷
- 二三也繫于八年十一月。本句史文重出。

(三) 南劍

州編管

「南劍州」,原作「南建州」。

按宋無「南建州」,據繁年要錄卷一三二改。

3 祐聖觀 繁年要錄卷一三五、北盟會編卷二○○都作「祐神觀」。 按朝野雜記甲集卷二,佑聖觀

「淳熙三年建,以奉佑聖眞武靈應眞君。」此處記高宗時事,當以「祐神觀」爲是。

- 閻充 本書卷三六六劉錡傳同。中興戰功錄、中興聖政卷二六、繫年要錄卷一三六都作「閭充」。
- 金) 劉錡爲沿淮制置使 「沿淮」,原作「沿海」,據本書卷三六六本傳、繫年要錄卷一三六改。
- **(** 云) 宋超 原作「宋紹」,據上文閏月癸酉條、繁年要錄卷一三六改。
- (七) 張俊入見 「張俊」,原作「張浚」,據繁年要錄卷一三九、北盟會編卷二〇五改。
- **公** 商州 原作「南商」,據繫年要錄卷一三九、北盟會編卷二〇五改。
- (元) 統領崔 皋 「統領」,當爲「統制」之誤。繫年要錄卷一三九、中興聖政卷二七、十朝綱要卷二三都
- (0)張浚 「張浚」,原作「張俊」,據繫年要錄卷一三九、中興聖政卷二七改。

作

制。

復張浚特進 「張浚」,原作「張俊」,據中興聖政卷二七、宋史全文卷二一改。 53

五五三

張俊歸建康府 「張俊」,原作「張浚」,據繫年要錄卷一三九、中興聖政卷二七改。

(III) 韓世忠張俊岳飛相繼入覲 「張俊」,原作「張浚」,據繁年要錄卷一四〇、北盟會編卷二〇六改。

至 命州縣三歲一置產業簿 「簿」,原作「部」,據宋會要食貨一一之一七改。

「張俊」,原作「張浚」,據繫年要錄卷一四〇、中興聖政卷二七改。

張俊請以所部兵隸御前

宋史卷三十

本紀第三十

高宗七

州修學宮。 二月丁丑,加建國公暖爲檢校少保,進封普安郡王。 十二年春正月癸卯,罷樞密行府。 辛卯、蠲廣南東、西路駱科殘擾州縣今年租。 庚申,孫近分司,漳州居住 己卯,賜楊沂中名存中。 鎭江、太平池州、蕪湖大火。

丙戌

詔

癸

金主許歸梓宮及皇太后,遣何鑄等還。

三月丙申,臨安府火。壬寅,命普安郡王出就第,朝朔望。

辛亥,以土優嘗營護岳飛爲

諸

朋比。 責健州居住。 丙辰,胡世將卒。

后偕梓宫發五 夏四月甲子朔,遣孟忠厚爲迎護梓宮禮儀使,王次翁爲奉迎兩宮禮儀使。 一國城, 金遣完顏宗賢、劉胸護送梓宮,高居安護送皇太后。 庚午,賜禮部進士 丁卯, 皇太

本 紀 第

=

+

高 宗 七

五五五

Ξī

陳誠之以下二百五十四人及第、出身。 戊寅, 封韋淵平樂郡王。 辛巳,皇后邢氏崩訃初至。

甲申,增修臨安府學爲太學。

京西、陜西諸路権場。 五月甲午,以鄭剛中爲川、 丙午,增築慈寧殿。 陝宣撫副使。 停給度僧牒。 乙未, 遗沈昭遠(二等賀金主生辰。 乙卯,復試教官法 置准西、

責降王庶爲嚮德軍節度副使,道州安置。 六月甲子,命侍從、臺諫、 禮官雜議權奉費宮。 壬午, 金國歸孟庾、李正民。 戊辰 ,以万俟离爲欑宮按行使。 甲申,以吳璘爲檢校 辛未,

少師、階成岷鳳四州經略使。

廟。 己亥,以何鑄權參知政事。 秋七月壬辰朔, 福州簽判胡銓除名,新州編管。 己酉,始製常行儀仗及造玉輅。 丁酉,上皇后諡日懿節 乙卯,蠲廣南、湖北沿邊州 附神主于別

軍免行錢。

ííí 政 上津、豐陽、天水三縣及隴西成紀餘地、棄和尚、方山二原,以大散關爲 事 二后梓宮至,奉安于龍德別宮。 ,充金國報謝使。 九月乙未,以孟忠厚爲樞密使,充欖宮總護使。 八月辛酉朔,兀朮使來求商州及和尚、方山二原。 壬午,皇太后至,入居慈寧宮。 是月, 鄭剛中分畫陝西地界, 壬寅、大赦。 己丑 丙寅,何鑄罷。 ,帝易緦服,奉迎徽宗及顯肅 割商、炭之半界金國 乙巳,加秦檜太師, 界。 甲戌,以万俟离參 封。 知

水 紀 第 = + 卨 宗

或 公。 午, 金使劉筈、完顏宗表等九人入見。 戊申,以王次翁等充金國報謝 使。 藏 金國

誓書于 公主李善靜。 內侍省 以知金州郭浩三爲金、房、開、達四州經略安撫使。 辛亥,加張中孚開府儀同三司, 中產婦海 軍節度使。 始遣楊愿使金賀正 甲寅 杖殺偽 福

居 進 后 住。 財秦檢爲秦、魏兩國公,辭不拜。 庚辰,以何鑄黨援岳飛 耐。 冬十月乙丑,始聽中外用樂。 乙亥,以翰林學士程克俊至一簽書樞密院事、權參知政事。丁丑,以皇太后回鑾,推恩 甲申、皇太后生辰、上壽于慈寧宮。 丙寅,權欖徽宗皇帝及顯肅皇后于會稽永固陵, 丁亥,置福建路提舉茶事 ,不主和議,責授祕書少監 司 (国)。 懿節皇 微州

殿。 使公司 承 事 辛 郎 迚 專治經界。 一月癸巳, 張成坐黨趙鼎、岳飛停官。辛亥,遣張中孚、中彦還金國 劉 光世薨。 樞密使張俊 乙未,加楊存中少保。 壬寅,曾祖姑秦、魯國大長公主 (三)罷,進封淸河郡王 己亥,禁貶謫人私至行 一薨。 以左司 丙午,尹焞卒。 郎中李椿年 在。 庚子,作崇政 爲 庚戌、孟忠厚罷 兩浙 、垂拱二 轉 運 副

公主第臨奠,又幸劉光世第臨奠。庚午,命太學弟子員以三百人爲額。 通 (用 十二月甲子,詔侍從、監察御史已上、監司、郡守各舉所知宗室。 敕令格式。 癸酉,以李顯忠爲保信軍節度使、御前選鋒軍統制,王進爲御前諸軍 丙寅、幸秦、魯國 壬申,秦檜上六曹寺

七

是歲,斷大辟二十四人。

十三年吞正月戊戌,加上徽宗諡曰體神合道駿烈遜功聖文仁德憲慈顯孝皇帝。

親饗太廟,奉上册寶。癸卯,增建國子監太學。乙巳,復兼試進士經義、詩賦。

累朝 庚辰,立太學及科舉試法。辛巳,祕書少監秦熺修建炎以來日曆成。 肺。 神御。 丙寅, 二月壬戌,初御前殿,特引四參官起居。甲子,製郊廟社稷祭器。 封韓世忠咸安郡王。乙亥,蠲雷、化等十州免行錢。 丙子, 造金、象、革、木四輅。 乙酉,建景靈宮,奉安 乙丑,更永固陵日永

三月己亥,造鹵簿儀仗。乙巳,建社稷壇。 丙午,築圜丘。 振准南饑民。 仍禁遏糴

夏四月癸亥,頒鄉飲酒儀于郡國。甲戌,毀獄吏訊囚非法之具。

閏月己丑,立貴妃吳氏爲皇后。戊申,命史館編靖康建炎忠義錄。 庚戌,楊政入見,加

檢校少保,賜田五十頃。 壬子,蠲諸路無名月椿錢。 乙卯,王次翁罷。

五月甲子,張九成坐黨趙鼎,南安軍居住。 壬申,置國子博士、正、錄。 乙亥,命諸路置

放生池。丁丑、天申節、始上壽錫宴如故事。

六月壬戌,禁三衙及諸軍市易,月增將官供給錢有差。 壬寅、程克俊罷,以万俟离兼權

簽書 樞 密院事。 戊申, 詔諸路提刑歲舉部內廉明平恕獄官。 庚戌,金遣洪皓、張邵、

歸。

戊辰, 秋 置諸州銅作務。 七月甲子, 詔求遺書。 壬申,雨雹。 罷捕賊補官格。 蠲浙 西貧民逋負丁鹽錢。 丙寅, 處州兵士楊興等謀作亂, 事覺伏誅。

中獻黃 晟主管侍衛 贈 學 兵部尙書,賜其家銀絹。 事 詔淮東、京西監司歲終上州 。戊戌,洪皓至自金國 八月丙 九月丁 金萬 已,宗室子偁卒于秀州(云)。 戊,遣吏部 馬 兩。辛丑,復昌化、萬安、吉陽軍〔七〕。 軍司公事 侍郎江邈奉迎累朝神御于温州。 丁,其衆 , 入 見。 癸酉,詔諸州守、貳提舉學事,縣令、佐主管學事。 隸 縣所 焉。 己亥,遣鄭朴等使金賀正旦,王師心等賀金主生辰。 增戶 己酉 \Box , 甲子,洪皓出 , 加錢 爲守令殿最。 愐 知階州 太尉。 知饒 田晟將 庚戌、詔監司、守臣講求恤 丁亥,命諸路有出身監司一員提舉 州。 庚午, 所部三千人赴行在。 戊辰, 以兵部侍 命諸路置敦宗院。 郞 戊寅、蠲淮南 司 馬 朴死 民 1 未,以 事 鄭 剛

靈宮 冬十 月己丑,秦檜上監學敕令格式。 庚寅,製渾天儀。 乙未,奉安累朝帝后神御于景

逋

欠坊場錢及上供帛。

+ 本 月 紀 第 庚 Ξ 申, + 日 南 高 至 宗 一,合祀 七 天地于圜丘,太祖、太宗並配,大赦。

五六〇

子員二百。 十二月癸未朔,日食,雲陰不見。辛卯,毀私鑄毛錢。 已亥, 郭浩入見。丁未, 命行在宗子入宮學。 癸巳,建祕書省。 己酉,金遣完顏曄等來賀明年正 丁酉,增太學弟

是歲、關外初行營田。

日。

是月

始

頒來歲曆

于諸路監司、守臣

十 四年春正月丁巳,遣羅汝楫等報謝金國。 甲子,臨安府火。 戊寅, 命普安郡王爲子

|解官持服。

百員。 歲撥總制司錢百七十三萬緡,市紬絹綿輸于鄂州總領所。 二月丁亥,復置歸州新民學。 己酉,以資政殿學士樓炤簽書樞密院事 癸巳,蠲江、浙諸路逋欠錢帛。戊戌,初命四川都轉運司 兼權參知政 事。 丙午,罷万俟离。 加郭浩檢校少保。 定宗學生額爲

陝宣 解潛 加制 三月乙卯,蠲江、浙、京、湖積欠上供錢米。 坐黨趙鼎,責授濠州團練副使,南安軍 爲四川宣撫 司。 己巳,幸太學。 蠲汀、潭、泉、建四州經賊殘蹊民戶賦役 ·安置。 丁卯,避金太祖嫌名,改岷州 己卯,詔 舉賢良 爲 西和

日「天下太平年」。甲午,金人來求准北人之在南者,詔願者聽還。 夏 加 月 甲 中 , 詔 刑部 及監 司 決絕滯 訟。 丁亥, 初禁野史。 虔州民析其屋, 朽柱 遣馬軍司統領張守忠討 中

海賊朱明。

會簽書樞密院事 五. 月 內 辰 韶階、成、 兼權參知政事 西和 0 鳳四州募兵赴行在。 丙寅,婺州大水。 己巳,金始遣烏延和等來賀天申節 甲子,樓炤罷。 乙 丑: 一、以御 史中丞李文

未,楚州鹽城縣海水清。

是月,嚴、信、衢、建四州水。

軍〔去〕。 之。 住。 乙未, 六月甲申,蠲江、浙州縣酒稅、坊場、綱運、倉庫積年逋負。 特贈子偁太子 振江、 加高 世則少保。 浙、 少師 福建被水之民。 ,官給葬事 戊子,安南國入貢。 0 丙申, 內侍白鄂坐誹謗 庚子,奪万俟离三官, 癸巳,宣州涇縣妖賊俞一作亂, 歸州 孫近再奪三官,移南安軍 及其客張伯麟 居住 乙巳,置國子 俱 黥 守臣捕 配 吉 監 陽 启 滅

秋 七月戊午, 金 人殺王倫于河間府。 丙寅, 立明法科兼經法。 丙子 」, 幸 秘書省。 小

學。

正 旦,宋之才賀金主生 八月癸未 ,無州獻瑞 辰 禾。 庚寅,以李椿年權戶部侍郎,仍治經界。 乙未,遺林保使金賀

命 孫 郡守終更入見,各舉所部縣令一人。 逮 九月辛酉,分利州爲東、西路,以吳璘爲利州西路安撫使,楊政利州東路安撫使。 赴貶所, 遇赦 永不 量移。 壬申 趙鼎移吉陽軍安置。 癸酉 命臨安府索察京 甲子,

本

紀

第

Ξ

+

高

宗

七

冬十月甲午,從右正言何若言, 請戒內外師儒之官, 黜伊川程氏之學。 乙未,加韋淵

師。 己亥,以永道郴三州、桂陽監及茶陵縣民多不舉子,永蠲其身丁錢絹米麥。

十一月甲子,復內敎,卽禁中閱試三衙將士。 癸酉,李光移瓊州安置。乙亥,朱勝非

遊。

漳州長泰縣,安撫司遣兵捕之,爲所敗,將佐趙成等死之。 楊愿簽書樞密院事兼權參知政事。癸卯,金遣字散温等來賀明年正旦。 乏之民,復置漏澤園,葬死而無歸者。 十二月丁丑朔,潼川府路轉運判官宋蒼舒獻嘉禾一莖九穗。 丁酉,李文會罷, 尋責筠州居住。 己卯,命諸郡收養老疾貧 庚子,以御 是月,汀賊華齊寇 史中丞

是歲,四川宣撫司始取民戶稱提錢歲四十萬緡,以備軍費。

未,分經義、詩賦爲兩科取士。 激賞錢三十萬緡。 十五年春正月丁未朔,御大慶殿,初行大朝會禮。 戊辰,命戶部侍郎王鈇措置兩浙經界。 辛 酉, 初置籍田。 丁卯,減成都府路對糴米三之一、宣撫司 戊申,瀘南安撫使馮楫獻嘉禾。 辛未,初命僧道納免丁錢。

二月戊寅,增太學弟子員百人。 乙未, 韶:州縣科折之數, 第五等戶毋或均配。己亥,

封崇國公璩爲恩平郡王,出就第。

三月甲子,遺敷文閣待制周襟馬觀國 史愿、諸將程師 回馬欽白常皆還金國

上便民事宜 夏四 月丙子朔,賜秦檜第一區。 ,提刑巡行決獄 賜禮部進士劉章以下三百人及第、出身。 戊寅、彗星出東方。 癸未, 避殿減膳, 丁亥,以彗出大赦。 命監 司、郡守條

癸巳,彗沒。 甲午,遣後軍統制張淵討捕福建盜賊。 庚子,罷四川都轉運司

五月丙辰,客星見。戊午,命貧民產子賜義倉米一斛。甲子,金遣完顏宗尹等來賀天

申節。

六月乙亥朔,日有食之。 丁丑,幸秦檜第。 乙酉,加檜妻婦子孫官封。丁亥,客星沒。

紬絹 名以爲黜陟。 ,鄂州舊額絹各一年。 秋七月戊申,復置利州鑄錢監。戊午, 蠲廬、光二州上供錢米一年。 己巳、蠲 四川 轉運司積貸常平錢十三 命監司審察縣令治狀顯著及老懦不職者,上其 丁卯, 免汀、潭二州秋稅及處州三縣被水民家 一萬緡。

八月甲戌朔, 己亥,改諸路提舉茶鹽官爲提舉常平茶鹽公事,川、廣以憲臣兼領。 禁收折 帛合零錢,止輸實數。 乙亥, 蠲京西路請佃田租 及州縣場務 辛丑,復增太學 稅錢

弟子員二百。

九月辛酉,遺錢周材使金賀正旦,嚴抑賀金主生辰。

冬十月乙亥,帝書「一德格天之閣」賜秦檜,仍就第賜宴。 丙子,楊愿罷。 癸未,以樞密

五六三

本

紀第

=

+

高宗

七

官。 錢 上秦 燒爲資政殿學士、提舉萬壽觀兼侍讀, 都 米二年。 承旨李若谷簽書樞密院事兼權參知政事 辛丑一命秦熺班簽書樞密之下。 甲午,以汪勃言折彥質黨趙鼎, 恩數視執政。 郴州安置(10)。 武岡 軍徭 人楊再 辛卯夜、雷。 庚子, 興降。 置四川宣撫司總領錢糧 庚寅 癸巳,蠲安豐軍 以翰林學士承 上供

十一月甲辰,加錢忱少保,錢愐開府儀同三司。 丙辰,郭浩卒。 丙寅, 全給秦檜歲賜公

閏月己卯,罷明法新科。

使錢

萬

.緡。

一月戊. 午; 置 江陰軍 市舶務。 甲子, 命右司員外郎李朝正同措置經界。 丁卯, 金遣

蒲察說等來賀明年正旦。

+ 六年春正月戊子,增太學外舍生額至千人。 壬辰,親饗先農于東郊,行籍田禮,執耒

耜九推,詔告郡縣。

月辛丑,割金州豐陽縣、洋州乾祐縣丹金人。 壬寅, 毁諸路淫祠。 癸丑,建秦檜家

廟。

三月庚午朔,建武學,置弟子員百人。 辛卯,造秦檜家廟祭器。 乙未, 增建太朝。

亥,立淮東、江東、兩浙、湖北州縣歲較營田賞罰格。

夏四月壬子,禁州縣預借民稅及和買錢。戊午,定選試武士弓馬去留格。

五月壬申,濬運河。 命諸路漕臣兼提舉學事。 癸未, 初作太廟祏室。 丙戌, 作景鐘。

丁亥,金遣烏古論海等來賀天申節。

六月,安南獻馴象十。

秋七月壬申,以張浚上疏論時事, 落節鉞, 連州居住。 壬辰, 立祕書省獻書賞格。 丙

申,復何鑄爲端明殿學士兼侍讀。

八月辛丑,築高禖壇。 壬子,遣邊知白使金賀正旦,周執羔賀金主生辰。

九月甲戌,命何鑄等爲金國祈請使,請國族。甲午,賞統制張淵、韓京等討捕福建、廣

東諸盜功,各進官有差。

冬十月戊戌,帝觀新作禮器于射殿,撞景鐘,奏新樂。

十一月丙子,合祀天地于圜丘,大赦。庚辰,罷州縣新創稅場。 癸未,復置御書院。

丑,加潘正夫少保。

十二月戊戌,彗見西南方,乙巳,滅。 辛酉,金遣盧彥倫等來賀明年正旦。

舉人多冒 十七年春正月己巳,命諸路收試中原流寓士人。 己卯,禁監司、郡守進羨餘。 貫 ,命州縣每三歲行鄉飲酒 禮 以貢 士。 壬辰, 以李若谷參知政事 , 御史中丞何若 辛卯,以

簽書樞密院事。癸巳,進秦熺爲資政殿大學士。

二月乙巳,親祠高禖。辛酉,李若谷罷。

三月乙亥,何若罷。 己卯,以翰林學士段拂參知政事。 乙酉,改封秦檜爲益 國公。 戊

子,改命張俊爲靜江、寧武、靖海軍節度使,韓世忠鎭南、武安、寧國 軍節度使。 落李若谷資

政殿學士,江州居住。

夏四月丙申,蠲諸路免行錢三之一。己亥,以御史中丞汪勃簽書樞密院事。

趙鼎遇赦永不檢舉;以前貶所潮州錄事參軍石怪待遇鼎厚,除名,潯州編管。 五 |月甲子, 詔舉賢良。 乙丑,雨雹。 己已,洪皓貴濠州團練副使,英州安置。辛巳,金

遣完顏下等來賀天申節。

六月乙卯,禁招安盜賊。 戊午,改命普安郡王瑗爲常德軍節度使, 恩平郡王璩武康軍

節度使。

川宣撫使。 秋 七月庚辰, 癸未,命李璆同總領四川財賦符行中參酌減放四川重斂。 召鄭剛中赴行在。 辛巳, 太白晝見。 以徽 (猷閣待制、 戊子,以吳璘充御前 知成 都府李珍權四

誻 軍 都統 制銀知興 州

八月庚子 雅 建州創置賣鹽坊。 癸卯,趙鼎薨于吉陽軍。 戊申,遣沈該使金賀正旦

大方賀金主生辰。 丁巳,以諸路羨餘錢充月椿之數。 加邢孝揚太尉。

科率虛額錢歲二百八十五萬緡。

癸酉

韶:以四川宣撫司降賜庫米

百萬 石 ,均減對 糴。 四川 乙亥,蠲江南東、西道諸州月椿錢。 丙子,鄭剛中罷。 丙戌 ()減江、)浙

諸 州折 帛

九月己巳,减

秋 遣御 冬十月辛 ·史按視。 - 卯朔, 己酉,進楊存中爲少傅。 日有食之。 癸卯,建太一宮。 己未,臨安府甘露降。 丁未,命太常歲以春秋二仲薦獻欑宮,

十一月丙寅,秦檜上運修免役敕令格式。 丁卯,復賜進士聞喜宴。

十二月辛卯朔,禁諸州擅釋放流配命官及事干邊防切要之人。甲寅, 鄭剛中落職 |桂

陽監居住。 丙辰,金遣完顏宗藩等來賀明年正旦。

十八年春正月己巳,幸天竺寺,遂幸玉津園

三月丁丑 一月乙未 ,命楊政、 段拂罷 ,尋落職, 吳璘招關、陝流民補殿前軍 興 國 軍居住。 以汪勃 戊寅, 兼權參知政事。 罷汀州諸 縣上供銀 辛亥 ・聴趙鼎 蠲茶鉛本 歸

本

紀

第

Ξ

+

高

宗 七

錢之半。 庚辰,幸新太一宮。 壬午,以秦熺知樞密院事。乙酉,禁民私渡淮及招納叛亡。 五六八

夏四月戊子朔,日有食之。 庚子,秦熺乞避父子共政,以爲觀文殿學士、提舉萬壽觀

棄侍讀、提舉秘書省。 壬寅,命熺恩禮視宰臣班次,亞右僕射。 甲辰,賜禮部進士王佐以下

三百三十人及第、出身。丙辰,加士会開府儀同三司。

未,以李顯忠私取故妻于金,降爲平海軍承宣使,台州居住。 五月戊辰,加吳益太尉。乙亥,裁損奉使賞給。 丙子, ,金遣蕭秉温等來賀天申節。 甲申,罷四川宣撫司,以李璆

爲四川安撫制置使。

是月,徽州慶雲見。

宋仲堪詣江州,置獄鞫鄭剛中欺隱官錢。福州候官縣有竹實如米,飢民採食之。 六月甲辰,築九宮貴神壇于東郊。戊申,士民曹溥等上尊號,不許。是月,遣太府寺丞

是夏,浙東西、淮南、江東旱。

八月丙申,汪勃罷。 丁酉,以工部尚書詹大方簽書樞密院事兼權參知政事。 禁州縣士

民飾 詞舉留官吏。

所, 申,辛道宗降官,房州羈管。 歲糴米百二十萬石,以廣儲蓄。 閨 月庚 申, **免江、浙、湖南今歲和糴。** 乙酉,禁奉使三節人出境博易。 壬申 , 遣王墨卿使金賀正旦,陳誠之賀金主 甲子,命臨安平江二府、淮東西、湖北三總領 福建諸州賊平,以所創招奇兵 一生辰。 甲

爲殿前 司左翼軍。

九月丙午,詹大方薨。

冬十月丙辰,以御史中丞余堯弼簽書樞密院事兼權參知政事。

十一月乙酉朔,升感生帝爲上祀。己亥,胡銓移吉陽軍編管。 戊申,禁四川買馬官吏私市蠻馬。辛亥,振紹興府饑 壬寅, 鄭剛中責豪州

團

練副使,復州安置。 辰,金遣召守忠等來賀明年正旦。 丁卯,命利路三都統措置營田,以其租充滅免對糴之數。戊辰,蠲被災下戶積欠租稅。 十二月乙卯朔,振明、越、秀、潤、徽、饕、饒、信諸州流民。丙寅,借給被災農民春耕費。

庚

北貨。 十九年春正月甲申朔,以皇太后年七十,帝詣慈寧殿行慶壽禮。 癸卯,幸天竺寺,遂幸玉津園 甲午, 罷國信所回易

二月丁丑,禁湖北溪洞用人祭鬼及造蠱毒,犯者保甲同坐。

三月癸未朔,日有食之。甲辰,鄭剛中移封州安置,子良嗣等亦除名編管。

書稿,詔付史館,以邵爲徽猷閣待制印。 夏四月丁巳,立孳生牧馬監賞罰格。 戊寅、湖廣江西路、建康府並甘露降。 丙寅,秘閣修撰張部上秦檜在金國代徽宗與 點學

本 紀 第 Ξ +

髙 宗 +

軍統制劉寶爲武泰軍承宣使, 五月壬午朔,汀、潭、泉三州民田被賊蹂踐,蠲其二稅。 ,餘將士遷秩有差。 庚子, 金遣唐括德温等來賀天申節。 戊戌,賞平福建羣盜功,以選鋒

未,減連、英、循、惠、新、恩六州免行錢

六月丁巳,茶陵縣丞王庭珪作詩送胡銓,坐謗訕停官,辰州編管。戊午,秦檜上吏部續

降七司通用法。

秋七月壬寅,頒諸農書于郡邑。

八月辛未,刺浙東諸州強盜當配者充沿海諸軍。

九月戊申,命繪奏繪像,仍作贊賜之。

冬十月己未,湖南副總管宇永宗停官,肇慶府編管。

十一月壬辰,合祀天地于圜丘,大赦。 辛丑,李椿年以經界不均罷。 丁未,立州縣墾田

增 ·虧賞罰格。 是月,命復蜡祭。

並免役。已巳,命四川制置司歲募扈衞三百人赴行在。 十二月丁巳,金岐王亮弑其主亶自立。己未,詔無子女戶、得解舉人、太學生之獨居者 丁丑, 金遣完颜竞等來賀明年正

卯 趣 諸 一十年春正 路 轉 運 Fi] 月丁亥, 及守臣 .畢經界事。 秦檜 入朝, 殿前 丙 午 司 兩浙轉運副使曹泳言, 軍士施全道刺之, 不中。 李孟堅誦其父光所撰 壬辰, 磔全 手市。 私

語涉譏謗,詔送大理寺。

上 供 折布錢三之一。壬子,罷經界所覆實官吏。 月戊· 中朔,立守貳、令尉營田 增虧賞罰格 庚申, 庚戌 禁民 免海外四州及瀘敍二州、長寧軍經 春月捕鳥獸。 蠲靜江府、 昭州

果州 堅獄 院 坐,黜降 事 具。 惠 三月庚辰,金遣完顏思恭等來報卽位。癸未,以余堯弼參知政事,給事中巫伋簽書樞 練 丙戌, 遣堯弼等賀金主即位。 ·有差。 副 詔李光遇赦永不檢舉; 使,新州安置 戊戌、詔改 了正經界法之厲民者。 孟 堅除名 戊子,以秦熺爲觀文殿大學士、萬壽觀使。 「峽州 庚子,以巫伋兼權參知政 浣編管; 胡寅、程瑀、潘 良貴、張燾等八 事。 壬寅,胡寅 丙申,李孟

耕 兩 准 夏四 閒 月壬 田。 子 是月,信州妖賊黃會等 以没入 官 田 悉歸常 作亂 平司, ,陷貴溪縣,江 禁募民 佃 種。 西兵馬鈴轄李橫等討平之。 癸酉 置 力田 科,募江、浙、 福

遣完顏思恭等來賀天申節 五 月庚辰, 申禁諸軍差承接文字使臣伺祭朝政。 癸未,秦檜上中興聖統。 甲午、金就

本

紀

第

Ξ

+

高宗

七

六月癸亥,加秦熺少保。 詔大理寺鞫前太常主簿吳元美譏謗獄。丙寅,禁民結集經社。

是月,建州民張大一作亂。

秋七月丙子,罷招刺禁軍。 庚寅,罷泉、潭、汀三州經界。

八月甲辰朔,量移張浚永州,孫近虔州,万俟禼沅州,李若谷饒州,李文會江州,段拂南

康軍 ,並居住。 雷州守臣王趯坐交通趙鼎、李光停官。戊申一改建大理寺。 辛酉、遣陳誠之

使金賀正旦,王曮賀金主生辰。

九月甲申,以吳元美譏毁大臣,除名,容州編管。 丙申,侍御史曹筠以附下罔上罷。

多十月戊辰,右迪功郎安誠坐文字謗訓, 送惠州編管。 秦檜有疾。 庚午, 命執政赴僧

第議事。

十二川甲子, 檜始朝, 命肩輿入宮門, 二孫扶掖升殿, 不拜。 己巳,金遣蕭頤等來賀明

年正旦。

一十一年春正月癸未,以兩淮民復業未久,寬其租賦。 庚子, 蠲平江府折帛錢三年。

使、請歸淵聖皇帝及皇族、增加帝號等事。 月甲寅夜, 雨雹。 乙卯, 韶諸州置惠民局,官給醫書。 癸亥,以余堯弼兼簽書樞密院事。 壬戌, 遣巫伋等爲金國祈請

三月丁丑,雨雹。 丁亥、蠲江、浙、荆湖等路中戶以下積年逋負。

夏閨四月己卯,禁三衙掊剋諸軍。 丁亥、賜禮部進士趙逵以下四百四人及第、出身。

五月辛亥,罷利州路選刺義士。戊午, 金遣劉長言等來賀天申節。 以吳璘、楊政、田

師中並爲太尉。

藥

劑

療病囚

六月甲戌,括淮南佃田所隱頃畝,以理租稅。 辛巳,命歲給大理寺、三衙及州縣錢,和

秋 七月壬寅,以集英殿修撰、知衢州曹筠爲四川安撫制置使。 辛亥,罷柴米稅。

韶州 . 縣官嘗被科率害民重罪者,不得任守令親民官。

八月辛未,秦檜上重修諸路茶鹽法。 壬申,韓世忠薨,詔進太師致仕, 癸酉,追封通義

郡王。 禁郡守特斷。乙亥,加岳陽軍節度使士撙開府儀同三司,充萬壽觀使。 甲申,遣陳夔

使金賀正旦,陳相賀金主生辰。

九月戊戌朔,籍寺觀絕產以贍學。 乙巳,均科處州丁鹽錢。 丁巳,增築景靈宮。 是月,

巫伋使還,所禱皆不許。

多十月甲戌,幸張俊第。 壬午,進俊爲太師,升從子子蓋爲安德軍節度使。 甲申,夜有

赤氣。

本紀第三十

高

宗七

+ 月庚戌,余堯弼罷。 乙卯, 命提舉常平官修復陂湖。 丁巳, 進義副尉劉允中坐指

斥謗訕棄市。

十二月壬申,雷。 癸巳,金遣兀朮魯定方等來賀明年正旦。

二十二年春正月丁未,加韋淵太保。

住,遠除名,高州編管。 以直龍圖閣葉三省、監都作院王遠通書趙鼎、王庶,力詆和議,言涉謗訕,三省落職,筠州居 三月丁酉,以王庶二子之奇、之荀謗毀朝政,並除名,之奇梅州、之荀容州編管。 丁巳,遣司農丞鍾世明詣福建路籍寺觀絕產田宅入官,其後歲入錢 甲辰,

三十四萬緡。

夏四月丙子,巫伋罷。 五月癸丑,金遣田秀穎等來賀天申節。 辛巳,以御史中丞章复簽書樞密院事兼權參知政事 是月,襄陽大水,容州野蠶 武成繭。

秋 七月 甲午朔,加封程嬰、公孫杵臼、韓厥爲公,升中祀。 丁巳" 虔州軍卒齊述殺殿前

司統制吳進、江西同統領馬晟,據州叛。

八月已坼: 造鄂州都統制田師中發兵同江西安撫使張澄、 殿前司遊奕軍統制李耕討

九月乙未,又遣左翼軍統制陳敏相繼討之。 癸 丑,章复罷

冬十月甲戌,以御史中丞宋樸簽書樞密院事兼權參知政 事 就命李耕知虔州

以黃岩縣令楊煒誹謗,除名,萬安軍編管, 知台州蕭振落職,池州 居住

十一月戊申, 合祀天地于圜丘,大赦。丁巳,立薦舉受財刑名。 李耕入虔州 盡誅叛

兵, 虔州平。

十二月辛酉朔, 減夔州路及蒲江、淯井兩監鹽錢歲八萬二千緡有奇。 戊子, 金遣張利

用等來賀明年正旦。

校勘記

沈 昭 遠 原作 審 昭遠」,據宋會要職官五一之一四、繫年要錄卷 四 Ŧī. 改。

知金州 郭浩 「知」字原脫, 據本書卷二八高宗紀、 繫年要錄卷一 四六補。 緊年要錄作

(5) 程克俊 原作「陳克俊」,據下文及繫年要錄卷一四七、中興聖政卷二八改。

四四 提舉茶事司 事 司」二字原倒,按此職名屢見本書卷一八四食貨志,據改。

張 俊 原作 「張浚」, 據本書卷二一三字輔表、繫年要錄卷一四七、北盟會編卷二一二改。

本

紀

第

Ξ

+

校

勘

記

五七五

- **(** 云) 兩 浙 轉運副使 「兩浙」,原作「兩淮」,據本書卷一七三食貨志、 繁年要錄卷一四七及卷一五二
- 改。 按李椿年治經界係自平江始,平江即隸兩浙,非兩 淮
- (元) 復昌化萬安吉陽軍 「復」,原作「廢」,據本書卷九〇地理志、十朝綱要卷二〇改。
- (**元**) 儞 九月丁巳宗室子偁卒于秀州 死於十三年。 但據繫年要錄卷一五〇記載,後於丁巳八日的九月乙丑 本條史文疑有誤。 按本書卷三三孝宗紀、 一,子偁才奉命守 兩朝綱目卷二都說子 本官致

服 明年春,卒于秀州。」通考卷二七七封建考也說:「紹興十四年,子偁卒。」疑史文誤以致壮之月爲 仕,可見子偁這時尚未死。 喪的制度, 子備之死約相當於此時。查本書卷二四四秀王子偁傳明載:「紹興十三年秋致忙, 同書卷一五一又載,十四年正月戊寅,南宋朝廷集百官討論爲子偁

(元) 內侍白鄂坐誹謗及其客張伯麟俱黥配吉陽軍 「白鄂」,本書卷四七三秦槍傳、繫年要錄卷 五.

子偁死月。

都作 i. 白 鍔。 又兩書都說白鍔刺配萬安軍,張伯麟刺配吉陽軍,二人幷非刺 配 一地。 此處 疑

誤。

8 郴州安置 「郴州」,原作「柳州」,據十朝綱要卷二四、宋史全文卷二一改。

以邵爲徽猷閣待制 「徽猷閣」,本書卷三七三張邵傳、繫年要錄卷一五九都作「敷文閣」。

来 史卷三十

本紀第三十一

高宗八

二十三年春正月癸卯,進韋淵太傅。 己酉,復以李顯忠爲寧國軍節度使。

二月癸亥,幸玉津園,遂幸延祥觀。 壬申,申嚴冒貫請舉法。癸未,賞平贛盜功,以李耕爲金州觀察使,將士進秩給 庚午,臠虔州軍賊黃明等八人于都市。 辛未,改虔

賞有差。

州爲贛州。

存,

金主亮徙都燕京。

丁未,禁州縣都監、巡尉擅置刑獄。戊申,以前太府丞范彥輝謗訕, 三月丙午,齊安郡王士優薨于建州,追封循王。 韶凡民認復軍莊營田者, 除名,荆門軍編管。 償開耕錢。

是

夏四月辛巳,詔諸州編管、羈管人,遵舊法,長吏月一驗視,不許囚禁。 本 紀 笰 三 十 髙 宗 八 五 七七 乙酉、減利州歲

鑄錢爲九萬緡。

石 烈大雅等來賀天申節。 五. 月 庚 寅 禁州縣以私意籍罪人貲產。 乙卯,立淮南諸州舉人解額 乙巳, 復以蕭振爲四川制置使。 辛亥,金遣紇

六月己卯,潼川大水。

秋七月壬辰,寬理平江府、湖秀二州被水民夏稅。 戊戌、從秦檜所請、命台州取綦崇禮

草檜罷相制所受墨敕。庚戌,禁諸軍瀕太湖擅作壩田

八月乙丑,士撙薨,追封韶王。丙寅,左宣教郎王孝廉謀據成都叛, 事覺伏誅。

九月甲午,振潼川被水州縣,仍蠲其賦。 庚子,禁採鹿胎

賜秦檜建康府永豐圩田。乙酉,命敕令所編輯中興以後寬恤詔令。

主生辰(二)。戊辰,宋樸罷。 多十月丁巳,詔郡守年七十者聽自陳,命主宮觀。戊午,遣吳廩使金賀正旦,施鉅賀金 壬申,以右諫議大夫史才簽書樞密院事 兼權參知政事。 丁丑,

遣戶 ,部郎官鍾世明修築宣州、太平州圩田。 是月,命大理鞫妖人孫士道 獄

執、 講讀等官宴于祕書省,爲故事 十一月壬寅,詔立張叔夜廟于信州。 甲辰,班大宗正司條令。 乙巳,以經筵終帙,賜宰

十二月丁巳,詔州縣稅額少者,罷其監官。 癸亥,韋淵薨。 癸未,禁民車服踰制。

閏 月 [丙申] 命檢正都可官詳定郡守所上利病以聞。 辛丑,命諸軍保任統制官在職十年

無過者,進秩。庚戌,金遣蔡松年等來賀明年正旦。

是歲,減池州青陽縣田租萬七千石。

十四年春正月辛未,幸延祥觀。 癸酉,初韶郡國同以八月十五日試舉人。 丙子, 封

婉容劉氏爲貴妃。戊寅,地震。

月丁亥, 前左從政郎楊炬坐其弟煒嘗上書誹謗(三), 送邕州編管。 丙午, 加吳益太

尉。

王循友,詔大理鞫之。 乙亥,賜禮部進士張孝祥以下三百五十六人及第、出身。 三月壬申,楊再興復寇邊,前軍統制李道討平之,禽再興及其子正脩、正拱,檻送行在。 是春,始権夔州路茶。 庚辰,秦檜以私憾捃摭知建康府

夏四 月丙戌、詔諸路招補三衙諸軍,期三年課其殿最。 辛 丑; 西南小張蕃貢方物。

酉,羅殿國 貢名馬。

五 一月癸丑朔,日 有食之。 衢州民俞八作亂, 圍州城, 通判州 事 汪召錫拒卻之,遂掠嚴州

壽昌 縣, 遣殿 前 司 正 將辛立討 平之。 辛未,金遣耶律安禮等來賀天申節

本

紀

第

Ξ

+

高宗八

Ŧī

領 友 貸死 所同 六 月癸巳, 共措置,務在不妨單食, 一藤州 安置。 **少**才罷。 癸卯,詔:「嘗 甲午,以御史中丞魏師遜簽書樞密院事兼權參知政事。辛丑 可以裕民。」 命 四 Ш 州 」尋遣 縣 减 鍾世明如 免財物,以寬民力,尙慮未周,令制置 四川 同議。 以主管侍衞馬軍司 王 司、 成 總 循

力。甲子,復落蕭振職,池州居住。 市 秋 己未,復置 七月癸丑 張俊薨。 黎、 雅二州博易場三所。 勒停人王趯坐交通李光,下大理獄。 壬戌, 韶捐四川茶馬司羨餘錢給軍費, 乙卯,臠徭 人楊正脩、 以寬民 正

乙丑,以總領財賦符行中爲四川制置使。

乙亥,南丹州

関為慶

返

軍節

度使。

莫公晟及宜州界外諸蠻納土內附。 戊寅,幸張俊第臨奠。

以湘潭縣丞鄭杞、主簿賈子展嘲毀朝政,除名,杞容州、子展德慶府編管。 八 月壬辰,禁百官避冤輪對。 甲午,罷温州市黃柑、福州貢荔枝。丙午,追封張俊爲循

九月辛亥朔, 李道如衡州措置盜賊。 丁巳, 賞平衢賊功, 升辛立領忠州團練使, 將

遷 職、給錢有差

冬十月壬午 ,蠲旱傷州縣租賦。 戊子,遣沈虚中使金賀正旦,張士襄賀金主生

辰, 進秦熺少傅,封嘉國公。 月乙 丑: 魏 師遜罷。 T 是月,以通判武岡軍方疇通書胡銓及他罪,除名,永州編管。 卯 以 權 吏部侍郎 施鉅 一参知 政事 ,鄭仲熊簽書樞密院 事. 戊

籍其貲、 王趯 京 西 除名 轉運 二月內戌,以故龍圖閣學士程瑀有論語講解,秦檜疑其識己,知饒州洪與祖嘗爲序, 一、辰州 副使魏安行鏤版,至是命毁之。 壬寅、刺諸路編管人充廂軍。 編管。 丁酉 知鄭縣程緯爲其丞王肇所告 乙巳,金遣白彦恭等來賀明年正旦 興祖昭州、 安行欽州編管,瑀子孫 了慢上無人臣禮,除名 亦論 一貴州 罪。 編管, 丁亥,

二十五年春正月辛未, 賞討楊再興功, 保寧軍承宣使李道落階官,加龍神衛四廂都指

揮使,將士進官、賜錢有差。

寅,以通判常州沈長卿、仁和縣尉芮燁作詩譏訕,除名,長卿化州、燁武岡軍編管 一月乙酉,以鎭江都統制劉寶爲安慶軍節度使,建康都統制王權爲淸遠軍節度使。

壬

三月己酉,右司郞中張士襄自金國使還,坐奉使不肅罷官。 壬申,地震。

試 刑法。 夏四月乙酉, 己亥,減廣西路折米錢 施鉅罷,以鄭仲熊兼權參知政事。 戊子,命四川制置司許就類省試院校

申節 癸 丑 以 五月丁未朔, 壬 前 申 知泉州宗室令衿譏 賜劉錡 日有食之。 湖 南 田 白 頃 訓 太廟仁宗室柱生芝九莖。 秦檜 ,遂坐交結罪人,汀州居住。 戊申,一 罷諸路免行錢歲百八萬緡。 乙丑; 金遣李通等來賀天

本

紀

第

=

+

廚

宗

八

六 月 庚 辰 鄭仲熊罷。 辛巳, 以禮部侍郎湯思退簽書樞密院 事棄權 参知 政事 癸

以 者 追 潛 岳 飛 改 岳州為 純州 岳陽軍爲華容軍 是月,安南

萬 緡 秋 詔 七 月 几 川 內 營田有占民田 辰 减 四川 絹估、 者,常平 稅斛 司 鹽酒 按 驗給還。 等錢歲百六十 甲戌 封 ·餘萬 李 天祚 緡 蠲 爲 南 州縣積欠二百九十餘 平

董 德 元 八 、月丁 參 知 丑 政 事 申嚴誣 蠲 諸路 告加等法。 身丁、 **爱**丁 辛 錢 Ė, 年。 命 大 理 壬 鞫 辰 趙汾及令衿交 建執政府。 通 獄 丙戌, 以吏部侍郎

九月丁巳,秦檜上紹興寬恤詔令。

等 杜 夕 鞧 思日 請 張 檜 拜熺 祁 冬十月庚辰,復置鴻臚寺 皆 (三)附麗胡寅獄。 爲相 丁酉 ,檜姻黨戶部侍 命有司 丙申 - ,進封||檜建康郡王 , 熔爲少師 , 具上執政、侍從 乙未, 鄓 幸秦檜第問疾。 兼 壬午,遣王 知 臨安府 官居外 |岷使金賀正 任 曹泳停官 一及主宮觀與在謫籍者職位、姓名。 夜,檜諷右司 並 ,新州安置。朱敦儒 致仕。 旦,鄭柟賀金主 員 命湯思退棄權參 外郎林 生辰。 一飛、臺諫徐嘉 、薛仲邕、王彦傅、 乙酉 知 政 辛 丑, 。 命 大理 張 徙 扶

趙汾二官。壬子,以敷文閣直學士 + 月乙巳 朔, 追 封 層申王 一魏良臣參知政事。癸亥,合祀天地于圜丘 諡 忠獻 賜神 道 碑, 額爲「決策元 功, 精 忠全 一大赦。 德 甲子, 戊 申

殿

中

侍

御

史徐嘉、

右

正言張扶皆

田

爲他官

其官 詳 戒, 人 詔 爲 安定 防 事 除名 監司 資 禦使 施 檜 無 班自: 第 、政殿學士 眞臘 郡 肸今親 戸 乙酉 ,廣南諸州編管。 、守臣,禁羨餘 細 蹜 右 甲午 貽答。」 詔 月 羅斛 皆 監門衛 辛未 除 甲 董 須 ·, 以 ,提舉萬 公正之士, 乙丑 戌 德 奏聞 國 朔 , 敷 元 貢 知 大 張浚、折彥質、万俟离、段拂聽 龍。 文 詔 建 將 馴 裁 復洪皓官 閣 九..日, 壽觀兼侍讀。 軍士 決 罷權 象 康 甲申,召孟 待 丙戌,以劉 府 以革前 制 臺諫 一人後為崇 主 攝 毋 沈 一會及 得 釋張 該 風憲之地 止 弊。 參 忠厚奉朝請。命 列 、慶軍 上 錡 祁嶽。 戊寅, 知 都 一 知潭州 繼 政 守 節 書省。 此 節宴飲 事 臣 度 者宜盡 鄭億 比 丁卯,罷大理寺官 王 使、 用 乙未 晌 臣 辛 年 非 自 心乃 嗣 僚 其人, 卯 胡寅、張九成等二十八人並 詔前 責 便。 濮王 以王 薦 鑄 建 舉 命三省、六部 職 武 後告訐者莫汲、汪 量 鄭 人才 黨於 會恃權 軍節度 移 毋合黨締交, 僑 福 李光郴州安置 建路 旬白 年、鄭震、 ,必三人以上 大臣,濟 貪 副使,南安軍 提刑令詪 横 條 庚午 具續降敕旨來上 其 停官 方滋俱以諂附貪冒 敗亂 、喜怒, 召錫、陸升之等九 ٠, 一同薦。」 詔:「監 為利 循州 宁安置。 乙亥 一令自. 成 殊非 法 州 編管。 封 司、郡守、 便,仍復 觀察使、 當謹 復以离 耳 叔 壬午 目之 和州 丙 茲

T

凸

禁閩

浙

|]]]

廣

貢

眞

珠

戒州縣

加收耗糧

已亥、金遣耶

律歸

等來賀明年

本

紀

第

 \equiv

+

申

復以

蕭

振

爲

四川

制

置

使。

復

張

浚、折彥質、

趙

汾

葉三省

上趯、

劉岑官

胡

銓

衡

正旦。

管。 及黃河竹索錢 職。 封伯令衿明州觀察使、安定郡王,以其從弟令詪讓也。戊辰,除民事律。 乙丑,詔選擇監司,須七品以上淸望官,或經朝擢及治郡著績者。 丙寅,曹泳吉陽軍編 二十六年春正月壬子,省諸州稅場,以寬商賈。 甲子,追復趙鼎、孫近、鄭剛中、汪藻舊 蠲諸路積負

王曮爲秦檜親黨,直徽猷閣呂愿中貪虐附檜,曮建昌軍居住,愿中責果州團練副使,封州安 坐指使林東,責監高州鹽稅。 辰,罷進奏院定本朝報。 二月乙亥,命四川州縣,凡預借民賦稅分限理折〔四〕。己卯,定諸州流寓士人解額。 乙酉,進士林東追諂秦檜,上書狂妄,英州編管。 庚寅,三佛齊國 入貢。 辛卯,魏良臣罷。庚子,以左朝散大夫 右朝 奉郎 林一飛 庚

已,豈以其存亡而渝定議耶?近者無知之輩,鼓倡浮言,以惑衆聽,至有爲撰詔命, 闕上書言北事,送千里外州軍編管。 己未,以万俟离參知政事。 三月甲寅,以邊事已定,罷宰相兼領樞密使。 癸亥" 丙寅,詔曰:「講和之策,斷自股志,秦檜但能贊股而 加吳璘開府儀同三司。 丁巳,詔兩准邊民未復業者,復其租十 乙丑,以東平府進士梁勛伏 召用舊

置。

所物料三之一,滅諸州工匠千人。己巳,募四川民佃淮南、京西閒田 臣,抗章公車 ,安議邊事 ,,朕甚駭之。 自今有此,當重置典憲。」丁卯,蠲閩、浙諸州歲供軍器 並邊復租稅十年

五

舉 六科以舉 誠之等賀 土 法 夏四 詔淮 月戊子,增温、台等十六州解額。 金主尊號禮成。 加韋謙 南、京西, 太尉。 占射官田 癸巳,置武學官及弟子員百人。甲午, 韶大辟情犯無可矜憫者,禁刑、寺妄引例奏裁貸減。 瑜二年未盡墾者,募人更佃 命湖北路以增戶、墾田爲守令殿最。 禁州 郡進祥瑞。 庚寅, 鼅 戊戌, 鄉飲酒 遺陳 立

樞 密 院 五 事 月壬寅,以 丁未,詔州軍教授毋兼他職。 沈該爲尙書左僕射,万俟禼爲右僕射, 丙辰,蠲楚州、盱眙軍民租十年。 並 同中書門下平 章 事 湯思退 金遣敬嗣 知

親 族中第覆試法。 六月辛未朔,罷諸路鬻戶絕田。 乙酉,詔取士毋拘程頤、王安石一家之說。丁亥,流星晝隕。 丁丑,以端明殿學士程克俊參知政事。 戊寅 辛卯,以秦 復權 要

檜

旣

本紀

第

三十

高

宗

八

死,命史館重修日曆。

暉等來賀天申節

右奉議 秋 七月辛丑 郎薛仲邕 , 韶三衙 連州 編管。 主 帥舉武臣堪知州者。 丁未,彗出井,避殿減膳。 壬寅,蠲諸路丁絹一年爲二十四萬匹。 辛亥, 韶諸州守貳考各縣丁籍, 丙

伭 年 格收除 民間 市物,官戶、勢家與編氓均科。 丙辰,彗滅。 韶進士因事送諸州軍 聴讀,

特放逐便,仍許取應。辛酉,雨水銀。

階官易左爲右,白身者駁放。 提 欠內帑錢帛。 恩常平朱冠卿言,秦檜挾私廢法,塤等皆其子孫、親戚、門下憸人,於是有官應試者,所 网路漕臣 九月乙巳,以翰林學士陳誠之同知樞密院事。丙午,立互易薦舉坐罪法。壬子,詔成都、 八 月 戊 寅 庚寅,安南國遣使入貢。 班元豐、崇寧學制于諸路。 總領、 占用省額,復還後科。 茶馬 辛卯,程克俊罷。 革正前舉登第秦塤、 、財賦利害,其實惠得以及民、調度可以經久 庚辰,裁州縣吏額。 甲子,以吏部侍郎張綱參知政 曹冠等九人出 己丑,蠲建康府積 身。 以准 事。 南

潼川 命 者 吏、刑二部修條例爲成法。 具以聞。 甲寅, 同制置、 ,以天聖、紹興眞決贓吏指揮班示諸路。 司審度四川 丙寅,增大理寺吏祿。 戊辰,

兵,依舊永州 亥, 詔 多十月己巳朔,詔許秦檜在位之日 四川監司、帥臣、制置、總領、茶馬 乙未,王會移瓊州 居住。 辛丑,遣李琳使金賀正 編管。 以宋貺黨附秦檜,責梅州安置。 司,各舉可守郡者。 ,無辜被罪者自陳釐 一旦,葛立方賀金主生辰 甲午 Ī 罷浙東常平 獨郴道永三州、 丁酉,以張浚上書論用 司平 - 準務。 桂 陽軍民

閏月內午, 程康州貢珠, 縱蛋丁白便。 己酉,命離軍人願歸農者,人給江、淮、湖、廣荒

田 百畝,復其租稅十年。乙卯,初置臨安府左右廂官,分掌訟牒

六曹、寺監百司吏額。 十一月甲戌,命吏部侍郎陳康伯、戶部侍郎王俁稽考國用歲中出納之數。 丙戌,

甲寅,罷諸路鑄錢司。 十二月辛丑,命三省錄臺諫所言事,報樞密院。 庚申,賞應詔論事切當者。 壬戌,三佛齊國入貢。 甲子,金遣梁昧等 癸丑,万俟离上重修貢舉敕令格式。

來賀明年正旦。

戊午,以御史中丞湯鵬舉參知政事。 二十七年春正月乙酉,幸延祥觀。戊子,命侍從各薦宗室京朝官才識、治行者二人。 二月丁酉朔,復兼習經義、詩賦法。庚子,楊政卒。壬寅,太廟仁宗、英宗兩室柱芝草 庚申,更定福建路鹽法。癸亥,加劉錡太尉。

以下四百二十六人及第、出身。 引息虛額錢歲九十五萬緡。辛卯,万俟禼卒。壬辰,以符行中前在蜀恣橫,南雄州安置。 己世,減三川對糴米歲十六萬九千石,變路激賞絹五萬匹,兩川絹估錢二十八萬緡及茶司 三月己巳,命京局改官人先除知縣。 丁亥、詔焚交趾所貢翠羽于通衢、仍禁宮人服用銷金翠羽。 乙酉,赤氣出紫微垣。 丙戌, 賜禮部進士王十朋

甲午,除耕牛稅。

本紀

第三十

高宗八

射、 添差數。 同中 六月甲辰, 命臣僚轉對, 五月癸未,金遣耶律守素等來賀天申節。 書門下 戊午,云 ·初命太廟多饗祭功臣,臘饗祭七祀,祫饗兼之。 平章事。 庚戌,復余深、黃潛善並觀文殿大學士。 盡忠開陳, 毋摭細微以應故事。 辛卯,復以五帝、神州地祇等十三祭爲大祀。 戊申,以湯思退爲尚書右僕 己未,進錢忱少傅。 乙卯,裁定離軍將 土 增命官 一諸州

以) 龍圖 秋七月己已,復饒、贛、韶三州鑄錢監。 閣學士李文會爲四川安撫制置使。 丙子,詔凡出命令,先經兩省書讀, 癸酉,戒監司、郡守舉劾守令觀望徇私。 如舊制

捕

獲私

茶鹽賞

典。

八月乙未,以湯鵬舉知樞密院事。 庚申,復置提領諸路鑄錢司于行在,以戶部侍郎際

疑領之。

錢帛。 事 ,取祭祀之式,定爲一 九月癸酉,張綱罷。 丁亥,校書郞葉謙亭言:「祀典散逸,隆殺不當,名稱或舛, 書,名日紹興正祠錄 戊寅,以吏部尚書陳康伯參知政事。 ,以爲恆制。」韶從之。 蠲淮南、京西、湖北積欠內藏 請敕禮官、祕書酌景德故

多十月壬寅, 有赤 氣隨 日入。 癸卯 築通、泰、楚三州捍海 堰。 辛酉,詔四川諸 司察旱

乙丑,遣孫道夫使金賀正旦。

辛巳, 遣劉章

十一月癸亥朔,減福建鹽鈔錢歲八萬緡。傷州縣,捐其稅,振其飢民。

賀 金主生辰。 丁亥,湯鵬舉罷。 戊子, 蠲廬州二稅及上供錢米一年。

遣高思廉等來賀明年正旦。 月甲午,詔 廣 南經略、市舶司察蕃商假託入貢。 丙辰,初命州縣置禁曆。 戊午,金

禁諸路二稅折納增價。癸未,遣戶部郎中莫濛等檢視淮南、浙西、江東沙田蘆場。 臺諫、侍從三人以上公薦監司治狀。 二十八年春正月己巳,申禁三衙彊刺平民爲兵。己卯,幸延祥觀,遂幸玉津園。 甲申,命 壬午,

州軍博買。乙巳,以工部侍郞王綸同知樞密院事。 引: ,加楊存中少師,**諡**張俊日 二月癸巳,命史館重修徽宗大觀以前實錄。 忠烈。 丙申,以陳誠之知樞密院。戊戌, 己酉, 命六曹長貳詳定差役舊法。 禁沿海

遷,卿監、郞官未歷監司者更迭補外〔邑〕。」戊子,責秦檜黨宋樸徽州居住 選帥臣、監司曾任郎官已上者爲侍從, 三月辛酉朔,日有食之。丙寅,雪。丁丑,加田師中開府儀同三司。 監司、郡守有政績者爲卿監、 ,沈虛中筠州居住。 郎官, 戊寅,詔:「自今用 朝官二年乃

夏四月丙申,復詔文武官非犯贓罪,並許以致仕恩任子。 辛亥,雨雹。 嚴州遂安賊江

本紀第三十一 高宗

八

大明寇衢州

,官軍捕斬之。

五九〇

五月、金遣蕭恭等來賀天申節。

六月壬辰,太白晝見。 癸巳,流星晝隕。 甲寅、增浙西、江東、淮東沙田蘆場租課,置提

領官田所掌之。

所 犯涉 秋 **庚辰**,親製郊廟樂章。)重,卽以奏聞,命鄰路監司選官就鞫。」己卯, 七月庚申,立江西上供米綱賞格。戊辰,詔:「監司按發官吏,不得送置司州軍推鞫。 乙酉,復鬻沒官田 命取公私銅器悉付鑄錢司,民間 不輸者

饑民。 設提領諸路鑄錢。 八月戊子朔,置國史院,修神、哲、徽三朝正史。己丑,檢放風水災傷州縣苗稅,仍振貸 乙未,增四川十七州舉人解額。戊戌,湯思退等上徽宗實錄。壬寅,命戶部侍郎令 甲寅,地震。

州觀察使出關爲昭化軍節度使、嗣濮王。 Ή, 置殿前司虎翼水軍千人。庚辰,以中書舍人王剛中爲四川安撫制置使。 九月辛未,定銅錢出界罪賞。甲戌,韶以吏部七司舊制與續降參訂異同一立爲定法。 癸未,蠲平江、紹 興、湖州被水民道 賦。 辛巳,封叔建 T

+ -冬十月丁亥朔,遣沈介使金賀正旦,黃中賀金主生辰。 月已卯, 合祀天地于圜丘 大赦。 壬午,復命檢舉諸人因赦移放者,告訐得罪者 辛丑,禁監司、帥、守私役軍匠。

十二月庚寅, 安定郡王令衿薨。 辛丑, 修睦親宅, 建宮學。 日。 丁未, 復李光官,放自 便、

戊 神、蠲 楚州 歸附 民賦 役 五. 年。 壬子,金遣蘇保衡等來 質明 年正

,興元都統制姚仲復籍興元府等五州義士,得二萬餘

浦以泄水。庚午,振湖、秀諸州饑民。癸酉,幸延祥觀, 癸未,蠲沙田蘆場爲風水所侵者租之半。 二十九年春正月丙辰朔,以皇太后年八十,詣慈寧殿行慶壽禮。 是月, 金國罷沿邊権場,惟泗州 **遂幸玉津園** 庚辰, 禁諸州科賣倉 庚申, 濬平江三十六 如舊。

往 路斥候遞卒。 + 萬 . 北 二月丙戌朔,亦罷沿邊権場,存其在盱眙 戊戌,大雪,雨雹。 壬 一辰 除 甲寅,取具貶死臣僚姓名 臨安府歲供修內司錢三萬六千緡。 己亥,禁貿易廣 1、議加 南羈縻州 恩 者。 典。 加吳璘少保。己丑,禁海商假託 Ţ 物 貨。 酉 蠲四川折估糴本積 命廣 西敎閱峒丁。 欠錢三 庚戌,罷 風 潮私 百 几

從、 格外田 臺諫、帥臣、 三月 畝 同編戶科役。 除州縣積欠錢三百九十七萬緡有奇及中下戶所欠入官錢 監司歲舉可任將帥者二人。限命官子孫制田 己 卯,除湖州、平江、紹興流民公私 通負 物。 丁 丑 詔侍

夏四月壬 一辰,國 子司業黃中自金國使還,言金人將徙居汴京以見逼,望早飭邊備。 宰

本

紀

第

=

+

髙

宗

八

相怒,不聽。 士。 辛亥,命縣令有政績者諸司同薦,不次升擢,以風厲之。 己亥,修三省法。庚子,增置帶御器械四員。丙午,禁內外將佐營造、回易,掊

立監司、守臣舉劾八條。 禁權要、豪民舉錢軍中取息。 贼, 每歲一易。 五. 月甲寅朔,罷鬻福建閃生沙田。 己未,椿頓江、浙四路折帛錢于三總領所及浙西提刑司,以備軍用。 金遣王可道等來賀天申節 丁卯, 命印給三總領所見錢公據、關子,許商人入納。 丁巳, 詔殿前司選統制官部兵千人戍江州, 彈壓盜 辛酉,

以陳康伯兼權樞密院事。辛丑,李光卒。壬寅,以主管步軍司趙密爲太尉。己酉,沈該以 禁積錢民戶過萬緡,官戶過二萬緡,滿二年不易他物者沒入之。丁酉,申禁包苴請託。己亥, 六月甲辰朔,遣王綸等爲金國奉表稱謝使。丁亥,禁江、淮私渡北人。 丙申,陳誠之罷。

建、廣南路提點坑冶鑄錢官。 增 大學士,致仕。 官七十一 價羅米二百二十萬石赴沿江十郡,自荆至常州,以備振貸。戊午,罷成都府路 閨 月甲寅,益荆南戍卒千人,守臣劉錡亦募效用三千人。丁巳,命江、湖、浙西五漕司 員,令民承買。己未,罷江、浙、淮東沙 鼅 福 建 安撫 司官賣鹽。 戊辰, 大省淮西冗官。 田蘆場所增租課。 辛未, 復置江、淮、荆、浙、福 甲子 落沈該觀文殿 隔槽酒務

秋 七月丁亥, 以權 吏部尚書賀允中參知政事。 癸巳,封權戶部侍郎令詪爲安定郡王。

戊戌 了福州大水。 己酉,禁諸路抑買官田。 庚戌,以四川經、總制及田晟錢糧錢共百三十四

萬緡充增招軍校費。

八月甲子,募商人輸米行在諸倉,願以茶、鹽、礬鈔等償直者聽。 丁卯、除南雄、英、連

三州 經界,復丁米舊額。 甲戌,倂史館歸秘書省,玉牒所歸宗正寺。

和 及江、浙蝗潦州縣租。 書門下平章事。 好 無他。 九月甲申,詔建炎以來使未還而後嗣無祿者,與一子官。乙酉,王綸使還入見,言金國 丙戌,湯思退等稱賀。甲午,以湯思退爲尚書左僕射,陳康伯爲右僕射,並 乙未,以皇太后不豫大赦,不視朝。丙申,爲太后祈福。 丁酉, 減僧道 一発丁錢。 己亥,蠲見監贓罰賞錢。 蠲 庚子,皇太后韋氏 中下戶所欠 、稅賦 同中

冬十月甲寅,以羣臣五上表,始聽政。 命保康軍節度使吳益爲欑宮總護使。

崩。

癸卯,遣周麟之等爲金國奉表哀謝使。

昭路和糴募民運米賞格。戊寅,册諡皇太后曰顯仁。

十一月丁亥,遣賀允中等爲金國遺留國信使。丙午,權欑顯仁皇后于永祐陵。

仁皇后神主于 十二月甲寅,諜言北界禁民妄傳起兵,帝諭大臣當自治,爲安邊息民之計。甲子,祔顯 太廟。 辛未,以三輪知樞密院事。壬申,減三省、樞密院激賞庫及諸書局歲用

本紀第

+

卨

宗八

總制 錢二十萬緡 司 無額錢如之。 ,鼎州程昌寓所增蔡州官兵衣糧錢四之一 丙子,金遣施宜生等來賀明年正旦。 ,西和州官賣鹽直之半,蔣州上供經、

事 營兵額爲 廢御 三十年春正月戊子, 書院。 九百人。 Ţ 酉 飛 鈞容班樂工及甲庫酒局。 給劉錡軍費錢六十萬緡。 壬寅,募人墾淮南荒田。 丙申, 以吏部侍郎葉義問同 甲辰, 定御輦院 知樞密院

使。 癸酉,韶立普安郡王瑗爲皇子,更名瑋。 二月甲寅, 罷夔州路権茶。 乙卯, 金遣大懷忠等來弔祭。 丙子 ,進封建王 戊午, 遣葉義問爲金國報謝

三月辛巳,

復館職召試,

然後除擢。

免湖北、京西宣撫司諸庫未輸錢八十九萬緡。

以下四百一十二人及第、出身。 宮之勞。丁酉,初置金州御前諸軍都統制, 未,以准東茶鹽司錢十萬緡充募民墾田費。 三司、判大宗正事,始稱皇姪 甲辰,置牧馬監于潮、惠二州。 以知金州王彦爲之。 乙酉,加吳益少保,趙密開府儀同三司,以賞欖 丙午,加恩平郡王璩開 癸卯,賜禮部進士梁克家 府儀

權 同 知 夏 樞 [][] 密院 月己 事 酉朔,以孫愭爲蘄州防禦使,愷貴州團練使,惇榮州刺史。 丙辰,以賀允中兼

Ŧi. 一月辛 刺 海 賊罪 不 至死者爲 龍 猛 龍 騎 軍。 初置 荆 南府 御前諸軍 都統制 以劉錡 兼

領 死 少壯 之。 乙酉 者爲兵。 ,初置江州 丙戌,定鑄錢司歲鑄 御前 諸軍 都統制,以步軍 五 十萬緡。 司 辛卯、臨安、於潛、安吉三縣大水。 前軍 都統制戚方爲之。 詔 諸 路 刺 強 海 賊 盗 貸 陳

演 申 節 添 作飢 壬寅,落沈該致仕,復觀文殿大學士,知明州。 ,·掠高、雷二州境上,南恩州民林觀禽殺之,命觀以官。 丙午,加吳蓋公太尉 丙 八 申, 金遣蕭榮等來賀

六月庚戌,復出 諸軍見錢關子三百萬緡,聽商賈以錢 銀 、請買。 庚午,王綸罷。 辛未,以

總 制 江 西茶引合二 一十萬 緡

江

西

廣

東

沁湖南

折帛、

經

總制錢合六十萬緡,江

一西米六萬

石充江州

軍

費。

後盆以

四川

利路經

春 秋 教 秋 、閱禁兵弓弩手。 七 月 戊寅 () 遣明 州 戊戌, 水 軍 三百戍崑 以葉義問知樞密院 Ш 黃魚垛,巡捕槽船 , 翰林學士周麟之同 之爲盜 者。 .知院事 甲 申 詔諸: ,御史中丞朱 路 帥

| 倬 參 知 政 事

甲寅,復以四川經、總制錢五十萬緡給總領所, 八月 丙午朔,日 有食之。 壬子, 賀允中使還,言金人必畔盟, 增招兵士。 壬申 宜爲 之備。 准東總管許世安奏 癸丑, 允中致

九月 庚寅, 以帶 御 器械李寶為浙西副 總管,提督海船,駐平江。 丙申,命劉寶招制勝軍

金主亮至汴京,

起重

兵五十餘萬,屯宿、泗州

謀來攻

本

紀

第

Ξ

+

髙

宗

八

校 勘

記

五

千人。丁酉,罷內侍省。

生辰。 軍統制李道爲都統制。 冬十月丙午, 罷內侍官承受諸軍奏報文字。 庚戌、雷。 辛酉,鎭江都統制劉寶以專悍貪橫罷。 癸亥,日中無雲而雷。 丁未,遣虞允文使金賀正旦,徐度賀金主 癸酉、蠲舒、和、蘄、黃四州民附種田 壬戌,以劉錡爲鎭江 一都統制, 租 荆南

十一月庚辰,禁諸路折輸職田錢。癸巳夜,有白氣出入危、昴間。

平。 十年中數爲定額。 己酉,罷招刺三衙及江上諸軍。 十二月乙巳朔,踼思退罷。初行會子于東南。 丁卯,金遣僕散權等來賀明年正旦。 庚戌,禁掠賣生口入溪峒。 戊申夜, 白氣亙天。 癸丑,命戶部立經、總制錢 海南黎賊王文滿

校勘記

- 遣吳燦使金賀正旦施鉅賀金主生辰 繫年要錄卷一六五、北盟會編卷二一九都作:遺施鉅使金
- 賀正旦,吳燦賀金主生辰。
- 煒 嘗 上 書 誹 謗 「煒」, 原作「煜」,據本書卷四七三秦檜傳、繁年要錄卷一六六改。
- (E) 張祁 「祁」爲是。下文十一月乙丑條「張祁」同。 原作 張 派, 據本書卷三七三張邵傳、繫年要錄卷一六九改。 張祁爲張邵之弟, 當以作

記

五九七

四四 凡預借民賦稅分限理折 「理折」,原作「理析」,據繫年要錄卷一七一、宋會要食貨一〇之三至

70 改

/ \\ Ti.

守、兩字。

(六) 吳蓋 原作「吳益」,據本書卷四六五本傳、繁年要錄卷一八五改。

卿監郎官未歷監司者更迭補外 據繫年要錄卷一七九、續宋編年通鑑卷六,「監司」下當脫「郡

宋史卷三十二

本紀第三十二

高宗九

申, 亥,放張浚、胡銓自便。 庚子,禁淮南拘籍戶馬。 雷 雨 大雨雪, 給三衙衞士、行在貧民錢及薪炭, 雪交作。 三十一年春正月甲戌朔,以日食不受朝。 辛卯, 詔 江、浙官民戶均輸和市絁帛。 丁丑,雷。 命常平振給輔郡細民, 諸路監司 壬辰, 丁亥,免湖州增丁所輸 劉寶落節鉞, 福建路 絹。 決獄。 居住。 夜,

内

瓜

己

卒, 賶太傅。 指揮使,進太傅,爲醴泉觀使,封同安郡王。 詔 分經義、詩賦爲兩科。 丙寅,詔通進司承受內降文字,並囊封送三省、樞密院。辛未,秦**熺** 丙辰,置行在會子務。 乙丑,復鬻僧道度牒。

二月戊申,復置邛州惠民監。

癸丑,以趙密領殿前都指揮使。

甲寅,

罷楊存中殿前都

本紀第三

+

高

宗九

辛卯 秦熺 鮰 寇 前 四官 瑊 軍都統制吳拱 諸孫各一人。 贈官及遺 三月甲戌 復 1,錄其 李光左中大夫,官其子孫二人。 (子孫) 朔 表恩賞。 命破敵軍統制陳敏部兵屯太平州。 ;知襄陽府,部兵三千戍之。 選文臣宗室主西、南外兩宗司。 庚寅 ,以陳康伯 爲尙書左僕射,朱倬右僕射,並同中書門下平章事 壬辰, 地震。 壬午,以兵部尚書楊椿參知政事 庚辰,禁兩淮抑民附種。 庚子, 己卯, 以前徽猷閣待制張字發死節, 官勳臣魏仁浦 、馬知節、余靖 以利州 丁亥,奪 西路御

牛, + 萬 用招塡禁軍 **风**刻 夏 四 加 月丁 充戶部糴本。 已,以久雨傷蠶 是月,金主亮率文武羣臣如汝、洛 辛未 ٠, 一麥,盜賊間發,命侍從、臺諫條上弭災除盜之策。 遣周麟之使金賀遷都 壬 中, 權減荆南上供錢銀絹絲米之 出天申節銀

衰 詔 手 推 命沿准州郡毋納北人。 三年。 以王 之半 、漢地及指取將相近臣計事,且以欽宗皇帝計聞。壬辰,選兩浙、江東、福建諸州禁軍弓弩 五 , 全語諭 |月癸酉朔,給||兩淮民兵荒田。乙亥,增築禁城。 部送 乙未,以吳璘爲四川宣撫使, 樞 諸路統制、帥守、監 密院按試。 辛卯,金遣高景山、王全來賀天申節。 甲午, ,宰執召同安郡王楊存中及三衙 司,隨宜 仍命制置使王剛中同處置軍事。 應變,毋失機 戊寅,韶吳拱視緩急退守荆南。 會。是日,爲 全揚言無禮,致其主亮語,求 、欽宗皇帝 帥趙密等至都堂議舉兵。 丙申,命主管馬軍 發喪,特詔 持斯

江 司 府 成 是 江 部兵三萬 池 太平三州 人成野: 荆 南府 州 庚 軍 前。 子 殿 命 中侍御 兩 浙 江、 史 陳俊 湖 福 卿言 建 諸 州 內侍張去爲竊權 起禁 軍 弓 弩手 撓政 部送 乞斬之以 明州 评

氣 六月 乙巳, 以羣臣 三上 表 始 (聽政。 丙 午, 劉錡 乞卽 日 移 軍 渡 江 詔 錡 進 一發 騎 兵 屯 揚

其 命 始 諸 午 比 州 歸 樞 御 軍 命帶 京 策 奏 密 IE Ţ 西宣 未 都 應 御 癸 丑 軍 承 器 諭 旨 出宮 馬 Z 使。 械 徐嘉 丑: 鼅 劉 聽 女三百 炎同 辛 放 教 劉錡 代行 女樂 坊 亥]提舉措 節 金主亮 九十人。 倂敕 二百 制 准 北 令 1餘人。 置 諭 遣 民兵崔唯夫、董臻等率衆萬餘來歸 所 泗 吳拱 大 蠲 歸 准 犪 臨 刑 盜 丙 嚴 安 IE. 寅, 部 賊。 備 府 至 、聽准 襄 盱眙 禁 Z 庚 陽 軍 卯 申 闕 南 , 語送 視 額 諸 彗 以 緩 錢 州 劉 出 伴 急合 錡 角。 五 使 治 年 爲 呂 田 清 遣 准 廣 師 野。 南 步 問 中、 軍 酉 云 江 戊 디 成 東 以御 都統 將以 閔 西 ,以周麟之辭 兵 史 制 浙 云 以 戚力 中 西 月 沒接之。 丞 制 遷 提 置 |汪 汴 總江 使。 澈 使 甲 爲 令 湖 戊

胎 巡 尉 金. 官 主克 兵 討 以 平 非 高 所 容、 指 戊 子 取 之人,渝 周 化 麟 之 分 遣 司 亟 還 筠 州 癸巳,云 居住 詔 ": |四川 辛 卯 ·, 振 鐵 财 給 賦 淮 自當 南 歸 專 正 任 一總領 王 辰, 所 徐嘉 如 遇 等 警急 至 肝

州

宁

臣

節

制

几

州

軍

馬。

時

雷

州

軍

賊

凌

作

亂

東

南

第

十二將高居弁

會

Ŧi.

州

本

紀

第

+

高

宗

九

秋

1

月

丙

子

命

兩浙

江

東濱海諸

州

預

備敵兵。

詔諸路

帥

臣

一教閱

土兵、

弓手。

戊寅

蜀

蘇保衡、

完顏鄭家奴

由海道

趨

兩浙

諸 調 州 發 不 是月 及 申 ,金主亮徙都汴京, 奏 則 令宣 制 司 隨 命其臣 宜措置 劉 三萼由 先舉後聞。」乙未, 唐 鄧颱州、襄 行新 ,張中彥、王彥章據秦、 造 會子 于准、浙、 湖北 鳳 窺巴、 、京西

者籍 實 半。 除 政 岡川 江 浙等路 殿 軍債。 以 率 ※學士 兵 之。 辛亥 舟 八月辛 師 五 張燾 己巳 千屯寶應。 三千發江陰,大風,退泊明州 ,以劉婉容事連坐,昭慶軍承宣使王繼先福州居住,停子孫官 上供米。 -丑朔 一, 詔 ,落致 起復 、忠義 便 丁未,以婉容劉氏 仕, 宜 成閔爲 丁巳,召田 選補戰功 人魏勝復海州 知建康府。 湖北、京 人,後勿遞減。 師 中赴行 西 癸亥,分處 (二)妄預 關澳, 制 李寶承制以勝知州事 置 在 |使,節制 聚兵 國政,廢于家。 。歸正 尋以 丙寅 〈復進。 人於淮南 吳拱爲鄂 兩 出 路 內帑 乙卯 軍 馬 0 蠲淮南、 錢 州 諸 丙午, 劉錡 .諸 七 州 萬網 軍 引兵 能自 都 蠲諸路逋欠經總制錢 京西、 統 犒 存 屯揚州, 籍其貲 制 者 戍兵之家, 湖北 從 E 便, 戌, 遣統 民秋稅之 甲寅 復 願 仍悉 制王 用資 爲 兵 李

凊 以 犯 河 給 贵 4 事 九 潁河、 中黄 堡, 月 庚 守將李彥 渦 午 祖 河口。 舜同 朔, 命大 知樞 堅拒卻之, 丁亥,成閔渡江,屯應城縣,遣吳拱戍郢州 臣朝饗太 密院事 0 金兵遂扼大散關 廟。 壬午, 辛未, 流星 宗 一晝隕 祀徽宗于 吳璘駐 乙酉 ,明堂, 青野原 詔劉錡、王權 以配 ,遣將高 博州民王友直聚兵大名, 上帝 学李 大赦。 松等援之。 顯忠、戚方嚴備 甲戌, 庚辰 金人

降。 守將 福與 留守 錡 州 夜 金 人將自 幼 稱 兼京東、河 渤 遂自將來攻,兵 · 葛王 張超 金 吳璘 詔以 河北 金人橋頭砦 解 冬十 海 金 重 人戰于大人洲 守將 諸國 臣 一褎爲 户 遣 金 拒卻之。 安撫制 .以聞,其辭多悖慢。 庚子 將彭青 人背盟 及 北 寶遂入海 蕭濟降。 皇帝 河北、 東路招討使, 朔 置使,以 破之。 甲午, 。號百 Ξ 降敕 改元大定。 詔 河東、陜西、 敗之。 復隴 乙未, 將 州 萬 榜 其徒王任 册諡 親 庚寅,成閔 辛丑 招諭 遠近 州 征 成閔 金 乙巳,金人復犯海 大行皇帝 日恭文順德仁孝皇帝, 壬辰, 人犯 中原 大震。 戊申 , 魏勝 是月, 金人自 京東、 兼京西 爲 信陽軍 遣統制趙墫部兵 攻沂州 · 、王權聞金兵大至,自廬州引兵遁 副 軍 監盱眙軍准河渡夏俊復 金主亮 民。 河南諸路, 洞口 遣軍師 河北 己亥,) 渡 敗還海州 丙 以尚書右 西路招討使。 申 准 馮穀入朝 州 蘭州 ,吳璘遣將 諭 癸卯 魏勝、李寶擊卻之。 五千駐 出 漢 丞李通爲 師共討 命宣撫 |金 奏事。 軍 以吳 人 圍 千戶王宏殺其 德安。 曹冰 金人陷蔣州。 泗州 廟號 金 制 吳璘遣將彭青 璘 之, 大都督, 復洮 置 兼 欽宗。 辛卯 李寶以舟 司 癸巳,金人犯通化軍 陜 是 傳檄 州 西 日 屯昭關。 劉錡 金國 李顯忠遣統制孔 造浮梁于淮水之 刺 吳璘遣 ,金人立其東京 河東招 契丹、 戊戌 史 引兵次准陰 師 至實鷄 温 趣使臣書至 至 將劉 劉錡 討使, 敦 西夏、 東 烏 消 海 發 海 也 河 復 劉 來 揚

本

紀

第

+

高

宗

九

六〇三

金州 拱 均州 出兵 于内 辰, 金主亮以大軍至廬州城北之五里,築土城以居。 春(三率兵突陣出,守水砦。 統 走。 告于天 丑 (遣守將翟貴、王進與戰,貴、進俱戰死,金兵亦退。 制 金主亮 借江、浙、荆湖等路坊場淨利錢三百八十萬緡以備賞軍。 、漢中 殿, 都統制王彦遣統制任 王 武 辛亥,金將 地、宗廟、社稷。 **剛等擊敗金人于淸河** 釭 陳康伯贊帝定議親征。 ·,葉義問督 招 入廬州 納北界杜海等二萬 蕭琦陷滁州 王權 視江、淮軍 命州 自 天錫出洵陽,復豐陽縣。 昭關遁, 金人又攻海州,李寶力戰敗之,解圍去。 П, 、縣諭富民捐貲 守臣陸廉棄城走。 馬,中書舍人虞 金人復來戰, 人來歸。 武鉅遣 金 人追 將荀琛 庚戌, 至尉子 助國 剛失利 復置機速房。 復鄧州。 允文參謀軍 戚方遣將張寶復蔣州。 壬子, 橋, 劉錡聞王權遁, 丁巳, 劉錡遣兵渡淮及金人戰,死者十七八。 破 改建王瑋爲鎭 戊午, 吳拱遣將 敵軍統制姚興戰死, 帝 事。 聞 知廬州 任天錫復商洛縣。 王權 金人圍廬州 金人犯眞州 侯俊、郝敦書復 自准陰引兵歸揚州。 敗, 龔濤聞金兵將 甲寅,金人攻樊城,吳 南 召楊存中同宰執議 軍節度使。 六〇 乙卯,以金人渝盟 步軍 都監權州事楊 權退保和州。 命吳璘 唐州 司統制 至, 劉錡 棄城 遣 邵 趣 丙

宏淵 歸,屯于東采石。 顏守能。 **逆戰于肾浦橋** 趙 樽引兵渡淮。 辛酉,復湯思退觀文殿大學士,充醴泉觀使兼侍讀。 , 兵敗 ,真州陷,金人不入城,遂犯 庚申 以楊存中爲御營宿衞使。 揚州。 趙墫復褒信縣。 己未,任天錫復商州, 分行在官吏三之一 王權 自和州 執其守完 遁

六〇五

本

紀

第

Ξ

+

高

宗

九

葉 騎 淵 汪 遁 陽 趙 綃 浚 111 民 御 扈 人 奄 爲 應 縣 義 撙 撙 觀 招 塔 陷 從 至 辰 文殿 池 問 復 復 + 丙 槍 先 揚 餘 庚 戊 寅 江 州 詣 蔡 平 鋒 至 仗 州 招 月己 午 辰 鎭 興縣 都 浙 州 大 都 李 准 行 學士 統 東 統 江 弓箭 統 1遭常 通州 殿 籫 斬 東 措 制 巨朔, 0 制 中侍 遇 制 安撫 其 置 乙丑 守 詔 手 巾 (金舟 總管 魏 事 判 海 金 起 赴 燕 俊、 臣 使 0 御史杜幸老 邵宏 潭州 X 道 江 , 行 湖 金 崔 楊 師 劉 金 犯 王 人陷 在 澤棄城 邦弼 主 |浙 寓 于 人 淵遣統領 方 瓜 壬 廖 一管步 趨 吳璘 死 州 申 和 金 棄 分御 西縣 腷 瓜 人入入 州 建 城去。 奔泰州 州 劾 軍 造統制 鎭 以 諸 營宿 陳家島 內侍張去爲 崔皋及金人戰于定山 司 張 葉 江 劉 揚 州 壬 李 中 後判 義 戌 鈽 州 僵丁 辛未, 捧 衞 吳 問惶怖欲退 遣 軍 o 爲 以 爲 以) 挺、 統 建 大 統 王 赴 前 五. 戶 將 ()敗之, 權 制 康 成関 領 江 一、帝不 向 上勞 軍 軍 部 府。 劉 員 自 上 0 起等及金 都 侍 · 采石 、琦拒之于 氾 引兵發應 諸 斬完 於 金 統 郎 悅 走, 戰 召 軍 人 劉 制 征 王 敗 夜還建 0 去爲 八攻秦州 復趨 顏 一学爲 討 , 權 走 敗之。 武 人戰于 鄭家奴等五 趙) 皂角林 赴 城縣 避 建康 一致仕 鉅 撙 御 權 行 康 殿減膳。 復 一營隨 復 向 都 在 任天 虢州 德 郣 新 援淮 起、 統 出) 金 蔡縣。 大 順 復 軍 制 幸老 以 人錫復 盧氏 人游 吳挺 敗 劉錡 人。 軍 如 都 李橫 李 西 公之,斬: 之治 轉 采 顯 知遂寧府 虢州 縣 騎 擊 劉錡 石 癸亥 運 退 遣權 忠 亦 至 使 卻 平 軍 任 其統軍 代 遁 無爲軍 還 砦 甲子 瓜 天錫 守將 募諸 吏 李 鎭 州 部部 金 、顯忠 敗之。 , Ţ 江 鎭 邵 侍 蕭 高 復 州 X 府 卯 鐵 守 朱 景 宏 郎 信 張 金

是 通 編 統 帛 捧 死 卯 舟 石 南 復 臣 爲 化 管 一亮引 一韓髦 ,以湯思退爲行宮留守。 , 戦 陷 制 渡。 **帅撃**金 給 英州 京畿河北 鎭 軍 軍 其家薪 勝 皮 江 軍 棄 李 成 丙 甲 編 寶泛: 閔 文 都 王彦遣 趨准 卻 城 人于楊林河 戌 管。 之。 統 船 自 , 走 炭。 西路准北壽亳州招討使, 池 虞 l京西 如鎭江 海 制、 東。 江 州 允 將楊堅、党清 南 崔定 癸酉 淮 州 任 統 還建 文 癸未, 歸。 東制置使、 天 統 制 督 一備敵。 復巢縣 錫 制 准 官 建 金 康 , 吳璘病 崔定等 復 李貴 又敗 寧府民陳亨祖 康 人復攻陝州 陝州 虚恨蠻 遂 諸 甲申 如 之。 至 任 忠義 軍 京東 鎭 西京長 復 天錫 統 , 自仙 配嘉州 江 丁亥 入無 贈 金主亮焚其 制 首 西 姚 官 復 吳拱爲湖北京西制置使、京西北路招討使。 領 路 , 人原還興州 戊子, 水 任 刺 興、 爲 E 張 孟 劉錡 河 縣 天 籠蓬堡,官 軍 同 津 俊復順 振 北東路准北泗 錫 魏俊、 及 知完 吳璘復 以 商洛 八舟而 金 破 乙亥 (疾罷 走 琪、 人戰,敗之。 顏 昌府 王方官。 之,復 二縣。 去。 耶 力 留姚仲 軍 金 時俊、 , 魯 疾 大敗 主主亮 以御營宿 戊寅, 金州 犯 宿州 上 以 襄 仙 戴皋等 臨 節制軍事 金主亮 其 丑: 將 副將鄭祥等爲所殺。 庚寅, 人原。 陽 王彥遣將楊堅復欒川 江 城 招討使了李顯忠爲 , 那進 衞 虞 築 來 統 以 中 允文遣 壇 至 歸 復 制 復 軍 0 舟 己 揚州 官 華州 長 刑 統 丑: **虞允文自采石**率 師 趙墫 水縣 李勝等 馬祭 三,王 制 水軍 拒 劉銳權 金 引兵 權 Z 丙戌 天 統 主 酉 貸死 拒 癸巳,以 淮 制 亮于東 去 期 甲午 卻 庚辰, 盛新以 鎭 貸 낈 賜 縣。 西 瓊州 之,復 劉汜 制 戰 蔡州 江 翌 成 都 金 采 日

武

鉅 遣 鄕 兵 總轄 杜 隱 等 復 嵩 州 乙未 , 金 人 陷 泰州 是 日 , 金 人弑其主亮于揚州 龜 Ш 寺 戊

戌,金都督府遣人持檄詣鎭江軍中議和。

卻之。 發 縣。 州 北 次 江 癸 丙 甲 쬭 文 沿海 鎭 辰 蹜 北 北, 午 兵 渡江 雜 安 進討 金 壬 犯 江 + 虞 淮 淮 楊春 至瓜 寅 制 妃 府 兵 允 建王 東 虚 東 罪 月己亥朔,趙墫 置 天有 統 文 互 統 使、 去 州祭金兵。 以 夜攻金人,殺其帥高定山 庚 自 相 制 從 制 申 下 王選 鎭 白 應 行 李 劉 凶 京東 , 吳璘 氣 江 援 顯 銳 復 忠復 入 庚戌 賞采石 東路招討使。 楚州 以|趙 遣將拔金 見。 陳敏 沿 金人犯漢南之茨湖 夜襲 江 諸 密 均州 和州 引兵入 金 功 蔡州 爲 A 大 Ţ 人治 行宮在 渡 未 帥 統 進統制張振、時俊等官 |淮 泗州 領 條 吳璘 金統軍劉萼聞 平砦。 杜 昝朝 復 陳 復廬州 北 隱 入 城 去。 恢 造將復 人其城 等 鄂州 復 復 都 入 壬子 總管 鄂州 鄧 事 河南 戌 宜 州 統 水 辛丑 王 制 2 軍士 洛 一次湖敗 彦 府。 曲 楊欽 次平 復岳 成閔 Z 城 ,以李寶爲靖海 三, 赦 遣兵復 史俊登 新 吳拱 以 江 州 渡江 金 張浚至慈湖 金綱 復 舊名 舟 0 人 人遣統領 亦 州 之揚州 其 福 韶 復 師 退 軍. 昌 舟 督 追 破 師 壽二州巡檢高顯以壽春府 縣 獲 右 敗 視 汝州 牛宏 甲子 金 軍 軍節度使、 府。 王彦遣將閻 庚子 統領 癸卯 人 命 將, 入汝州 , 牛宏敗 于 虞 李 降 介。命 , 人允文 洪 顯 沙 諸 淮 楊 澤 軍繼進 忠 世 諸 浙 存 南 還 引 堅 走。 鎭 路 珇 中 西 戊申, 京西 兵 入 至 復 招 通 及 戊午 渡江 泰州 鎭 Z | 虞允 討 澠 泰 逐擊 言 池 海

太

紀

郭

Ξ

+

_

嚭

宗

九

來降。 軍節度使。 Ţ 卯 ,命諸 金主襃旣立,下令散其衆, 道籍 鄉兵。 初,王友直、王任聚兵, 友直等自壽春來歸。 嘗命友直爲天雄 是月, 金主 軍 知亮已死,遂趨燕 節度使, 任為 天平

以楊存中爲江、淮、荆、襄路宣撫使,虞允文副之。 乃 嗣 四 卯,李顯忠引兵還建康。庚辰,罷郡守年七十者。 改命存中措置兩准 位。 ,金兵引去。庚午,發鎭江府。 權 三十二年春正月戊辰朔,日有食之。帝在鎭江。 知東平府耿京遣其將賈瑞、掌書記辛棄疾來奏事。 以耿京爲天平軍節度使、 壬申,至建康府,張浚入見。 知東平府。 庚寅, 壬午,金人復犯蔡州 給事中金安節、中書舍人劉珙繳奏再上, 詔新復州縣搜訪仗節死義之士。 己巳,金人犯壽春府, 己 ∄; 丙子, 桃翼祖 ,金主遣其臣高忠建等來告 主于夾室。 忠義將劉泰戰 丙申, Z

四 州 招 ,

王宣及

金人再戰于

汝州。 軍市馬及與吳璘議事 ,守將王宣逆戰敗之。 二月戊 (戌朔, 罷借 兩浙、江、潍坊場淨利錢。以虞允文爲兵部尚書、川陝宣諭使, 癸卯,帝發建康。 庚子, 庚戌,金人全師來攻,宣敗績棄去。辛亥,金人復犯順昌府 興州統領惠逢等復河州。 惠逢復積石軍,又克來羌城。 振兩准饑民。 丁未,劉錡薨。 壬寅, 金人犯汝 措置

于蔡州 州秦弼及其子嵩來歸。 戌,詔軍士戰死者祿其家一年, 傷重 復 姚 了。 mi 引兵 仲 新 攻 拒 、來攻, 鞏州 卻 確山縣。 之、尋亦 不 **撙**又敗之, 下 趙墫棄蔡州 , 棄去。 退守甘谷城 王彦遣兵救陝州 金兵遁去。 壬子 ,賞蔡州 遂引兵 丙寅,金人復取之。 姚仲遣副將趙銓攻下 鎭戎 而死於營者半之。 王彥遣將馬 功,趙墫等進官有 重 ,遇金人于虢州東,敗之,金兵引去。 德 順 軍 貴斷 丙 辰 河 乙丑, , 金 差。 中南橋, 入犯 乙卯 王宣及右軍副將汲靖敗金 察州 金兵 ·, 至 (來攻, 臨 趙 安府。 灣擊 貴戦 軍 卻 丁卯,吳珙遣 興元 金同知渭 敗之。 都統 戊 制 壬

丙子 砦 諸軍 璘 遣 、新店 戦 艦 楊從儀等攻拔大散關,分兵據和尙原, 里 姚仲遣將復原州 月癸酉 是月 庚寅 金人破 ,張安國等攻殺耿京,李寶將王 王, 剛破金人于 河州 戊寅, 祔欽宗主于太廟 , 屠其城。乙亥, 海州 辛 卯,楊椿罷。 金人走寶鷄。 命楊存中、李顯忠固守新復州軍, 世隆攻破安國 癸未, 壬: 振 辰,姚仲攻德順 丙 淮南歸正 戌 ,執之以 給張浚錢十 獻 人。 軍 金 T, 敗金· ·九萬 人犯 量度進 続州 人于瓦亭 江

將復

永安軍

、永寧福昌長水三縣

戊申 項 城 ·,吳璘復德順軍,又遣將嚴忠取環州。 甲辰, 罷扈從官吏賞典。 乙巳、錄商、號之功,加吳璘少傅、王彥爲保平軍節度使。 辛亥,命兵部侍郎陳俊卿、工部侍郎許尹經畫兩

三月壬寅

更定金使入境接件、館件舊儀。

癸卯,成閔遣統制杜彥救准寧,擊敗金

本

紀

第

=

+

_

高

宗

九

屯 田 癸 丑: 金 人圍准寧府, 守臣陳亨祖死之。 甲寅, 吳璘自德順 軍 復還 河池 金

准 陷 犯鎭 淮 堡砦 · 寧府 戎 軍 統領戴規戰死。 丁巳, 遣洪邁等賀金主即 成閔 歸自淮 東。 位。 辛酉, 戊午, 金人攻原州 忠義軍統制、 丙寅 知 蘭州王宏拔 詔舉賢 良。 會州 金

子 耕 武 破 淮 州 大 大都 東荒田 軍 夏 邁等辭行 四 上 月丁 一供銀絹、米麥及經、總制錢一年。 飛虎結約河 '卯朔, 蠲其徭役及租稅七年。 ,報聘書用敵國禮。 東 姚仲遣兵救原州 壬申, 賞御營宿衞將士四萬餘人, 是月,大雨,淮水暴溢數百里,漂沒廬舍,人畜死者甚 戊寅 己巳, 蒙城縣(四)民倪震率丁口數千來歸。 以御史中丞汪澈參知政事。金人圍海州 命侍從、 臺諫條上防秋足食足民策。 進官有差。 癸酉, 甲戌,募民 蠲准東殘 遣 左 戊

太尉 卯, 買 堰,大敗之,金人解去。 1 3 寫 馬 知順 監 體泉觀 五 , 命 四 川 振東北流民。命張浚置御前萬弩營,募准民爲之。甲子,詔立建王璋爲皇太子,更 月戊戌,吳璘自河池 昌軍 使,奉朝 孟 昭率部 總領 請 官 **金藤** 曲 甲寅,命張浚 來歸 鼅 其 御營宿 如 鳳翔巡邊,姚仲遣兵救原州,數敗金人。 職 衞 壬寅 專一 司。 吳璘遣將復熙州 姚仲及金人戰于原州北嶺 一措置 辛亥, 兩准 鎭江 事 都統制張子蓋救海州 務 兼 壬戌, 節 制 准 禁諸軍互招逃亡。 東西、沿江 、敗績 庚子,復置提舉秦州 戊申,復以 遇 州 郡 人于 軍 加鄭藻 馬。 石湫 楊

名| 春。 給官 Ш ,復租十年 加成閔太尉,主管殿前 ; 願爲兵 、者赴 司 軍 ; 中。 李顯忠爲太尉, 主管馬 軍 司。 籍諸州歸正 人, 願爲農者

帝位。 天體道性仁誠德經武緯文紹業興統明謨盛烈太上皇帝 太師、中書令,追封秀王,諡安僖;妻張氏封王夫人。乙亥,朱倬罷。 兵。 戊辰,名新宮日德壽。 六月丙寅朔,吳璘次大幽嶺 帝稱太上皇帝,退處德壽宮,皇后稱太上皇后。孝宗卽位, 庚午,以吳珙主管步軍司。 ,檄召姚仲至軍前,下河池獄,命變路安撫使李師顏代將其 罷三招討 司。 累上尊號日光堯壽聖憲 丙子, 甲戌 詔皇太子卽皇 加贈兄子偁

仁憲孝皇帝。 六年三月丙寅 淳 熙 十四四 年十月乙亥, ,費于會稽之永思陵。 崩于德壽殿,年八十一。 光宗紹熙二年,加諡受命中興全功至德聖神武文昭 諡曰聖神武文憲孝皇帝, 廟號高宗。

晑 位 立 于南京 於建 而 繼周 贊日: 鄴 :六君者,史皆稱爲中興而 ; 昔夏后氏傳五世而 唐傳六世有安、 |漢 傳十有一世而 史之難, 新莽竊位,光武復立 后羿篡, 有異同焉 肅宗即位于靈武;宋傳九世而徽、欽陷于金, 少康復立 而 而興漢;晉傳四 祀夏; 周傳九世而 世 一有懷、愍之禍, 属王 一死于彘, 高宗纘 元帝 宣 王復 IF.

本

紀

第三十

__

高宗

九

校

勘

記

餘責焉。

ブーニ

屬, 少康、宣王、肅宗、高宗則父子相承者也。至於克復舊物,則晉元與宋高宗視四君者有 夏經齊、促,周歷共和,漢間新室、更始,晉、唐、宋則歲月相續者也。 蕭王、琅琊皆出疏

幸也。 財匱 ,而事之難處又有甚於數君者乎? 君子於此,蓋亦有憫高宗之心,而重傷其所遭之不 高宗恭儉仁厚,以之繼體守文則有餘,以之撥亂反正則非其才也。 况時危勢逼, 兵弱

遷窮僻,重以苗、劉羣盜之亂,權宜立國,确虖艱哉。 士,爲之扼腕切齒。帝方偷安忍恥,匿怨忘親,卒不免於來世之誚,悲夫! 然當其初立,因四方勤王之師,內相李綱,外任宗澤,天下之事宜無不可爲者。顧乃播 坐失事機。甚而趙鼎、張浚相繼竄斥,岳飛父子竟死於大功垂成之秋。 其始惑於汪、黃,其終制於姦檜,恬墮 一時有志之

校勘記

婉容劉 氏 據本書卷二四三劉婉儀傳, 「婉容」當爲「婉儀」之誤。下文「以劉婉容事連坐」, 亦

誤。

 \equiv 彭青 原作「潘青」,據上文同月丁亥條改。「青」字,繁年要錄卷一九二、宋會要兵一四之三六 勘 記

 \subseteq 都監權州事楊春 都作「清」,北盟會編卷二三一、二三三都作「青」,卷二三二又作「清」。 「楊春」,原作「楊椿」,據繫年要錄卷一九三、北盟會編卷二三五改。下文十

二月庚子條「楊春」同。

(四) 蒙城縣 「城」字原脫,據繫年要錄卷一九九補。 本書卷八八地理志淮南路亳州有蒙城縣。

